

10
3-E
26



Ex Bibliotheca
majori Coll. Rom.
Societ. Jesu

83528

84
A
9

1A-2-D-1.

26

HISTORIA JUDAICA

RES JUDÆORUM

A B

Everſa Æde Hieroſolymitana,

A D

Hæc fere tempora uſque,

COMPLEXA.

De Hebræo in Latinum verſa

A

GEORGIO GENTIO.



AMSTELODAMI,

Veneunt apud PETRUM NIELLIUM.

7 CIO IO CLI.



SUMMA PRIVILEGII.

CAutum est authoritate Præpot: DD. Ordinum fœderatæ Belgicæ, seorsim quoque Hollandiæ; ne quis Historiam hanc Judaicam Latinè, vel alia lingua versam imprimat, vel alibi impressam in hanc fœderatam Belgicam inferat, atque divendat: sub omnium librorum & alia insuper pecuniæ mulcta: quemadmodum latius in diplomatis patet. Dat: Hagæ Comitum Anno 1610 15 JULII.

In confessu Ordinum
Generalium 30 Junii,

JACOB VETH.

In Confessu Ordinum
Hollandiæ 7 Julii.

J. CATS.

Ad mandatum eorundem Ordinum.

N. RUYSCH.

HERBERT VAN BEAUMONT.

Ex Bibliotheca Rabbinica de hoc libro


CL. BUXTORFII Judicium.

SCHEBET JUDA, Tribus Judæ. Liber historicus, de variis calamitatibus, martyriis, dispersionibus, accusationibus, ejectionibus Judæorum: item de disputationibus aliquot in Hispania & Italia inter ipsos & Christianos habitis: item quomodo olim princeps in Israele sit electus & inauguratus: quomodo Sanctuarium olim fuerit exstructum, & quomodo Sacerdos maximus in eo sacra peregerit in die expiationum: quid actum fuerit, cum agnus paschalis offerretur, & plurima alia jucunda lectu.

ILLUSTRES, MAGNIFICOS,
ET
NOBILISSIMOS
CONSULES,
PRUDENTISSIMUMQUE
SENATUM,

ET
TOTUM POPULUM

INCLYTÆ
HAMBURGENSIIUM
REIPUBLICÆ.



Illustres, Magnifici, Nobilissimi
CONSULES,

& cæteri inclytæ Reipublicæ prudentissimi

PATRES.



Niverſi conditor
& rector DEUS
res præclariffi-
mas, gemmas in-
quam, tanquam
naturæ arcana in-
genti montium
mole, ut impene-
trabili mortalibus clauſtro abditas re-
poſuit, ne ſcilicet obviæ ſi eſſent, illa-
rum pretium minueretur, horum fa-
ſtus promiſcue attolleretur. Condito-
ris exemplo mortales pretioſiſſima
quæ-

quæque firmissimis locis recondunt ,
ne omnium oculis exposita vilescant ,
& augustum splendoris nomen ob-
scuretur. Non itaque sine ratione
augustissima divinæ Sapientiæ gemma
in recondito & arduo linguarum ge-
nere relucet : Durissimus Mosaïcæ
legis Adamas , inter Arabiæ montes
divino munere natus , Hebraïcæ lin-
guæ asperitatibus resplendet : Suave
rubens Sanctissimi Evangelii Hiacy-
nthus in Græcorum campis refulget .
Latis hisce vario linguarum genere
æquitatis legibus , maximum inter illos
cernitur discrimen , qui illas colunt :
Christianus suæ originis memor , mitis
est , mansuetus atque beneficus , amat ,
etsi non ametur ; tolerat , etsi non to-
leretur ; & benefacit , etsi illi nunquam
benefiat ; ratione non sanguinis &
fui , sed sacratissimi Servatoris ha-

bita, qui injurias non vindicavit, nec percutientes hostes unquam reperiit. E contrario Judæus durus, animo elatus, sui adamantis splendore & gloria tumidus, jactat alios tanto munere indignos, se solum hominem, alios vix hominum loco censer, alios non fert, nisi in verba sua jurantes, & impotenti servitutis imperio frangendos & vindicandos: cum tamen naturæ lex, inter se genere pares ferendos esse doceat; & leges divinæ, priscorum exempla, non vi, sed ratione & pietate aliorum salutis invigilandum esse imperent. Illustre tradit nobilissimus autor Sados, venerandæ antiquitatis exemplum, Abrahamum Patriarcham, hospitalitatis gloria celebratum, vix sibi felix faustumque credidisse hospitium, nisi externum aliquem, tanquam aliquod præsidium domi excepisset hospitem, quem

quem omni officiorum prosequere-
tur genere. Aliquando cum hospi-
tem domi non haberet, foris eum
quæsiturus, campestria petit, forte vi-
rum quendam, senectute gravem, iti-
nere fessum, sub arbore recumbentem
conspicit. Quem comiter exceptum,
domum hospitem deducit, & omni
officio colit. Cum cœnam apposi-
tam Abrahamus & familia ejus a pre-
cibus auspicaretur, senex manum ad
cibum protendit, nullo religionis aut
pietatis auspicio usus. Quo viso A-
brahamus eum ita affatur: Mi senex,
vix decet canitiem tuam, sine prævia
Numinis veneratione, cibum sumere.
Ad quæ senex: ego ignicola sum, isti-
usmodi morum ignarus, nostri enim
maiores nullam talem me docuere
pietatem. Ad quam vocem horrescens
Abrahamus, rem sibi cum ignicola
pro-

profano, & a sui Numinis cultu alieno
esse, eum e vestigio à cœna remotum,
ut sui consortii pestem, & religionis
hostem domo ejicit: sed ecce summus
Deus Abrahamum statim monet: Quid
agis Abrahame? Itane vero fecisse te
decurrit? Ego isti seni, quantum vis in me
usq; ingrato, & vitam & victum, cen-
tum amplius annos dedi, tu homini nec
tinam cœnam dare, unumq; eum mo-
mentum ferre potes? Qua divina voce
monitus Abrahamus, senem ex itinere
revocatum domum reducit, tantis offi-
ciis, pietate & ratione colit, ut suo ex-
emplo ad veri Numinis cultû eum per-
duxerit. Vos quoq;, Proceres nobilissi-
mi, cum pari studio Judæorum gentem
habeatis, laudatissimo more atq; exem-
plo, pietate potius servare, quam seve-
ra disciplina excludere, eos tanquam
perditas Christi oviculas colligere,
quam

quam dissipare mavultis. Cum hicce
liber Judæorum res & mores diligen-
tissime perscribat, merito vestro no-
bilissimo nomini eundem consecrare
visum fuit, ex quo, quam infandis mise-
ra gens malis laboret, cognoscere vo-
bis licet. Pergite, optimi Proceres, ser-
vare insigni vestra pietate, quos Chri-
stus Servator noster servare ipse voluit,
nobisque servandos serio præscripsit :
Qua ipsa re fiet, ut vos, nobilissima ce-
leberrimæ Reipublicæ Capita, in hac
vita pari cum Abrahamo gloria, in fu-
tura pari felicitate beati fruamini : cui
certe voto, cum vobis propensus ad
pulcherrimam, ob servatos homines
laudem, non desit animus, nunquam
auspicio suo deerit benignissimus
Deus.

NOBILISSIMO VESTRO NOMINI

Addictissimus

GEORGIUS GENTIUS.

★★

P R Æ F A T I O A D L E C T O R E M.



Ræstat, BENEVOLE LECTOR, nervoso verborum compendio res multas complecti; quam dissoluta orationis luxurie, velut inanis tympani strepitu omnia implere. Illud, ut exile aurei numi corpus, singularem splendorem, gravius pondus, & maximum sui pretium: hoc vero, ut æneus, ingentem magnitudinem & cum obscuritate pretii levitatem ostendit. Quapropter sine operosa inanum verborum circuiti-
one de HISTORIA, quæ dicenda putamus, hic compendio dicimus. Neminem equidem ignorare arbitror, quanto semper antiquis in pretio fuerint rerum gestarum Scriptores, ut qui laudatissimo labore æternum sibi monumentum, & immortale erudiendis posteris benefi-

neſcium reliquerint ; quo elapſorum tempo-
rum faciem metimur; & ſenes dici poſſumus,
dum adoleſcentes ſumus. Paſſis HISTORIÆ
velis , non tantum res extremis majorum no-
ſtrorum temporibus geſtas cognoſcimus ; ſed
etiam in primum orbem a Deo conditum ,
poſtea non tam aquarum mole ſuperatum ,
quam infandis mortalium ſcleribus ſubmer-
ſum feliciter navigamus. Diſcimus, quæ hujus
univerſi vera fuerint initia; nec fabulis acti in-
ſanam mundo adſcribimus originem: qualem
olim non pauci mundo affinxerunt, opinion-
ibus, id eſt, fabularum principiis in devia erro-
rum abrepti. Alius mundum æternum ; alius
vero incertis ſeminibus natum eſſe credidit.
Alii ſerio ineptientes ridiculas poſteritati ven-
diderunt fabulas : qui divinum illud animal ,
hominem inquam , folliculis fabarum more
innatum & ortum prodidẽre. Horum quidem
ita futillum commentorum autores non inter
homines certe putandi ; ſed inter fabas una
cum fabaceis ſuis commentis rejiciendi erant.
Cordatis vero inter has anicularum fabulas ve-
ra advocanda eſt HISTORIA, quæ LUX,

FAX & mortalium Oculus merito dici debet. Præstans nobis; si non majus, haud certe inferius, quam quod nautis in vasto mari per incerta errantibus beneficium conferre magnes solet: quo ut hi sæpe naufragos scopulos declinant, tristissimaque fata evitant: sic nos HISTORIARUM luce & oculo, perspectâ rerum gestarum certitudine, commenta, fabulas, & ineptorum deliria feliciter præternavigamus. Hæc nobis veluti in theatro, singulari quodam beneficio, lapsa reddit tempora, majorum nostrorum vitas & mores, gentium & imperiorum vicissitudines describit: aliorum modo præcipites casus & interitum; aliorum vero semina & ortus. Divinum certe munus, quo jam non homines; sed aspectabiles Dii sumus, quia veluti Jani bifrontes præterita pariter ac futura spectamus; quæ ad vitæ usum traducantur. Scilicet res retro gestas, repetitis ab orbe condito seculis historiarum oculo pēnetramus; & in futura sive gerenda, nescio quâ luce & claro judicio quam longissimè prospicimus. • Quid vero gratius posteritati contingere potest, quam ut, repetitis majorum virtutibus ad
illorum

illorum exemplum non minora moliri, & laudandis patrum vestigiis insistere discat. Vel etiam ex tristibus majorum fatis paulo altius sapere studeat. Salutare enim est, alienis doceri exemplis. Felicior certe multo est, qui alieno malo sapiens vulnera prudenter evitat; quam qui temere excepta longâ curâ sanat, vel plane desperata perpetuo luctu deplorat. O beatas delicias, varietate rerum ita insignes, & incredibili voluptate ita suaves; ut quemlibet non tantum capere, sed in ipsis deliciis submergere posse videantur! Quem non in hæc tam præclara studia concitare possit & debeat, majorum nostrorum virtus & gloria, præsentium necessitas, atque posteritatis cura & amor. Quo vero quis eminentiori præ cæteris loco est positus, eo majori, Historiam, qua potissimum indiget, loco habere debet. Alioquin dux sine oculo, aliis viam quomodo monstrabit, cum ipse cæcus aliena manu ductione egeat. Hic igitur, Benevole Lector, tibi damus HISTORIAM JUDÆICAM; gentis olim quidem nobilissimæ; nunc vero fato suo per totum terrarum orbem omnium contemtissimæ: Quæ uti per aliquot

aliquot retro secula nihil præclari molita ; ita modicam laudum suarum auctori præbuit materiam. Auctor ipse Hispanus, nomine Salomo filius Virgæ, Medicæ artis peritus , historiam hanc in mediis gentis suæ calamitatibus Hebraice perscripsit , cujus ego argumentum ad pauca hæc capita haud incommode mihi revocare posse videor. I. Caput vagabundæ Hebræorum gentis mala continet, quibus reliquæ gentes eam internecione delendam subinde invaserunt. II. Aliquot sceleratorum fraudem, qui diversis temporibus se Messiam mentiti , Judæos novi & diu sperati Messia avidos ad se pellexerunt, & turbas haud impune dederunt. III. Quædam in Thalmudico opere obscure dicta, quæ fabularum instar sunt, argutè explicantur. IV. Controversiæ proponuntur, V. Traditur modus , quem in creando Principe suo olim Hebræi observare solebant. VI. Sacra ædis Hierosolymitanæ exponitur fabrica , & sacra, quæ Pontifex maximus celeberrimo illo expiationis die faciebat. VII. Ritus, quo, Paschatis festo, agnum Paschalem immolare mos illis erat. Sunt præterea & multa alia scitu
mini-

minime indigna, religionem, vitam & mores.
Judæorum spectantia. Nec tamen diffitemur
esse in hoc ipso autore nonnulla, in quibus Iudæ-
um fuisse agnoscas, nos iis omnibus in notis ali-
quando abunde, Deo juvante, occurremus. Ut
tamen librum Romano sermone donarem, me
summa movit scriptoris autoritas, quam sibi ap-
ud omnes Judæos hoc opere conciliavit: unde
factum est, ut liber ille communi Judæorum
applausu diversis locis lingua Hebraïca hæcte-
nus impressus fuerit: Venetiis in Italia, Thessa-
lonicæ, quæ Macedoniæ caput, nunc tempo-
ris etiam urbs est frequentissime habitata, Con-
stantinopoli in Thracia, & Amstelodami in Ba-
tavia. Neque vero contenta fuit docta Judæo-
rum aviditas, sibi soli hujus libri linguâ Hebra-
icâ patere aditum, quin in vulgi gratiam aliis
etiam sermonibus, Germano & Lusitano sci-
licet, autorem donarunt: hoc nuper exem-
plum Amstelodami per Lusitanum Judæum,
illud charactere Hebraïco Pragæ in Bohemia
olim expressum, jam vero Amstelodami recu-
sum fuit. Adeo, ut liber iste, non tantum a do-
ctis legatur; sed a vulgi etiam manibus quasi
atteratur

atteratur. Sed eo magis forte librum amat atque
æstimat gens Hebræa, quia multis calamitati-
bus fessa benignos aliquando rerum suarum in-
terpretes divino quodam munere vel invenit;
vel humana mercede comparavit; vel ipse au-
tor erigendis fovendisque dejectis suorum ani-
mis quædam consulto lætius extulit. Cujus libri
cum inter Hebræos tantam viderem esse com-
mendationem, me rem gratam facturum rebar
foro Romano, si autorem ex Hebræorum ser-
vitude & erroribus ereptum, in libertatem
transcriberem. Accipe igitur, Præclare Lector,
librum ea fide, integritate atque diligentia a no-
bis versum, quâ cum autor Hebræus nobis in
lucem emisit; imo beneficio & copia vari-
orum exemplorum, quibus feliciter potiri con-
tingit, multis in locis locupletiore. Quæ enim
Hebræis solitum est, sibi nota abrumpere; ea,
ut civibus Romanis ignota adjecimus sive ex-
plevimus. His Præclare & Benevole Lector te
salvere & bene valere jubeo, unum hoc tantum
a te petens, ut si grata hæc tibi nostra qualiscun-
que opella fuerit, me voto tuo & bono omine
adjuvare velis. Iterum vale mi Lector & fruiere.

HISTORIA ¹ JUDAICA.



Rimum Judaicæ gentis excidium fuit tempore Antonij Imperatoris Romani, cui Hierosolyma valida cum manu contendenti sese junxit Regum Græcorum quidam, nomine Cæsius. Imperator jamjam Hierosolymis imminens audivit, ut amisso marito facta fuerit vidua Regina Ægypti, cui Cleopatrz nomen erat: quam cum fama ob corporis pulchritudinem omnibus mortalibus præferret; Imperator impotenti ejus amore acrius exarsit. Eam ob causam legatos misit in Ægyptum, qui matrimonium ejus ambirent. Consentientem sibi matrimonio junxit, eâ tamen conditione; ut priorem uxorem, quæ Romæ erat, prius repudiaret: cui Antonius annuit. Repudiata autem Imperatoris Octaviani soror erat. Visa rei turpitudine Senatus Romanus, Imperatorium fastigi-

A

stigium ab Antonio in Augustum transferre statuit. Collato in Augustum Imperio, disseminarunt nonnulli Judæis infesti, Reginam Ægypti pacem & amicitiam coluisse cum Judæis, qui Antonio & Reginæ contrahendi matrimonij fuissent autores, ut Antonius matrimonij beneficio belli impetum ab ijs averteret. Quô Romani Patres auditô decreverunt, Imperator Augustus Hierosolyma peteret, & primum Antonium, deinde Judæos ultum iret. Tum ivit Augustus cum valido exercitu, ex omnibus mundi gentibus collecto; quippe eo tempore Romani Imperij magnitudo orbis terrarum terminis continebatur. Bello inter Antonium & Augustum aliquandiu gesto, vicit Augustus, fugit Antonius. Imperator vero Augustus Cleopatram unâ cum duobus filijs prioris matrimonij testibus trucidavit. Postea bellum in Judæos convertit, quorum maxima fortitudinis vis magnam Romani exercitûs partem prostravit: ut tum Imperator militiæ ducibus dixerit; Bello cum Judæis abstinendum censeo, quia nobis non cum hominibus; sed leonibus atque tigribus res est. Cui duces responderunt: Hancine ignominiam Romano nomini inuremus? Quin majoribus animis bellum capeffimus, & fortius pugnamus: si occumbimus, gloria nostra æternum vivet.

Instaur-

Instaurato igitur majori fortitudine bello, muros Hierosolymorum dejecerunt, quibus dejectis atque urbe subacta opima præda potiti sunt. Prætor, qui nomine Romanorum Judæis præesset, relicto; magna cum gloria triumphans Imperator Romam rediit. Verum exacto anni spatio, Judæi a Romano imperio deficientes prætorem sustulerunt. Quô auditô, Imperator irarum Furijs accensus, coëgit exercitum altero tanto majorem; quippe virtutis atque fortitudinis Judæorum non ignarus. Valla & fossas duxit, quæ prima obsidione contemptu Judæorum ducere neglexerat. Integro anno obsidione consumptô, tandem urbem expugnavit, atque infinitum Judaicæ gentis numerum, vel ipsâ littoris arenâ majorem occidit; ut Imperator manibus in Cælum sublatis dixerit: Magne Deus, ne mihi cladis hujus, quâ tam multi pereunt, culpam imputes; quippe Judæi ipsi sibi sui mali autores sunt. Postea Judæorum principes Romam duxit captivos: neque vero hic divina vindicta stetit; sed aëris victusque mutatione, tum perpetuâ peccandi consuetudine obierunt omnes, quorum cadavera Roma sepelivit. Sic in Annalibus Regum Arragoniæ perscriptum est.

II. Excidium secundum tempore Ben Siræ di-

A 2

rum

rum fuit; cujus mihi origo non innotuit. Scriptum tamen legi, tricies millenos homines a lege Mosai-
ca defecisse, & reliquos Numinis reverentiam re-
tinentes fuisse exustos. Ben Sira autem fuit Josua,
filius Sirachi, qui nepos fuit Josuæ filii Jozedèci Pon-
tificis maximi. Christianis vero Jesus Sirach voca-
tur, quemadmodum scripsit Hieronymus. Sapiens
ille scripsit librum, qui Christianis Ecclesiasticus
dicitur, quem, dum ut sapientiæ miraculum autho-
ritate pollet, sacris codicibus annumerant.

III. Excidium tertium incidit in annum quater
millesimum quartum: Persæ ab Arabibus nondum
devicti Judæos invadunt, quos tamen antea amore
& honore persecuti fuerant, quippe tum temporis
inter Judæos erant viri sapientiæ famâ celebres, viris
Hierosolymitanis ante excidium candore & integri-
tate minime inferiores. Rex illos liberare quidem co-
natus; sed ob infesti populi frequentiam non potuit;
veritus populi defectionem, quia jamjam fax belli
Arabici contra Persas exarserat: videns itaque
Rex ipsorum fremitum, qui, ut religionem suam
in majus promoverent, turbas ciebant, ipsis invi-
tus suffragatus conjecit in vincula tres Iudæorum
Principes, Amimar, Murica, & Masarsia dictos,
qui exulum facile Principes erant. Hos virgis cecidi-
dit

dit crudeliter, ut a lege deficerent, & populum suum ad defectionem pellicerent. Verum hæc omnia passi beatæ memoriæ viri hanc calamitatem fortiter superarunt, atque summum Deum celebrarunt. Rex videns hunc suum conatum irritum esse, iis mortis supplicium decrevit. Postmodo omnes Iudæorum principes in carcerem conjici jussit, longoque tempore calamitates & afflictiones perpeSSI sunt, ita ut macie extenuatis vix cutis ossa tegeret. Postremo ubi tantam miseriam perferre non potuerunt, maximam partem à lege defecerunt. Verum ab eo tempore res Persarum labascere cœperunt: Arabes enim ingentibus præliis illos aggressi profligatos superarunt, Regesque omnes Persarum in vincula conjecerunt. Rex vero Arabum vir pius, uti hoc perpetuum est, ut Reges Arabum sint pii & integritatis amantes, misit, qui judæos vocarent, iisque benignè promisit, ut qua vellent, lege viverent: Coactam enim legem nunquam fuisse utilem. Ipsi quoque Persæ palam confessi sunt, se Iudæorum causa cladem adeo gravem accepisse. Deinde missos fecerunt Judæos, viverent, qua lege vellent. Ita scriptum est in Annalibus Regum Persarum ad Hispaniarum Regem missis, more plane Christiano, qui res antiquitus gestas scrutari solent, ut ex

iis captent consilia, in quo ipsorum virtus atque prudentia cernitur.

IV. Excidium quartum anno quater millesimo octingentesimo septuagesimo secundo accidit, quo ferrum flammamque minitans Ben Humrad orbem terruit: hic per totum Regnum suum edixit: Quemlibet, qui ad legem suam non transfret, ferro periturum, ejusque bona publicanda esse. Tum trepidi omnes Judæi, unaque illorum filii atque infantes accesserunt ad portam Regis, & quidem proximè ad portæ limen consistentes ita conclamarunt. *Serva nos o Rex: Rex autem respondens ait: O stupidum & insipientem populum! An non vos ad legem meam vocavi servandos, ne infernales pœnas subeatis?* Responderunt Judæi: *Salus nostra consistit in observatione legis nostræ, cui obstricti sumus. Tu quidem nostrorum corporum Dominus, bonorum nostrorum Rex es; sed animæ ei, qui nobis illas dedit, reddendæ sunt. Ille enim est Rex, qui judicabit illas. Tu vero es Dominus noster, æquissimus regni tui arbiter.* Respondit Rex: *O populum stultum! Ego vobiscum disceptare nolo, sciens quippe vos Judaicis argumentis responsuros. Edictum meum urgeo, quod ita habet: Aut observate legem meam, aut ferro perite.* Inquiunt Judæi: ignosce

nosce nobis, si æquitati tuæ confisi, causam nostram liberius agimus; tu enim es Rex noster, & nos tuus populus: si imperata tua non facimus; nos tuo regno pellas, licet. An major irrogari poterit pœna, quam si relicto patrio solo migremus ad ignotum populum? Respondit Rex: Meum non est, dare servos meos, ut serviant Regi alieno. Judæi cognitâ Regis voluntate adierunt purpuratos, quos precibus vehementer obtestati sunt, Regem placerent, ut facultatibus ablatis, pristinam sacrorum libertatem ipsis relinqueret. Quod purpurati frustra tentarunt. Itaque præ nimia vexatione multi cœtus a Mosaïca lege desciverunt. Verum Rex ille intra mensis spatium repentinâ morte extinctus est; cui filius successit, haud leviter veritus, ne pater, quod Judæos inique habuisset, obierit. Convocatis igitur omnibus, qui coacti metu a sacris Mosaïcis defece- rant, haud obscure innuit: per se quidem liberum illis esse; crederent, quod vellent. Hinc multi ad legem suam reversi; multi vero veriti, dolum subesse; scilicet animos ipsorum tentandi gratia hoc dixisse Regem, aliquandiu etiam sacra pristina intermiserunt.

V. Excidium quintum Granatæ in urbium maxima accidit: Conjuratio inita est contra Magistrum Josephum

sephum Levitam, qui trucidatus est cum universo cœtu, qui plures quam mille quingentas familias contineret. Et quisquis illorum splendorem, felicitatem & gloriam ignorat, nullam ille unquam famæ celebritatem cognovit: quippe sapientiæ & religionis gloria ubique eminebant. Eos tam vicini, quam longinqui luctu prosecuti sunt: tum quia illos dignos esse censerent, tum quia hi vererentur, ne idem malum ad se quoque serperet. Hæc autem calamitas incidit in diem nonum Decembris. Ieiunium vero hoc die ab antiquis institutum, & in codice jejuniorum descriptum, quare institutum fuerit, ignoratur. Sed veri est simile, illos dictamine Spiritus Sancti fatalem hunc diem respexisse. Scripsit id Magister Abrahamus Levita in libro suo Cabalistico. Memoratus vero M. Abrahamus Levita propter Dei cultum suspensus fuit; quippe Hispaniarum Rex illum, ut a lege deficeret, cogere aggressus, ubi minis nihil profecit, suspendi iussit.

VI. Excidium sextum fuit pastorum conjuratio, quæ parem aliam ne habuit, nec habitura erit. In ea autem describenda autores variant; quæ vero in Annalibus Regum Hispanensium traduntur, ita habent. In urbe Iga extitit forte puer quispiam, qui populo, quem frequentem convocaverat, narravit:

in hu-

Quotidie sibi columbæ simulacrum apparere, modo in humero, modo in capite confidens, atque ad se Spiritu fatidico verba facere: quando vero id prehensurus manum extenderet, transformari in adolescentulam formosam, hoc modo loquentem: En tute puer es, te in terra pastorem constituo, superabis Saracenos prosperis aliquot præliis. Hocque tibi signum erit, quod oculis tuis cernes hæc ipsa verba tuo brachio inscripta. Multi fuerunt, qui se illa vidisse testati sunt. Alii in brachio ejus imaginem crucis incisam se vidisse asseruerunt. Alii vero dixerunt: se, cum puer juxta fontes agebat, ista ipsa verba quidem audivisse; sed nullum vidisse simulacrum. Hôc auditô populus ad illum puerum convenit, flexis genibus eum veneratus extulit, atque sanctum principem & ducem sibi eum constituit. Veruntamen puerum nemo secutus, præter pastores, qui in istis tractibus innumeri fuerunt. Pueri fama inclarescente, ex omnibus regnis multa hominum millia, imò myriades aliquot ad illum confluxerunt, ut brevi temporis spatio tricena pastorum millia convenerint. Qui primum urbem Granatam, deinde totum Arabum regnum invadere decreverunt. Hoc consilio inito, quidam ex illis inquit: Equidem ego hoc consilium probare non possum; quo modo

B

enim

enim præliabimur cum Arabibus, militiam doctis & numero superioribus, qui numero longè inferiores sumus. Illi præterea armis instructi, nos vero ita inermes, ut ne aciculam quidem habeamus. Itaque si videtur, primum aggrediamur Judæos, populum imbellem, fractum, omnique destitutum auxilio, quem vel uno etiam digitulo sternere poterimus. Victores Judæorum, qui divitiis abundant, spoliis potiti, bellica arma comparabimus, & multis augēbimur auxiliis. Tum Saracenis bellum inferre, propemodum victoriæ certi, poterimus. Ipsis consilium hoc agitantibus, fortè illac sartor quidam Judæus iter habet; miser ille, quo fine ibi constiterint, ignarus, illos illorumque acta eludit. Quô cognitô pastores furibundi in miserum hominem involant, atque ita crebris vulneribus corpus ejus confodiunt, ut cribro simillimum id esset. Atque ita unius ob noxam, furor in totum populum Judaicum exarsit; cujus gentis memoriam penitus excindere sunt conati. Alii tradunt: Hujus odii originem extitisse controversiam quandam, quam unus pastorum illorum cum quodam Judæo habuit; verum lite inter illos tractâ, pastores Judæum causam suam debellantem trucidant. Hinc malum illud in omnia serpsit loca, ad quæ pastorum furor pervade-

re

re potuit. Tum Judæi miserunt legatos ad Regem Galliarum, qui super hac re vehementer commotus, erat enim Rex pietate insignis, misit in omnes civitates expeditos equites, qui nunciarent; ut missos facerent reliquos: juxta quoque omnibus monachis præcepit, ut sese pastoribus opponerent, atque eorum adeo impium consilium disturbarent: illos enim plane contra æquum & bonum facere; si enim monstra illa, quæ jactant, vera essent, venirent ad se, auxilio se iis adfuturum; quin auspicio atque ductu suo præliis ipsorum præfuturum. Verum pastoribus hæc verba eludentibus atque vehementer deridentibus, mittunt miseri Judæi quam ocissime ad Pontificem maximum, qui sub poena gravissimi anathematis ubique edixit, ut omnes pastorum furorem reprimerent. Nihil tamen profecit: quandoquidem pastores per se numero pollentes, magis crescebant, adjunctis rusticis, aliisque Judæos exosis, qui in illos involandi oportunitatem nacti sese iis jungebant; itaque coorti pastores omnes contrucidarunt Judæos, quos in eo loco deprehenderunt, ut ne unus quidem evadere potuerit. Hinc petiverunt Sardelam, ibique omnes, quos occuparunt, Judæos interfecerunt, præter paucos, qui facultatibus suis oblatis, impetravere, ut princi-

pura ædes tanquam vitæ latebras refugiumque haberent. Recognitâ, Princeps Tolosæ misit equites, quibus imperavit, ut rebus fortiter gestis, ex pastoribus nonnullos comprehenderent, & vinctos ad se Tolosam perducerent: Profecti equites ex iis multos cepere, eosque decem curribus impositos advexerunt, pervenerunt autem Tolosam noctu: ubi eos monachi, qui in urbe erant, coorti vinculis eripuerunt; mane vero vulgaverunt: In pastoribus editum esse prodigium aliquod; scilicet, Messiam eos vinculis liberasse, quo veritatem causæ illorum ostenderet. Concitata hinc in urbe tota per plebem turba, quæ pastores vi conata est eripere de manu præfecti, qui viribus impar liberandis Judæis nequicquam omnem operam navavit. Judæi vero, qui in arcem Narbonensem confugerant, audito, pastores illos esse comprehensos, quid porro iis accidisset ignari, inquirunt: Nunc quidem nihil est periculi, jam enim omnes pastores ceciderunt. Propere igitur arcem egressos in via invadunt pastores, quibus Judæi sese fortiter objiciunt; verum rustici e pagis advolantes suppetias ferunt pastoribus, itaque centum quinquaginta cadunt Judæi. Quo cognito, ipse præfectus Tolosæ contra ipsos egressus, deprehendit magnam populi frequentiam eo confluisse, cum-

cumque sibi pugnandi cum ipsis oportunitatem de-
esse cerneret, verbis eos castigare conatur. Illis vero
ipsum invadere parantibus, retrocedere coactus se
in urbem recepit. Erat autem vir pius; itaque o-
mnes, qui in tractu illo erant, Judæos monuit, ne
egrederentur, nisi quam tutissime. Et si venerint
ad se, missurum equitem quendam sibi sanguine
junctum, qui illos Carcosonam in urbem munitam
deducat, ut salvi esse possint. Omnes igitur adven-
tantes Judæos fidei equitis commisit, quem dili-
gentissime monuit, ut non minus de conservandis
Judæis, ac de se ipso sollicitus esset: quippe qui nul-
lum scelus morte plectendum commiserint. Verum
eques cum rusticis scelerato inito consilio, Judæos
auro corruptus iis prodidit, qui noctu coorti omnes
oppressere. Atque hæc tanti mali fax in multis locis
exarsit, in Anglia, Burdigalæ, Castel-Sarasin &
Aginni, quæ loca omnia Judæorum cæde & sangui-
ne implebantur. Inde itum est ad urbem Bigordam,
tum Morsen, postremo Fondonem: nulli autem
fugâ salutem quærere licuit; atque in majoribus ur-
bibus gerebantur ista, ut non veniant in hanc rati-
onem, quarum infinitus numerus est, urbes mi-
nores. Postremò, ut paucis absolvam, centeni &
viceni cæcus cæsi fuerunt à pastoribus. In Castel-Sa-

raſin multi convenerant Judæi, cum paſtores portas niterentur effringere, & Judæi fugæ oportunitatem ſibi ademptam eſſe cernerent, dixerunt: Præſtat necem nobis ipsis conſciſcere, quam in ſcleratorum manus venire. Miſſâ igitur ſorte, quiſnam prior alterum occideret, alii alios, ducenti interfece-
re. Duo vero ſeſe de turri in præceps miſerunt. Quibus deletis, paſtores Tolofam reverſi, obvium habuerunt præfectum; qui amicè & benevolè ait: Vos fratres atque religionis meæ conſortes, multum contumacibus iſtis Judæis differtis: verum mihi videmini non jure ipſos trucidafſe; ſed ad legem Servatoris noſtri, quæ ſola vera lex eſt, cogere debuiſſe. Quin quod amplius eſt, ſcriptura iſta, quam pueri iſtius brachio inſcriptam dicitis, non in Judæos; ſed Saracenos eundum eſſe præcipit. Tum paſtores reſponderunt: Si Judæi, qui agunt Tolofæ, Chriſtianam legem amplexi fuerint; ab eorum cæde abſtinebimus. Mox omnes a lege ſua deſciverunt, nec ullus ſuperfuit Judæus, præter unam mulierem, quæ in ædibus cujuſdam principis, ſibi familiaritate juncti, occulta latuit. Sic & in urbe Gaſcona omnes caſi ſunt, exceptis viginti, qui in urbem Leridam confugerant. In pago quodam, cui Lois nomen eſt, trecenti fuerunt Judæi, qui
maximè

maximè divites facultates suas dederunt principi cuidam; ut per equites eos tuto in Arragoniæ regnum deduceret. Sed eos vix egressos adorti oppidani cunctos occiderunt. In regno quoque Arragoniæ magna calamitate pressi se in urbes munitas receperunt. Inde miserunt ad Pontificem Maximum; qui imperavit omnibus, suæ ditionis sacrorum antistitibus, pastores anathemate percellerent; ut, omissis istis sceleratissimis consiliis, in viam redirent; sed ea res frustra fuit. Tolosæ autem Episcopus Regis Arragoniæ filius latis suppetiis, Leridanum coetum à pastorum rabie vindicavit. Atque pastores per totum regnum Arragoniæ crudelissimè grassati omnes propemodum deleviscent Judæos, nisi Arragoniæ Rex pietate insignis, maximam, liberandis in regno suo coetibus, navasset operam; constituto passim per civitates suas equitum præsidio. His tamen omnibus nihil profecisset, nisi Don Alphonsus Regis Arragoniæ filius caput suum pro iusta causa objecisset: is venit in urbem Oream, quadraginta ex illis comprehensos patris iussu suspendit. Itidem in monte Senor nonnullos eorum captos in crucem egit. Hòc modò omnes ex regno suo excidit. Rex quoque Galliarum in toto regno suo edixit: quemcunque pastorum inventum trucidandum esse.

esse. Egressi autem pastores Arragoniâ irrupere in Navarræ regnum, & pervenerunt ad cœtum, qui est Pompejopoli, quam Pampelonam vocant. Hinc ad locum tribus leucis distitum Monreal dictum, ubi multi fuere Judæi, qui prælio congressi, ingenti clade pastores afflictos inde pepulere. Postea Don Alphonsus uni præstantissimorum equitum ait: Se, si contra pastores fortiter se gesserit, & puerum illum percussit, maximis divitiis illum donaturum, atque reliquis omnibus principibus suis prælaturum esse. Cui eques inquit; Num Dei consilium oppugnare jubes? At Don Alphonsus ait: Si Dei id consilium est, facile puerum defendet; sin contra fraus & impostura; tu illum occides. Eques ivit, prælium iniit, atque ita fortiter se gessit, ut propius locum, ubi puer erat, accedens ipsum sagittâ percussum humi straverit. Pastores Achillem suum prostratum videntes, dilapsi sunt. Quingenti casum puerum ignorantes venerunt ad urbem Tudelam, quô cognitô, eques contra illos egressus, plurimos trucidavit: hinc dispersi palantium more, de regno in regnum fugerunt. Principes quoque & præsules, pastores profligatos esse animadvertentes, poenam pro ratione anathematis Pontificii exequuntur. Sicque brevi temporis spatio omnes ad
unum

unum periére; quippe qui non ferro, illi pestilentia ceciderunt. Sed sera illa auxilia erant, factum enim infectum fieri nequibat. Sic legi in Annalibus Regum Hispaniarum; atque ex eorum lingua in Hebræam verti. Audivi quoque in urbe Tude-la viros divitiis præstantes, infandas miserrimæ gentis calamitates, immensasque rerum ruinas miseros, ipsorum inopiæ liberalissimè succurrisse; collegisse in granaria triticum, oleum, ut per triennium illa in egentes erogarent. Videntes honoratiores Judæi, qui in Galliis & Germania erant, hæc pietatis officia in fratribus suis, ipsi quoque, ut benignos decet, hoc exemplum secuti, paria benignitatis officia fratribus laborantibus præstiterunt, ut dignissima benignissimis majoribus posteritas; cui quidem benignitati Deus Optimus maximus præmia reddat debita.

VII. Actus septimus disputatio fuit, quæ inter potentissimum & piissimum Regem Hispaniarum Alphonsum, & acutissimum philosophum Thomam exorta est. Rex Thomæ inquit: Adventus tuus in palatia nostræ majestatis perquam gratus est: tu enim tuô consiliô me duces & servabis, ne sanguinem fundam, aut ullam populo Judaïco noxam inferam. Jam enim sextus agitur dies, ex quo

C

huc

huc venit Servatoris nostri minister, Præsul quidam, qui publice pro concione dixit: Judæos non posse celebrare festum, lingua Hebræa Pesach dictum, nisi sanguine hominis Christiani. Et quanquam in illo Præsule stultitiæ magis, quam sapientiæ manifesta signa erant; tamen hominis verbis plebs fidem habuit. Quid agam? Etiam importuna plebs, ut judicium feram, flagitat: meamque regiam percurSAT, ut iis propemodum paganus, aut Judæus esse videar, propterea quod Judæos non malè ulciscar, postquam semel res tam absurda illorum crasso ingenio vera visa est: & quamvis hoc ab omni ratione longe sit alienissimum; tamen scire aveo, quid stultissimis istis mortalibus respondendum mihi sit. Plebs enim cum sit frequentissima, haud ita facile repelli posse videtur. Scio autem te leges, traditiones & ritus Judæorum probè nosse, ac proinde nec hoc ipsum latere te facile posse: num hujus rei ullum in lege ipsorum sit vestigium: vel in codice, qui illis Thalmud dictus, Bibliorum quidam velut commentarius est. Tu certè in eo oppido quam versatus, quemadmodum & fama te celebrat, & coram ipsi experti sumus. Quod flagitiosum crimen, si verum fuerit; eos regni nostri finibus exterminabimus: sin falsum, omni ope ut cives me-

os defendere annitar. Deinde expone mihi causam excidii, quod Judæis olim accidit: Ne requiras, quid meâ, quæ Judæis evenerint, intersit; in eo enim arcani quidpiam mihi agitur, quod tibi aliquando indicabo. En deprehendo excidium ipsorum, non naturæ necessitate, nec pœnæ merito accidisse; quippe videmus & audimus multos populos ipsis gravius prævaricatos deliquisse, nec tamen punitos, quin è contrario felicioribus Fortunæ successibus usos fuisse. Ecce tempore Regis Latini vulgo colebatur planeta Saturnus, cujus Rex Latinus diruto templo aliud construxit Lucifero, atque captos Saturni Sacerdotes exussit in ara Luciferi. Lucifer autem est stella lucida, quæ Venus appellatur. Atqui Latini, ejusque populi postmodum tanta fuit felicitas, ut cum eâ nulla posterorum comparari possit. Quin etiamnum tradunt fide digni Historici, in insulis remotioribus Veneris cultum vigere: ubi structum habet templum, in quo supinum jacet simulacrum, quod in se formam penis habet, cui virgo admovetur, quæ illi simulacro incubat, colliguntur destillantes virginei sanguinis guttæ, quibus massa subigitur; de qua qui comedit, sanctus appellatur. Illa puella autem nunquam viro nubit; sed corpore quæstum facit, cujus quidem

pars altera alimentis puellæ, altera vero ejusdem templi ministris cedit. Facit autem quæstum immensum, quippe quicumque rem cum illa habet, æternum sanctus habetur. In regione quadam huic insulæ vicina religio colitur, quæ septem murium, septemque vespertilionum Deos placat. Audivimus quoque illum populum mira soli ubertate beatum, a nullo unquam Rege aut principe subactum. Post Regem vero Latinum fuit Romæ Rex quidam, qui Luciferi arâ dirutâ, planetæ Saturno templum suum instauravit. Accepimus autem Romanos regnasse à mari ad mare, à flumine ad mundi terminos: subegisse loca, quæ nullus hominum unquam subegerit. Devicisse Germanos & Burgundos, ab omni ævo fortissimas gentes. Memorix etiam proditum est, Lunam coluisse incolas Dinis, ut & totum populum Croatiæ, populum Cirsamim atque Bossemim Solem, & Chaldæos ignem coluisse; esseque in illis insulis, qui Terram matrem adorant, digni certe, quos Terra obruat, quo Deum suum super se habeant. Priscis quoque temporibus loca in Chaldæa fuerunt, ubi alii gallinam, alii simulacrum capri, pars asini, nonnulli muli & equi simulacrum adorarunt; Alii adorarunt, quem manè ædes egressi primum habebant obvium; qui tamen omnes longè felicissimi fuerunt.

fuerunt. Romæ etiam in urbium maxima, quæ acutissimos cives habet, fuit Rex quidam, nomine Janus, quem bellis feliciter gestis, Deum habuerunt, atque summum Deorum appellarunt, & semper egerunt felicissimè. Finge Judæos improbitatis suæ pœnas dedisse; quare pœna ipsorum exilium fuit? Non enim videmus patrem, si peccet filius, filium expellere; sed eum increpare, & filium in ædibus atque palatio patris manere. Ecce autem Judæi vocantur Dei filii, quemadmodum perscriptum in sacris literis est; sed Judæos Dei filios vocari usque ad Servatoris nostri adventum intelligendum est; nam de eo David inquit: Dominus dixit mihi, tu es filius meus. Præterea quæro ex te: si peccarunt Judæi, quid peccavit sanctus ille locus, qui Hierosolymis est? Qui ex autoritate sacrarum literarum, omnium consensu sanctus habetur. A quo, ut Judæi inquirunt, Deus mundi creationem exorsus est. Ubi omnium hominum preces exaudit Deus. Muhammedani eum locum cœli portam appellant. Et Christiani dicunt, inde in Paradisum animas ascendere; eundem vaticinii fontem habuisse sacros vates: ibique Servatorem nostrum natum esse, quemadmodum David ait; Psalm cx: vers 3. Scipionem roboris tui emissurus est Dominus Sione ex utero, ex aurora. Si

jam



jam concedatur: Judæos non culpæ merito; sed naturæ necessitate cecidisse. Nos considerabimus ea, quæ ad bellum aliquod gerendum necessaria esse existimantur, quæ hisce quatuor rebus continentur:

I. Primum est ingenii acumen, atque prudentia, in dolis atque argutis rei militaris fallaciis excogitandis. Atqui totius sacræ scripturæ suffragio, Judæos acumine atque calliditate ingenii reliquas gentes longe exsuperasse constat. Itaque in bellis hujus rei inopiâ nequaquam ceciderunt.

II. Alterum fortitudo & robur est. At ipse hostis Titus fortitudinem Judaicam celebrat, & disertim ait: Tres juvenes fratres fuisse, qui unam portam Hierosolymitanam per tres dies, totidemque noctes continuas contra totum exercitum ad irritandum hostem tutati sunt; adeo ut ipse tanti dedecoris vindicandi dolore concitatus, totum exercitum convocatum acriter reprehenderit, qui quamvis densi atque conferti fortissime rem gererent, nihilominus de exercitu ceciderunt innumeri: juvenes autem illi intra urbem se recipientes, nullo ex hostibus prohibente, valvas portæ occluserunt.

III. Tertium est opes, ut exercitui commeatus suppeditari possit. Fuit autem Judæus quispiam, qui per biennium exercitui Judæorum frumentum se datu-

rum.

rum ultro promisit. Et inde quoque immensa Judæorum opulentia æstimari potest, quod cum Rege quodam bello ipsos laceffente pacti, omne argentum aurumque, quod in templo esset, ei dederint, ut bellum redimerent. Et cum anno proximo Rex quispiam alius eos invaderet, omne aurum atque argentum, quod in templo habuerunt, ei quoque tradiderint: ut narrant sacræ literæ, quæ non tradunt, reliquias tantum aliquas auri atque argenti dedisse, idque adeo ex libris Regum liquidò constat, tantam auri atque argenti jacturam superiori anno factam, uno anno proximo reparasse. Si ejusmodi clades incumberet Hispaniæ, septem totis annis à tanta calamitate populus neutiquam respirasset.

IV. Quartum est multitudo populi: scribit autem Nicolaus Lirani, inter Judæos fuisse bello utilem manum ex una tribu Juda sexcenta hominum millia: Ex Israëlitis autem sagittariorum & hastatorum octingenta millia. Jam vero non reperiatur par multitudo in cunctis gentium regnis. Atque ita parum perspicio, qua ratione gens tanta Judæorum naturalibus de causis cadere potuerit.

Responsio Thomæ: Rex potentissime & augustissime, mira certè narras: Equidem ego animum istum adeo prudentem atque sapientem rem tam absurdam

furdam & ab omni ratione alienam subire potuisse, mirari satis nequeo: Si forte credere te neges, diligentius eam scrutari in præsentia nihil quidem tua interest. Hujus quoque urbis cives Hispani, prudentia & acumine supra omnes gentes, easdem aniles fabulas, inter pensâ trahenda ad Lunæ lumina confictas credere audent. Sunt autem hæ meræ artes seditiosorum hominum, qui ipsi tenui in re, ex aliorum laboribus ditescendi causas quarunt. Nec causam aut colorem scelerati istius consilii habent, præter unum Judaicæ gentis odium; quo impulsimminent excidio gentis omnium miserrimæ. Cum alioquin anilibus istis fabulis, quas vulgant, nec ipsi fidem habeant; sequuntur tamen pravam animi impetum, atque in eo imprudentissime agunt: quippe Judæorum ille Vindex pollet fortitudine, qui quidem non uti olim, liberabit illos, quia amat; sed quia Deus optimus Maximus magis humiles, quam magnos respicit. Cujus rei ratio manifesta est: res enim humilis & depressa maximè ad interitum vergit; Dei autem misericordia omnia ipsius opera complectitur, nec vult, ut creaturarum vel minima, sive formica, sive musca pereat: quanto minus itaque Judæos legis suæ asservatores everti patiatur. Quamquam lex ipsa jam est abrogata,
nunc

attamen cum Dens olim eos sibi vindicaverit, & nunc exilium ferant intolerandum, in quo se Deum & fatum sequi existimant, certè liberandos aliquando esse inde efficitur. Sed ut ad quæstionem Regis nostri respondeam: Quemlibet cibum, cui homo non assuevit, propositum respuet; atque tacito quodam naturæ sensu abominabitur. Si jubeas Christianum comedere de carne canina aut felina, respuet atque averfabitur: quemadmodum Judæus esum suillæ carnis vel pinguedinis fugit. Suillam carnem autem, cum hominis temperamento atque naturæ quam maximè ea congruat, cur fugiet? Si ideo, quod pasci sordidis & obscœnis pabulis porci soleant; quare ergo gallinas comedit, cum in fimo vermiculos, omnisque generis sordida atque obscœna sublegant? Pinguedo quoque animalium præstantissima pars est: Sed quia ejus esui Judæus non assuevit: & præterea divinum præceptum accessit, ab ea abstinet. Quanto igitur absurdius erit, Judæum ita crudelem fore, ut hominem Christianum occîdat, ejusque sanguinem excipiat, præsertim cum Judæus in urbe Christianorum versetur, eorumque imperio pareat: quem si in tanto scelere deprehendant, vel frustillatim concîdant. Quod si maximè facere auderet, continuo tamen aliud ab-

D

turdum

furdum sequeretur, homicidium inquam committeret; a quo per legem suam Judæi severissime deterrentur. Quid jam de effeminata Judæorum fœcundia dicam? Si Christianus aliquis puellus in foro centum Judæos offendat, & alium quenquam eos aggredi jubeat, continuo omnes pavidi diffugient. Et si a tuis judicibus, o Rex, hominem quempiam jure capitis damnatum ad supplicium produci videant, omnes se protinus proripient: quia naturæ sensu à spectandis etiam inimicorum suorum suppliciis abhorrent: idque adeo fit, quia dira iis minatus Deus est, ut sacræ literæ testantur. Levit. cap. xxvi: vers 36. Inducam mollitiem in animum illorum, & eos in fugam strepitus agitati folii conjiciet. Præterea videmus Judæos nullius animalis sanguinem comedere, neque etiam piscium, quem licet Thalmudici magistri vocari posse sanguinem negent; tamen, ne quis eum bibat, vetuerunt. A sanguinis enim esu, ut re insolentissima, quam maximè abhorrent: quanquam etiam multas gentes sanguinem edere videant. Quanto magis itaque detestabuntur humani sanguinis esum, quem nullam gentem edere videant. Observet insuper Rex noster Judæos, quando fortè panem, quem comedunt, sanguis gingivarum infecerit, non esuiros cum;

eum; nisi sanguine primum probè abraſo. Conſtat autem hominem magis alienum, quam ſuum ſanguinem abhorrere. Jam vero ſanguinem quoque ſuum abhorret, quia ei ſumendo non aſſuevit. Quomodo ergo gaudeat alieni ſanguinis eſu, qui abhorreat ſuum? Quod quoque Judæis vetitum eſt mactare obtuſo cultro; non alio factum eſt fine, niſi ut ipſi prorſus liberentur omni ſanguinis eſu: obtuſo enim cultro mactando, animali incutitur terror; quo fit, ut ſanguis ad vitæ conſervationem in princeps membrum cor confluat, unde mox venis frigore obſtruiſis protinus effluere nequit. Hinc fit, ut animal mactatum ab homine Chriſtiano citius putreſcat; quam quod mactat Judæus. Quia per mactationem, quæ fit a Chriſtiano, non effluit univerſus animalis ſanguis. Maximam enim putredinis cauſam a ſanguine eſſe, mihi experto pro vero conſtat. Reſpondit Rex: injuriuſes, Thoma, qui perinde mea verba accipis, ac ſi ipſe ea crederem, quæcunque ipſi contra Judæos conſingunt: idque mihi vitio vertere auſus es. Quicquid autem ex te quæſivi, eo conſilio quæſivi, ut certi quicquam ex te cognoſcerem, quod imperito iſti populo reſponderem, & tumidoſ ejus animos placarem. Ad id vero, quod dixiſti de vetito Judæis homicidio, re-

sponderi potest. Veritum quidem esse Judæo occidere Judæum: sed licere Judæo occidere Christianum. Quia ille Christianum vix hominis loco habet. Huc spectat, quod Thalmudicos audiivi dicentes: bovem Judæi, si Christiani bovem occiderit, impunè id fecisse. Ac proinde si Christianum occiderit Judæus, id pariter impunitum esse debere. Ad quæ Thomas: Hac de re mihi, o Rex, cum primario quodam viro ex filiis Abrabanielis, qui Hispali è patria sua recens advenerat, controversia fuit; qui dicebat, linguæ Hebræicæ perito hanc rem minimè difficilem videri: esse enim discrimen inter pagani, & Christianum sive externum. Paganus est, qui suum Creatorem non agnoscit, nec credit prima illa legis fundamenta. Christianus vero, qui mundi creationem, prodigia, atque providentiam divinam credit; paganus vocari non potest. Respondit Rex: Nos vero, cum Trinitatem credamus, quo pacto non pagani Judæis habebimur? Thomas ait: celebris sapiens ille ostendit mihi interpretationem ante annos sexcentos & plus eo scriptam, a summo quopiam autore ultimæ antiquitatis, cujus verba hæc erant: Qui credit esse Deum, mundum creatum, vaticinium, vitæ præmium atque poenam

poenam; certe ille habet legem. At Christiani vero credunt hæc omnia: quamvis enim Trinitatem credant; ideo tamen unitatem non negant: quin ipsam Trinitatem Unitatem esse affirmant: Itaque legem habere vere dici possunt. Nec per legem nostram nobis licet ipsos occidere, vel bonis ipsorum damnum inferre, quamdiu regnandi atque domnandi nulla potestas nobis est; nec ipsi imperio nostro subiecti sunt. Et quod illi divina præcepta non servant, ideo tamen non peccant: cum ipsa iis non sint præscripta; sed populo illi, qui Ægypto olim exivit: ex quo quidem exitu; tanquam primo fonte, plurima præcepta fluunt. Porro dixit mihi idem Abrabaniel: esto, nullum sit inter Christianum & paganum discrimen; tamen in promptu est alia luculenta responsio. Thalmudici ajunt: Homini Judæo grande nefas esse, pagano per furtum quidquam eripere: illudque gravius flagitium esse pronunciarunt, quam si Judæus Judæo quicquam surripiat. Quod ipsum, si ita est; num verisimile esse videtur: Bovem Judæi, qui occiderit hominis Christiani bovem, impune occidisse pronunciarum. Sane nos invitos confiteri oportet: Aut discrimen aliquod inter pagani & externum, quem Christianum vocant, aut inter ipsos boves esse. Quod liberum

& impunitum id esse dixerunt, inde est: quod non persona ipsa, altera alteri; sed unius res alterius rei damnum inferat: nec Judæus æque probè ac Christianus, qui perpetuo pecora alit, bovem custodire novit. Et quamvis dictum à Thalmudicis sit: damnum a Judaico bove datum liberum esse; tamen non continuo liberum & impunitum esse pronunciatur, ut quis manu sua damnum pagano inferat, aut fortunas ejus furto auferat: quanto minus illum, liberum erit, occidere? Sed per Thalmudicos magistros hoc quoque liberum esse finge, videlicet occidere Christianum. At certè disertis verbis id saltem eos dixisse oportebat: quia res planè nova atque inusitata est. Rex ait: Multum me, o Thoma, verba tua affecerunt; sed magis Abrabanielis: at tu maxime affeceris me, Thoma, si illum, ut in Majestatis nostræ palatium venire velit, permovere possis. Id vero unum in populo meo damno, quod oderint Judæos, instituta alioquin, justas leges, angustasque virtutes, liberalitatem, elemosynas, aliaque misericordiæ officia dico, serio colentes: præsertim cum populus sit, qui singulari ingenii acumine polleat. Sed verum rectumque qui amat, odio illos non habebit. De misericordia coram me magni nominis præsul quidam concionem

nem

nem habens peccare eum dixit, qui Judæum canem vocaverit; sed porcum vocare ob porcinos mores jus fasque esse. Caninos mores eum non habere, experimento satis constat: si enim unum canem percusseris; omnes canes te insectabuntur, quo te, qui percusseris, certatim moribus ulciscantur. Sed si unum porcum vinculis constrinxeris; continuo grunnit ille, quo audito, omnes reliqui porci porco laboranti eripiendo congrunniunt. Ita etiam cum Judæo res est, quando templum nostrum ingressus calicem sacrum suffragatus fuerit; subito omnes Judæi, qui illum sacrilegii supplicio eripiant, concurrere solent. Sartor Principem suum compellat; aurifex Ducem; alii alios fatigant. Hi donis & muneribus; isti improbis precibus rem gerunt: nec, nisi Judæum suum calamitatis periculo liberaverint, quiescunt. Quod certè nobilioribus virtutibus accenseri meretur. Ad quæ Thomas ait: Nunquam vidi hominem mentis compotem, qui oderit Judæos; nec quisquam eos, præter infamam plebis faciem, odio prosequitur: & ne id quidem injuriâ, cum odii sui justas rationes habere videantur. Quarum facile prima est: Judæorum superbia, & profunda imperii cupido: qui conditionis suæ obliti non cogitant, se exules esse, & servitutis malis jactatos, incertis sedi-

bus

bus vagari; sed è contrario, fererum Dominos atque Principes videri volunt: hinc populi invidia nascitur.

Philosophus autem ait; Odium proficisci ex invidia, quod nulla unquam componere possit ætas. Id unum documento tibi sit, ô Rex, cum primum Judæi in regnum tuum venerunt, servi & exules venerunt detritis vestibus: Multos annos id habitarunt, nullo pretiosiori cultu, nec ambitione notabiles. Nunquid autem, ô Rex, audivisti, tum temporis ullam, de sanguinis esu, contra ipsos conjurationem esse factam? Quod si per illa tempora facta aliqua conjuratio esset, certè in annalibus Regum Hispanorum, laudatissimo ipsius gentis more, perscripta ea esset: ut indè certissima exempla futuri temporis tuto peti possint. Verum haud dubie per ea tempora, cum invidendi causam nullam dederint, merito chari omnibus atq; accepti fuerunt. Nunc autem Judæus regnare videtur: Si ducentorum florenorum rem habet; sibi continuo bombycinas, filiis auro distinctas vestes comparat. Quod nec ipsi Principes audent, quorum annui redditus vel millenos scitatos implent. Hinc Christiani in nefaria consilia coeunt, si qua arte, aut vi eos regno expellere possint. Per superbiam in urbe Toletana Judæi ad imperium enixi, eo ferociæ processerunt,

cesserunt, ut Christianos percussissent: adeo, ut Principes ipsorum per præconem pronunciari jussissent: Eum; qui Christianum percussisset, in judicio suo pœnas daturum. Verissimè de ipsis ait Salomo Prov. Cap. xxx: vers 21. Sub tribus commovetur terra; sub servo, cum regnat &c. Altera ratio est, quare illos odio habeant: Quia Judæi, cum primum in regnum tuum venerunt, pauperes erant, Christiani vero divites. Jam contra est; Judæus dives, pauper Christianus est. Quia Judæus, ingenii acumine & astutiâ valens, magis quæstum callet. Porro usuræ flagitio maximas corraserunt divitias, quod si rem rectè putare velis, comperies tertiam agrorum & possessionum quarumlibet partem, quæ in universa Hispania sunt, per immanes usuras jam cessisse Judæis. Rex ait: Istæ rationes certè ad conciliandum odium grande momentum habent; quamvis Judæus colorem, quo vafritiem sceleraque sua excuset, habeat; scilicet, quis Christianum cogita Judæo foenori sumere? Aliam quoque odii causam esse duco, quod videlicet cum Christianis mentas sociare refugiant. Nulla etenim res ita dissidentia corda conjungit, quam familiaris convivendi consuetudo. Adeo, ut etiam in insulis locus aliquis esse dicatur; ubi nullum juramentum sancitur,

E

nisi

nisi super pane; quem mox jurantes simul comedunt. Et per Servatorem nostrum, cui quodcunque hoc regni debeo, juravi aliquando graviter excandescens; me velle, aut Judæorum progeniem excindere, aut certe exterminare: quippe audiveram, si in vini poculum, ex quo Judæus bibit, immundum aliquod insectum forte inciderit, illos ejicere insectum, atque vinum haurire. Quando vero nostrum, Christianorum inquam, quispiam poculum vel attigerit, vinum continuo effundere. Ut sic appareat, quam nos impura illis gens habeamur. Tum Thomas: Ista non Judæorum; sed Thalmudicorum culpa est: qui illos durissimorum præceptorum velut ferreis quibusdam vinxerunt compedibus, eaque ita exasperarunt, ut vivendi nulla supersit justa libertas. Verum quidem est, quod S. Scriptura ait: Deut. xxxij: vers 33. Qui adipe victimarum suarum vescuntur, & vinum libaminis sui bibunt. Verum non intellexerunt isti, ibidem sacram scripturam de sacrificiis atque libaminibus Soli Lunæque, ante Messiae in hunc mundum adventum, oblati locutam esse. Extiterunt postea Thalmudici isti Magistri, dicentes: Quodvis vinum, extra Fani sui sedem, sacris quibuscunque adhibitum, vetitum esse. Quod ipsum postea ita exaspe-

exasperarunt, ut quamvis etiam incertum sit, vinum illud in ejusmodi sacris esse libatum; tamen ob eam ipsam causam, quod id incertum sit, vinum illud illicitum esse pronuntiaverint. Rex ait: dixisti tu quidem, Thoma, culpam illam penes Thalmudicos esse: At ego contendo, non nisi penes eorundem discipulos esse. Mihi enim jam omni modo constat, illud, quod ad vinum attinet, ex lege sua Judæos deduxisse. Respondit Thomas: Ita certe res habet, quemadmodum id olim Regi patri tuo usu venit; qui, quem habebat, medico Judæo dixit: Audio nos vobis immundos haberi, atque ideo vos cavere, ne vinum vestrum contactu nostro polluamus: Itane Deus vobis præcepit? Tum medicus inquit: ægrotas jam quidem, o Rex, atque hæc una nunc me totum cura habet; ut te pristinae valetudini restituere possim. Nunc mihi quis adferat aquam; o Rex, pedibus tuis lavandis; quod morbo levando erit: postea de quæstione ista videro. Medicus autem, postquam Regis pedes aquâ illâ laverat, de ea ipsa bibit. Quo viso Rex, jam respondisti ad quæstionem meam, inquit: Purpurati vero, qui forte aderant; se quicquam responsi ex eo audivisse negant. Medicus ait: quid est immundius, illudne, in quo hominis pedes loti sunt: an quod manu ille, vel ore suo contigit? Si nos Judæi vinum

Christianorum contactui pollui existimantes averſamur, quomodo hauſi aquam pedum, vino illo multo impuriorem. Tum Rex Alphonſus dixiſſe fertur: Sapuit certè medicus ille, & procul dubio ex Judæorum acutiſſimis fuit. Ad Thomam deinde converſus ait: Tu vero, quid mihi conſilii dederis; quo defendamus Judæos, ne in regno hoc meo pereant? Cui Thomàs: Hoc conſilium meum eſt; ut in regno tuo per præconem edicas: Omnes Poſſeſſiones, quas per uſuram Judæi invaſerunt, dominis ſuis reddendae eſſe: idque prout regni hujus viſum erit judiciſ. Deinde, ne ullus Judæorum bombycinas veſtes geſtet. Poſtremo, ut rubrà aliquâ notâ inſignes, Judæi eſſe agnoſcantur. Rex reſpondit: Conſilium iſtud tuum placet: Sed hoc unum mirari ſubit, rapinam, exercendo ſcœnore ipſis lege divina conſeſam eſſe. Ad quæ Thomas: Abſit, ſcœnus ipſis a lege permiſſum eſſe. Verum Judæi, ut lucripetæ, legi mentem ex avara ſua mente affinxerunt. Sacra Scriptura enim inquit: Externo ſcœneraberis. Inteligitur autem per externum; qui nullam religionem habet. Addit etiam: Fratri tuo non ſcœneraberis. Nos autem & Judæi fratres ſumus: ſic enim vates ait Malach. 1. verſ 2. Nonne frater eſt Eſavus Iacobo? Ad illa Rex: Interpretatio iſta longè alia eſt

acilla, quam ego aliquando me audivisse memini. Scilicet, in Ægypto esse quoddam Judæorum genus, qui inquirunt: Externo foeneraberis. Mens est, etiam Judæo. Fratri tuo non foeneraberis. Sensus est; si ipse frater germanus est. Regi in his occupato nonnulli superveniunt, qui nunciant: Se invenisse hominem occisum in ædibus cujusdam Judæi, quem ideo occiderit ille, ut sanguinem ejus exciperet. Rex Thomæ ait: Tu responde imperitis istis hominibus; metuo enim, ne ira subeat ulcisci illos.

Quibus itaque Thomas omnia ea respondit, quæ antea Regi dixerat; eosque quam asperrime increpitos tandem ita affatur: Jam agnoscit Rex morbum, qui vos agitat, vosque rem plane justam petere: detestabiles scilicet isti Judæi facultates atque possessiones vestras invaserunt. Verum jam Rex edici jussit, ut omnia erepta vobis reddantur, & quod quis acerbo foenore vobis abstulit, illud restituat. Tum vestes bombycinas, cultumve alium vobis similem gestent, vetuit. Hiscetantis Regis in vos meritis, desinite ea petere, quæ petentibus infamiæ esse possint; & stulta ista persequi, ne vos stultitiæ alligetis. Tum populus universus Regem supplex veneratus, exclamat: Vivat Rex noster justus amans!

Rex ait: Vos populus meus, & filii mei estis, juro vobis per Sacramentum Servatoris nostri, nullum damnum vos passuros, modo hoc ingenuè confiteamini, quomodo cum homine illo sese res habeat, quem in domo Judæi occisum vos deprehendisse dicitis. Quid verbis ad tutandam causam nostram opus est, o Rex, tu divinâ sapientiâ præditus doloris nostri causam nosti. Judæi enim nos, nostrasque facultates perpetuo exederunt, per foenora etiam jumenta nostra erepta habent; ut nobis, quo agros colamus, nihil reliquum fecerint. Itaque hunc dolum confinximus, si qua forte Rex, ut Judæos regno pelleret, adduci posset. Quibus Rex; Ergo ut audio non Judæus ille; sed vos ipsi Christianum illum occidistis, ut videmini fateri: digni proinde, qui merito homicidii pœnas detis. Tum populus bona verba quæso, o Rex, quin per noctem illum occisum in foro invenimus, diximusque eis, qui forte aderant, nos sepeliendum eum in cœmeterium deferre velle; verum in ædes Judæi cujusdam illum projecimus: quod tres civium honoratissimi testari poterunt. Cùm jam per testes res constaret, Rex juramenti sui memor, quo dudum impunitatem iis promiserat, liberos eos dimisit. Postremò multum gavisus Rex, quod certo deprehenderat, ipsos contra

tra

tra Judæos conjurasse, jussit id annalibus suis inferi. Thomas quoque valdè latatus, quod rei veritatem sagaci conjecturâ assecutus esset. Tum Regi ad Thomam converso, ac dicenti: Tu popularis furoris causam unus mihi patefecisti, condignum præmium à Deo in futura vita accepturus. Thomas ait: Utinam vero, o Rex, à te in hac vita! Rex ait: Crastino die ad reliquas quæstiones persequendas conveniemus, tum forte etiam à me, quod petis feres; sed ita, si Abrabanielem, si forte in urbe nostra est, una tecum adducas: Sin minus, eum verbis meis per literas huc voces. Tum Thomas: Gaudebis cum viro illo colloqui, o Rex, quem ajunt, adeo antiquâ Regum stirpe oriundum. Ad quæ Rex: Atqui hoc falsum est, nam ut accepimus, regia stirps Judæ tota excisa est tum temporis, quando Nebucadnezar Judæos bello subegit: metuebat enim ille, ne, si quid superesset regii sanguinis, ejus ductu atque auspiciis resumptis animis & armis populus pristinam libertatem vindicaret. Tum Thomas: At constat, o Rex, eo tempore, quo Nebucadnezar Hierosolyma oppugnatum ibat, eo illi à potentissimis Regibus auxilia missa fuisse: partim, quia Nebucadnezareem totius terrarum orbis dominum verebantur, partim quoque impulsî Judæorum odio, quod

quod contra sacra ipsorum animis conceperant. Inter Reges illos, qui tulerunt suppetias, facile princeps fuit Rex nomine Hispanus, a cuius nomine Hispania appellata est: qui cum Pyrrho, Rege Græcorum genero suo, Hierosolyma contendit. Hic Pyrrhus autem & Hispanus suo robore & fortitudine Judæos profligatos subegerunt. Atque hi illi sunt, qui Hierosolyma ceperunt. Rex vero Nebucadnezar, eorum auxiliis & fortitudine adjutus, prædæ & mancipiorum partem iis regio more concessit. Præterea quoque constat, o Rex, fuisse olim Hierosolymis tergeminum parietem, à Septentrione ad Meridiem, & ab urbis extimo muro, qua Occidentem spectat, usque ad primum parietem omnes habitabant opifices: loco autem omnium primo aromatopolæ; opus enim habebant ad obeunda sacra aromatibus, atque de illis aromatopolis vates ait: Ejulate habitatores cavi.

A primo pariete usque ad secundum, omnes studiosi agebant atque mercatores. Quippe Sapientes magis mercatoribus, quam mercatores Sapientibus indigent: idque hac sola de causa, quod mercator non intelligat; sibi Sapientiam: Sapiens vero intelligat, sibi deesse pecuniam.

Quod intererat inter secundum & tertium parietem,

tem, id tenebat stirps regia; tota scilicet familia Davidica, atque sacerdotes aræ ministrantes. Cum Hierosolyma inter illos Reges dividerentur, Rex Nebucadnezar priores duos parietes, omnemque vicinum populum, & reliquas Judææ civitates sibi sumpsit, eosque captivos in Persidem & Mediam abduxit. Tertium vero parietem Pyrrho & Hispano reliquit. Pyrrhus autem captivos omnes navibus impositos, in Hispaniam antiquam, quæ Andelusia dicitur, & in urbem Toletum avexit. Inde, cum maximam hominum frequentiam terra haud capere posset, in alias etiam terrarum oras delati sunt. Pars regię stirpis, quæ petiit Hispalim, inde porro Granatam perrexerunt. In excidio secundæ ædis, fuit Imperator quidam Romanorum, qui toti terrarum orbi imperitabat: Hic asportavit Hierosolymis quadragies millenas familias de tribu Judæ, Hierosolymis inquam & ex reliquis urbibus. Itidem decies millenas de tribu Benjaminis, & sacerdotibus. Illos in Hispaniam misit, quam tum imperio tenebat. Maxima autem pars tribus Benjaminis, & Sacerdotum petiverunt Galliam; nonnulli quoque de tribu Judæ, adeo, ut omnes Judæi, qui in regno tuo agunt, regiâ stirpe prognati sint; aut certè maxima illorum pars ex tribu Judæ. Quid igitur miraris, o Rex, su-

F

pereffe

peresse adhuc , qui genus ad Davidem referant? Respondit Rex: quæ ne fando quidem unquam audivi, mihi narras, & nisi genus tuum probe nossem, te quoque ex Judæis prognatum esse crederem, quippe ita disertâ oratione causam eorum fortiter agis. Ad quæ Thomas: Optime maxime Rex, quanta me istoc verbo afficis contumelia? & haud scio, an ulla major, aut insignior esse possit. Cui Rex: Modo negavi, te ex illis genus ducere: quod si dixissem maxime, Judæis te esse ortum; sed jam ex Judæo Christianum esse factum, hui! quantam tibi infamiae notam inuississem? Certissima illa quidem res est: non esse in reliquis omnibus populis quenquam, qui originem, stirpem, & perpetuam generis sui seriem enumerare possit: quemadmodum, quantumvis miseri, Judæi possunt, vel eâ gloriari saltem solent. Quid? majores nostri potentissimi Reges gloriari ausi sunt, se stirpem & genus Gothis debere. Quin nonnulli Historici referunt; Gothos ex stirpe Gad, qui patriarchæ Jacobi filius fuit, oriundos esse. Cujus de gente aliquis, postquam Romanam venisset, & Christianam religionem amplexus esset, rebus feliciter gestis, consularum adeptus; tandem quoque ad regium fastigium evasit: ab illo originem traxit gens Gothorum.

Et

Et cum reliquarum gentium ortum. perscrutatus fueris, non inuenies, quâ natæ illæ sint origine. Ecce! Romani, qui terrarum orbis imperium ad naturæ usque terminos, Cimmerios montes dico, protulerunt, eorum, inquam, genus ambitiosè quæritur, nec inuenitur. Sallustius genus ad Trojanos refert. Virgilius id à Græcis arcessit. Alii a Romulo originem eorum deducunt. Ex quo Imperatores rerum potiri coeperunt, familiarum series conturbata sunt. Prima imperii sedes Roma fuit, inde Constantinopolim translata, quæ cives Romanos accepit, qui una cum Imperatore Constantino eò commigrarunt: unde hodieque Græci ab urbe Roma Romani appellantur. Verum hos secuti Galli, dictitarunt: Romanorum originem esse ignotam; sed se Gallos, regiâ Elifasi stirpe prognatos esse: Itaque imperium in Gallias per Carolum Magnum intulerunt. Hinc prodierunt Germani, dicentes: Nullam illorum, præterquam sibi, certam esse generis originem; itaque bello illato, Gallis imperium ablatum, Germaniæ per imperatorem Antonium vindicarunt. Verum hi & isti suam ipsorum originem ignorant. Sed hoc usque adeo quidem mirum videri non debet, cum etiam in religione nostra ignoretur Servatoris nostri genus. Matthæus enim

refert illud ad maritum Mariæ Josephum , & tradit illum ex familia Davidica fuisse. Lucas vero eundem jam memoratum Josephum ex regia familia fuisse negat. Nosque credimus Josephum Mariam non cognovisse , nec ante , neque post natum Jesum ; sed solo Dei Spiritu concepisse. Quod si ita est , quâ ratione genus ad Davidem referet ? Dicimus enim , Hobet genuit Isai , Isai genuit Davidem. David genuit Jesum. Tum Thomas inquit : Mariæ genus deducitur a Rege Davide , adeo , ut nihil absurdi jam in religione nostra esse videatur ; si dicatur Servator non ab homine aliquo ; sed a summo Deo , ejusque spiritu genus ducere. Tum Rex : Ego vero Servatoris nostri genus certo ita habere , ut dicis , minime dubito , cujus immensæ benignitati me , meaque omnia committo. Hoc unum tantum volui : non omnino certam familiarum originem esse. Et si hi miseri Judæi originem suam retinuerunt * certam atque integram ; quemadmodum magnus vates Bileam prædixit Num : xxiiij. vers 13 : Gentibus non annumerabitur ; Hocne iis vitio ducimus , quod maximè laudi ducendum est ? Quippe quod reliquis gentibus non fuerunt permisti , ideo ipsorum origo atque prosapia certo agnoscitur : quemadmodum continuo idem ille vates ait : Num : xxiiij. Quis numeret

meret pulverem Jacobi? Hic Thomas ad principes conversus inquit: Quis Regem ausit, cum Regium fastigium, inter mortales sacrum sit atque augustum? En ipse Rex altero tanto honestius & magnificentius, quam ego, de Judæis & loqueris & sentis. Nec quisquam est, qui libere dicat tibi, quod tute modo dixisti mihi. Rex autem: Quicquid dixi tibi, Thoma, verè quidem; sed tamen festivè dixi: id in pejorem partem rapere noli. Convenit autem, ut jocis his omissis, seria magis agamus. Igitur quæro ex te, quandoquidem inter alia dixisti: legis divinæ præcepta, non nisi populo Ægyptum egresso data fuisse. Quod vere quidem abs te dictum; si præcepta ea spectes, quæ ab ipso egressu dependeant. Verum reliqua præcepta, ut statuta & vera lex, quidni & Christianis data sunt? Thomas ait: Judæos aliquando ad hæc in hanc sententiam respondisse: Frivolam istam quæstionem esse videri, & perinde esse, ac si quis quærat: Cur asinum Deus non fecerit Philosophum? aut mulum vatem? aut quare non par lumen Lunæ atque Soli dederit? Cui Rex: Non rogavi te, Thoma, quid imperiti isti dicant; sed tu quid sentias, nisi æquè, ac illi, imperitus haberi velis. Thomas inquit: Hac de re mihi quoque cum Abrabaniele fuit controversia, verum

eo nomine illum jam diu odio habeo; quantumvis
cetera virum sapientissimum. Rex ait: Peccasti Tho-
ma, cum odia in controversiis nulla exerceri debeant.
Dic sanè impunè, quicquid illud est, quod sapiens
ille responderit. Thomas inquit; Respondit ille: co-
rallium esse mediæ naturæ inter corpus inanimatum,
ut metallum; & animatum non sentiens, ut plan-
tam. Spongiam esse mediæ naturæ inter corpus
animatum sensus expers, ut plantam: & corpus
sentiens ratione carens, ut bestiam; nam sensum
habet. Simiam esse mediæ naturæ inter corpus sen-
tiens ratione carens, ut bestiam: & rationale, ut homi-
nem. Hominem vero, puta non Judæum, esse
mediæ naturæ inter corpus animatum expers ratio-
nis, bestiam, & hominem Judæum. Judæum esse
mediæ naturæ inter cælum & terram. Cælum vero
esse mediæ naturæ inter Angelos & Judæum. Proin-
de Judæi alimenta a reliquorum hominum cibis
plurimum differunt. Planta enim alitur terra: be-
stia vero plantis; omnisque planta bestię palato
grata. Homo autem, qui gradu uno excellentior
est mutis animantibus; non alitur herbis, nisi quæ
temperamento ipsius quam maxime congruunt:
Præterea etiam animalibus, nec quibuslibet tamen:
non enim equo, mulove alitur. Et Judæus, qui
gradu

gradu uno excellentior est homine; nullis, nisi certis quibusdam animalibus vesci solet: & quidem post multum denique apparatus, ut salis asperisionem, elutionem, & pinguedinis, sanguinisque rejectionem, donec caro illa in tantum mutata, non jam caro; sed alius quispiam cibus esse videatur: utque animalium carnes edere ne dici quidem vere possit. Christianus autem sine ulla mutatione promiscuè animalibus vescitur: proinde de cibus vates inquit: Levit. xx: vers 26. Et separavi vos à cæteris populis, ut essetis mei. Sic & præcepta non sunt data, nisi qui gradu naturâ humanâ est sublimior: hinc de Judæis ait: Exod. xix: vers 5. Utique eritis mihi peculium præ omnibus aliis populis. Hæc quidem, cur vobis illa præcepta non data fuerint, vera ratio est. Rex dicit: Quænam tua, O Thoma, ad hæc responsio fuit? Thomas, se ex æquo & vero illi respondisse, ait: Nimirum omnia illa præcepta, non nobis Christianis data esse, propter naturæ excellentiam atque propter perfectionem nostram. Pinguedo enim & sanguis libidini alimenta ministrant; suppeditat & ea suilla: itemque reliquorum animalium caro, quorum esu per legem iis interdictum est. Judæi autem avidè captant voluptatis illecebras, & libidinis irritamenta: quem-

quemadmodum de illis Deus ipse, universi conditor testis est: Ezech. cap. xvj: vers 35. Propterea meretrix audi verbum Domini. Proinde necesse fuit, eos monere; eorumque esu, quæ libidinem irritant, ita severe interdicare. Verum Christiani, qui temperamenti nobilitate pollent, virtutum perfectione omnia pro temperamenti sui natura in melius convertunt: quemadmodum mel amarorem corticis mali Punici in dulcedinem mutare solet. Rex ait: Quam vero causam esse dixisti, quamobrem reliqua præcepta, quæ de ciborum delectu non agunt, nobis non sint data? Thomas inquit: Ea quoque propter excellentiam, & naturæ nostræ nobilitatem nobis tradita non sunt: pauca enim, quo ad perfectionis metam provehamur, nobis sufficiunt: ut qui firmâ sunt valetudine, si forte in morbum incidunt, facilè etiam levi medicamento ad pristinam valetudinem redeunt: quia à natura ingenitum quoddam robur habent. Alii vero, corpore per se natura debiles, multis medicamentis amissam valetudinem vix recuperant. Quales sunt Judæi, quibus ad frugem revocandis, sexcenta & tredecim præcepta nihil quidquam profuerunt. Ego autem Christianum sphaeræ diurnæ; Judæum vero lunari comparo: & quemadmodum, teste Philosopho, Angeli, quia ipsi

ipsi omnes sunt meræ intelligentiæ, propter perfectionem suam opus non habent, ut actionem aliquam agant in seipsis; sed tantum motum in sphaeris. Sic sphaera diurna, quia ipsa corporum omnium summum, actione in sese opus habet, quæ motus est: unus autem motus illi sufficit. Proxima vero sphaera, longius à perfectione recedens, ad sui perfectionem duos motus habet. Lunaræ sphaera multos motus habet: eò quod à summo longissime abest. Rex ait: Optime tu quidem respondisti, Thoma; verum ad verba sapientis illius quod attinet, illa, quo minus cum illo amicitiam colas, obstare non debent. Constat enim, nullas leges, nullam religionem, nisi virtute & beneficio opinionis salvam esse posse. Opinatur Judæus, aliam legem, aliamque præter suam religionem nullam esse. Et qui aliud quid credit, eum pecudis loco habet. Atque hinc est, quod audiivi, illos, cum sepulcreta nostra prætereunt, hunc in modum dicere solere: Pudeat matrem vestram, &c. Christianus autem, Judæum credit belluam, humanam formam mentientem; cujus animam Tartari claustris detinetur. Si vero, quid de nobis videatur, rogaveris Muhammedanum, respondebit, utrisque nostrum Tartara foeta laborare. In

G

remo.

remotis & longinquis insulis, multi simulacrum adorant, idque in militaribus signis sublime gestant: & qui procero corpore id attingit, deosculatur illud. Si qui fortè ex Christianis eo deferantur, eos deridere solent, objicientes: simulacrum hominis ipsos adorare, quamvis id omnium sit præstantissimum, adeo, ut Dei solio insidere dicatur. Ezech. cap. j: vers 26. Similitudo quasi aspectus hominis desuper. Et de animalibus inquit: Similitudo autem vultus eorum facies hominis. Deus quoque, qui omnia simulacra à Judæis quam longissime remota esse voluit; jussit tamen eos facere Cherubim in Fano, qui humanam formam referrent. Tum Rex: Sed nunc tempus est, incidere hos sermones; Solenim jam occidit. Crastino die revertere, quandoquidem sermo tunc longe fuit mihi gratissimus. Postridie Rex reverso Thomæ ait: Heri inter nos sermonem multum produximus; sed ad veram Judaicæ cladis causam, nihil, quod sciam, adhuc responsum fuit. Ad quæ Thomas: Principio, quod de te, o Rex, audiverim, id quæram ex te. Cui Rex: si quid mali feci, adesto, qui arguat me. Thomas inquit: Ad bellum misisti ducem quendam, cui, cum eo peccasset, & rem male atque improspere gessisset, edixisti, ne unquam
in

in conspectum tuum rediret. Post alius dux ad bellum ivit, quem pariter peccantem liberum atque impunitum dimisisti: ubi nunc, Rex, justitia? paribus delicto supplicium impar. Respondit Rex: Hæc tibi, qui narravit, verum non indagavit. Priorem ducem monui, & praeceptis de tota militia gerenda seorsim instruxi; verum ille contra, ac ego praeceperam, rem gessit. Posterior quanquam in militiam abierit, missus tamen cum potestate non erat; sed cum mihi officium præstare velle videretur, sponte sua abiens, rem pro prudentia sua gessit. Quare igitur ille intemptivi sui officii morte poenas daret? quodnam tantum scelus commisit? Thomas ait: Considera quæso, o Rex, quod tute modo dixisti. Primus dux, Judæi sunt; quibus data sunt mandata de fugiendo cœlestium cultu: ad quos adierunt quadraginta vates post Moïsis obitum, qui illos officii sui admonuerunt. Verum in vetitum nitentibus, Deus in posterum conspectu suo interdixit; quemadmodum ipse in sacris literis ait: Deut. xxxj. cap. 18 vers. Ego autem abscondam & celabo faciem meam in die illo, propter omnia mala, quæ fecit; quia secutus est Deos alienos. Deut. xxix. v. 27. Et ejiciet illos in terram alienam, quod nunc experientia comprobatur. Verum omnes

reliquos populos, qui Deastris litant; nec ad sui cultum Deus vocavit, nec praecepta ulla iis praescripsit: sed ipsi, pro sua sapientia, sidera coeli colenda esse putarunt: quemadmodum, si quis Purpuratos Regis veneretur, quo ipsi Regi obsequium magis approbet. Proinde sic de Judæis loquitur Amos cap. iij: vers 2. Tantummodo vos cognovi ex omnibus cognationibus terræ; idcirco visitabo super vos omnes iniquitates vestras. Ad hæc pœnas quoque dederunt: quia nulla ex reliquis gentibus est, quæ duos simul Deos veneretur: Nam qui duos dicit, unum esse negat. Judæi autem pluribus Diis litarunt, ita ut habuisse dicantur in urbe Samaria trecenta & sexaginta quinque; templa Deastris sacrata, pro dierum solarium numero: & quotidie per singula templa singulis Diis litasse; ultimo vero anni die per universa universis. Eaque res quam maxime invisa Deo est: plures enim & unus ex diametro pugnant. Trinitas vero non pluralitas; sed, si rem accuratè putes, mera est Unitas. Vidi quoque tres Germanos, sapientiæ fama inclytos, a quibus didici ex libris Cabbalisticis; quin etiam ipse oculis meis vidi, ut explicatum fuerit, quomodo Trinitas sit Unitas. Hic illos rogavi: Utri virtute præstantiores essent, illine, an majores ipsorum? Respondebant illi: Certum hoc est, omnes nostras virtutes, si

in

in unum con ferantur; ne cum minima quidem majorum nostrorum virtute esse conferendas. Templum quoque, divina benignitate post septuaginta annos illis restitutum, eximias ipsorum virtutes satis superque arguit. Tum ego instare: Si illi vobis fuerunt meliores, qui tamen simulacra multa coluerunt; cur vos itaque Trinitatem non creditis? præferim cum Trinitas sit absolutissima Unitas, uti ex libris vestris Cabbalisticis liquidò demonstrari potest. Illi contra responderunt: Se majorum exemplo, qui, quod plures Deos coluissent, gravissimas poenas dederint, satis edoceri; talem cultum cane pejus & angue fugiendum esse: maxime cum ab omnibus vatibus serio moniti fuerint, si Deastris litaverint, ipsos gravissimam cladem esse accepturos. Rex ait: Rectius tibi responderunt illi, quam tu illos rogasti. Thomas inquit: Si Trinitas est Unitas, tum illud argumentum scilicet quod majores ipsorum, propter multorum Deorum cultum puniti sunt, & ipsi ob eum se puniendos esse putant, nihil habet ponderis: quia non jam multos; sed unum Deum colunt, si Trinum colunt. Cui Rex: dicam Thoma, est longe mihi alia mens, quam iis, qui ante me regnum hoc tenuerunt. Illi conati Judæos ad sacra Christiana cogere, nihil quicquam

promoverunt: nam quantumvis palam coacti, intimis tamen animi sui sensibus Judæi esse non desierunt. Et verum illud verbum est, vulgo quod dici solet: Tria aquarum genera male perire.

I. Aquam baptismi, in hominem Judæum effusam.

II. Aquam dulcem in mare influentem.

III. Aquam vino affusam. Atque hujusce rei in promptu causa est. Cum enim Judæi olim viderint stupendas illas stationes, sancta illa loca, illa prodigia & portenta, ipsumque ignem in legislatione cœlitus demissum, illarum rerum imaginem animis suis penitus insculpsere: quæ postea in naturam abiit. Proinde antiquam illam, jam penitus impressam imaginem delere, novamque induere velle; id vero sit, naturam ipsorum evertere. Christiani vero, ubi primum Christianæ fidei formam induerunt; nullam ante cœlitus fidei formam acceperant, præterquam eam, quam ingenii sui solertiâ confinxere; & ea simulacrorum cultus fuit. At qui certam non habet formam, ille cuilibet recipiendæ aptior est. Thomas inquit: Proin ego assero, fieri haud posse, ut animis Judæorum lex Mosæica evellatur; nisi beneficio ignis, per quem data est. Rex ait: Vere tu ista quidem, Thoma; at obijcient illi: Non tuum id; sed ipsius

ipsius Dei esse: quam igni tulerit, eam igni tollat. Atque id ipsum in cœna apud patrem meum audire me aliquando memini ex duobus legatis, quorum alter Don Josephus, Benvenistæ filius; alter Solimanus, Jahisi filius erat; missis ab Algasmaso Castellano. Cum forte quidam ipsos coram patre meo, ad sequenda Christianorum sacra hortaretur, in hanc sententiam responderunt: Legem suam latam esse, aspectantibus sexaginta hominum myriadibus; per prodigia, clarissima divinæ majestatis indicia, ignemque coelo delapsum. Omnino itaque æquum esse, ut eodem, quo lata lex est, modo abrogetur. Proinde Deus optimus maximus ipse veniat, nosque ad montem aliquem convocet; nobis majestatis suæ fulgorem ostendat, & jubeat, omissâ lege Mosaicâ, nos Christianam sequi: tum demum aliquando constabit, o Rex, an perviciam pro causâ nostra induturi simus. Quare ob hanc causam, perviciæ damnandos Judæos esse negavi: præsertim cum Servatoris nostri res, non sint ad captum nostrum, quanquam non omnino supra captum sunt. Proin religio nostra non lex; sed explicatio legis vocatur: quam ad mortem usque sequi, mihi certum est; quæ me servabit, & in Paradisum inducet una cum Regibus, meis majoribus.

ribus. Non eo hæc dico, quo eorum causæ patrocinari videar; sed eo saltem hæc refero, ut potestatem nobis deesse ostendam, quâ eos ad deserendam legem suam impellere queamus. Thomas ait: At quam multa absurda sunt, quæ tamen illi credunt! Cui Rex: recense nobis aliquot. Thomas inquit: Judæi ajunt: Cum ad montem Sinai consisterent, Deum ipsis cœlos desuper rupisse, cum tamen cœli noxam nullam, aut rupturam admittant. Tradunt quoque, Deum sedisse in tentorio Moïsis, unde efficitur: quod ille corpus habeat. Quamobrem igitur religionem Servatoris nostri averſentur, videlicet, quia ille corpus habuit? Ajunt quoque, in æde secunda ignem, accendendis victimis, non descendisse de cœlo; sed ex inventa forte in monte Moria scrobe, quæ oleo plena erat, petatum oleum, & superfusum lignis in ara structis, in ignem fuisse mutatum. Narrant præterea, vatem Habacuc, cum messoribus cibum laturus rus abiret; ab Angelo prehensum; plurimum parasangarum iter in leonum foveam ad Daniele m fuisse delatum: ubi cibo potuque una sumtis, cum Habacuc ad mellores reverteretur, nondum etiam prandii horam ad fuisse. Tum memorant quoq; viri cujuscumque justiciæ, cum lupis congregari ausas, eos devorasse:

rasse: id est, oves devorasse lupos. Alius addit, eundem illum virum justum lampadi acetum infusum pro oleo accendisse. Rex inquit: Et ego paria Judæorum deliria sæpe audiui. Ajunt: Avem quandam posuisse ovum, quod fractum sexaginta urbes inundaverit. Ferrum quoque aliquando in mare projectum, perpetuo septennio nondum ad maris fundum delatum. Equidem valde dubito, utrum sapientissimi homines, qui hæc tradidère, istis fabularum involucris abstrusam & reconditam quandam sapientiam texerint; An vero delirus & improbus quispiam, ejusmodi nugas Thalmudi inseruerit; quo Judæorum scripta, per omnium gentium ora traduceret. Ut ut est: Ex eo tamen nulla certa ratio peti potest, quâ ad credendam Trinitatem impellantur: quinimo hæcce in vulgi animis religionem confirmant; ut quæ arguant, Deum omnia posse, eumque curare viros bonos, qui rerum propter illos naturam mutet: fortassis hoc ipsum significavere illi, qui hæc scripserunt. Trinitas autem evertit religionem illorum, qui unitatem credunt. Deest & vulgo id ingenii acumen, quo verum perspiciant: qua ratione tres unus esse possint. Hinc oggerant tibi, se credituros ea, quæ fidem suam confirment; non ea, quæ evertant. Thomas
H inquit:

inquit: Hæcce utique dignissima, quæ scripto consignata referantur ad sapientem aliquem virum, ut super iis sententiam suam rogetur. Sed nunc ad propositum revertar, ostendamque causam Judæorum excidii à natura, si minus verisimile videatur; certe a poena esse. Quod attinet ad divitias & opes, o Rex, quas supra memorasti: illæ longè iis amplissimæ fuere. Unus ecce Salomo, ad sacra impendit mille & octo talenta auri; septiesque mille argenti. Populi quoque incredibilem frequentiam, atque propemodum infinitum numerum fuisse, annalibus fuscè perscriptum est, qui referunt; fuisse in Israël undecies centena hominum millia, qui militiæ idonei essent: & regii sanguinis quoque viros ad quadringenta & septuaginta millia. Rex ait: Duo apprimè miratus sum.

I. Unde Salomo tam immensas paravit divitias.

II. Quo pacto imminuti adeo sint Judæi, cum tot myriadibus, ut dixisti, continerentur.

Respondit Thomas: Præter incredibilem illam divitiarum vim, illi quotannis navibus ex Ophir advehi solitam, ipse quoque amplissimas opes à patre relictas habuit; quas ex gentium rapinis coëgerat: Proinde ex illis Salomo templum struere noluit. Rex inquit: Mediusfidius jam periisti, Thoma, qui

qui mihi atque omnibus Regibus maledicas: num id, quod Rex armis hosti eripit, rapinæ nomen meretur? Sed sapientiæ tuæ istud libens remittam hodie. Quin tu mihi nunc causam expone, quamobrem vires Judæorum adeo fractæ atque imminutæ fuerint. Thomas ait: Atrocissimis bellis exhaustæ Judæorum vires tanti mali causa fuerunt, ut jam dicturus sum; quos vero reliquos belli rabies fecerat, in regnum tuum delatos eo ipso anno pestilentia sævissima afflixit. Et isti quoque sunt illi, qui primo dirum hoc malum humano generi intulerunt; nempe ex oraculi fide: Deut. cap. xxviii: vers 21. Adjunget tibi Deus pestilentiam. Tibi ait; & non genti alii. Atque hoc malum soli isti genti incubiturum intellige, quamdiu patriam suam, sedesque antiquas tenerent. Verum ubi inde migrarunt, nobis quoque luem istam affricuerunt; ex hoc argumento: Væ malo, & væ illius vicino! Rex respondit: si mihi alius quispiam hæc diceret, Thoma, dicerem esse dignum Helleboro caput.

Quid autem? Tullius, qui te multo sapientior, autor est, quinquaginta annis ante Judæorum in Hispaniam adventum, passim sævientis mali rabie tantam hominum vim absumptam, ut exhaustis penitus civitatibus, vix quisquam superfuerit, qui

vel maximarum urbium, præsertim Cordubæ, Tole-
ti, Hispalis portas recludere valuerit. Ipse quoque vidi
pestilentiam satis favam, quæ ex Christianis abri-
peret quotidie centenos, ne uno quidem, quod
prodigii instar esset, pereunte Judæo: ut etiam
per noctem, suos liberos in Judæorum domos per-
duxerint Christiani, quo tutiores a dira lue esse
possent. Atque in urbium maxima Roma, vicinis-
que agris pestilentia tribus continuis annis adeo
grassata fuit, ut crederent, Deos sibi infestos, tam
dirâ pertinacissimi mali lue excindere se totos velle.
Satis quidem verorum criminum per se Judæi ha-
bent; licet innoxiiis atque immerentibus etiam fal-
sa non imponas: propeque ausim dicere, te primo
ipsorum causæ patrocinari videri voluisse, quo po-
stremo virus hoc in eos liberius evomeres.

Sed ad rem: nondum etiam explicatum fuit,
quæ excidii ipsorum causa naturalis fuerit. Respon-
dit Thomas: audi igitur, Rex, certissimam excidii
causam, magnitudinem superbi imperii, jam mo-
le laborantem sua. Exemplo arbor est, quæ quo
magis attollitur, eo opportunior est ad casum: quia
ventorum rabie tanto acrius agitata, facilius everti-
tur. Sic Judæos, superbia tumidos depressit ille su-
perborum ultor Deus, in quos vates ait: Lament:
Jer.

Jer. cap. ii vers 1. Projecit de Cœlo in terram tumidum Israël. Quæ verba ad exemplum hoc, quod de arbore dixi, videntur alludere; ascensus enim illorum ad astra ruinæ causa fuit. Quia alter alteri ambitiosè se præferri voluit, donec certatim in partes iretur. Quis adeo imperitus est, illud ut ignoret, cum cæteri omnes parem ferant, solum superbum parem, aut æmulum ferre non posse? Superbia odium peperit: Odium factiones. Hinc omnes sibi certatim imperium vindicare. Et quo aliis dominarentur, advocarunt externas gentes, quæ cognitis occultis reipublicæ vulneribus, & intestinis animorum dissidiis, exuto Judæorum metu, contemptum induerunt: eosque aggressi, bello profligarunt. Lament: Jer: cap. iv. vers 12. Non crediderunt Reges terræ, quod ingressurus esset hostis, & inimicus per portas Hierosolymorum. Nec hostium impetum sustinuere; quia frequentissimus populus civilibus discordiis exhaustus, & ad paucissimos redactus, minus valuit; ac omnes pro animi sui libidine cuncta gerebant, quo inter se similitates atque discordias acrius exercerent. Quo sane vulnere, vires eorum conciderunt, ut tanta inutilis turbæ frequentia, defendendæ reipublicæ nihil quicquam profuerit, de quibus hoc

vates pronunciat : Esai. Lij. vers. 6. Omnes nos quasi oves erravimus. Physici tradunt ; in nullo animalium genere , quam in ovibus , majorem esse stultitiam : hinc vatis illæ voces , quasi oves erravimus. Imo illæ ipsæ naturæ dotes , quæ ovibus adsunt , Judæis defuerunt. Oves enim societatem & concordiam amant ; contra Judæi omnes diversi , pravam animi lubidinem secuti fuerunt. Adeo ut de iis intelligendum oraculum esse videatur : Unusquisque in viam suam declinavit. Hinc ex ingentis pravitate , inter ipsos similitates & discordiæ natæ sunt. Quam belle igitur hoc interpretatus est Nicolaus Liranus , origine Judæus , Judaicarum rerum scientissimus : qui ad verba versus hujus 3. Exod : cap : xxxv. Non succendetis ignem in omnibus habitaculis vestris die Sabbathi. ait : Hic non de igne proprie sumto Deum loqui : quia jam ex præmissis istis verbis, Exod. xx. vers 10. Ne facito ullum opus , vetitus esse intelligebatur. Sed Deum loqui de igni dissidiorum : ne illum Sabbathis suis accenderent , qui Judæis , dum oria agunt , pravus mos esse solet. Rex inquit : Belle illud interpretatus est fur domesticus ille & transfuga. Verum , quod attinet ad negotium Sabbathi , in eo propemodum exoptulem cum Servatore nostro

stro Christo; quod nobis non præceperit Sabbathum colendum: imprimis cum id deducat ad cognitionem rerum in principio creatarum: quemadmodum Christiani cum Judæis unanimi consensu credimus omnes. Si dixeris: Diem Solis ejus loco esse: Tum id verum esset, si Christiani eum observarent feriendo a laboribus; Verum non observant eum, nisi comedendo & prodeambulando. Sed Judæi eum observant, vacando a laboribus, & divinam legem lectitando. Sic & Muhammedani, die sexto legunt suum Coranum, in quo nobis præstantiores videri debent. Ad quæ respondit Thomas: Christiani haud tenentur cessare a laboribus; quia in Sabbathi observatione duo attenduntur.

I. Memoria mundi creati.

II. Memoria servitutis, quondam Ægyptiacæ. Quemadmodum sacrae literæ dictitant: Deut. v: vers 15. Memento, quod & ipse servieris in Ægypto. Christiani autem, qui nec Ægyptum unquam ingressi, nec egressi fuerunt; adeoque sibi nullius servitutis conscii, nihil necesse habent, intermisso labore, Sabbathum celebrare. Quandoquidem incidimus in hunc sermonem: quæram ex te, quid causæ sit, quam obrem Moses sacraverit diem Sabbathi. Muhammedes diem Veneris. Christus autem diem

diem Solis? Ad quæ Thomas: Dixit Moses, honorem eum deberi diei Sabbathi; quandoquidem illo die Deus ipse quieverit: cujus consummatissima perfectio apparet quiescendo, non opus faciendo, quasi ad perfectionem sui aliqua re indigeat. Vates autem Arabs edixit: ut homo eodem, quo labores suos finit, die lætetur: ideoque festum pronuntiavit diem sextum, quo consummata est rerum creatio. Christus vero primum sacrauit diem; decet enim sacrum esse rei principium, haud obscure innuens, Deum omnium rerum principium esse. Nunc naturalem excidii causam persequar, ostendamque, ipsos sæpius suo sibi jumento malum accersivisse.

I. Cladem primam accersivere sibi Judæi, tempore Jeroboami filii Nebetis, cum venirent petitura filio Salomonis, ut asperrimi imperii jugum, quo premebantur, non nihil allevaret. Ille respondit: se etiam amplius aggravaturum esse. Sic autem minime respondisse decuit: Decuit divinitus unctum, & legitimum Regem, populum civesque suos comiter affari, & benignè habere; metuentem incertos fortunæ casus, facilesque imperiorum conversiones. Populus enim revera regnum: Rex nihil præter nomen tenet. Illi igitur asperrimi vilissimique

simique ingenii homines , responso hoc irritati , familiam Davidis temerè repudiarunt : ut enim novos Deos, sic quoque novos Reges legerunt. Quanquam officii ipsorum fuerat , circumspectius multò egisse , atque expectasse; donec Rex precibus victus petentibus annuisset. Unde concitatis atrocissimis bellis civilibus , paulatim mutuis cladibus multum imminuti sunt : Discordia enim res maximæ dilabuntur. Quid itaque ipsis sua calliditas supra memorata profuit? nisi ut, omisso externo hoste , in mutua viscera robur viresque converterent. Tum Jeroboamus in Ægyptum profectus , contra illos Sisacum concitavit: cui ille abditissima Judaici imperii arcana aperuit , atque modum , quò urbs capi facilè possit , ostendit. Quique in urbe stabant a partibus Jeroboami , illi mittebant Sisaco literas , quibus rationem expugnandæ urbis edocebatur. Quod ubi partibus filii Salomonis innotuit , intra urbem acie congressi , alii alios trucidarunt tanta crudelitate , ut nullus hostis posset crudelius. Potentissimo patri tuo aliquando Judæis irato , ipsosque regno expellere meditati , ait consiliarius quispiam: Etiam atque etiam vide , Rex , quid agas, omnibus enim Regibus , qui ejusmodi consilia agitarunt , exitialia illa fuerunt. Si quam vindictam de illis sumere expetas ,

I

jube

jube omnes in unam urbem venire; nullo externo admisso, ipsos sibi principes creare: videbis, perpetuis discordiis commissos, mutuis cladibus citra operam tuam interituros.

II. Altera clades fuit tempore Regis Abiæ, cui comiter & perquam benignè ipsos tractanti responderunt: sibi nihil rei ultra esse cum Davidica familia; hinc bella enata, quibus quingenta hominum fortissimorum millia, flos gentis, ceciderunt.

III. Tertia fuit tempore cujusdam Regis Judæ, qui misit Regi Ægyptiorum dono omnia divini templi sacra vasa; ut auxilia laboranti ferret. Quæ res magnæ initium cladis fuit; quia profanata sacra Sanctuarii vasa tradiderant externis. Adest ergo Ægyptius Rex cum exercitu, ingentes clades ipsis infert, tempus adesse dictitans: quo majores olim a Judæis in Mari Rubro merfos ulciscatur.

IV. Tempore, quo bella gerebant duo fratres Reges, unus Judæ, alter Israël. Ansam belli captans Rex Israël ex eo, quod sacerdotes non fungerentur munere suo; uno die trucidavit viginti sacerdotum millia.

V. Quinta clades sub Rege quodam nomine Menachemo, qui magnam quoque populi partem intestinis bellis absumsit. Itaque cognitis Sancheribus
ipforum

ipforum discordiis , magno cum exercitu advolans , urbem obsidione cinxit : cui Menachemus , modo sibi regnum confirmaret , mille argenti talenta se daturum , tributumque annuum promisit. Quam argenti summam cum ex ærario suo pendere nollet : populo eam imperavit , qui summæ illi conficiendæ liberos vendere in servitutem est coactus .

V I. Sexta tempore , quo Nebusaradan movit contra illos ; quo bello , altero tanto plures , quam Ægyptum quondam erant egressi , periisse testantur Thalmudici Magistri. Tum primum sanctus ille locus incendio deflagavit. Fame consumptis ducentis hominum millibus , ut scriptum extat in antiquis annalibus.

V II. Septima est Alexandrina clades , in quam urbem bella Hierosolymitana fugientes innumeri Judæi , tanquam in portum quendam sese receperant : ubi rebus prospere se dantibus , ædem sacram ædificarunt ; alii in alios imperium affectantes. Hinc pars altera , missis legatis ad Trajanum imperatorem suppetias rogavit ; quo veniente , cum bellum intra & extra urbis mœnia haberent , quingenta hominum millia ferro perierunt.

V III. Octava fuit ob fratres duos Reges , Hircanum & Aristobulum vocatos : minor cum majori

regnum concedere nollet, misit Aristobulus donum Pompejo, duci Romano; ut sibi auxilia ferret: donum illud autem fuit vitis aurea quingenta auri talenta pendens, cum pretiosissimis gemmis atque margaritis. Pretio inductus, cum numerosissimis copiis, quas adduxerat, Pompejus urbem foris oppugnaret, quam mutuis cædibus intus fratres exhauriebant; ingens civium numerus, intestinis cladibus cecidit; regnumque Hircano relictum: Aristobulus victus compedibus, Romam perductus est.

IX. Nona clades tempore belli Herodiani, quod ortum ex civili quoque discordia fuit.

X. Decimam cladem, qua templum secundum fuit eversum, Titus iis dedit: qui utinam nunquam bellum Judæis fecisset! hodieque, o res Judæa, stares. Fame tum quoque periisse quadringenta hominum millia auctor est Josephus. Idem narrat incredibilem Judæorum pertinaciam, quæ hac una re arguitur. Titum enim hoc unum flagrantem, ut Judæi Romanorum insignia in porta Hierosolymitana ter in anno erigerent, quo urbs Romani imperii esse videretur, nimis quam superbe repulerunt. Sed quid mirum pertinacissimam gentem, externo atque alieno principi morem non gessisse; quem non gesserit domestico

mestico & suo. Fuit praterea, o Rex, Menasses quispiam; qui duxit uxorem Moabiticam contra Esrae edictum: quo omnes mulieres Moabiticas, ex legis suae mandatu, Judaeorum finibus ejici jussit. Menasses vero cum uxorem dimittere nollet, congregati omnes sacerdotes, eum a cultu divino prohibuerunt. Tum Menasses, auxilio generi sui Sanbeleti, omnibus convocatis sacerdotum principibus, dixit: Si potestatem sacrorum faciendorum ipsi dederint, bene esse: Sin minus, se id facturum; quo omnes dolerant facto, quodque nullo unquam consilio restitui in integrum possit. Sacerdotibus verba ejus eludentibus, abiit & multos ingentibus muneribus corruptos, facile ad sese pellexit: (maximis enim divitiis pollebat,) & cum templum in monte Gerisim struere pararet, ipse cum Rege Sanbeleta, genero suo, ad Regem Alexandrum profectus est, magnam pecuniae vim ferens: quo muneribus oblati exstruendi templi sibi potestatem faceret. Qua impetrata, omnes vicinae urbes maximopere latabantur; quia & molestissimis Hierosolyma itineribus, & magnis sumptibus, quos sacris illico rite celebrandis impendere tenebantur, liberatos se esse viderent. Menasses vero, qua erat insigni calliditate, misso per finitima loca pracone, pronunciari jussit: Ne quis, qui su-

um templum frequentaret, suarum rerum quinquagesimas & decimas; sed tantum quaecunque, voluntarium munusculum daret. Deo enim haud grata esse coacta & extorta; sed a libero animo sponte profecta. Tum nec datam esse Judæis legem, qua res humanæ vitæ sustentandæ necessarias, ad divini cultus usus transferre juberentur. Quâ re conciliatis pauperum animis, et em-ploque constructo, finitimi omnes tractus, Hierosolymitanum templum Deo lectissimum, quod in monte ejus, qui Moria est, deseruerunt. Hinc bellis conflatis, inter Judæos Hierosolyma ad sacra celebranda commeantes, atque inter Judæos novum templum adeuntes, ceciderunt utrinque pluri-mi. Itidem veteres illi, & legitimi sacerdotes congressi fuere cum novis istis, quos Menasses institue-rat. Denique quotiescunque Hierosolyma ad solen-nia sacra obeunda commearetur, pugnatum semper cruentissimis præliis fuit; idque adeo ducentos prope annos, quos templum illud sterisse dicitur: donec re-gnare cœpit Hircanus, pietate & singulari divinæ le-gis studio insignis, qui Hierosolymis profectus, tem-plum illud novum diruit, & funditus evertit: alios ca-pitis, supplicio alios aliter ultus, Judæos Hierosolyma ad pristina sacra revocavit. Verum istis bellis, tertia

Judæ-

Judæorum pars facile consumpta fuit. Nunc tibi, o Rex, illorum perfidiæ exemplum accipe: Fuerunt inter Judæos duo fratres, filii justi cujusdam, majorque cum sacrorum rationem minus intelligeret, pater minorem rituum sacrorum magis intelligentem, Pontificem maximum creari voluit: Sed ille pontificatum recusans, eum fratri natu majori ultro detulit. Ille vero aliquanto post, cum facti poeniteret, fraude excogitatâ, quæ eum in culpam impulsit, Pontificatu moveret, hujuscemodi verbis aggressus est. Age vero, docebo te sacros ritus, illumque indutum veste sacerdotibus inusitatâ, cinxit cingulo profano, veste inquam, & cingulo, quibus mulieres uti solent. Quo ad aram deducto, ipse ad sacerdotes, qui in templo erant, descendit. En! inquit, frater meus habet amicam, quam amat; cujus ista vestis & cingulum sunt; illi enim juravit, quo primum die Pontificatum iniret, se ejus vestes in signum amoris, quo eam prosequatur, induiturum esse.

Tum omnes consurrexerunt sacerdotes, eum occisuri. Ille obtestatus eos, audirent primum verba ejus: Enarrato illis fratris sui dolo, verum dixisse compertus est. Quare minorem nefarii doli manifestum, dum ad supplicium deposcunt, ille in aulam

lam Regis evasit. Unde cum ipsum abstrahere pararent, Alexandriam in Ægyptum profugit. Ubi à se structo templo, Pontifex maximus constitutus est. Quod templum ducentos quoque annos circiter stetit. Tum Rex: Equidem miror, te singulas Judæorum res felici memoria complexum, adeo fideliter enumerare posse. Thomas inquit: At fortassis tibi, ob hæc ipsa, Judæus esse videar: verum ita sese res habet, quando ad Christianos conciones habeo censorias, quo moveam magis, argumenta peto ex Judæorum malitia, quæ excidii ipsis causa fuit. Præterea tibi, o Rex, duas ruinæ Judaicæ causas exponam.

I. Primum Judæi quamdiu propitium Deum habuerunt; ipse bella eorum pro iis confecit: ut passim sacre literæ testantur. Proinde artes militares, quibus non indigerent, nullas didicerunt; hinc de illis dictum Jud. cap. v. vers 8. Clypeus & hasta non apparuerunt in quadraginta millibus Israël. Verum ob scelera, averso & infesto iis Deo, misere gemino, & divinæ benevolentia, & artis militaris præsidio destituti, veluti pecora hosti ludibrio & prædæ fuerunt. Deinde defuerunt Judæis machinæ, quibus dejiciuntur muri, quas Romani Græcique expugnandis urbibus adhibuerunt. Quemadmodum

dum & ferrei arietes formidandi, atque Elephantum turribus instructi, quæ, cum Judæis non modo invisa, verum etiam inaudita omnia essent; nesciverunt sibi ab ipsorum damno cavere. Rei novitate stupentes, alii alios sic affati sunt: En formidabiles belluas, ne fando quidem nobis unquam auditas; omnino feras sylvestres esse existimantes. Rex ait: Nec id mirum videri debet; cum homo rei nunquam ante in vita visæ, prima fronte, nec imaginem, nec naturam satis capere possit. Legimus scriptum: olim homines, de monte quodam, in subjectos agros irruisse, equis insidentes, ut raptarent & prædarentur opes eorum, qui agros istos habitabant: illi, cum nunquam vidissent hominem equo inequitantem, opinati sunt, novum quoddam monstrum esse; quod summâ & mediâ sui parte hominem, imâ vero belluam aliquam referret: ex quibus unum monstrum confinxere, quod centaurum appellarunt. Quam stultissimam opinionem monstrorum ille domitor Hercules iis primus exemit, qui ridens hominum stultitiam, tum primum visos centauros bello persecutus; homines esse ostendit, equis insidentes. Ipse ego memini, nos aliquando currum in bello habuisse, cui magnâ corporis mole aries insidebat, quem cum

K

obfessæ

obseſſæ urbis portis admoſilemus, oppidanis novæ, ut putabant, belluæ conſpectu territæ, & fugâ dilapſis, portas invaſimus, & urbem cepimus. Sed quod tu dicas, Judæos ignoraffe, quid rei novæ fuerit, falleris: haud ita eſt. Narrat enim graviffimus autor Joſephus, cum Titus Imperator militi imperaſſet, ut muro arietes admoſeret: egreſſum eſſe juvenem quendam, qui cuniculis ſub machinarum rotis actis, cum ſulphure & pice eos impleſſet, illis igne ſuccenſis, ferreos arietes diſjecerit: omnibus, qui machinarum cuſtodia præerant, eadem ruinâ oppreſſis. Poſtea admotis tribus arietibus, qui cladi iſti ſuperfuerant, ait Titus: quatuor juvenes Hieroſolymis egreſſos, Tophtium Galilæum, Magnum Hebronitam, Gormanum Samaritanum atque Arium Hieroſolymitanum, invaſiſſe ſuos; cuſtodibus omnibus trucidatis, ingentem lateſtragem inter Romanos dediſſe. Viros fuiſſe in feminas dixiſſes, adeo ut exercitu pulſo, facibus ſubjectis, arietes iſtos exuſſerint. Num tibi jam ignoraffe arietes Judæi, aut nova belluarum monſtra fuiſſe opinati videntur? Bello quoque, quod cum Antiocho Rege geſſere, puer quiſpiam ferro Elephanti ventrem ſuffodere auſus; quia Matthatias Imperator dixerat, occiſo elephanto, turrim

rim superstantem collapsuram. Ex quo efficitur, illos Elephantorum turres veras turres, non nova quædam monstra existimasse. Ergo non armorum penuria, nec novarum machinarum insolitus terror; sed ira Dei, ipsorum sceleribus merito infesti, una iis, & verissima excidii causa fuit. Restat, ut causam, quamobrem eos æde sibi sacratâ, & sedibus suis eiecerit Deus, nunc ex te cognoscam.

Tum Thomas: causam igitur accipe, o Rex: Cum Deum externum in sacram Dei sui ædem induxissent; hoc pretium ob stultitiam tulerunt; ut in externi illius Dei terram exulatum, eique, quem in Dei sui ædem temere admisissent, servitum irent: Idque ex verbis Jeremiæ constat, quibus prorsus gemina lex divina dixit: Deut. cap. xxviii. vers 36. Coletisque ibi Deos alienos, ligna & lapides. Tum Babylona, ubi septuaginta exularunt annos, commigravêre. Videor mihi videre subtilem quandam causam, quæ septuaginta annos ipsos in exilio detinuerit; estque hæc: Quia planetarum cursus illo annorum numero absolvitur; quem cursum ipsi postea retro flectunt. Annos Saturnus undecim: Jupiter duodecim: Mars septem: Sol decem: Venus novem: Mercurius duodecim: Luna novem, cursui suo absolvendo sibi vindicat. Proinde totidem, quot cunctorum planetarum cur-

sus annos habet, exegerunt in exilio; quia omnes planetas coluissent. Rex ait: Quod si ita est, cur jam, cum Deos externos, vel simulacra nulla colant, per tot secula pœnas dant? Thomas inquit: Sunt vero, o Rex, multo graviores culpæ, quas homo in hominem, quam quas in Deum admittit: nam unde illæ absunt, rerum salus, totiusque humani generis communis tranquillitas adest. Christiani ecce legum suarum reverentiâ, rapinâ, fraude, usurâ, & id genus aliis, religiosissime abstinent. Minus religiose iis vacantes, quibus summi Numinis cultus continetur; imo sunt, qui toto anno, non nisi semel orant; stant tamen & vigent omnes. Contrarium videre est in Judæis; quis enim Judæorum vel semel preces intermittat? Verum a furto, fraude, rapina, minus abstinere solent. Proinde graviter eos ultus Deus, qui pessime rapinas odit, exilium iis in plura secula prorogavit. Et cum Messiam nullum habeant; invocant tamen eum identidem stultissimi illi mortales, Sabatho exeunte. Ad quæ Rex: Cur invocant eum super vino? Thomas inquit: Ejus nullam certam causam habeo dicere, nisi forte sperent, ipsam audito vini nomine, quam ocissimè advolaturnm. Eversum templi causam nunc audi, o Rex: Accidit ei, quod Servatori nostro accidit: qui veniens primi hominis crimini

crimini expiando, mortem ipse appetiit. Sic templum, culpis gentis Judaicæ piandis, pro ipsis igni consumtum periit. Rex ait: rem sane absurdam re multo absurdiori declarasti. Quis enim unquam vidit Regem, qui servorum suorum delicta, filium suum mortē luere voluerit? aut expiandis illorum peccatis, domum suam exusserit? Thomas respondit: Plane Servatoris nostri dispar ratio est; nam si mortuus est; corpore solo mortuus est: Ipse enim e vestigio ad cœlestem patrem suum abiit, & vivere apud eum non desit, immutabilis æternum; visusque trucidari & mori tantum hominibus est. Rex inquit: At jam multa & bene satis de rebus Judaicis, uti & de ipsorum templo. Ego autem aliam etiam rationem esse arbitror, quamobrem eversum templum fuerit. Scilicet, quod tum etiam Deus, cum acerrime eorum improbitatem ulcisceretur, severitatem & iram clementiâ & amore temperaverit. Et quanquam ea illi mens fuerit, ut eos in exilium ejiceret; quemadmodum, ut tute dixisti modo, gravissimorum criminum ratio id postulabat, noluit tamen, sacram ædem relinqui paganis. Præsertim, cum sacra illa ad populum nullum, præter enim, qui ex Ægypto egressus esset, pertinerent. Tibi vero veracissimo Deo, qui solus verum perspicis, laus &

K 3

gloria:

gloria: nos enim de rebus, non pro earum natura; sed pro ingenii nostri captu loquimur: nec scimus; sed hariolamur. Gaudeo tamen, haud obscuris indiciis me cognovisse, Judæos non teneri omnibus istis criminibus; quorum vulgo insimulari solent. Sed qui hominis infantis exitio imminet, sibi ipsi exitium parat, quemadmodum Deus inquit:

VIII. Anno quarto magni Hispaniarum Regis Alphonsi, fuerunt in urbe Osluna tres scelerati homines, qui cadavere, in ædes cujusdam Judæi projecto, judices fictis lamentis & gemitu adierunt, dicentes: se in ædibus Judæi Christianum deprehendisse trucidatum. Tum judici cum lictoribus, in ædes Judæi ingredienti, Judæus ait: Deum hominesque testor, o judex, me non occidisse hominem; sed inimici mihi perniciem machinati, cadaver in domum meam injecere. Judex comprehensum Judæum, pridie diei paschalis in carcerem duci jussit. Cum rumor is per urbem differretur, concitati Christiani primâ paschalis festi nocte omnes obvios Judæos trucidarunt; multis tamen, qui in magnatum quorundam ædes confugerant, a populi rabie servatis. Ubi cum panis azymi copia nulla esset & fermentato vesci legibus prohiberentur; totum pascha inediâ traduxerunt. Rumore hoc in urbem Palmam perlato,

perlato, illi quoque Oslunensium exemplum secuti, pariter in Judæos sævierunt. Unde dimissis ad maximarum urbium conciliabula nunciis, monuerunt: Extemplo ad Regem mittendos legatos esse. E vestigio igitur tres ex honoratissimis Judæorum, Abrahamus filius Benvenistæ, Josephus Synedrii moderator, atque M. Samuel filius Susanis, ad Regem profecti. Quo audito, conjurati eos persecuti sunt: sed illi vitio suæ gentis trepidi, totum diem in sylvæ latebris delituerunt. Persecutores illos prætergressi, rectâ ad regiam perrexerunt, accusaturi Judæos. Quibus auditis, Rex ait: jamdudum comperi vos malis artibus, scelestisque consiliis hoc unum agere, ut miserum miserandumque populum evertatis. Illud etiam certo comperi: vos dolis atque fallaciis instructos, multa falsa crimina innoxie atque immerenti genti audacter imponere solere. Quod etiamnum facitis; ego Rex, cujus munus atque officium est, jus meis civibus dicere; injustissimas vestras rationes non feram: periistis mediusfidius, nisi gravissimam improbitatis istius culpam, uno stultitiæ colore excusetis. Nunc abite, cras redite; tum vos turpissimi falsissimique criminis palam convincam. Sic illi cum ignominia rejecti, abierunt. Postridie mane legati Judæorum advenerunt, quorum Rex nomina expiscatus, literis con-

consignari ea jussit. Illi autem constituerant inter se, ut legationis causam unus omnium nomine Regi exponeret, honoratissimus scilicet Josephus, Synedrii moderator; qui omnibus instructus disciplinis, linguarum quoque peritiâ facile princeps erat. Ille vero ea eloquentiâ orationem habuit, ut omnes purpurati, adeoque Rex ipse, hominis prudentiam atque dicendi vim summopere admirarentur. Cui Rex: Multum me affecit oratio tua, nihil enim efficacius animos movet, quam veritas. Neque dubito, quin bonam veramque causam agatis. At quæro ex vobis: Si apud aliquem ex vestratibus, aliqui virum spectatæ virtutis atque veracitatis, res furto ablata deprehendatur; certone dici potest, illum furtum nullum commisisse? Responderuntei: Si de re furto ablata, & apud illum palam deprehensa, per oculos & idoneos testes constet; quis furtum fecisse inficiari possit? Rex ait: Videtè, quid dicatis: adest Judæus ille, intra cujus domesticos parietes cadaver trucidati hominis Christiani repertum est: quâ ratione judicio absolvam hominem? num eâ, quod vir probus, ac minime homicida habeatur? Tum legati: dispar ratio est, o Rex, ejus, qui per oculos testes furti convictus est: & illius, apud quem res furto ablata deprehenditur. Fieri enim potest, ut clam ipso
eam

eam in domum ejus alii injecerint. Rex ait: Ita certe res est, ut dicitis. Atque adeo certus sum, vos quidem homicidii istius crimine; sed non pariter aliarum rerum crimine insontes esse: quibus hercle criminibus, atque acri odio vestri, plebs concitata identidem in vos sævit. Quo audito, Regem obsecrantes, uti ea crimina ne indicare gravaretur, dixerunt: se, quo animo fideles servi herilia mandata, dicto audientes filii paterna jussa excipere solent; Regis sui verba excepturos esse. Respondit Rex:

I. Meministis equidem, opinor, vos inopes atque omnium rerum egenos, huc primum advenisse; ubi benigne recipientibus vos Christianis, malam gratiam retulistis, & acerbissimis usuris possessiones, jumenta, atque pecora iis extorsistis.

II. Si servos esse vos fatemini, incertis exilii sedibus vagantes, cur principum cultu inceditis? nisi, quia invidiam omnium, atque odium provocare studetis: præsertim cum serio quoque per universum hoc regnum edixerim, ne quis vestrum bombycina veste uteretur. Nemo vestrum audit me, nec mirum certe, non parere vos mihi, qui non parvistis ipsi Deo.

En! quam longe ab æquo & bono abistis; animus mihi quodammodo præfagit, vos misere &

L

magno

magno vestro malo regni mei finibus exterminatum iri. Sed si hinc migrabitis, non hercle, ut ex Ægypto, gaudentes & latantes; sed misero cum ululatu migrabitis. Satis mirari equidem nequeo ingenium vestrum, & miram istam agendi rationem. Juventutem enim in divitiis, senectutem in paupertate agitis. Prima vitæ spatia ingressi, habetis fortunam altam, & supra caput sublimem: quæ, paulatim ingravescente ætate, infra pedes depressa recumbit. Contra res in Christianis est, fortuna eorum, cum ineunte ætate, velut à pedibus surgens, ad summum capitis verticem tollitur. Christianus in infantia, pueritia, & adolescentia, vili vestitu: in senectute pretioso usus, moritur dives.

III. Quid sibi volunt frequentes isti conventus, cum congressi in foro die circumcisionis, aliisque diebus, per ora populi, regio plane cultu superbi inceditis? quæ plebs videns & indignans, acerrimis invidiæ stimulis agitur. Vos vero, inter gentem vestram facile principes, dum honori & famæ vestræ servitis; & vos, & miseram plebem perditumitis.

IV. Quando ex poculo, unde Christianus bibit, bibendum; elucitis illud, ut impuro ipsius contactu pollutum. Christiani autem stomachantes,

tes, inquit: Male sit Regi nostro, qui in nostras terras ejusmodi gentem recepit, quæ nos deridiculo habeat, & impuros vocitet.

V. Cur canere docetis vestros filios? cum vobis magis conveniat ploratus & luctus perpetuus: pronunciavit enim Deus optimus maximus, vos impios esse. Proinde toto terrarum orbe vos disjecit, quod nulli alii unquam genti evenit.

VI. Cur filios vestros armorum tractandorum scientia imbuitis? non enim in militiam itis: Quorsum autem, nisi ut Christianos probe occidere discant? Certe, si exilium vestrum, vagas semper & incertas sedes, denique vitæ vestræ discrimina apud animum vestrum perpenderetis; nunquam ejusmodi supervacuis exercitiis rem pretiosissimam tempus perderetis. Sed hoc stuporem & vecordiam vestram arguit. Quod vero hic subditorum meorum mos sit; ut rei militaris præceptis imbuantur, ex eo est; quod legibus obstricti teneantur, efflagitante id regni ratione. Illud enim, effusissimâ summi Numinis benignitate ad amplissimam potentiam evectum, armorum præsidio stare debet.

Et si à subditis meis malum discitis, cur non etiam bonum, pacis studium inquam, modestiam, atque cæteras illorum virtutes? Quod adeo non fa-

citis, ut etiam vitia illorum discatis; & eos contra vitia vestra doceatis. Nolite existimare, hæc loqui cum, qui vos oderit. Si enim Deus, qui multo ante vestros perfectos haberet mores, amavit vos tamen: Quid? num ego vos odero? qui quidem eo hæc omnia dixi, quo vos ab inimicorum vestrorum rabie defenderem. Respondere legati in hunc modum: Tu quidem, mitissime Regum, ut benignus quispiam pater, verbis nos castigasti; quod egregiam istam animi tui clementiam luculenter arguit: sed habemus tamen, quo crimina nostra non nihil excusare posse videamur; si justam, o Rex, dicendæ causæ copiam feceris. Quibus Rex: Equidem credo colorem vobis, quem dicatis, non defuturum; sed non disputandi ansam quaero. Satis vobis a me datum esse credite, quod vobiscum familiarius colloqui sim dignatus. Legati ajunt: Omnium morborum, quos enumerasti, o Rex, longe gravissimum præteristi, quo vel maxime laboramus, penuriam scilicet fidi patroni nostrarum rerum, atque benigni dictorum factorumque nostrorum interpreteris; qui sine invidia, sine odio, fideliter causam nostram agat, quod tamen nemo facit, quamvis causæ nostræ bonitatem liquido perspiciat. Illud quoque, o Rex, quod jam dicis & iratus tristibus verbis
in

in nos inveheris: nonne etiam id ex eo, quod nos Sy-
cophantæ isti falsis criminibus circumventos gravif-
sime apud Regem calumniati sunt? Quod attinet ad
fœnoris negotium, quondam quidem ita fuit, ut
dixisti; sed postquam publico edicto, & lege illud
abrogasti; nos penitus illud omisimus; excepto,
quod abhinc tribus mensibus, invitos nos cogere
cœpère Christiani, ut sibi fœnori daremus: ne-
que enim arandi, aut ferendi copia ulla erat, nisi
prius fœnori sumisissent. Nos vero edicti regii non
immemores, in regiam rogatum super hac re sen-
tentiam Regis venimus; sed cum compellendi Re-
gis, tum forte copia nulla daretur, ecce prorex
adventus nostri causam percunctatus, nihil quid-
quam, si fœnori daremus, nos peccaturos esse dixit.
Si enim Rex fœnus interdixit, publico Christiano-
rum bono interdixisse. Qui si ipsi illud susque
deque habeant, & ultro fœnori sumere malint; nos
extra omnem violatæ legis culpam esse. Sed ita de-
mum, si leve & certum fœnus exerceamus, quod &
fecimus. Cæterum, quantum ad furtum apud ali-
quem deprehensum, quod ad certius indagandam
homicidii culpam, veluti exemplum aliquod modo
memorasti, o Rex, quid aliud, nisi hoc unum
respondeamus? Nos Judæos sicut mures esse,

quorum unus si caseum furtim depastus sit, in omnes mures culpa confertur: ita omnium Judæorum fit culpa, unius scelus. Quis vero nesciat, illud ita natura comparatum esse, uti in omnium hominum genere bonis misceantur mali? Cur autem, quod mali peccant, luant boni? Nonne etiam, qui furentur, aut rapiant, inter Christianos sunt? Quamvis optimas præstantissimasque virtutes vulgo colant; quotidie tamen ex iis quosdam, furti aut rapinæ damnatos, in crucem agi videmus. Neque tamen ideo omnes Christianos furti aut rapinæ teneri merito dixeris: Sic nec Judæos omnes, illic homicidii. Sed imperii splendor multis vitiis mire obtentui est, quemadmodum formosa facies vitiis in muliere. Verum, contraria prorsus exilii ratio est, quod detegit, & ostendit etiam minimos nævos, vel exili sinapis grano minores, in ingenti corpore, vel ipso Sole majori. Nunc ad bombycinarum vestium usum accedamus: Ex quo ille nobis mandatu Regis interdictus fuit, nemo nostrum exitit, qui contra facere sit ausus. Et nos legati populi tui, facile nostræ gentis ditissimi, quos splendido cultu in regiam venire decebat; venimus en! laceris, pannosis, vilissimisque vestibus. Quibus Rex: At mulieres vestræ vestes bombycinas, & acui pictas, au-

aureaque monilia gestant. Itane vero leges meas observatis? Responderunt legati: At edicti verba, nisi vehementer fallimur, ita habent: Ne quis Judæus bombycinas vestes induito. En Judæum, non Judæam nominari vides. Hinc credidimus, ex more aliorum regnorum, mulieribus istum honorem haberi, ut ejusmodi legum immunes sint. Rex inquit: Quid audio? vos mihi videmini, ut carbonarii asinus; mulieres vero vestræ, ut Pontificis mulus ornari: quod nec justum, nec decorum est. Tum legati: Frequentes quoque ob circumcisionem conventus displicent: Quid autem, o Rex? ipsa lex nostra hæc pietatis officia imperat, ut afflictissima nostra gens, solenni hac conventuum frequentatione, certius perstare possit. Musicæ quoque & ejusmodi rerum studium damnas: Quis mortalium vero sibi temperare possit, ut non aliorum exemplo ad simile studium impellatur? præsertim juvenes atque adolescentes, quibus nondum ea est facultas, ut suis affectibus moderari possint: nec ea prudentia, ut iis, quæ minime decent, abstinere sciant. Respondit Rex: Vos mihi causam vestram satis approbastis, quare bono animo esse vos jubeo: & nunc domum digressos, cras ad me redire: Plures ejusmodi casus expertis, in mediis malis, Deus ex machinâ adfuit.

Postri

Postridie, ut jussi erant, se legati Regi stiterunt, qui inquit: Digna ista homicidii causa est, ad quam cognoscendam mittatur quasitor. Tum accusatores Christiani: En tibi, ô Rex, ipsas Judicum tabulas, ex quibus constare possit, quid illi de cæde ista cognoverint. Prorox inquit: Quarendum per tormenta censeo, si forte facti confessio Judæo extorqueri possit. Legati ajunt: Si tormentis res extorquenda erit, cerrum est: Judæum; quantumvis infontem, Christianum occidisse, & sanguinem ejus hausisse dicturum. Judæi enim naturâ molles & fracti, exquisito tormentorum cruciatu victi, facile quidvis se fecisse fatentur. Rex inquit: bono animo estote, ego enim per augustissimum Servatoris nostri sacrum juravi, me nunquam ab ullo Judæo, per tormenta facti qualemcunque confessionem, aut indicia expressurum esse. Expertus enim, heu! nimium expertus, extortæ confessioni parum tuto credi posse. Cum enim primum regnare coepi, duæ aureæ pateræ ex aula mihi surreptæ sunt, cum duo honesti Judæi Judas Onkoa, & Samuel Onkoa frequentes in aula mea versarentur; aulici omnes uno ore dicebant, eas a Judæis istis more suo ablatas: quos ego, tormentis adhibitis, furtum continuo confessos suspendi jussi. Verum triduo post, pateræ istæ apud fatellitum

satellitum meorum quendam deprehensæ sunt. Unde apparet Judæos, quamvis nullius criminis conscios, brevi crucis; quam lento verberum & tormentorum supplicio, mori maluisse. Ex regiis consiliariis quidam ait: Olim per tormenta nulla confessio facti exprimi solebat, quod veterum annalium testimonio comprobavit. Tum Rex graviter indignatus: se ista non monitum, in furti illa quaestione fuisse: potuisse enim istâ ratione insones criminis Judæos absolvi, & supplicio, quo jam indigne periissent, mature eripi, dixisse Rex, inquam, fertur. Hujus certe cædis autorem nemo proferre valet, nisi qui omnium fortium fortissimus habetur. Purpuratos, quis ille esset, interrogantes, Rex ipsos sibi dicere jussit. Cui illi in hunc modum respondent: Hoc olim quaesitum fuit.

Alii dicunt, mulieres esse: quippe quæ primum nostrum omnium parentem, unum rerum dominum Adamum, atque Salomonem inusitatâ & divinâ prorsus sapientiâ Regem, blanditiis suis victos in crimen culpamque præcipites impellere potuerint. Plato hinc interroganti cuidam Philosopho; Plures ne viri an mulieres essent? respondit: Cum viri omnes mulieribus pareant, universum humanum genus mulieres esse. Alii vinum esse affirmant;

ut quod Noachum virum singulari pietate insignem, humani generis vindicem, in vitium rapuerit. Alii Regem esse ajunt: si enim montes subverti jubeat, subvertendos esse. Alii humani animi affectus esse contendunt.

Rex inquit: Fortes quidem isti omnes sunt, verum fortius aurum est. Sævisissima Regum est invidia, asperrimum eorum odium, immensa ambitio, & profunda victoriæ atque triumphi cupido: Sed hæc omnia validissima aurum validius vincit; cujus pretio expugnati Reges bellum, materiem & segetem suæ gloriæ, redimi patiuntur. Sic quoque abstrusissima quæque aurum aperit. Proinde per universos regni mei fines indici, qui de cæde hac indicium fecerit, præmium proponuntur quingenti aurei, atque familiæ ejus regionum vectigalium perpetua immunitas, mox rem totam patefactam videbitis. Extemplo re per tubicines promulgatâ, triduo post accessit adolescentulus quispiam, octodecim annos quasi natus, qui inquit: Testor Deum, quem jure vereor, o Rex, me veri amore; quod certo scio, de cæde hac sedulo indicaturum. Cui Rex: Non negem, te Dei reverentiâ & veri studio fortassis impulsus huc venisse; sed certe magis luculento præmio inductum. Quare indica, si quid habes:

habes : indicanti ! magnum præmium paratum est. Tum puer : Ego sum famulus viri cujusdam , cui nomen est Johanni de la Vera , huic diu multa lis fuit cum Judæo isto ; apud quem cadaver Christiani illius deprehensum est , de possessione quadam per scenus sibi a Judæo extorta ; idque jam ante annos aliquot. Nocte quadam herus meus his verbis me aggressus , ait : Quin abi , & impurum istum Judæum interfice , cædis pretium habebis vestes bombycinas , atque etiam viginti aureos. Ego adolescentiæ meæ imperitiam causatus , ipsum , ut virum , qui me multo fortior esset , ad patranda cædem abire jussi. Non ita multo post , herus meus sex vicinos suos ad se vocari jussit : Qui cum jam adessent , ego ab hero secedere jussus , & hinc aliquid monstri alere suspicatus , aure foribus admota , audivi herum meum dicentem ! Judæos , postquam Servatorem indignissimâ morte peremerunt , impune interficere licere. Reges tantum eos emolumenti sui causâ ob opima vectigalia , quæ pendunt , patrocínio suo defendere. En sepultum est hodie in propinquo nobis cœmiterio cadaver hominis Christiani peregrini atq; ignoti , illud e sepulcro clam e ductum , injiciamus in ædes Judæi istius vicini nostri.

Cujus indignissimæ rei rumore , multitudo con-

citata in ædes Judæi, ut homicidæ, ad eas diripendum irruet: in quo tumultu & strepitu, nos facile bonam prædæ partem nobis rapiamus. Vicini contra: At si forte vacuum deprehendatur sepulcrum, dolus patebit.

Quibus herus meus: grande propter sepulcrum saxum jacet, quo pro cadavere immisso, sepulcrum implebimus. Cui consilio, cum omnes assensissent, discessere isti, quid porro consilii coeperint, aut egerint, mihi, qui tum cubitum discessem, parum compertum est. Rex, vocato ad se Johanni de la Vera, ea, quæ adolescentulus ille testatus erat, exposuit. Ad quæ ille: Pueri mihi ob negatam mercedem infesti testimonium, o Rex, minime idoneum est. Cui Rex: Abhinc non opus pueri testimonio est; eant, qui explorent, utrum saxum, an cadaver sepulcro contineatur. Inventum saxum te arguat. Ut ad sepulcrum ventum est, remita se habere, ut puer indicaverat, cognoverunt. Johannes inquit: Judæus ipse fortassis sepulcro cadaver extraxerit, & saxum subjecerit. Rex ait: Hem stultitiam! nonne dicitis, ad sanguinem excipiendum surreptum a Judæis cadaver esse? Quidnum cadaveri jam gelido sanguis educi potest? Hac dum geruntur, duo forte viri interveniunt, testantes,

stantes, vidisse se Johannem illum, per noctem cadaver aliquod trahentem; sed quo detulerit, nescire se. Rex ait purpuratis, ecquid verus sum, Nihil auro potentius esse? Tibi vero, Magne, Deus, veri præses præstesque, gratias merito agimus, atque habemus, pro patefactis & extinctis ope tua sceleratissimis insidiis. Mox jussit Rex, Johannem de la Vera collo tenus terra obrutum, vivum destitui: donec lentâ morte periret, & vicinos illos, qui illi dolum adjutassent, suspendi ex patibulo imperavit: quo triste quidem, sed in posterum salubre exemplum ederetur.

IX. Excidium nonum accidit eo tempore, quo Gothorum gens Occidentis terris, aliisque regnis, imprimis vero Romæ, urbium maximæ dominaretur. Tum temporis, anno nempe a nato Christo 12000, Romanorum fortissimus Rex erat Silboctus; qui omnibus Judæis, quotquot in Hispania erant, imperavit: ut pro legis Mosæicæ circumcissione, baptismum Christi reciperent, quod si facerent, pari Christianis jure leges suas observantibus regnatos. Judæi, cognito Regis mandato, undique ex oppidis in urbem maximam confluent, ubi se inediâ afflictores, ululatu & plangoribus omnia implent. Audientes ululatum Christiani, quid rei

fit, rogatum veniunt. Qui cognitâ re, recipite, inquit, quicquid Rex vobis imperat: est enim Rex fortis, constans, suâ mente immotus; nec hilum ullâ industriâ, aut pretio illum a sententia dimovebitis: & si in una hac re non obtemperaveritis, coget vos ad deferendam universam legem vestram, & re ipsa experiemini, nihil quicquam jejunia vestra vobis profuisse. Quamobrem finite nunc, æquum ferat, ne irritatus postea iniquum postulet. Responderunt Judæi: Præceptum circumcisionis totius nostræ legis cardo est. Vos quidem dicitis: unum quid postulare, verum nos non unum; sed universa eum postulare scimus. Omnesque nos mori satius est, quam vel levissimum aliquod præceptum omittere: nedum totius religionis nostræ cardinem convellere. E vestigio omnes collecti Regem adeunt, & quamprimum se interfici cunctos jubeat, obtestantur. Non enim se ullum legis suæ præceptum omissoiros, multo minus illud, in quo uno totius religionis cardo vertitur. Quibus Rex ait: O miseros atque stolide superbos mortales! qui non sine Numine in precibus vestris acriter flagitatis ita gementes. Protinus extirpetur superbiæ Regnum. Quibus hercle procibus vobis metipsis exitium certatum acceleratis. Quippe
cum

cum non aliud, quam unicum superbiæ regnum soli teneatis & fortiter tueamini.

Quid tam stulta & absurda consilia in vos ipsos coiistis? Ego vero juro vobis, nisi baptismum Christi receperitis, brevi facturum me, ut universa legis vestræ præcepta violare cogamini: neque omnes homines, si consilia sua conferant, vobis auxiliari poterunt. Tum præcepit; nisi intra mensis spatium, Christi baptismum recepissent, ad legem totam violandam primum cogendos, dein ferro interimendos esse. Judæi argentum aurumque primatibus ferentes, petierunt: Regem exorarent, ut se exutos omnibus facultatibus, quas belli sumtibus ille impenderet, sacris & legi. suæ relinqueret. Respondit Rex: Num ita aliis Regibus pius videar, qui dictitent: me non id egisse, ut Servatoris nostri baptismum promoverem; sed tantum, ut Judæos omnibus facultatibus emungerem. Præterea quoque, miselli isti legis a me, non facultatum damnati sunt, quo ipsos in sacra nostra cogam: quemadmodum illi nos essent coacturi, si ipsi, qui nunc serviunt, nobis imperarent.

Tum sic orsus loqui est sapiens Robertus; Moses, o Rex, Magister illorum, ejusque minister Josua, nullam gentem invitam ad Mosâicam legem amplectendam

etendam coëgerunt; sed tantum, ut colerent septem Noachi præcepta; quæ docent:

I. Fugiendum simulacrorum cultum.

II. Membrum vivo animali defectum, non comedendum.

III. Divini nominis contumeliam.

IV. Stuprum.

V. Rapinam.

VI. Homicidium vitanda: &

VII. Judices publice constituendos esse. Quæ & primi omnium hominis Adami præcepta fuerunt. Præterea, cum Josua urbi alicui oppugnandæ exercitum admoveret, primum proclamari jussit: Quicumq; pacisci vellet, pacisceretur: eâ tamen lege, ut septem Noachi præcepta amplecteretur. Sin minus, urbe derelicta, fugeret, Aut, si acie experiri vellet, in arenam descenderet & experiretur. Rex inquit: Josua olim imperium suum more suo gessit: ego nunc meum meo. Accipiamque ex tribus istis conditionibus eam, quæ rebus meis aptissima esse videtur. Puta, ut pro septem illis Noachi præceptis, quæ profanis gentibus olim Josua obtrudebat, unum Christi baptismum admittant. Tum vocatis Judæis Rex dixit: Ego salutis vestræ sedulo consulo, quam vos obstinatis animis perditum itis. Ex præsulibus enim, quin

quin ipso Pontifice maximo sæpe audiui: Quicumque per Christi baptismum vitæ crimina non expiarit, impurum haberi, & certo æternum perire. Quidam ex sapientibus Judæorum inquit: Per scriptum in lege nostra est; Israëllem sprevisse magnum Dei munus, a Deo ipsis oblatum, terram illam beatam dico, illam lactis & mellis abundantem. Jam vero te rogo, o Rex, quæ tantum Dei munus spernentibus poena fuerit? Rex inquit: Id quoque in lege disertim adscriptum est; ut carerent eâ, qui sprevisserent. Sapiens ait: Etiam atque etiam vide, quid agas, o Rex; Obtulisti nobis per baptismum vitam æternam beatam, spernentibus itidem poena sit, eâ carere. Rex ait: Ad ea, quæ corpus spectant, homo cogi non debet: terra autem beata ad corpus attinet. Sed cogi debet ad ea, quæ animum spectant, ut puer cogi ad discendum solet. Continuo omnes Judæorum primates in vincula abripi jussit; ubi in situ & in tenebris morte tristiores vitam diu traxere; multique per Hispaniam cœtus acerbissimis vexationibus victi, legem Mosaicam deseruerunt.

Rege mortuo, cum regno excedere liberum jam esset, multi alias & tutas sacris suis sedes quasiverunt, & invenerunt; multi vero quasiverunt, nec invenerunt.

N

X. Exci-

X. Excidium decimum fuit tempore Regis Alphonſi, filii Regis Sanchi, nepotis Alphonſi magni; qui decem regna habuit: Castellam, Toletum, Legionem, Gallæciam, Hiſpalim, Cordubam, Murciam, Guineam, Algarbiam, & Malacham. Rex Alphonſus anniculus erat, cum inciperet regnare: proinde regni proceres duos conſtituerunt proreges, qui regnum, donec Rex etiamnum admodum infans, adoleſceret, adminiſtrarent: alterum Petrum quendam, Regis Sanchi filium; alterum Johannem quempiam, qui cum ambo in acie cecidiſſent; Regem crearunt Johannem, Infantis Manuelis filium. Tum temporis vir quidam, gente Judæus erat in Oſſunenſi tractu, nomine Joſephus, Ephraimi filius, Abiboſeti Levitæ nepos: qui eximias ſuas virtutes, ſingulari quodam fato Regi ita probavit; ut ab eo tributis & vectigalibus regiis præficeretur: Joſephus ille, vir longe integerrimus & prudentiſſimus erat, Muſicæ artis, quæ una res Regibus gratiſſima eſſe ſolet, probè gnarus; inſigni corporis ſpecie, & felicitate quadam ſingulari. Rex hominis integritatem & felicitatem miratus, toti regno ſuo illum præfecit. Certe major illo in toto Caſtellano regno non erat; nam ſecundus a Rege, primus Judæorum erat. Alebat miniſtros, optimatum filios: rhedam ſibi cum equis
compa-

comparavit, tum satellites quinquaginta; quibus regio more stipatus prodiret.

Illo ipso tempore fuit vir quidam fortissimus, nomine Martinus Gonsalus, memorati Josephi minister, à quo, cum aliquot regni locis præfectus ipse esset, defecit: atque Josephi domini sui magnitudini invidens, atque odio impulsus dixit: Quisquamne, cui virile ingenium est, Judæorum, gentis merito Deo hominibusque invisæ, superbissimum imperium tolerare potest? Et meditatus rationem, quâ Josephum cum suis everteret, inquit: Nunc scio, quâ Josephum ulciscar probè, & ad Regem adiens, ait: Si me monentem audire digneris, o Rex, viam ostendam, qua ingentes divitias gerendis bellis parare possis. Tum Regi, quâ ratione futurum id esset, interroganti? Gonsalus ait: Vende mihi decem regni tui Judæos, & pretium accipe octo talenta, ærario regio inferenda. Regi, quinam illi essent, roganti? Gonsalus respondit: Primus est Josephus ille, qui ærarium tuum, cui enim præfecisti, & civium tuorum opes attrivit. Alter est Samuel, filius Wake-ri, medicus, quem inter consiliarios tuos allegisti: aliosque octo omnium ditissimos. Hos vende mihi, filios & universas familias illorum.

Rex ait: Age, fiat. Gonsalus inquit: Rex mihi

N 2

litteras

litteras annulo suo signatas tradat, ego pretium promissum repræsentabo. Rex detractum digito suo annulum ei dedit; quo ille accepto, quæ visum est, ipse plagiaris scripsit. Scilicet venditum sibi a Rege Josephum, quæstorem regium: Samuelem Medicum, consiliarium, & octo alios ditissimos Judæos, cum universis familiis, & omnibus facultatibus. Comprehensus igitur eodem die Josephus & Samuel est. Josephus quidem inter comprehendentium manus expiravit. Quod ubi Regi innotuit, maximopere indignatus, præcepit: ut honorifice cadaver ejus Cordubam deferretur, deductum cadaver est ingenti equitum, totiusque exercitus comitatu. Rex quoque uxorem, liberosque ejus criminibus, quorum accusabantur, absolutos dimisit; & reddendas vectigalium, quæ exegissent, de more rationes ultro remisit. Plagarius ille Samuelem & duos ejus fratres, cum liberis suis captos, in vincula conjecit; & inventa apud Samuelem magna auri & argenti vis est, atque abstrusi thesauri. Ille ad mortis ferreis instrumentis pedibus suis, per diros tormentorum cruciatus, miseram animam efflavit: inclususque loculo, totum annum in carcere jacuit insepultus.

Hunc vitæ exitum Samuel invenit, vir summus
sui

sui ævi sapientia, consilio & motuum cœlestium scientia, quæ Astronomia appellatur. Cujus res gestæ Castellanorum Regum annalibus perscriptæ leguntur. Postea Rex Gonsalum ad summos honores eVectum, omnibus purpuratis suis prætulit, eumque Alcanteranum Antistitem creavit. Verum ille secundis his rebus elatus, magnaue satellitii & comitatus turba superbus, jam omnibus Judæis perniciem machinabatur: primum Principes Judæorum, qui in regia versabantur, fraude petendos, mox reliquos omnes evertendos esse, censebat. Videbat enim, rem periculosa plenam aleæ fore, si universos simul perdere vellet; mettuens, ne Rex forte consiliis ipsius adversaretur. Hinc omnes Judæorum principes, falsis criminibus graviter accusatos, apud Regem traduxit: imprimis Samuelem filium Jahafi, & R. Mosen Aborielem, qui auctoritate & gratiâ apud regni proceres præstarent. Hos domum suam perductos ita affatus est: Rex a vobis flagitat magnam pecuniæ vim, cui conficiendæ non estis: ille velut proxenera conciliando Regi operam suam obtulit, cum tamen ipse tam sceleratæ fraudis autor, eos maxime perditos vellet. Sed singulari quadam Dei benignitate, fraus ista, objectis Regi aliquot numulis, discussa est.

Permanſit Moſes in regia, ſcribarum regionum facile ſummus, feliciffime ad altiffimum honorum faſtigium in regno Caſtellano evectus. Intellexit autem Rex Martinum Gonſalum, infeſtiſſimum Judæorum hoſtem, certare in contumeliam atque perniciem Judaicæ gentis. Exorto forte inter Saracenorum & Caſtellæ Regem bello, Saraceni cum innumerabili exercitu, trajecto mari, duce Abumelechio, Abulhaſani Regis Marocani filio, in Caſtellæ regnum irruentes, ingentem late ſtragem ediderunt. Tum regni proceres: Quid agamus, o Rex, tantis undique hoſtium copiis circumventi? Hic implacabilis Judæorum hoſtis Gonſalus: Ego vero viam monſtrabo, quâ Rex ingentes opes ſuſtinentis tanti belli ſumtibus paret. Tum conſiliarii: Ecqua iſta via eſt? Gonſalus reſponder: Si videtur Regi: Eripi jubéat omnes res ſuas Judæis, quotquot regnum ejus habitant. Ego, quod ereptum iis fuerit, redimam quadragies centenſis millibus aureorum. Præterea Judæos regno ſuo pellat, ego enim efficiam, ut Chriſtiani, cives ejus, tantundem Regi exſolvant pro tributis & vectigalibus, quantum Regi quotannis pendere ſolent Judæi. Hiſce rebus ad Regem perlatis, Rex Gonſalum vocari jubet, ſententiam rogat, auditam approbat. Tum Gonſalus, nec aliunde

aliunde magis id eluceat, quam isthoc tali consilio, quanta fide Regis commodis serviam. Et si forte Dei ipsi propitii reverentia obstare posse videatur; quo minus consilium hoc meum sequaris; jam pridem ab irato Deo derelictos esse cogites, velim. Quot anni jam sunt, ex quo Judæi nec Regem, neque judicem, nec Pontificem, neque legem habent. Est gens contumacissima, imbellis atque inutilis. Dum Rex in hostem ducit, illi domum servant, genio indulgentes; cuticulam curant. Quid commodi ex illis capis, o Rex? quin omnes everte, malam gentem malè perde: non convenit hic Regem esse clementem. Proinde Rex, dimissis per omnes regni tui oras literis, Judæos expelli jube & edici: Si quis Judæum receptaverit, bona ejus publicanda, ipsum capite plectendum. Tum præfectos quosdam constitue, qui omne aurum, argentum, cæteramque prædam ex Judæorum bonis coactam fideliter asservent, in regium ærarium inferendam. Rex, his auditis, conticuit. Verum amici Regis quidam, qui forte aderant, dixerunt: Gonsalum, postquam eum graviter increpuiissent, nunc parum probum consilium dedisse: morem enim Castellanis Regibus veterem esse, Judæos amare, eosque defendere. Quemnam mortaliū ipsi in hoc negotio esse obtemperaturum? Excitus

citus quoque divinitus Antistes Gillius plagiarium Gonsalum hunc in modum corripuit: Ideone te Rex suum consiliarium esse voluit, ut tibi pariter ac Regi perniciosum consilium dares? Annon universa Regis potentia singulorum Judæorum facultatibus sustentatur? Et tu, si Diis placet, Regem etiam ad excindendam gentem illam impellis. Scilicet id agat Rex, quod nunquam laudatissimi ipsius majoresegere? Equidem non Judæos; sed Regem ipsum odisti. Quæ dicentem cum Rex magnâ animi attentione audivisset, prorsus conticuit. Hac oratione quoque concitati principes, acriter correpto Gonsalo exprobrarunt: ista non Judæorum; sed Regis odio, minime vero, ut videri vellet, Regis amore, cum suavissimè. Improbo Gonsali consilio cognito, supra memoratus M. Moses territus, missis literis omnibus Judæis rem significat, qui trepidi in suas quique urbes confluerunt: jejunantes, atque flentes ardentissimis precibus implorarunt opem Dei optimi maximi, quem majores ipsorum coluissent, dicentes: Magne Deus, ne pessimo scelerati plagiarii consilio perire nos sinas, supplicite oramus. Peccavimus, justissime Deus, peccavimus: & nos peccasse pudet, & poenitet. Aspice nos Israëlitis atque Hierosolymorum miseras reliquias, per Hispaniam dispersas, aspice.

Unde

Unde si expellimur, paratum nobis exitium videmus ab iis, qui armis circumdatos internecone sint deleturi. Quid tum magno tuo nomini fiet? nihilne nunc nobis auxiliaberis, o noster Deus? Audi nos Deus! audi nos! ut cognoscant gentes omnes, te o Deus, propugnare Israël. His precibus motus Deus, Israël ex faucibus istius plagarii eripuit. Saraceni, de quibus supra memoravi, mari jam trajecto, innumerabiles militum copias ducebant. Tum Castellæ Rex, occupato mari, reditum Saracenis per Præfectos suos intercludi jubet, quibus Gonsalum Imperatorem præficit, qui assumpto ingenti peditum & equitum numero, magnis animis Saracenorum castra aggressus, gravissimam iis cladem dedit. Illi Panico terrore consternati, cæsi, fugatique fuerunt. Ceciderunt eo die ex Saracenorum exercitu armatorum decem millia. In quibus ipse quoque Saracenicus exercitus Imperator Abu-melechus fuit, qui cum e curru sublimis pugnaret, inter lorice & vestium commissuram sagitta forte trajectus, servo suo inquit: Eripe me ex acie gravissime faucium. Hæc fatus, ex vulnere curru delapsus obiit. A pugna Gonsalus reversus, & tantâ victoriâ superbus, continuo hæc secum: Nunc certe Rex voluntati meæ morem geret contra Judæos, & illam

O

tanto-

tantoperè mihi expetitam inimicissimæ gentis vindictam tandem concedet. Sed nesciebat ille, Deum sibi potenti manu adversari; qui populi sui misertus Regem contra Gonsalum adeo concitavit, ut missis equitibus illum comprehendi juberet. Egressi equites, eum in agris equitibus & peditibus succinctum invenerunt. Quibus plagiarius inquit: Pacemne, an bellum huc fertis? Respondent illi: Non hercle pacem; Rex enim id nobis in mandatis dedit, te ut vinctum ad ipsum adduceremus. Quo audito protinus aufugiens in urbem Delatim venit, ubi munitæ arci se includens, misit, qui suo nomine graviter cum Rege expostularent, ipse interea multa in Regem absentem indignissima probra jactans. Sed hoc non sine Deo factum, cum ille fato evertendus esset, ut illâ ipsâ ratione fatum suum maturaret. Quibus convitiis vehementer Rex commotus, iræque æstro percitus, omnes illius fratres comprehensos in carcerem conjici, & omnia Gonsali fratrumque bona publicari & ærario inferri jubet. Deinde Rex arcem, qua se concluderat, oppugnari, illumque comprehendi vivum imperat: ille dum multa probra in Regem protervè ingerit, sagittarii ex arce equitem quendam, qui Regis armiger erat, telo trajiciunt, ille ex vulnere colla-

lapsus obiit. Hinc Rex acrius etiam irritatus, cum arcem facibus admotis incendi iussisset, plagiarium forte evadere conantem comprehendunt. Ille Regis sententia damnatus jugulatur, cadaver exurit. Magnas merito gratias benignissimo Deo habemus, qui hanc mentem Regi inspiravit, ut populum suum ulcisceretur. Quo vero tempore, hæc salus Judæicæ genti contigit, mensis Februarius erat. Israel Deo liberatori hoc Carmen accinuit. Celebrate usque Deum, quia Optimus, Maximus est, & pro immensa bonitate propitius suos respexit. Deus bellator est, hic pugnavit pro nobis. Dextra tua fortis est, o Deus, & majestatis tuæ fulmine dejecisti inimicos tuos, & dignas illorum sceleribus pœnas exegisti. Quanta fabula, quantave carminis materies Poëtis erit canentibus: Oppressus afflictor ille, fractæ a Deo impiorum vires atque sceleris æternis imi Tartari cruciatibus damnati. Quo supplicio Rex Alphonfus placatus, cum aliquando Gonsali & factorum illius fortè meminisset, subjecere ei ministri, afferendos annales, unde facta ipsius recitanda essent. Tum compertum est, annalibus perscriptum esse, ut Gonsalus Samuelem filium Wakeri, Medicum, ejusque fratres criminatus, apud Regem in odium adduxerit; adeo ut Rex Gonsalo eos vendiderit,

cujus venditionis contractus annalium quoque monumentis consignatus habebatur. Tum quidam ex Regis ministris inquit: Si videtur, plagiarii fratres & omnia bona illorum vendi jube, eo quod ipse manum in Judæos injicere ausus est: & sic, qua licet, par pari referatur. Continuo jussu Regis, cuncta plagiarii istius, fratrumque ejus bona Judæis, qui apud Regem in ipsa aula degebant, divendita fuere. Inde Rex annulum, Imperii insigne, digito suo detractum, quem jam ante plagiario isti ademerat, summo suo scribæ Mosis tradidit: qui novo honore laetus discessit: omnesque Judæi, qui in universo Castellæ regno erant, super tot, tantisque propitii Numinis beneficiis, gaudium atque lætitiā agitavere.

XI. Anno quinquies millesimo ducentesimo quinquagesimo, fuerunt generalia quædam contra Judæos edicta in Sabaudia, Pedemontio, Longobardia, Sicilia & Ruffia. Verum, quæ edicta ea fuerint, quæve eorum causa, annalium monumentis proditum non est. Florentiæ quoque publico edicto Judæis decretum exilium est. Hinc multi ex Judæis à lege Mosaica defecerunt, & ne sic quidem tranquillitati suæ consuluerunt: prout Deus loquitur. Deut. cap. xxviij. vers 66. In gentibus quoque illis non quiescas. Aliquanto vero post,

post multi, cultus divini causa, in alia regna migrare voluerunt, id cum patefieret, ipsos abitum parare, ut unum Deum alibi colerent, coorta immensa hominum multitudo in eos irruunt, & bona aurumque illorum, Regi quasi deferendum, iis eripiunt. Atque illorum Judæorum, qui fuerunt in Sardinia, magna pars in via, dum in exilium properant, interfecti sunt: quorum reliquæ jam sunt in Provincia, qui post excidium illud, unum Deum ibidem coluerunt. Imprimis autem mulieres, in quibus rara constantiæ virtus, ac prope modum monstri similis est. Nam rogatæ, cur Veneris die ad vesperam lampades accenderent, & cur olera & legumina eodem die sub noctem ad ferenda paranda afferrent, se hujusce rei autores majores suos habere, animose responderunt: quam mentem Deus iis propriam ac perpetuam faxit! Josephus filius Virgæ narrat, se huic haud dissimile exemplum audivisse, ex summo viro atque excellentissimo Medico, Mose Hamone; quod ipse Tiberiade vidit, ubi in bellum cum omnium Regum longe fortissimo Imperatore Solimanno profectus est. vidit, inquam, complures ejus terræ incolas, tabernas suas die Sabbathi clausas habuisse, cum tamen meri Muhammedani essent. Qui roganti causam, quare Sabbathi

thi diē tabernas suas clausissent? Se nullam aliam ejusce rei causam, præter exemplum majorum habere, responderunt. Quæ haud obscura veteris Judaismi vestigia servant, jam inde ab iis temporibus, per quæ gens Judæa truculento atque horrendo excidio deleti, aut in Muhammedana sacra compulsi fuere.

Sed nunc ad propositum, unde digressi sumus, revertamur. Igitur in illis terris, quas supra memoravi, eo ipso excidii anno, in omnes gentes gravissima pestilentia grassari cœpit. Inter illos autem, qui a Mosæica lege, in Christiana sacra transire coacti erant, ne unus quidem pestilentia extinctus est. Christiani cum viderent se solos, non vero eos, quos ex Judæis ad Christianam religionem coëgissent, tam sævo pestilentia malo infestari, rati ob Judæos fœde a se habitos, luem istam ab irato Deo immissam, dixerunt inter sese: Potestatem faciamus Judæis, in nostra sacra coactis, commigrandi in quascunque velint oras. Tum alii in alias terras migrarunt, ut se Deo suo probarent, & animæ saluti consulerent. Alii vero in illis regionibus remanserunt, metuentes, ne qua populi fraus huic rei subesset; ut ista arte illorum animos tentarent.

Super-

Superfuere tamen complura hominum millia, qui unum Deum constanter coluere; quamvis sub acerbissima censura, qua deterreri minime potuere, quo minus Mosaicam legem pro viribus, quantum iniquitas temporis ferret, quam religiosissime colebant. Invalescentes aliquanto post sacri censores, illos perdere, captos exurere, & bona illorum diripere coeperunt. Donec Rex aliquis extitit, qui miseratus illos, edixit: Ne quis posthac in regno suo, sacram istam censuram exerceret, neque falsis criminibus Judæos circumveniret; sed candidè cum illis ageret.

XII. Duodecima calamitas tempore Regis Manuelis, filii Alphonsi fuit. Erat Christianus quidam in urbe Ocana, cujus ædes ingressus infans, quasi trimus: & cum memoratus Christianus cum infantis matre, muliere Christiana graves inimicitias exerceret, ejici foras filiolum scelestæ mulieris jussit. Qui, cum ad vocem irati continuo non egrederetur, ipse irruens, calce in ventre gravius forte percussus, occidit. Ille ex ictu mortuum videns puernulum occuluit; nocte proxima cadaver in ædes vicini sui Judæi per fenestram immisit. Qui cum forte tum ab urbe abesset: & uxor multa nocte surgeret, ad subitum inter-

interemti infantis conspectum, pavore exanimata fuit: videbat enim, quo sibi insidias facerent, in ædes suas injectum esse cadaver. Itaque ad fores suas progressa visum, numqua puerulum ad fores alicujus Christiani projicere posset, audit fortē matrem infantis flebili voce vocantem & quærentem suum filiolum, vicinosque dicentes: Ingressum esse puerulum illius Judæi ædes, nec egressum, haud dubie interfectum ab illis esse; cum hodie ille dies sit, quo omnia ad proximi pascharis celebrationem rite parari soleant. Quô auditô, misera Judæa præ nimio pavore propemodum exanimata, hanc tamen salutis expediendæ viam excogitavit. Acceptum puerum ventri suo illigavit, & vestes suas illi superinduit. Tum parturientis more, sellæ insidens, quasi magnitudine dolorum ejulare cœpit. Et cum filium misisset obstetricem accersitum, ei adveniēti clam aperit, quo insidias sibi factas evitaret, dolum hunc confinxisse. Interea, dum hæc geruntur, adest prætor cum liëtoribus, qui tota domo, arcis, furno, puteo, adeoque abditissimis quibusque excussis, puerum nullum invenit. Illa, cum jam totum diem sellæ insedisset, proximâ nocte se abortum fecisse callidè simulat; & duos viros, sibi sanguinis vinculo junctos, advocari jubet; qui
puerum

puerum fimo tectum, in proximos agros sepeliendum, clam efferrent.

Postridie Christianus, qui puernm calce occiderat, forte cum uxore sua litigans, illi graviter percussæ lethale vulnus infligit, tum uxor vociferata ait: Num me quoque occidere vis, ut vicinæ filium occidisti? Quæ verba interfecti pueri mater audiens, judicem adit, hic extemplo virum comprehendit; ille, quæstione habita, eadem confessus, narravit, ut interfectum puerum in Judææ ædes projecerit, ipsi perniciem machinatus. Tum pueri mater instat, Judæam comprehendendam, ut sibi puerum sepeliendum reddat, jam enim, de cædis autore, abundè constare. Judæa autem periculum metuens, se scire ubi puer sit, negat: sed cum judex jurejurando fidem daret, impune illi fore, modo quæ sciat, ingennè fateatur. Judæa his verbis animata, rem totam, ut gesta est, a principio ad finem, exponit. Quibus auditis, judex Judææ tantam ingenii calliditatem gratulatus, rem literis consignatam Regi aperit: qui novas callidissimæ mulieris artes vehementer admiratus fuit. Cui tum ex regni proceribus, qui forte aderant, quispiam ait: Astutissima gens Judæorum est, o Rex, & haud scio, an ulla usquam astutior esse possit? Ipsi

adeo gentium ingeniosissimi atq; callidissimi Romani, admirati tamen summum ingenium hominis Judei fuere, quod ipse Hierosolymis Romam ad Senatum Orator missus, sapientissima ad Senatum Oratione luculenter prodidit; quæ splendore suo Regum Romanorum annalibus perscribi meruit, unde nos eam depromsimus. Rex ait: Quin tu beas nunc me, & orationem ostendis? Tum oratio Regi scripta continuo exhibita est, quæ de Hebræo in Latinum versa ita habet.

O Potentissimi & verè rerum domini, Proceres, tuque florentissime & rebus semper secundis felicissime populus. Fatum & Deus, quem foede deseruimus, voluisse videntur, ut illa quondam Asiæ domina, fœcunda Hebræorum genitrix, & antiqua sacratissimi Imperii sedes, Hierosolyma, nunc mutatâ rerum vice, Senatui populoque Romano serviret. Magna quidem Cn: Pompeji potentia, innumerabilisque militum manus, qua ille nos invasit. Sed major tamen infesti Numinis ira, majoraque vitæ nostræ crimina, quæ nos perdiderunt. Unum hoc certe præterire non possum, imo cum indignatione vobis prodo, quod utinam reipsa experiri essetis Romani! Tam effusam Dei optimi maximi erga nos benignitatem esse, ut nos victores, vos victos, & eadem, quâ olim Egyptii fortuna usos, atque unum

unum Deum nostrum cunctis vestris Deastris potentio-
rem fuisse, eheu! nimium sero vidissetis; si vel
decem nostrum iusti, inter quinquagies mille in-
iustos fuissent: vel unus de tot millibus tanta vitæ inte-
gritate, ut unius virtutibus cæterorum vitia expiari
potuissent. Pro certo habetote, quamdiu iratum in-
festumq; ob quotidiana vitæ crimina habebimus De-
um, vos dominaturos nobis; sed quoniam mihi & vo-
bis, non idem nostræ cladis & vestræ victoriæ autor
esse videtur, nequidquam ego vos ad unius Dei, vos
me ad plurium Deorum cultum adhortemini. Sed
nos huiusce rei curam universi conditori & rectori
Deo remittimus. Nunc ad legationis meæ causam
venio. Scitis utique Romani, quanta fide pacem at-
que concordiam semper vobiscum coluerimus,
quamque per omnia obsecutis, nullum unquam hu-
manitatis officium, nobis negaveritis. Equidem scio,
hoc quoque nomine pravam mortalium naturam
dici posse, quod pacem quam verbis omnes amant, re-
minime colant; bellum quod verbis detestan-
tur, re ipsa promptissimis animis sequantur. Ego
sic censeo, Romani, & vos singulari fide & recti
studio monitos volo, quod ipsi pro prudentia ve-
stra, vel nullo monitore, perspiciatis: Quam-
primum obviam eundum, & graviter animadver-

tendum in eos esse, qui mentes vestras, quæ stare vobis rectæ solebant, nefariis consiliis suis corrumpunt; vosque in perniciem nostram clanculum concitant; finibus vestris exterminandos, Disque suis relinquendos iratis, malos atque scelerstos omnes esse censeo; qui perdere nos, gentem pacis tenacissimam, inio ipsam pacem obstinatissimis animis student. Opprimendæ sunt occultæ istæ publicæ tranquillitatis pestes, quæ nobis vobisque palam pacem, clam bella suadent. Pudet fateri Romani, ut pulso, ob iniquissimas leges Regis Edumæi maximo filio, Coponium, Marcum, Rufum & Valerium prætores substitueritis, quatuor ulcera & pestes Romani Imperii, quorum postremus quilibet vitiis & sceleribus universam Rempublicam vestram evertat; quid dicam, exiguam ejus partem, miseram Palæstinam? Proh pudor atque dolor! prætores veteribus vitiis coercendis missos, etiam ad nova vitia pessimo exemplo præire. Per Deum immortalem! quod turpius crimen in prætore dici aut fingi verbis potest; quam juventutem, quæ severitate legum retinenda a nequitia erat, morum suorum mollitie ad nequissima quæque abducere. O grande Romani nominis dedecus! a quibus integritatis atque virtutum

virtutum omnium exempla peti debebant, ab iis
omnis corruptelæ & vitiorum exempla peti. qui le-
gibus contra jus fasque convulsis & subverfis, nova
luxuriæ atque nequitia monstra juventutem no-
stram docuerunt: quæ majorum nostrorum nec au-
divit unquam, nec legit, nostra certe nulla vidit
ætas. Unum mihi a vobis concedi oro atque postu-
lo, ut pro omnibus consiliis, quæ Judæa accepit a
Romanis, unum Roma accipiat a Judæis, ut be-
nigne impetrare a nobis, quam aspere impe-
rare omnia malitis. Violenta & cruenta superbe
dominantium imperia, non retinentur diu, mo-
derata bonorum durant. Cum plurima etiam po-
tentissima regna, per tyrannidem suam & cruentas
humani generis victimas, everfa sint: e contra-
rio plurima per unius boni & æqui rectoris virtutem
servata. Non qui sanguinem fundat; sed qui,
firmo pacis & concordia vinculo, junctos civium
animos continere sciat. Verum enimvero, qui ita ad
republicam tractandam accedit, ut virtute & leni-
tate cives suos ad justa Imperii obsequia convertere,
quam dolo atque fallaciis civium opes intervertere
malit: quibus eum studiis prosequemur? quâ bene-
volentia complectemur? Quamnam, mediisfidius
causam esse dicemus, quam obrem prætores isti, quos

præſſe nobis voluiftis, noſcives veſtros, parum fideliter ad juſtum obſequium componant? niſi quod vixdum præturam ingreſſi, continuo multa dictu triſtia, toleratu aſpera imperent, cum æqua & lenia imperia mortalium animos conciliare: iniqua & aſpera concitare ſoleant. Ad innumeras calamitates, quibus humana jaçtatur infirmitas, hæc quoque accedit, quod quantumvis bona & ſalutaria præcipientibus adeo non paremus, ut etiam ultro in vetitum nitamur, cupiamuſque negata: quanto magis, ſi grandi publicæ autoritatis momento impellamur, jam ante ſponte noſtra in vitium proni. Diſſoluta prætorum nequitiâ legum reverentiam excuti & verecundiam civium tolli, quis veſtrum ignorat? Ita certe omnes cenſemus Judæi, quæ etiam oraculi fide comprobata ſententia eſt: Si Rex homini indigno honores mandaverit, ſeu avaritiæ, ſeu gratiæ ſerviens; næ ille propediem famam ſuam in infamiam; fidem in perfidiam; felicitatem in miſeriam vertiſſe ſentiet. Sed cum alia multa habeam, privatim indicanda, hæc quidem publice dixiſſe ſatis erit. Unum hoc addo, Patres conſcripti, quod audiviſſe intereſt veſtra ad ſalutem; ſi imperium veſtrum, tot tantique periculis, tantoque ſanguine partum, propagare in multa ſecula feliciter velitis; mementote,

ut

ut Romano nomine dignum est, æqua & iusta statuere atque imperare: nos meminerimus obsequii promptitudine cum legum vestrarum æquitate certare. Mittite nobis prætores, qui liberalitate & clementiâ nos potius retinere, quam alieno metu; & lenitate corrigere, quam severitate miseros corrumpere malint. Tum demum experiemini, quantâ fide, quantave alacritate iussa vestra capeſſamus: etiam atque etiam vos obtestor, Patres Conscripti, ut benigne petere a nobis omnia, non imperiose flagitare velitis: quia petendo magis, quam flagitando unicuique illud imperii vestri columen, amorem, in civium animis excitabitis, ut precibus, non minis parentes suos liberi conciliare, & in obsequia sua flectere solent: neque erit herclè, quod rebellionem ullam a nobis metuatis, quam servi, asperimis crudelissimorum dominorum imperiis exerciti, ad vindicandam libertatem meditantur. Finierat legatus Hebraus: Senatus atque Consules Romani viri orationem admirati, eam tabulis publicis inferi jubent, ut mos est genti, legatorum, qui ad Senatum missi sunt, verba omnia in annales referre. Rex Manuel ait: quanta prudentia! quanta calliditate scientiam temperavit! quantaque vultus atque oris constantiâ locutus est! quantam sapientiæ & perfectæ orationis vim inesse
ejus

ejus verbis oportuit, ut tantâ censoriæ orationis severitate Romanos non offenderit; præsertim cum nonnulla in leges ipsas dixisse videretur. Verum Hebræi facunda Oratio supra omnem invidiam fuit.

XIII. Regis supra memorati tempore, monachus quispiam sacram concionem publicè habiturus, invitavit ad eam audiendam Judæos, qui sibi magnopere metuebant, ne eo vocarentur, quo ipsos coram per ora totius populi traduceret. Audito, Judæi, malo consilio id agere monachum, ut virulenta oratione concitatam plebem in perniciem suam armaret, omnes Judæorum primates Regem ad-eunt, quem cum scirent veteris historiæ gnarum probè nosse, quæcunque de Judæis inclementius vulgantur, invidiæ tantum augendæ conficta esse, comperta etiam gentis innocentia, in hunc modum alloquuntur. Maxime Rex atque optime pater, fidem tuam supplices imploramus, defende nos a falsis calumniatorum criminibus, tu certo cum historiis, tum usu edoctus nosti, quanta sit actionum nostrarum innocentia, & quam inique circumveniamur publici odii victimæ. Ecce ut audivimus; monachus quispiam invektivam in nos parat. Respondit Rex: Egregie certe vos Moses legislator vester

vester pernovit, qui vos vivis coloribus ita depinxit:
 Levit. xxvj. v. 36. In fugam illos conjiciet strepitus
 agitati folii. Postquam enim publico meo edicto
 universos vos iis criminibus absolvi, quorum falso
 accusabamini: nunc quem metuitis? Monachum
 illum, quem dicitis, probe novi, ego quoque voca-
 tus concioni ejus interero, perierit monachus, si vel
 verbum adversus vos hiscere audeat. Proximo Solis
 die, cum Rex ad concionem invitatus adesset, in hunc
 modum orsus monachus est. Quid faciendum pes-
 simæ huic Judæorum genti? quid faciendum? Rex
 his auditis ex concione indignabundus se proripuit:
 quem extemplo cursu de suggestu consecutus mo-
 nachus ait: Rem omnem nondum audivisti, o Rex;
 Sine me pervenire, quo volo, nam prioris orationis
 posterior interpreterit, quæ tibi facile sententiam
 meam approbet. Quid faciendum autem genti illi?
 quid? Nisi colendam, æstimandam & omni studio
 complectendam, ut optime de nobis omnibus merita-
 tam: quæ felicitatem atq; regnum omnibus optanda
 pertinaciter a se spernentes nobis tradiderunt. Si enim
 Judæi integritate atq; virtute præstitissent, dominati
 nobis fuissent, ut oraculum habet Deut. cap. xxviii: 1.
 Faciet te Dominus Deus tuus excelsiorem cunctis
 gentibus, quæ versantur in terra. Quantopere lator,

Q

cum

cum Judæos esse malos audio : illorum enim malitia & vitæ crimina quodcunq; hoc regni nobis conciliant. Proinde benefacere illis oportet, qui nobis confirmant regnum: & quanto frequentius prævaricantur, tanto in majori honore eos habere convenit: nec præter jus fasq; infidias iis struere atque perniciem machinari. Atque ipse ille humani generis Servator de illis pronunciat: Qui tangit illos, tangere pupillam sui oculi. His monachi verbis valde Rex afficiebatur, quanquam eum non falleret, orationem & vultum illius ab animo dissentire. Porro autem monachus inquit, ubi peccarunt Judæi, averſus atque infeſtus Deus eos deſtituit, atque naturæ arbitrio permisit. Quæ ſi illos ſalvos eſſe volet, ſervabit: ſi perditos; perdet: ſi humiles; affliget. Rex ait: Res illæ, quas naturæ inevitabilis neceſſitas potenti manu temperat, perpetua quadam rerum viciffitudine, modo melius, modo pejus habent. Nos vero Judæos jam olim cecidiſſe; ſed nunquam emiſſiſſe & priſtinum imperii decus recepiſſe ſcimus. Quæ ſi illis naturæ lege calamitas eveniſſet, perpetua certe eſſe non debuiffet. Nunc autem cum triſtis fortuna miſeros tenaciter urgeat, cui dubium eſſe poteſt, Judæos omnes non naturæ; ſed irato Deo, natura ipſa potentiore, has pœnas dare?

Postremo,

Postremo si te parum hæc oratio mea moveat, moveat certe oraculi illius indubitata fides. Deut. cap. xxxi: vers 18. Ego autem abscondam & celabo faciem meam. Quo verbo victus monachus, pedibus in Regis sententiam ivit.

XIV. Calamitas decima quarta accidit sub Romano quodam Pontifice, viro alioquin pio, veri atque æqui observantissimo, omni virtutum genere & vitæ integritate insigni, qui sororem habebat Judæis infestissimam, ipsorumque exitio perpetuo imminentem; Sangisæ nomen erat: hæc inexpiablem Judæorum odio impulsam precibus fratrem Pontificem fatigavit, ut omnes suo expelleret dominio Judæos, dictitans: indignum videri, cum ipse Christi vicem in terris sustineret, Christi hostes in regno suo ferre, seque ex præsulibus sanctissimis viris sæpe audivisse, ex quo generis humani Servatorem Christum spreverunt, animi vitis impuros semper fuisse; imo ex illa peccati labe, quam primus omnium parens Adamus in omnem posteritatem sparsit, impuritatem traxisse. Quam salutari baptismi aqua eluunt Christiani, illa cum destituantur Judæi, perpetuis corruptæ naturæ sordibus fœde obsideri. Ipsum Servatorem tantam contumeliam vindicaturum, nisi impurissimam gentem, regno suo & sacratissima

cratissima religionis sede Roma, quæ Christianis omnibus pro loco sanctissimo Hierosolymis est, quamprimum maturet expellere. Si vero ejecerit, premium gloriosam immortalitatem, æternumque beatas cœlorum sedes habiturum; qui Pontifex maximus Reges omnes exemplo suo ad simile pietatis studium provocasset. Respondens Pontifex inquit: o stuporem mulieris! quibus Servator ipse pepercit, & ut oculi sui pupillam tangi vetuit: iis nos non parcamus? sed nempe mulier colo suæ affixa hæc alta & sublimia non capit. Certè pravi ingenii malignitas est, quæ dicere te hæc jussit. Nam quod tu baptismum eos habere negas, & impuros esse dicis, circumcisionem habent, qua expiantur. Cujus vicem nobis Christianis præstat baptismus, quem Servator infantium nostrorum misertus instituit, ne miselli in ipso statim vitæ limine, vix dum materno utero egressi, fuso sanguine sacris suis inclementer initiarentur. Adeo ut monstri simile videatur, etiam superesse Judæorum gentem, cum infantes a matre adhuc rubentes, membris & artubus mollibus maxime & infirmis, durissimis dolorum crucitatibus circumcidantur.

Sangisa, responso hoc Pontificis accepto, & cognita ejus mente, haud plura locuta fuit. Verum
diebus

diebus aliquot post, idem pettum ad Pontificem rediens, una secum adduxit Episcopos, qui testarentur, cum ipsi crucis imaginem præferentes præterirent vidisse sese Judæos, ipsos irridentes, atque inter se Episcopos subsannantes. Crebris ejus obtestationibus & blanditiis, atque Episcoporum testimonio victus Pontifex annuit; & universale Judæorum exilium per totam ditionem suam decernit. Hujusce rei fama vulgata, ubique magnam tristitiam Judæis attulit, imprimis vero illis, qui ditionem Romanam habitabant, ingentem luctum: quia illis locis educati, & divites facti, ædes possessionesque ære suo emtas habebant, argento auroque affluentes. Erat forte per illa tempora Hierosolymis Rex quidam benignus, Judæorum perquam amans, Robertus nomine: cui cum Pontifice familiaritas atque amicitia colebatur; ad illum Judæi legatos cum muneribus ritè mittunt, qui peterent, ut intercederet Pontificis iræ; ne Judæos indignissimis modis male perditum iret: tum qui edocerent Regem, Sangisæ artibus atque insidiis omne hoc malum ipsis conflatum esse. Et si forsan opus sit, ut Rex pretium aliquod, redimendo exilio, pro se Pontifici spondeat; se illud Romæ statim persolutores. Mittunt quoque dona & munera omnibus

Antistitibus, ut placarent Sangisam; quodsi rescindi edictum ipsa non patiat, saltem hoc eam exorarent, ut sibi exilii diem proferat, quo interea ædes atque possessiones suas divendere, facultates colligere, nomina exigere, & expectare responsum a Rege Roberto possint, qui forte huic malo remedium aliquod inveniatur.

Antistitum opem nequicquam dum implorant, ecce affertur responsum Roberti Regis, qui benigne solatus miseros jussit bono animo esse. Legatosque ad Pontificem maximum mittit, rationibus & precibus Pontificis animum tentaturos. Quibus Pontifex ait; Illud edictum jam jussu suo promulgatum, ut Sangisæ petenti, quamvis invitus, pollicitus erat. Nec Pontificis esse, dicta semel & promissa revocare & rescindere. Verum si promissi religione, qua Sangisæ fidem astrinxerat, se solvat Sangisæ; se quoque edictum hoc rescindere posse. Rex Robertus, audito Pontificis responso, tum demum intellexit, unde istæ lachrymæ. Missis igitur legatis ad Sangisam, ei centies millenos florenos Judæorum nomine pollicitus, facile eam placat. Tum Judæi, postquam æs hoc confecerunt, illi afferunt. Quô Sangisæ conciliata Judæis, Pontificem adit, & orat; ne finibus suis expellat Judæos, dicitans: se gentis amore

amore calamitates ejus miserari. Imo auri amore, inquit Pontifex ; & continuo edictum exilium rescindi jubet. Sed vix post multa tædia, multosque labores in hunc tranquillitatis portum enavigarunt.

XV. Cladem decimam quintam urbs Montison vidit, ubi Judæi mediis festivitatis paschalis diebus rus prodeambulatum iverunt, ut se lusu reficerent; ibidemque luserunt myindæ lusum, quem pueri ludere solent. Scilicet cum quis in medio positus obstructis velamine luminibus, fugientes tantisper exquirat, pulsatus interim a circumcursantibus, donec ab eo prehensus quispiam, ejus vices subeat. Illac rustici transeuntes cum Judæis altercari & contendere cœperunt. Inde digressi dixere inter se: Quo pacto ulciscamur pessimos istos Judæos? quid? si accusemus eos apud judices, quod virum illum in medio collocatum, per contumeliam, nomine Jesum vocaverint, eique caput pulsaverint, cavillantes his verbis: Jესus iste vinum bonum vendit. Eunt ad judices, rem deferunt, illi credunt; maximeque tumultuati clamant, operæ pretium esse, facinus indignissimum ad Regem referri. Plebs nihil cunctata in furias ignemque ruit, ferrum corripit, Judæos invadens obtruncat ad unum omnes, præter

præter puerulum, qui sylvæ latebris conditus fuerentis plebis rabiem solus evasit, cæteri Judæorum infantuli sacro baptismi fonte abluti, Christianis sacris iniantur. Postridie cum Judæi ex urbe vicinâ eo forte venirent, ex latebris proreptans puer, quod tenditis, inquit? & simul rem totam, ut gesta erat, exponit: illi continuo fugientes, puerum secum una domum abducunt. Quo cognito, Christiani persecuti quidem illos; sed non assecuti sunt. Parum tamen abfuit, quin oppressi in fuga periissent. Domum reversi, magnam gentis suæ crepidationem vident, jam enim rumor cædis in urbe Montifon factæ, illuc perlatus omnes terruerat; sed illi incolumitatem magnis muneribus redemptam obtinuerunt.

XVI Clades decima sexta in Hispania fuit; veniunt ad Regem Christiani dicentes: se invenisse hominem quendam occisum in cujusdam Judæi ædibus. Et cum forte apud Regem esset Consiliarius quispiam, qui acerbius in Judæos inveheretur, populus oratione ejus concitatus, Regi minari ausus est: Nisi homicidii pœnas Rex sumere maturaret, se ipsos sumturos esse. Rex ait; per summum, maximum justitiæ præsidem præstitemque, Deum, veri amatorem, osorem falsi, ego ostendam vobis hodie,

die, vos ficta crimina, merasque calumnias ad me deferre, & quæ modo dixerit consiliarius meus, solo Judæorum odio dixisse. Missis itaque, qui omnes ad se convocarent Judæos, ubi convenisse videt, rogavit illos: Quid sibi vult, quod David ait. Psal. cxxi. vers 4. Ecce non dormitabit, neque dormiet custos Israël? Quod si non dormitabit, multo minus dormiet, quia linguâ Hebræâ vox (שֵׁנָה) somnus, profundius quid notat, quam (תִּרְדָּמָה) dormitatio, ut audire me ex linguæ Hebrææ peritis memini. Respondent Judæi: Enarratores nostri locum ita accipiunt, ac si dixisset: non dormitabit, quanto minus dormiet. Rex inquit, inepta ista quidem interpretatio est, illud enim, ut cum vulgo loquar, est principium perere: neque enim intellexere germanam verborum illorum sententiam, quæ hæc esse videtur; quam ipse hisce meis oculis vidi. Nempe proxima nocte versans me in utrumque latus, nec quietem, nec somnum carpere potui: proinde e lecto meo surgens in atrium extremum prodeo, & capite exerto de fenestra prospicio, Luna fulget, video currentes homines quosdam, quorum aliqui portabant humeris simulacrum hominis instar. Mitto tres viros, qui pedetentim eos secuti probè explorarent, rem exploratam mihi referrent, num hominis occisi cadaver aliquod; aut quid ran-

R

dem

dem rei esset? Eunt, ut præcipio, ministri, in obscuro aliquo loco abditi vident interemtum hominem esse; agnoscunt quoque duos ex iis, qui cadaver illud ferebant; & en! vobis hujusce rei testes ministros meos dabo. Illi adsunt, testantur: Roganti consiliario, Quare non comprehendissent illos? respondent: Illos properasse, & cadavere in aream cujusdam Judæi projecto, aufugisse. Præterea illos armatos, se contra inermes fuisse: nec Regem præcepisse, ut caperent illos; sed tantum, ut quid rei esset, diligenter cognoscerent. Tum Rex ad verba illa Davidis, Non dormitabit, neque dormiet custos Israelis, declaranda rediens, sententiam eorum hanc esse dicit. Quod ille non dormitabit, nec dormire patietur eum, qui custodit Israël. Quibus auditis, plebs tristis discedit; sed conjurati sceleris sui morte poenas dederunt.

XVII. In Galliarum regno duo forte maligni homines Regi indicarunt: se vidisse Judæum, qui comprehensum Christianum per vim domum suam abriperit, haud dubiè interimendum: quippe ille dies erat, quo ad proximum pascha omnia ritè parari solent, quem parasceven appellant. Igitur Rex, justus & veri amantissimus, cum videret falsa crimina & meras calumnias, Judæorum odio confictas, illos
 omnes

omnes acriter increpitos, foras expelli iubet, minitans: si quis aliam ullam contra Judæos calumniam posthac ad se deferret, securi percutiendum. Illi furibundi, quod Regi falsum malignè testari, & scelerati esse, viderentur, abeunt: ingentem populi multitudinem convocant; jurejurando eidem confirmantes, Judæum correptum Christianum obtorto collo traxisse in ædes suas, se oculis suis vidisse; neque dum Christianum egressum Judæi domo esse. Adjungunt & illud, indicium se fecisse id Regi; sed sensisse & dolere se, Regem prava animi lenitate parcere contumacissimis, & Christianæ religionis infestissimis Judæis, non parcere Christianis, consortibus secum eorundem sacrorum. Tum imperita multitudo inquit: agite vero, astu circumvenienti sunt. Igitur subornati duo Christiani testantur, cum adiissent Judæum illum, ut fœnori ab eo sumerent, deprehendisse se egredientem e cubiculo habuisse in manu cultrum sanguine etiamnum madentem. Rex vocato ad se Judæo, inquit: Quid sibi culter iste tuus cruore oblitus voluit? Judæus respondit; aves celebrando festo meo jugulavi. Purpurati Regi inquiunt: Non jugulantur aves in cubiculo: proinde cum cædis haud temere suspectus sit, merito Judæus tormentis subjiciatur, res extorque-

atur. Mox Regis jussu, quæstione habita, a se eadem illam factam esse fatetur, impulsoribus quinquaginta Judæorum primatibus, qui una secum in cubiculo fuissent. Rex comprehendi etiam primates illos jubet. Quo cognito Judæi continuo gemitu, luctu & ploratu omnia implent; totius suæ gentis excidium metuentes. Ergo congregati adeunt Regem, dicentes: Clementissime Rex: Priscis Regibus, majoribus tuis, legibus constitutum est. Confessionem expressam per tormenta, adversus ipsum confitentem; non adversus eos, de quibus confessus est, valere. Et si Judæus iste interemerit Christianum, nos certe cadis nullius nobis conscii sumus: neque tantum facinus nobis ne per somnium quidem in mentem unquam venit. Non enim ita insanimus omnes, ut per unius hominis eadem nos, liberosque nostros in præsentissimum capitis periculum conjiciamus: præsertim cum ejusmodi eadem nusquam præcipiat Deus. Nisi vero iis legibus stemus, quibus olim constitutum sancitumque est, uti per tormenta confesso de se tantum, non etiam de aliis fides habeatur; periculum certe est, ne quisque, ut furtum, aut rapinam commisit, continuo dicat: Omnes urbis optimates, una secum in furto, aut raptione fuisse.

Rex

Rex super ea re Purpuratos suos interrogat: Utrum ea lex annalibus perscripta habeatur? Illi disertim eam haberi, & Judæos verum dixisse, respondent. Rex jam mitior ait: Cur non prius, quam Judæi monerent, vos me ejus legis admonuistis? exhibete mihi annales; ut ipse legem inspiciam. Allati annales, compertumque ex iis; rem prorsus, ut nar-raverant Judæi, sese habere. Rex omnes Judæos, præter illum, in cujus domo repertum cadaver erat, vinculis solutos dimitti jubet. Erat forte tum tem-poris in regia princeps quispiam Saracenorum no-mine Orator ad Regem missus. Cui Rex ait: Dic mihi venerande vir, num simile quid in vestris re-gnis unquam accidit? Saracenus ait: Nunquam tale quid audivimus; nec vidimus. Certe est, quod Regibus nostris gratulemur; qui aures non præbe-ant ejusmodi anilibus nugis, quas nec suadet ratio, nec lex ulla præcipit. Quomodo enim Judæus ausit interimere Christianum: qui in Christianorum re-gno degens, illorum imperio pareat? Quanto mi-nus, quod omnium absurdissimum est, huma-no sanguine litare audeat? Quod nulli usquam genti usitatum, fando accepimus; quantumvis absurda & anilia sacra colerent: quinetiam tam dirum, tam-que ab omni humanitate alienum sacrum, nulli

unquam genti, ut solenni ritu celebraret, in mentem venisse asserere ausim. Sed vos hic ita credula turba estis, ut res, quas credere est nefas; facillime credatis. Rex indignatus inquit: Reus fassus cædem est, cædes expiare regii officii est: Quid faciendum censes facinus fasso; quantumvis absurdum id videri possit? Ad quæ Saracenus: Confessio tormentis in regno nostro extorta, si etiam alia argumenta accesserint, ad facinoris conjecturam; non vero ad supplicii necessitatem valet. Quidam Christianorum, qui forte jaderat, Saraceno ait: Venerande princeps: quod immane hoc sacrum apud vos non peragant Judæi, inde est; quod ipsis cum Muhammedanis lis est nulla; magna & perpetua illis est cum Christianis, de Servatoris nostri Jesu Christi negotio. Hinc Christianum correptum, per contumeliam Jesum vocant, interficiunt; interfecti sanguinem hauriunt: ut quâ possint, Servatorem nostrum Christum ulciscantur. Orator ait: Hoc ipsum etiam magis me moveat, ut credam: ista invidiæ & odio augendo conficta esse, nam cui mortalium vero simile videatur, quod cum olim fontem ipsum Christum, ut videri volunt, ex animi sui sententia sint ulsi, nunc etiam alios in fontes Christianos eandem ob culpam ulcisci parent? Convenientiùs certe erat, ipsum

ipsum Christum vindictam sumere de Judæis; non vero Judæos de Christo, Judæi enim ipsum crudelissimè excarnificatum interfecerunt: ut vos quidem sentitis. Nos vero Christum nequaquam interemtum; sed vivum in coelos subvectum esse credimus. Sed loquor ex mente vestra; vidi enim, in templi cuiusdam vestri parietibus, depictos omnis generis cruciatus, quibus affecerunt eum Judæi, & circumdatam capiti ejus coronam, quali capita sua redimire factores; aut qualem bibliopecti librorum involucris imprimere solent: & ita Christum ultis supervacuum videatur, etiam Christianos ulcisci. Quinimo Christum potius patrem suum rogare oportebat, ut justissimus scelerum Vindex indignissimæ necis dignas poenas a Judæis exigeret. Ingentes gratias universi conditori & rectori Deo merito agimus, qui nos falsa religione secretos veræ transcripsit. Respondent Christiani: dixisti; Servatorem Christum repetere debuisse poenas a Judæis: sed eum repetiisse res ipsa testatur. Ob quid enim aliud in exilio oppressi, squalidi, luridi, vexati & spoliati, nisi ut perpetuas necis Christi poenas liant? Tum Muhammedanus: si pater, quæ vestra sententia est, ob filii necem poenas a Judæis exigit: num verisimile est, Judæos poenas illas ulcisci velle, atque ita novam vindictam, novasque

vasque poenas provocare ? Mihi hercle non fit verisimile ; si vobis commentum placet. Huc accedit, quod si Deus Judæos punit, quid attinet, vos aliam etiam illis poenam addere ? Nec hæc eo dico, quo Judæorum causæ patrociner : neque enim aut sacra nostra, aut regnum colunt : nec quod eos amem. Scio enim, quid plerisque sacris vatibus fecerint ; sed rogatus a Rege ; quid sentirem, id quod res est, libere dixi. Rex, verbis Saraceni auditis, maximopere indignatus est : vidit enim illum omnes notasse Christianos : verum cum non temere ; sed cum ratione locutus videretur, Rex iram cum voce repressit. Tercio die populus cognitis calumniis, quas Saracenus in Christianos evomnerat, coarguens illos aut impietatis ; aut stultæ credulitatis, coorti falsos duos testes submitunt, qui in hunc modum testantur : Nos in hujus Judæi ædes, ut cum eo rationes conferremus ingressi, vidimus ibidem omnes illos quinquaginta Judæorum primates, quorum consilio eadem istam fecisse, Judæus fassus est. Vix ingressi, cum omnes subito conticescerent, continuo suspicati sumus, aliquid monstri ali. Inde recedentes, ut post januam nos occulimus, Judæum eos his verbis alloquentem audivimus. At si forte, me occidisse Christianum palam fiat, num deseratis me ? Responderunt illi :

Ingentes

Ingentes ad liberandum te habemus divitias, noli timere, nec trepidare. Rex, testimonio hoc audito, maxime lætatur, habere se jam, quo Saraceni verba confutet. Hinc ad eum conversus ait: Quid tu ad hæc, Venerande Saracene, qui modo etiam ultro impietatem, aut stultam credulitatem nostram notare es ausus? Respondit Saracenus: Notare te, o Rex, mens non est, nec fuit: sed conjuratos istos tetigi, & postquam hoc accessit testimonium, negotium illud longe mihi absurdius videtur, quam dudum. Quid? num Judæi rem usque adeo periculosa plenam alex loqui auderent eo loco, ubi loquentium verba exaudirent Christiani? Ego enim audiui, Judæos esse admodum circumspectos & meticulosos: num ergo verisimile est, constitisse & agitasse consilia sua in ejusmodi loco, unde verba illorum facile auditu percipi possent? aut adeo altâ voce locutos esse, ut tam clare exaudiri ipsi potuerint, quam sigillatim omnia enarrant isti testes? Hæc cum verba fecisset Saracenus, totus consurrexit populus, inquiens: Num Saracenus iste Rex noster est? Tu Rex noster, nosterque judex es: proin jns nobis dicito: ne tandem, læsa populi patientia, in furorem vertat, & postea nulla arte, aut consilio placari possit. Rex Saraceni

S

verbis

verbis magis irritatus, testibus facilius obsequitur, sententiam absurdissimam ferendo: Comprehenderent omnes illos quinquaginta Judæos, qui interfuis-
sent consilio, singulosque singulis doliis, quæ clavo-
rum spiculis intus extantibus undique horrerent, inclusos per publicas urbis vias versarent. Tum sur-
gens ex purpuratis quispiam non sine Numine, Re-
gi inquit: Lex lata a priscis Galliarum Regibus est: Quodlibet capitis supplicium, si de quinquaginta, aut pluribus viris sumendum est; Regem ipsum auspicari, totum populum Regis exemplum sequi debere. Proinde legem serva, exemplo præi, o Rex, unum dolium versare incipe, nos alacres te sequemur. Rex ait: meum non est, abrogare & subvertere leges atque statuta regni; sed confirmare. Ibo itaque & auspicabor supplicium, quemadmodum iussistis. Ivit Rex, & pedem, quo impulsim dolium versaret, sustulit: sed contractis crurum nervis collapsus humi, animo defecit. Verum postquam ad se rediisset, extrahi Judæos è doliis jubet; quia sentio inquires: Deum universi rectorem, iusti & æqui præsidem præstitemque esse; nec ferre tantam istam injuriam posse. Populus evidentissimo isto prodigio perculsus, versandis doliis, nec manum, nec pedem admove-
re est ausus. Rex currui impositus,
& do-

& domum delatus, petit à Judæis, ut Deum pristinam valetudinem sibi orent. Orant Judæi, paucis diebus post Rex sanatur, & Judæi deinceps per universum regnum, in magno honore atque pretio habiti fuerunt. Aliquot diebus interjectis adsunt Christiani dicentes: Clementissime Rex, novo isto prodigio, non nisi eorum Judæorum innocentiam palam asseruit Deus, qui falso cædis accusabantur: Verum ille Judæus, apud quem interemti Christiani cadaver inventum est, supplicium meretur. Tum Rex rem diligentius cognosci jubet, reperti que sunt Christiani, qui testarentur, se vidisse virum quendam, cadaver in ædes Judæi projicientem. Cui continuo Rex manus pedesque præcidi imperat. Severo hoc exemplo edito, compressus populi furor, & paulo ante feroci ultro terror injectus est. Alii aliter hanc rem narrant; sed nos uti per scriptam annalibus ab Historicis Gallis legimus, ex scriptam bonâ fide hic exhibemus.

XVIII. Calamitas decima octava in insula illa, quæ nunc Anglia appellatur, magna & atrox per omnia Judæorum conciliabula exitit, quæ per ea tempora frequentissima & copiosissima fuere, sapientiâ, prudentiâ & gloriæ famâ inclyta; imprimis autem Londini, in urbe maxima, ubi circiter

bis mille familiæ erant, sapientiâ & divitiis præstantes. In qua urbe sapientissimus Hebræorum Magister Abram Ben Esræ epistolam illam scripsit, quæ Sabbathi epistola appellatur. Calamitas vero inde orta esse dicitur: jussi mutare religionem cum in avitis sacris perstarent; hac arte evertere Judæos aggressi Christiani; fingunt & dicunt, adulterasse monetam. Rex audito illo crimine, rem accuratius cognoscit, comperit ipsos illos delatores monetam adulterasse, & culpam suam in innoxios Judæos conferre studuisse: Sed illi quidem turpissimi facinoris pœnas effugerunt. Haud multo post redeunt Christiani, testes sceleris contra Judæos quarunt; inventos ex animi sui sententia, qui testentur, adducunt: vidisse se Judæum, monetam adulterantem. Rex quamvis omnia ficta esse certo sciret, populi seditionem metuens, ejusque querelis obviam ire volens; ne forte strictis de more gladiis, in Judæos irruentes promiscue omnes, nullo obstante, obtruncarent: quo ipsorum salutis consuleret, regno pelli omnes jubet. Exilium hoc incidit in annum quinquies millesimum vicesimum ab orbe condito.

XIX. Decima nona calamitas eodem memorati exilii anno accidit, cum cogerentur duo cœtus permagni,

magni, Neapolitanus & Tranensis avita sua sacra deferere; magna Judæorum pars a sacris quoque suis defecerunt. Causam quidem, ob quam cogerentur, scriptam nullam inveni; sed a majoribus meis, hanc eam fuisse accepi. Monachus quispiam, post jurgium cum Judæo, in urbe Trana quærit causam, quâ recentem iram in universum Judæorum genus evomeret. Occulit imaginem crucis in sterquilinio alicujus Judæi, mane narrat: Per noctem se in somnis vidisse, quemadmodum Judæi imaginem crucis in sterquilinio defoderint. E vestigio aliquot Christiani, ad quærendum & investigandum properant; invenitur in cujusdam ædibus Judæi in fimeto imago crucis. Tum populus ira percitus omnibus Judæis vim intentat. Quo audito, magistratus eas monachi alicujus machinationes esse suspicans, Judæos à populi furore defendere parat. Sed videns se, inferiorem numero-fissimi populi viribus esse, Judæis consilium dat, quo salutis suæ consulere, religionem suam mutarent: neque enim aliam expediendæ salutis viam superesse. Pars religionem mutat: alii Neapolim confugiunt; quos Christiani acriter persequuntur. Ipsi quoque Neapolitani cives, & quotquot illum tractum incolebant, audita rei fama, qui-

cunque ficto isti crimini, de crucis imagine defossa, fidem haberent, insurgunt contra Judæos, qui Neapolim habitabant, ferociter instantes, proderent fugitivos Judæos, aut promiscue se universos obtruncaturos. Neapolitani Judæi, se una cum illis in magno versari vitæ discrimine videntes, eos tradunt; qui religionem mutare coacti sunt. Qui vero reliqui, viri eminentissimi in magnatum ædibus occulti latuerant, concitata plebis furori subducti sunt: qui tamen; cum popularis furor defæviisset, adhuc trepidi e latebris clam in externas & longinquas oras profugerunt. Tranæ autem, Baræ, & Neapolitæ fuerunt viri scientiis celebres: imprimis vero admirandi oratores, & poëtæ, qui pares certè non habuerunt, præter eos, qui Galliæ Provinciam incolebant, scientiarum & artium laude, reliquos Judæorum longe superantes. Haud multo post, Rex comperto, improbum aliquem monachum hujus calamitatis machinatorem fuisse, suspendi eum jubet. Sed cum populus monachalis dignitatis reverentiâ ductus, supplicio intercederet, Rex illum in remotas insulas relegat.

XX. Clades vicesima in Galliarum regno universale fuit exilium: cujus tamen causa scripta non reperitur à Gallis, verum in Germanorum annalibus

bus perscripta ea extat. Monachum scilicet quendam ex Dominicanis, quos vulgo prædicatores vocant, amasse mulierem Judæam admodum formosam; ejusque nuptias diu; sed frustra ambiisse. Verum post multas improbas flagitationes, quibus ille instaret, ait illa; sibi per legem suam id ignominie futurum, si præputiato nuberet. At si circumcisis fuerit, se nuptias ejus non averaturam. Monachus autem ejus desiderio & amore illi obsecutus, clanculum ablato præputio Judæus factus, illam duxit uxorem. Hoc vero resciscens Dominicanus ordo, infamia ista vetus eorum in Judæos odium inflammante; Judæos ulcisci studet. Cum autem Monachus ille vir summus Regine confessionarius esset; eunt omnes Monachi ad Reginam indicatum omnia confessionarii negotia, quemadmodum Judæi circumcisum illum sacris suis initiaverint. Hoc audito Regina vehementer indignata, meditatur, qua ratione contumeliam istam a Judæis acceptam ultum iret. Turbata adit Regem, supplicem se abjicit, rem omnem enarrans petit, omnes Judæos regno ejici; sed cum Rex Judæos ob ingentia, quæ ipse & cives ex iis caperent commoda, amaret & æstimaret, Regine preces assidue instantis diu repulit: publica regni sui detrimenta ex Judæorum exilio identidem cau-

causatus. Videns Regina, parum se promovere, omnes purpuratos, qui in regia erant, subornat: ut illi rem eam Regi persuadeant. Purpurati, quamvis extra culpam Judæos esse scirent, Reginae similitudinem veriti, Regi Judæorum exilium inviti suadent hujuscemodi verbis: Non ita bene de Judæis existimandum est, o Rex, uti plane insontes atque innoxii esse videantur. Illi enim religionem nostram, omnesque adeo Christianos pessimè oderunt. Quin illud crudele statuunt: Vel optimum Christianorum occide. Et invidioso ænigmate ludentes: Mel esse comedendum, nec Christianum ejus esum esse docendum. Aliaque hujus generis complura dicunt. Respondet Rex: Non ista idonea exilii causa est, jam ante enim hæc controversia coram patre meo, inter quendam Episcopum & Judæorum sapientes agitata fuit, qui argute inquebant; Forſan, quod scriptum in Thalmude est: Optimum Christianorum occide, sententiam hanc habet: Optimum est atque pulcherrimum inter Christianos ipsum illud Occide: id est, capitis supplicium, quo fontes afficiunt. Per illud enim populum timore incusso, ad legum obsequium, & magistratus reverentiam compellunt; salutare pravis vulgi moribus corrigendis severitate. Verum ex sententia legis Judæorum M. Haciba

Thal-

Thalmudista nimis quam dementer dixit: Si ego in Synedrio fuisset; nunquam occisus quisquam fuisset. Fieri enim posse, ipsum, quem homicida interemerit, jam lethali morbo quodam laborasse, aut malum ulcus intra viscera jam habuisse, cui alius ictus additus fuerit. Postremo purpurati inquirunt: Qui hujusmodi leges aut statuta habent, num misereri eorum oportet? Respondet Rex: Jam pridem hoc quoque audiui, quemadmodum omnes Thalmudistæ illum refutaverint, dicentes: Si ita, ut dixit, Haciba fecisset, omnibus fenestram ad promiscua homicidia aperturum fuisse. Quod vero M. Haciba ineptius videtur locutus, mirum videri non debet, præsertim cum doctissimi quique nonnunquam ineptiant. Philosophorum princeps ecce Plato ait: Ejusdem opificii artifices suas mulieres debere inter se habere communes. Quæ certe res indignissima, plurima mala, tristissimas familiarum confusiones, turpissima probra, & promiscua stupra traheret. Quis autem hominum adeo certæ firmæque sapientiæ est, ut non aliquando erret, aut labatur? Tum purpurati inquirunt: Quid autem de illo mellis esu Christianis invidendo ais, o Rex? Respondet Rex: Memini audire me, ita Judæos sentire: Si vinum degustandum sit, primum eden-

T
dum

dum esse mel, &, si vinum post mellis esum bibentem suaviter afficiat, vinum bonum esse. Christiani; eo audito, putabunt, illud fieri medicamento causa; proinde Judæi ita præcipiunt: Ne doceas id Christianos, ne forte rideant, falsum atque ineptum id esse existimantes. Purpurati inquirunt: Nos vero audivimus, quod post esum mellis, vinum certo exploretur, an bonum sit & dignum, quod libetur Deo super aris suis; & vetuisse hanc vini explorandi rationem, doceri Christianos: ne illi simili ratione Christo suo li-
tent, quo Judæi piaculum in se admittant, qui docuerint Christianos rationem, qua Christus rite coli possit. Tum Rex ait: Quid? adeone pueriliter imperiti sumus, ut jam primum cognoscamus, Judæos Deum nostrum, ac proinde ejus cultum repudiare? Tum unus ex consiliariis inquit: Ergone, o Rex, contemnere eos Christum, & ferre eos in regno tuo potes? Scriptum enim in Thalmude est; Christum esse damnatum &c. Rex ait illis: Hodie id verbum primum audio, vos vero quo tempore, aut quo die audivistis? Purpurati inquirunt: Multi sunt anni, ex quo audivimus illud, idque idoneis autoribus abunde nobis confirmatum est. Rex ait; Cur ergo

ergo id jam demum mihi dicitis? sed nempe vos Regina ad dicendum hæc omnia impulit. Postridie reversi adeo multa de Judæorum malitia Regi exposuerunt, ut tandem eum impulerint ad promulgandum edictum; quo Judæos omnes intra trium mensium spatium regno suo excedere juberet: qui vero post præstitutum illud tempus, in regno remansisset, publicatis bonis, ferro perimendum esse. Præstantes autem viri aliquot, quod monachum circumcidissent, palam exusti fuerunt. Atque sic Judæi relinquere sedes suas, omnesque possessiones, subitoque universis regni finibus excedere coacti: cum nullum iis justum temporis spatium, nominibus exigendis, rebusque componendis concederetur.

XXI. Anno quinquies millesimo quadagesimo sexto, extitit crudelis Rex nomine Philippus, Philippi filius, qui omnes ex suo regno ejecit Judæos, valdeque se adversus eos crudeliter gessit, creptis argento omni atque auro, mobilibus & immobilibus bonis, nudos & omnium rerum egentes expulit. Tantus vero tamq; innumerabilis in illis regnis prope modum Judæorum numerus fuit, ut altero tanto plures fuisse dixisses, quam olim ex Ægypto egressi sunt. Quantum ad conciliabula illa attinet; sapientia

& hominum numero incluta ea fuerunt, ut scriptum reliquit sapientissimus Magister noster Levi Gersonides in enarratione versus hujus. Quis numeret pulverem Jacobi? Quam quidem enarrationem scripsit quindecim annis post hoc exilium. A Mosâicis sacris defecere etiam nonnulli, sed perquam pauci, quibus patria religione potior erat: sed totum illud Judæorum conciliabulum, quod Tolosæ fuit, legem Mosâicam deseruit: Anni autem illius numerus continetur in hoc versu Psal. xxxiv: vers 1. ויגרשו וילך Et ejecit eum & abiit. Illud autem exilium fuit mense Ab, qui fere nostro Julio responderet, die Christianis Mariæ Magdalænæ sacrato.

XXII. Ante exilium modo memoratum, anno quinquies millesimo decimo quarto, fuit ibidem exilium non universale; sed particulare, per aliquot tantum civitates: Causa exilii non constat: nota ejus anni est in versu Jud. cap. iv: vers 24. וחלך ד ישראל הלך וקשה Et perrexit manus Israël durior esse.

XXIII. Post hæc anno quinquies millesimo quinquagesimo, fuit ibidem universale exilium, atrox certe & admodum durum; cum enim Judæi jam ante in exilium acti, pretio ingentibusque muneribus impetrato reditu, ab exilio revertissent, creatus Rex novus crudelissimus fuit: edixit enim;
 si Ju-

si Judæi religionem Christianam assumerint; commodissimè in regno suo acturos: sin minus, omnibus protinus ferro, sine ulla spe veniæ, pereundum esse. Dedit iis trium mensium spatium, ut interea causam meditarentur suam. Erat forte tum temporis ibidem vir quidam sapientissimus, Regi percharus, nomine Abugardan Delcadin; qui aliquoties apud Regem pro Judæis intercessit; sed frustra: cum audire Rex eum nollet, causatus, jam nunc populum contra Judæos coortum, extrema illis minitari, exilium ipsorum malis imminentibus remedium fore; ejici à se illos, quo sævientis populi furori tutò subduci possint.

XXIV. Eodem illo anno, quo Judæos omnes in exilium exegisset, profectus Philippus ipse venatum, in pernicissimum quendam cervum incidit, quem dum equo insidens, quam celerrime persequitur, forte in quandam scrobem cum equo collapsus, cervice perfractâ, extinguitur. Tum uno ore omnes dicere: Crudelitatem, quam in Judæos exercuerat, tristissimi ejus fati causam fuisse: neque enim scrobem eam per se tantam videri, ut in eam corruens ita subito extingui potuerit. Sublato crudeli hoc patre Rege, successit filius, Rex mitissimus, æqui & justus amantissimus. Ille videns,

quem pater vitæ exitum habuisset, mittit legatum ad Judæos, qui nunciet; si velint, licere sanè liberè reverti in urbes suas; se enim illos, ut oculi sui pupillam conservaturum esse. Multi igitur patrii soli amore, in civitates suas reversi sunt, plerique enim Hispaniæ & Galliæ Reges, & qui dignitate, eruditione, aut nobilitate cæteris præstarent, amabant Judæos: nec ullius, nisi vulgi Judæis infestissimi, odia experiebantur. Alii vero dicebant: si Rex nos bono animo esse jubeat, & vulgus contra nos insurgat; quomodo confidere poterimus? præsertim cum antehac sæpe viderimus, quot exiliorum causâ nobis fuerit vulgus. Quid enim juvat, si prosint Reges & principes, cum obsit vulgus: & isti nos bono animo esse jubeant, cum vulgus perpetuo calamitates nostras anhelet? Quin has, quas nunc habemus, sedes servamus, ne reversi novo exilio obnoxii simus. Post aliquot dies, mutato consilio, inquiunt: Agite, revertamur in terram patriam, quæ nos genuit: revocat Rex bonus, candidus, fidus, qui datam fidem fideliter servabit. Dant igitur se in viam, & dum in itinere sunt, latrones eos aggressi, omnibus spoliant. Quo audito, Rex, qui cognoscerent, misit; sed sceleris autores latuerunt. Tum Rex Judæis vestimenta & annum com-

commeatum ex ærario suo præstari jubet: ipso enim autore se in viam dederant. Qua visa Regis clementia alacrius in urbes suas reversi sunt.

XXV. Septennio post denuo contra eos conjurantes Christiani, rursus Judæos ejiciunt; sed Rex justissimus cum facultatibus divitiisque illos dimisit; addito militum præsidio, ne spoliarentur in itinere, quod tamen plerisque parum profuit, cum agricolis & viatoribus passim prædæ essent.

XXVI. Ab orbe condito, anno quinquies millesimo centesimo sexagesimo, gravissima pestilentia per utramque Germaniam, Provinciam, Catalauniam grassata est; adeo, ut in nullis annalibus par, aut similis memoretur, excepta pestilentia illa, quæ Romæ & per finitima loca aliquando sæviit: Quæ quidem tanta rabie exarsit, ut universum genus humanum abreptura videretur, usque adeo hoc malum post hominum memoriam gravissimum fuit. Nonnulli Christianorum dictitabant: Judæos corruptis veneno fluviiis tantam pestilentiam excitasse. Quibus rumoribus populus commotus recta ad Regem properat, ingentique clamore rem totam, ut gesta erat, exponit. Rex num etiam ex Judæis aliqui pestilentia intereant? rogat.

Respon-

Respondit populus, ex iis ne unum quidem adhuc periisse. Rex ait; si illi fluvialem aquam veneno infecerint, quam illi aquam bibunt? Fontanam inquirunt. Rex ait; At in reliquis locis, ubi fontana deficit, quam aquam bibunt? Hæc ego vobis ex mente vestra respondeo. Nam quod ad rem ipsam attinet, ex futile ista causa, pestilentia nasci nequit: quanta enim veneni vis in unum fluvium corrupendum injicienda esset, quod tamen injectum omnes ejus undas inficere non posset; cum perpetuo flumine labantur amnes, novæ & integræ aquæ veteribus & corruptis succedant? quare in non stabili aqua stabile venenum esse non potest. Tum, qui veneno perit, nullo ulcere intumescit. Denique nunc ite & vos, bibite fontanam, experiemini, contagionem pestilentia evasuri sitis, nec ne? Cognita Regis sententia populus discessit, spei & voti sui irritus: viso autem Judæo, qui ipsis illuderet his verbis: Egregiam vero laudem & spolia ampla artibus istis vestris refertis; denuò animum obstinant ad accusandum; ex animi sui sententia inventos testes subornant, adsunt illi, testantur: vidisse se Judæos intempestâ nocte progressos, projecisse aliquid in fluvios, & verba aliquot incondita, nec intellecta sibi admurmurasse, & cum plures adessent,

adessent, qui idem testarentur, neque calumniari Judæos desinerent: tandem Rex victus ait; isti quidem dubio adhuc crimini satis supplicii exilii poena erit. Tum populus contra: cum plurimos e nobis interfecerint Christianos, itane impune discedent? Qui divitiis ex sanguine civium tuorum partis abundant, quas per iniquissimam usuram nobis extortas possident. Quin eos religionem suam, aut vitam relinquere jube. Istam populi vocem, mutandam inquam religionem esse, calculo suo comprobare consilarii. Mox generalibus per universas Germaniæ & Provinciæ terras edictis promulgatis, Judæi avita sacra deferere jubentur. Tum vero tanta miseria & calamitas exitit; ut nulla major esse potuerit: attamen Germani Judæi non defecerunt a Dei optimi maximi cultu, ejusque lege, memores pristini decoris & famæ.

XXVII. Anno quinquies millesimo centesimo quinquagesimo, generalia edicta per pleramque Hispaniam promulgata sunt contra omnes Judæos, imprimis illos, qui sapientia & numero reliquis præcellebant. Subito enim tumultu concitati Hispani Judæis necem, facultatumque direptionem minitabantur, nisi a Mosâica

V

lege

lege extemplo desciscerent. Multi, qui dignitate cæteros anteirent, animæ suæ salutem consulentes, a lege avelli non potuerunt, parati omnia perpeti, quæcunque in ipsos, legem, in legis autorem, ejusque gloriam statuerentur. Multi igitur propter Dei cultum interemti sunt. Eodem modo cum Judæis actum est in regnis Arragoniæ, Valenciæ, Majorcæ, Barcelonæ & Leridæ. In illis locis pars illorum à lege defecit, calamitatum terrorumque, quibus divexabantur, pertæsa. Bona tamen Israël's pars, spretis malorum minis, ne ad simulandum quidem Deastrorum cultum cogi potuit. In Christiana sacra vi & minis compulsi; quo salutem animæ consulerent, voluntarium sibi exilium & errores, per inimicas & hostiles terras, indixere, donec sedes colendis suis sacris liberas & tutas invenissent, quorum piis consiliis propitius adfuit Deus. Verum illi, qui Arabiam peterent, transiverunt in itinere loca pestilentia infesta, ubi tam dura & tristitia perpassi, ut fando ea nemo assequi possit, quemadmodum illi amicis suis, qui in Hispaniarum regnis remanserant, perscripsere; præcipuè a rusticis, qui eos invaserant, hoc nomine, quod profugerent in alias oras, observatum legem Mosaicam: hinc catenis constrictos asservavere, donec res ea ad Regem

gem deferretur. Pars salutem peculio bonisque omnibus traditis redemit ab iis, qui ipsos persequabantur. Alii longo malorum radio victi, dixere; legamus nobis ducem aliquem, cujus ductu atque auspiciis, unde digressi, redeamus. Quo fidem inveniat oraculum hoc, quod de nobis pronunciatum scimus: Levit. cap. xxvj: vers 30. Peribitis inter gentes, & hostilis vos terra consumet.

XXVIII. In Græciæ urbibus, quemadmodum a veteribus accepimus, promulgatum fuit edictum a Rege, quo Judæi a lege sua deficere jubebantur, verum omnes ad unum constanter in cultu Dei perseverarunt. Rex edicto hoc se nihil promovere videns, consilium aliud, quo eos cogat, capit. Igitur illos domibus suis rus expellit, ubi nec cibi, nec potus ulla copia esset; sed omnes tridui in ediam fortiter ferunt, præter infantes & pueros; qui in edia impatientes a parentibus ad Græcos, explendæ fami, & siti levandæ confugiunt. Rex vero videns Judæos in sacra sua cogi non posse; sed in avitis sacris constantissime perstare, eorum miseretur, & ut vulgus placaret, novis edictis promulgatis, eos Constantinopoli excedere, & adversum illi oppidum Peram habitare jubet. Et ex ijs quosdam, interdictis reliquis opificiis, exstruere ad mare taber-


nas concinnandis coriis aptas, coriarios esse præcipit. Quanquam necessitudinem istam exercendi opificii coriarii alio edicto, tempore, & causâ iis impositam esse, nonnulli tradidère.

XXIX. Tempore optimi Regis Alphonsi majoris, aliqui ex Christianis iudices adeunt, dicentes: vidisse se Christianum quempiam pridie Paschatis Judæi ædes ingressum, quem mox miserabili voce clamantem audiverint; opem, opem, Christiani! Iudices missis, qui Judæi istius ædes perscrutarentur, cum neminem apud eum invenissent Christianum, inquirunt: Eiusdem criminis proximo anno accusati fuère Judæi, quod postea falsum fuisse compertum est. Vos vero ineptissimi accusatores, quid paratis ficta & falsa crimina ingerere, iisque miseros atque innocentes indignissimis modis circumvenire? Tum populus gemens fremensque exclamat: Quid ipse ille iudex, jus dicere neget? quin Regem adimus omnes; qui causæ nostræ patrocinetur, nobisque jus dicat. Ad Regem veniunt, rem totam exponunt ordine. Rex inquit, adducite mihi Judæum, illi adducunt: adductum de Christiani illius cæde Rex interrogat. Respondet Judæus, Dii meliora! Egone domi meæ Christianum occiderim, cujus do-
mum

num per hosce dies nemo Christianorum est ingressus? Tum Rex ad accusatores conversus ait: Quin ipsi vos cædis illius, si qua facta est, tene mini, qui hominem Christianum Christianorum opem miserabili & notâ voce implorantem, effractis Judæi foribus, ex instantis percussoris manibus, per vim non eripueritis. Respondent illi; metuebamus, ne multa nobis, ob effractas ædes alienas, a iudice irrogarentur. Hic Judæus regerit: at cum ante decem dies, servus quispiam fugitivus, in domum meam sese abdens, fores pone clausisset, effringere eas in re multo leviori non dubitastis; quæ etiamnum fractæ & laceræ audaces vestras manus ostentant. Eunt illi visere, re comperta conticescunt; & actionem contra Judæum intermittunt. Tum Rex purpuratos compellans ait: Num verisimile sit, Judæum hunc senectute decrepitâ adeo viribus exhaustum, ut vix pulicem unum interficere valeat, interficere Christianos? Sed ista accusatorum malignitas est; digna, quæ severâ aliquâ poenâ expietur: ad eosque conversus ait: scelerati atque mendaces ne aliud istiusmodi crimen posthac ad me deferre, neque enim commissa simili poena luctis. Postridie congressi

ad Regem redeunt, multos se facinoris testes, probabilesque admodum conjecturas habere. Rex vero, quandoquidem ita instatis, inquit, res cognoscenda diligenter est. Vocari igitur scribam suum, jubet, qui ubi venit, nomen Judæi, signumque; ædium ejus, quas habitaret, tabulis consignat: Regi nomen Christiani quærenti ex iis, qui se eum nosse dixerant, respondetur Petrum Guzmanum vocari; uxori nomen esse Beatrici, eam Episcopo famulari, denique in qua via habitet indicatur. Corporis formam inquirenti ajunt, fuisse statura exigua, capillitio rufo, barba dividua, captum altero oculo. Tum Rex Guzmani uxorem vocari jubet, advocatam percontatur de marito; illa narrat, abiisse maritum ad Judæum quendam nomina exactum, necdum rediisse domum. Deinde Rex adolescentium testimonia audit, qui inquiunt; Christianum illum, qui notis atque indiciis istis descriptus est, familiariter nobis notum, adstantem ad fores Judæi illius invenimus: causam quamobrem illic adstaret quærentibus respondet, expectare se Judæum, ut æs, quod sibi deberetur, a Judæo exigeret. Dumque colloquimur, intervenit Judæus, qui Christianum una secum in interiore domum abducit. Continuo exclamantem audimus, opem, opem, populares! Ad quam vocem
nos

nos per fenestram irrumpentes, Judæi ædes scrutamur, Christianum quidem neminem; sed pavimentum multo sanguine madens invenimus. Rex ait: adeo certas mihi istas conjecturas narratis, ut merito reus tormentis subjici posse videatur. Judæum igitur vinciunt, rem extorquent, fatetur ille: se eadem fecisse, atque noctu cadaver in fluvium projecisse. Quâ confessione auditâ, rogo damnatur exurendus. Dum tristis hæc de Judæi capite pronuntiatur sententia, forte interveniens Episcopus recitari eam audit, percunctatur, quem interfecit Judæus, Guzmanusne est, maritus ille Beatricis, an alius quispiam? Illis Beatricis maritum esse confirmantibus, Episcopus ait: rem miram! Sententia habet, Guzmanum a Judæo occisum pridie Paschatis Judaïci; qui dies nobis incidit in dominicum diem, Lætare appellatum, quem ego heri hisce oculis vivum valentemque vidi in pago quodam suburbano, atque adeo, aut hodierno, aut ad summum crastino die hic aderit. Rex ait: Certè Judæum aut insanire, aut furere oportet, qui ea fateatur, quæ non fecerit. Tum Episcopus Regi; Tormenta & principum facta nec religionem habent, nec fidem merentur. Hic Judæus inquit: Nec insanio, o Rex, nec insanivi unquam; sed confusam mihi mentem eripuit tormentorum acerbitas.



acerbitas. Tanta enim, tamque inexorabilis est Christianorum inclementia, ut crudelius me, quam perduellionis reum aliquem torserint. Et cum semel immaniter torto nova identidem tormentorum genera admoverent; malui semel unâ morte defungi, quam tot crudeles & lentas tormentorum mortes pati. Rex continuo duos è ministris mittit, qui Guzmanum quærant, et inventum adducant: adjungens iis comitem Judæum aliquem, ne forte ministri ab accusatoribus auro corrupti, Guzmanum occulerent. Adducitur Guzmanus ad Regem, qui surgens exclamat: Laus Deo, qui opera recludit: Laus judiciorum præsidii & præstiti Deo. Quid sapientissimus Deus, stultissimos nos pro tribunali sedere, & gentibus jus dicere jussit, qui veluti pecora verum ignorantes, temere in errorum scopulos deferimur? Memoriae proditum est: Græcos olim infantium natales lacrymis, senum funera gaudio prosequi solitos fuisse. Vidit scilicet sapientissima gens, nascentem primum hominem, qui ad rerum lacrymas victurus venisset, deffendum esse; congratulandum morienti, qui defunctus humanæ vitæ miseriis, ad lætas æternumque beatas sedes abiret. At Judæos, non natales modo suorum & funera; sed universum calamitosæ vitæ curriculum lugere oportet: quos quasi calamitatum

ratum parum ipsis fatale suum exilium adferret, falsis etiam criminibus accusatos certatim evertere conitimur. Ego certè illos, non quia Judæos; sed quia miseros abjectosque ex animo miseror: Exemplum secutus summi Regum, cujus divino munere nos regnamus, cujusque vicem sustinemus in terris, qui de se ipse per vatem suum oraculum hoc pronuntiavit: Esaiæ c. lxvi. v. 2. Sed in hunc intueor, in pauperem & contritum Spiritu, ac trepidantem ad verbum meum. Tibi vero sanctissime Antistes, magnas merito gratias habeo atque ago, qui opportuno tuo interventu prohibueris, ne infantis hominis sanguinem imprudens funderem. Non herclè sine Deo, iniquo isti supplicio tam opportune intercessisti. Cui Antistes, imo aliud multoq; etiam majus munus est, o Rex, quo te mactavit divina benignitas; quod ipse jam coram expertus certissimo documento didiceris, confessioni expressæ per tormenta nullam fidem tutò haberi posse. Ecce miserrimus ille Judæus, diris tormentorum cruciatibus victus, interemtum a se Christianum illum fassus dudum est: quem tamen jam vivum hic spirantemque adstare videmus. Laus immortalis Deo, qui justos & pios Reges, in quibus & tu es, dirigit: idem ille te æternum Numine suo regat: hoc ex animo opto voveoque: annue, o Rex Regum.

X

XXX. Anno

XXX. Anno quater millesimo nongentesimo sexto, generalia & gravia edicta per omnem Africam minorem, totumque Orientem promulgata fuerunt, contra omnia Judæorum conciliabula, quæ per illas terras numero & morum virtutibus plurimum tum valebant. Idque adeo, quo Rex Judæos Mosaïca sacra deferere, & Muhammedana sequi cogeret. Quibus hercle edictis id effecit, ut omnia conciliabula, quæ in regno suo essent, in sacra sua pertraxerit. Per ea tempora fugit Moses Meimonides Zohanam Ægypti regiam, quæ nunc Alcaira appellatur: Ubi apud Sultanium reliquam vitam felix egit. Medicus enim Sultano salutis custos assumptus, in luce atque oculis hominum, charus acceptusque omnibus agitavit, propter immensam rerum scientiam, cunctis Orientis sapientibus ab ipso Sultano, ejusque purpuratis meritò prælatus. Tum celebrem illam epistolam, quæ MERIDIONALIS EPISTOLA inscribitur, conscripsit; qua monet atq; hortatur reliqua conciliabula ad constantem Legis Mosaïcæ cultum, confirmans ea, spe atq; fiduciâ jamjam ad futuræ liberationis, quam utinam propediem videamus!

XX XI. Septennio ante memorata jam edicta, gravissima mala Israël passus, impii cujusdam hominis scelere, qui se falso Messiam tulit. Rex enim

enim & regni procures gravissimè Judæis irati, dictabant; Judæos, dum Messiam suum expetunt, regni exitium expetere. Diro isti impostori nomen David Eldavid, patria urbs Amadia erat, ubi magnum conciliabulum mille circiter familiarum, dives, potens, celebre, florebat. Primum illud conciliabulum est eorum, quæ amplius centum, flumen Sabbathionem accolunt, in finibus Mediæ, linguâ utuntur Chaldæâ, indeque ad provinciam Gulanam est iter quinquaginta dierum, parent Persæ Regis imperio, cui quotannis tributum pendunt, singulos aureos singuli, qui quintum decimum ætatis annum excessere. David iste Eldavid operam dederat exulum principi Chasdæo, & viro cuiuspiam summo Academiæ Bagdadensis rectori, qui Thalmudicæ doctrinæ, liberaliumque artium peritissimus, & in Magorum, præstigiatorum & Chaldæorum libris versatissimus erat; Iste igitur Eldavid audacissimi & superbissimi animi vir, in Regem insurgere ausus, Judæos, qui montem Haphtan incolebant, oratione impellit, ut arma sumant in omnes gentes. Et quo apud credulos inveniat fidem, nova quædam monstra & prodigia edit. Ad quæ stupentes, pars Magum & præstigiatorem, alii virum verè divinum appellant, qui cœlesti plane virtute miranda illa patret. Qui

illum sequuntur, Messiam vocant, laudibus ad
cælum ferunt. Rex Persarum, auditô, quantis
successibus, quantas copias collegerit, iisque sibi
jam imminere videns, non leviter perculsus lega-
tum mittit; rogat, ut quam fidentissimè ad se veniat,
se velle videre, quæ ederet prodigia, quæ si vera
sint, ut feruntur, non dubitare, quin ipse verus
Messias esset; compertoque illum a Deo Regem
creatum, se ultro illi fasces submissurum, atque im-
perata omnia facturum esse: Velle hoc Deum, qui
regnum illi detulerit. Ille intrepidus Regem adit, ro-
gat Rex, tunc verus Messias es? Respondet ille; Ego
vero sum, ad liberandum Israël, a Deo missus.
Tum Rex; Ego te in vincula duci jubebo, quibus
si te liberaveris, tu mihi verus Messias eris: Sin mi-
nus, stultitiæ tuæ supplicium perpetua vincula
erunt, neque enim stultum te interficiam. Capto
jam & in vincula coniecto Davide, Rex regni
procures & consiliarios convocat, sententiam ro-
gans: quid de Judæis, qui peccassent & regno re-
bellassent, fieri placeret? Dum illi deliberant, ecce
nuncius adfertur, ruptis vinculis e carcere profugisse
Davidem; nec quenquam scire, quo evaserit. Quo
auditô, Rex expeditos aliquot equites & principes
mittit, qui e fuga repensum reducant. Illi abeunt,
redeunt,

redeunt , nunciant, propè flumen vocem ejus audiam, ipsum nusquam visum , comprehendi non potuisse. Rex fraudem suspicatus , aut corruptos auro dimisisse eum , aut turpi ignavia cessantes , non affectos fuisse , celeriter conscensis equis , ipse cum ministris & purpuratis suis eum persequitur, ad flumen veniunt, nusquam Davidem vident , ille nomine ipsum vocantibus respondet: o stulti ! ego iter meum pergo, vos, si quid animi aut virium est, consequimini. Tum ipse expanso per flumen Gofan pallio, siccus transit. Ita transeuntem videns Rex cum famulis suis , inquit: Istud quidem nemo potest, præter unum illum , quem Regem creavit Rex ille universi Deus, hunc & nos certè Regem agnoscere debemus. Tum Regi ministri omnes & purpurati: Non illa Regem a Deo creatum ; sed meras incantationes atque præstigias arguere videntur. Rex continuo actuariam navim adduci , flumenque trajici jubet, trajiciunt equites expediti complures , persequuntur, nec assequuntur ; qui uno illo die decem dierum iter confecisset. Rex , quia hac parum processit , alià rem aggreditur vià , ad Judaicæ gentis principes , quæ tota in misero exilio agit , legatos mittit, imperat captum Davidem sibi sistant; nisi pareant, Judæis omnibus, pueris pariter ac senibus cer-

tissimam necem, gentis principibus post crudelia tormenta, etiam singulis lenti ignis supplicium minatus. Per literas quoque monet Emir Elmuhadin, qui Bagdadi habitabat, omnem in hac re navaret operam, & supplicii metu Judæorum principes terrens, ad comprehendendum Davidem excitaret. Conveniunt exilii Judaici principes, missis legatis, Davidem furere aliquando desinat, serio admonent, id enim ex ipsius & Judæorum omnium re futurum, qui unius ob furias, in maximo vitæ periculo versarentur: nisi desinat, in hac & futura vita æternum detestabilem fore. Per literas quoque monent summum Judæorum principem Zachæum, & Astronomum Magistrum Josephum Bachranum, qui in Assyria erant; serio flagitantes, ut illi suo nomine ad Davidem scribant, eumque a furore suo diligenter dehortentur, gravissimis enim gentem suam malis premi, & nisi laborantibus succurrat benignissimus Deus, rem desperatam esse. Scribunt omnes certatim ad Davidem, serio monent atque hortantur, scelerata & infelicia consilia omittat, ad frugem & obsequium redeat. Ille acceptas & lectas eorum literas ridens atque eludens, preces minasque omnes securus contemnit. Sed ecce magnus ille humani generis miserator Deus, op-

opportune excitat Turciæ quendam Regem , cui Zaido Alladino nomen erat, vectigalem Persarum Regi, Judæorum amicum summum. Hic socerum Davidis, jam multo ante sibi notum his vocibus compellat: Scis utique, quantum universæ genti tuæ ab irato Persarum Rege immineat periculum; tuum est, qui potes, te, gentemque tuam malo isti fortiter eripere: audenti decies mille aureos facinoris præmium dabunt Judæi, & ne forte de fide eorum dubites, ego pro illis spondeo, a quo libere illos petas, si obtruncaveris sceleratum istum hominem, qui tot innoxias animas, præsentissimo vitæ periculo, furore suo involverit. Denique ipse ille virtutum munerator Deus, præmia reddet debita, qui innocentissimam gentem fortitudine tua servaveris. Socer liberandæ gentis suæ spe, tantique propositi præmii amore inductus, conditionem accipit, & patrandi facinoris occasionem captat. Proximâ statim vespéra Davidem generum ad cœnam vocat, inebriat, intempesta nocte ex nimis poculis altum stertentem adortus obtruncat; abscissumque humeris caput Regi Zaido Alladino tradit. Ille viso Davidis capite ait: Redit ad autorem scelus, tute tibi istius mali autor es. Tum Alladinus Davidis caput ad Regem Persarum mittit, adjun-

adjunctis idoneis testibus, qui confirment, Messia illud caput esse, quem ad necem ipse depoposcerit. Ita Regis quidem ira, quam in Davidem conceperat, refedit; sed tamen Judæos omnes, ipsum secutos, ulcisci voluit. Postulat itaque tradi sibi a conciliabulis omnibus eos, qui scelerata perditissimi hominis consilia & arma essent secuti: illa vero, qui aut ubi illi sint, scire se negant. Rex responso illo efferatus, omnes promiscue Judæos ferociter comprehendi, & in carceres compingi jubet. Illi per lectos de numero suo arbitros, ingenti pecunia pacti, a Rege centum auri talentis incolumitatem redimunt. Moses Meimonides tradit: Interroganti Regi Davidem, num Messias ille esset? Se vero esse affirmantem, cum ejusce rei certum aliquod signum Rex posceret, respondisse: caput sibi præcidi Rex jubet, se revicturum tamen. Tum Regem caput illi auferri jussisse, illum serio mortuum esse. Fama est, arte istâ usum, quo exquisitissimos tormentorum cruciatus, quos instare videbat, evitaret. Nonnulli quoque imperiti avidissimè diu expectavere, quam mox revivisceret; sed vecors iste nondum etiam revixit.

Ipse ego Salomo filius Virgæ hujus libri autor, Meimonidem scripsisse comperi, sub ipsa Saracenicæ regni initia, extitisse yirum quendam ultra Euphratem

tem flumen, qui se Messiam esse diceret. Hujus infanis consiliis Judæi denuo infandis malis jactati, decies mille numero Legem Mosaicam deserunt. Hoc autem, quo se verum Messiam probaret, argumentum dedit; Elephantiacus vesperi obdormivit, mane sanus atque integer evigilavit. Tandem ille quoq; dignum moribus suis, vitæ exitum inveniens, Judæis nil præter vetus exilium, omniumque gentium odium reliquit. Alius itidem per Occidentem in Pheflano regno Messiam se tulit; unde nova malorum Judæis incubuit cohors. Decem annis ante istum alius etiam Messias in regno Cordubensi prodiit, qui furore suo miseras Judæorum reliquias propemodum perdidit. Alius etiam in Gallia, cujus culpâ plurima conciliabula deleta sunt. Alius præterea temporibus Magistri Salomonis Adreti filii fuit, quemadmodum ille in quaestionibus suis scriptum reliquit.

XXXII. Exitit aliquando in regno Persico Judæus quispiam, qui se Messiam simulavit, & prosperis rerum successibus usus, magnam & validam Judæorum manum coëgit; cum qua eum adventare Rex intelligens, prælio secum decernere paratum, Judæis omnibus, qui in regno suo essent, subito convocatis comminatus inquit: Nisi hominem istum ab inferendo mihi bello revocetis; vos una cum liberis

Y

&

& conjugibus vestris universos uno delebo die. Conveniens populus Judæus virum illum adit, supplex pedibus ejus advolvitur, multo cum gemitu & lacrymis obtestans, ut a proposito suo periculoso magis, quam necessario dimoveri se pateretur, nec obstinatis animis se miseramque gentem perditum iret; Regem enim jam in totius gentis excidium jurasse; quo tandem animo popularium cœtum, qui in tota Perside essent, internecionem ferre posset. Respondet ille: adsum ego vos ut servem, ipsi servari non vultis? Quem metuitis miseri? Quis vel aspectum meum sustinebit? Persarum vobis Rex formidolosus est, quem vel solâ nominis mei famâ, ad primum armorum meorum strepitum exanimatum fugabo? Interrogantibus: Quo tandem signo aut monstro se Messiam esse probaret? Prosperis rerum successibus ait; neque aliis argumentis ad faciendam fidem Messiae opus esse. Respondent Judæi: Multi idem, quod tu, tentarunt; sed infelici omnes eventu. Quibus ille verbis vehementer irritatus, ferociter eos repellit. Postero die, quem inedia & supplicationi dicaverant, revertuntur, tendentes illi parvos suos liberos, ut horum miserabili aspectu durum hominis animum facilius flecterent. Tum conspectis parvulis, horum, inquit, misertus, ea lege Regi bellum remitto:

remitto: si iumentus, quos in apparando bello feci, mihi reddat, copias meas sine ullo ejus regni damno reducam. Tum Judæi; quid autem, potentissimus Regum eò se abjiciat, ut tibi homini Judæo belli impensas restituat? Hic execrabilis & falsus ille Messias, cavete istud verbum posthac ex vobis audiam; alioqui licet redditis sumptibus, etiam dimidium regni mihi Rex dederit, placari me non sinam. Illi obstinatissimum ejus animum nullis rationibus mitigari posse videntes, mœsti & flentes ad Regem redeunt, dicentes: Qui ambitionis vento inflatus, o Rex, cupidine regni præceps fertur, nec lege ullâ, nec ratione a furore retineri potest; quo minus more suo præceps eat. Nos hominem istum fatali quadam vecordia regnum affectare cognovimus, nec utilia orantes, nec monentes salutaria audit, periculorum omnium atque suæ pariter ac nostræ vitæ securus. Prorsus dum sibi regnum paret, nihil pensi habet: nos certe extra sceleris culpam sumus, quamobrem miramur merito omnes, Regem tanti fecisse insani hominis verba, ut ea ad animum revocarit. Si sinas hominem suum furere furorem, ultro ille per se peribit; quia ficta falsaque omnia, quibus verum non subest, ut arbores succisis radicibus, ruunt. Adhibuimus homini orationem, vel durissimis saxis

movendis aptam ; nec tamen rigidum animum flectere potuimus. Perstat ille immotus in vecordia sua , dictitans : Tum demum se copias suas reducturum esse, cum apparati belli sumtus ipsi restitueris. Quæ vel sola vox hominis insaniam abunde arguit. Tum Rex : Quid ? insanumne vos eum appellatis , qui cum certa victoriæ spe, omnes suas facultates apparendo bello insumserit ; nunc ubi inopi atque exhausto reducendus exercitus est, ista arte nummorum aliquantulum corradere studet ? Proinde maturate, ad virum revertimini nunciaturi, conditiones placere, laturum, quæ petiverit. Mittat tuto & fidenter virum aliquem cum expensarum tabulis, me eas bona fide ex templo renumeraturum. Mittit ille tabulas, Rex pecuniam annumerat. Judæo illo digresso, belloque composito, Rex continuo convocatis omnibus in regno suo Judæis ait : Unus vestrum mihi bellum intulit, vestro omnium, ut audio, consensu, nec sperastis miseri, fore, ut in vos cuderetur faba. Respondent Judæi ea, quæ purgandis sibi sufficere videbantur ; sed frustra, infenso jamdudum Rege ; qui ferociter ad Judæos : Quin vos illicò jam mihi expensas meas reddite ; postea

ſtea de vobis ſtatuam, quæ viſum erit. Illi cum ver-
bis Regem placare inſtarent; Rex Judæorum prima-
tes duriffimis vinculis conſtrictos in teterrimum car-
cerem abripi jubet. Vinculorum tædio, & carceris
ſqualore fatigantur; donec ſummam illam exſol-
vant; complures, quo imperatam pecuniæ ſum-
mam conficerent, liberos ſuos in ſervitutem ven-
dunt. Poſtquam, quæ Rex petiverat, dediffent,
inquit ille: Pro iſta inſigni contumelia, quam mi-
hi dediffis, hanc a me accipite: Ambulabitis Judæi
toto corpore nudi, ſola verenda femorum tenus
teſti. Memorat Joſephus filius Virgæ ſe ex ſummo
quodam Magiſtro Moſe Hamone audiviſſe; dam-
natos a Rege eſſe, ut grave & craſſum lignum a
collo revinctum traherent; publici opprobrii cau-
ſa, quamobrem nunquam, niſi cum magno omni-
um ludibrio prodibant, aliis lignum illud pone
ſublaturum, per ludum & jocum, ante pedes ipſo-
rum projicientibus: aliis illud ferociter retrahenti-
bus; aliis eos crudeliter percutientibus. Poſtremo
riſus & ludibrii materies obviis omnibus erant, qui-
bus ubique promiſcue in viis, in foris impunè certa-
tim illuderetur.

Colloquium incidit inter Hiſpaniæ Regem Pe-
trum majorem, & Sapientem Nicolaum Valenti-

num, Nicolaus Regem bellum meditantem huiusce-
modi oratione compellat: Audio, o Rex, bellum pa-
rare te in Christiani nominis hostes, quos infideles
vocamus. Quid vero attinet, foris hostes quætere,
cum domi eos habeas, Judæos, inquam, infestis-
simam gentem nomini Christiano? Scriptum
enim in eorum libris est; Grande nefas esse, vel
salutare hominem Christianum. Atque adeo ipse
virum quendam, qui illos satis pernorat, memo-
rantem audiavi, dictitare Judæos: Solâ mediâ salu-
tatione bonâ Christianos dignandos esse. Quæ ver-
ba sententiam hanc habent: Quando eminus adven-
tantem Christianum videt Judæus, in hunc modum
illi secum tacitè imprecetur. Ut te quidem Dii De-
æque, quantum est, Christiane, adventantem
perduint! Cominus congressum comiter & blande
salutans, salvere eum jubeat, longam & feli-
cem vitam, omniaque optata ex animi senten-
tiâ illi apprecans. Digredientem hac tacitâ detesta-
tione prosequatur: Abi in malam rem male, & ut
nefario Coracho ima tibi terra dehiscat: & ut impi-
um Pharaonem fluctibus suis obrutum hauriat ma-
re. Interroganti Regi: num ipse auribus suis audivisset?
Nicolaus inquit: Ego vero ex Judæo quodam
qui ad Christiana sacra conversus est, hæc audiavi.

Rex

Rex ait: istiusmodi hominibus, qui religionem mutant, nulla habenda est fides: Qui enim religionem mutat, facile mutat & fidem. Præterea odium, quo quisque aliena sacra prosequi solet, non tam a ratione, quam pravo vulgi more est: Dum nemo sacra sua amare se posse credit, nisi primum oderit aliena. Respondit Nicolaus: Nihil me magis movet, o Rex, quam insignis eorum impudentia; qui dicere audeant: Religionem tuam falsam esse. Tum Rex, quò verum cognosceret, vocatò sapiente Judæò, quod tibi nomen, o sapiens, inquit? Illi Ephraimum Sanchi filium vocari se respondentem, Rex ait: Tu quidem mihi ex Judæò & Christianò compositus videris: Prima enim nominis tui vox Hebræa Ephraim, quæ totius nominis fundamentum est, arguit te inferiori corporis parte Judæum; ultima nominis tui vox Christiana Sanchus, superiori te Christianum esse ostendit. Judæus inquit: Sancho, o Rex familiæ nostræ nomen est, idem prorsus quod Sanzi, & illud ex hoc vulgi errore natum est. Cui Rex; num me filia tuæ nuptias ambire existimas, qui mihi genus tuum ab avis usque ad avavos tam ambitiosè proferas? Respondet Judæus, Sanchi cognomen addidi, o Rex, quò nomen meum ab aliis compluribus Ephraimis, qui

qui mihi cognomines sunt, discernerem: Et cum nomen meum, ut me cognosceres, rogares, dissimulandum minime videbatur. Subjicit Rex: nos quidem missa hæc faciamus, & quamobrem te huc vocari jusserim, expediamus. Scire expeto, utra religio melior sit, nostrane Christianorum, an vestra Judæorum? Sapiens ait: Nostra quidem nobis melior religio est, qui olim duram servitatem in Ægypto servierimus, unde ingentibus prodigiis & monstris editis, potenti Dei manu erepti sumus. Sed vobis vestra melior est; qui præter religionis libertatem, amplissimi imperii majestatem habetis. Rex inquit: Ego vero te de bonitate utriusque religionis per se considerata, non ratione eorum, qui eas colunt, interrogatum volo. Cui Sapiens: tridui spatium ad meditando responsum, si clementiæ tuæ visum fuerit, concedi mihi velim: petenti Rex annuit. Post triduum Sapiens ad Regem revertitur, iram atque dolorem vultu simulans. Rex rogat, quid tristem video? Respondet ille: Quid tristis ego sim, rogas, o Rex? qui hodie tam insignem injuriam, præter jus fasque, acceperim; quæso innocentis causam benignus audi, eamque pro prudentia tua ex æquo & bono discepta. Vicinus meus ante mensis spatium peregre profecturus, utri-

utrique filio suo , quo absentis patris desiderium æquiore animo ferrent , pretiosissimam gemmam dedit. Veniunt modo ad me uterque frater, utriusque gemmæ pretium, & utra alteri præstet, rogant. Respondeo: Nemo id certius scit parente vestro; qui peritissimus gemmarius gemmarum formas & figuras ex vero destinguere & æstimare novit: mitte, qui eum consulat, ille vobis verum gemmarum pretium dicet. Bono hoc consilio mali isti exacerbati, convicia oggerunt, verbera ingerunt. Rex inquit; indigniste accepere modis, dignissimi, qui pœnas dent. Hic tum Sapiens; vide, quid dicas, o Rex, ne tuo te jugules gladio. Esavus & Jacobus fratres sunt, utrique gemma data est. Hic tu me rogas, o Rex, utra alteri præstet? Ego vero ad patrem nostrum cœlestem, magnum illum gemmarium, mittendum censeo; qui gemmarum discrimen & pretium certo indicabit. Rex ad Nicolaum conversus, ecquid agnoscis, Nicolae, inquit, solertiam & acumen Judaicum? Certe hic sapiens, veri præmium, munera & gloriam; tu falsi pœnam, infamiam & mulctam habebis; qui audacissimè Judæos calumniari sustineas. Nicolaus inquit: Si laudatissimo more atq; exemplo, sanctissimi quiq; Reges alias semper religiones subjecere suæ, quidni &

Z

tu

tu istam Judæorum subjecis tuæ? Rex contra: Nulla unquam violenta aut coacta, diuturna aut prospera sunt. Simulac enim metus abest, quisque ad ingenium redit: ut lapis vi manus subjectus in sublime; fertur quidem sursum; sed cessante vi illa, mox naturali gravitate in terram suam recidit: & ut venti terræ visceribus inclusi & arctati voragine facta erumpunt, & mox in aerem suum redeunt. Quamobrem ego tibi, Nicolae, autor sim; ne populum illum vi & minis in sacra nostra invitum trahas; sed potius rationum & argumentorum pondere, tum benigna admonitione, atque fideli institutione; denique perpetuis hortationibus volentes ducas. Si enim gutta mollis continuo lapsu durissimum marmor cavat; quanto magis perpetuo benigna lingua molles animos moveat & evincat? Memoriae proditum est; Sapientem quendam, cum filios suos vitæ suæ modum docere veller, cœnam ex mollibus & duris linguis apparasse. Et cum jam accumbentes filii, rejectis omnes duris linguis solas molles peterent; tum pater inquit: Utinam vero, filii mei, in familiari vita idem semper faciat, duris molles linguas præferentes, quam felix, quamque optata vitæ conditio vobis perpetuo futura sit! Nicolaus inquit: nec ista ratione promovebimus huius;

lum; gens ista rationi & consilio adversa, aspidis ingenium habet; quæ senescens altera aure surdescit, & incantatorem venientem fugiens, alteram aurem pulvere opplet, ne incantantis carmen audiat, David enim inquit. Psal. lviii: v. 5. Sicuti aspis surda obturat aurem suam. Insigne contumacissimi animi exemplum edidere postrema Hierosolymorum obsidione, quâ urbs ipsa cum universa gente excisa est. Ubi nec instantis periculi magnitudine, quod solo obsequio evitare poterant; nec sapientissima summi & patriæ salutis amantissimi viri oratione ad saluberrima sanioris mentis consilia flecti potuere; ut parèt ex literis, quas ipse Titus, Romani exercitus Imperator, Romam misit: continent eæ literæ Orationem summi viri Iosephi, quâ populares suos Judæos in mœnibus stantes, obsequium suadens, affatus est, quarum ego exemplum de Hebræo in Latinum versum & manu mea exscriptum domi servo, eas, si videtur, domo petam, petitas Regi recitat, illæ sic habent:

Lecte populus, Abrahami progenies, Moisis discipuli, Hierosolymorum cives, sacratissimi divinitatis domicilii custos, patriæ delictum. Sinite me quæso, communis patriæ saluti, hæc orationis meæ verba ad vestram velut sapientiæ aram toto ani-

mo & pectore vobis adolere. Auribus auscultate, animis cognoscite: procul omnis superbia abesto, prudentia adesto, judicet mens a turbidis affectibus libera. Dolosa, ne quid erretis, victoriæ spes est, quæ captantem ipsam sæpe eludat; ut, qui se vincere posse confidit, plerumque vincatur; & qua alios pernicie delere speraverat, ipse præter spem deleatur. Nonne scitis, civem quendam Alexandrum magnum recenti victoriâ laetum, cum a bello reverteretur, his verbis affatum fuisse? Tu quidem Alexander minimi istius belli victoriâ tantopere triumphas, utinam pariter maximo illo bello victor triumphares! Regi, quod majus bellum, quam quo vicerat, esse posset? interroganti, maximum illud affectuum tuorum bellum, inquit ille. Oro atque obtestor vos, generosissimi juvenes, affectus vobis, vos rationi subjicite, quo virtus vestra eo enitatur, ut juvenilibus annis senilem sapientiam anticipetis, senectuti enim nulla tanta virtute est opus, illa ætas rerum usu & sapientia valida, facile quid opus factum sit, videt. Quid vero prodest, animum quidem ratione præditum cum Diis, sed vitam cum belluis communem habere? Cum hostis vester pacis leges et sacratissimæ ædis vestræ incolu-
mitatem:

mitatem ultro vobis offerat, vos eam belli discrimini objicietis? & quam ipse hostis misertus incendio eripere summa ope nititur, eine vos scelertas faces impiis manibus subdetis? Ubi nunc prudentissimi senatores illi, illi inquam vestri? quibuscum omnes ex cunctis gentibus, qui consilio unquam valuerunt, si in unum locum conferantur, non sunt conferendi: ubi nunc illi, qui saluberrima afflictissimis rebus consilia suppeditare solent? Nihilne vobis nunc possunt auxiliari? Ubi nunc illa inclyta famâ fortitudinis gloria, quæ sola pietate magistra semper stetit? Ubi avitæ integritatis decus? Hostis e mille telis ne unum quidem frustra in vos mittit; vos contra, ne unum quidem hostem, mille telis vulneratis. Vos mihi inter mille ingruentium undique malorum agmina misere destituti videmini, ut navis aliqua, quam medio mari deprensam, circumfrementes procellæ in adversos & naufragos scopulos urgent, desuper tenebræ & caligo premunt, quarum horrorem terribilis tonitruum fragor, & intermicantium fulminum ignes adaugent. Sacram ædem innocentium sanguine foedastis; malos atque sceleratos judiciis absolutos, liberos atque impunitos

dimisistis: adeoque intestinis discordijs sævitum est, ut cum unum Judæum foris occideret hostis, vos domi occideretis mille. Audite, sanctissimi Proceres, Imperatorem Titum conquerentem, supervacaneum sibi fuisse, tanto labore, Roma arietes expugnandis Hierosolymis petere, cum ipsi discordes Judæi alij alijs arietes essent. Pro certo habetote fiduciam istam sine recti conscientia, ut navem sine clavo esse. Quid, nisi perpetuum recti studium Romanis res tam secundas fecit? Censores per urbem constituere fidos, qui de vita & moribus cujusque, si quis legem aliquam violasset, ad senatum quotidie referrent, nec inventus quisquam fuit, qui vel unam legem Romanam violare sit ausus. Vos vero universas leges divinas quotidie violare non dubitatis, sabbatha, Deoque sacra festa profanatis, virgines formosas è cubiculis suis, & de matrum sinu ad stupra rapitis. Quanquam Sapiens aliquis dicit, neminem adeo decrepita senectute languidum, quem non formosæ mulieris aspectus amore sui excitet: aut juvenem ita esse continentem, qui non visam protinus formosam ardeat; sed Sapiens ille longæ pacis ista vitia narrat: At ubi jam bellorum increpuit metus, & publica per mala patriæ excidio facta via est; non modo flagitia ista non fieri; sed

sed ne cogitari quidem debebant; si Sanctissimum REGEM vestrum monentem audiat: Sed vos, quæ vestri ingenii malignitas est; sprete summi Numinis majestate, in contrarium nitentes, animum sceleribus, corpus flagitiis corruptum habetis.

Alexander obscurâ naturæ scintillulâ vix allucente, dextrâ hastam in hostem, sinistrâ stipem in pauperes misit, ut quem hostium sanguinem nimîâ fortitudine altera fudisset, eundem insigni liberalitate expiaret altera. Vos vero clarissimo divinæ lucis Sole collustrati, ambabus manibus non pessimorum hostium; sed justissimorum civium sanguinem hauristis. Præterea immensas florentissimi Romanorum imperij vires & terminos animo ac cogitatione percurrite, quicquid terrarum ab ultimis Britannis ad Atlantem usque montem interjacet, id omne armis domitum imperio tenent. Vos quoque gentis illius imperio fasces submittite, cui constans summi Numinis favor, humanisque consiliis potentius factum omnia subjecit. Natura magistra discite, quod ad vitæ usum transferatis. Vel unam mihi arundinem videte, populares, quæ violentis furentium ventorum flabris leniter submittitur, & salutari sibi ipsi obsequio cedit, ut facilius in sublime incolumis resurgere possit: mox ubi ventorum desavijt rabies,

in na-

in naturam redit. Illud item considerate, populares, nullius unquam gentis perpetuam fuisse fortunam, nisi quæ moribus incorrupta probitatem cum fortuna constanter conjunxit. Primi omnium gentium rerum potiti sunt Assyrii, qui cum optimam vivendi ducem, naturam deseruissent, iratus Deus iis imperium ablatum in Medos transtulit. His ereptum, cum eadem peccassent, Græcis tradidit: A quibus ad Romanos transit. Illis ab irato Numine dejectis, nobis id aliquando deferetur, si modo tanto vos munere dignos finxeritis. Equidem non ignoro impium exercitus vestri ducem, animos vobis addere insidiosa oratione, quos hoc tempore deicere magis, quam erigere debebat. Multa quidem ille vobis consilia dat; sed mihi credite, minus juvant centum consilia unius impii viri, quam unum consilium virorum centum, quorum concors consilium divina moderatur benignitas. Quid vos rei gerendæ consilium petitis a crudeli latrone, homine vecorde, qui quantus quantus, nil nisi impietas est? At vero dicat hic aliquis: Gravis & intoleranda iis servitus est, qui semper in libertate agitarunt. Libertatem mihi hic aliquis nominat? Ego certe nec momentum unum vos liberos vidi, quo non servieritis. Visum enim præpotenti nostro Deo est,

est, non servare has gentis nostræ reliquias, nisi importunis affectibus moderentur, & nos fato submittentés servitutem æquo animo feramus. Ipsos illos rerum dominos Romanos, quo vos subjiciant, sedibus suis excivit Dēus. Ipse ecce gentis nostræ pater Abrahamus, sapientiā & divitiis præstans, quoties imperito vulgo se submisit? Hujus nepos Jacobus, dum fatum sequitur, Ægypti servitutem quanta animi moderatione tulit? Fortissimus ejus filius Judas, cæterique fratres, qui eximia fortitudine sua universæ Ægypto terrorem incutere potuissent, quanto magis unum Josephum occidere, adeo non occiderunt eum, ut etiam supplices se illi abjicientes, manifesto servitutis argumento, vix accedere eum, certe adversum intueri non sustinuerint: quia eum fato sibi prælatum & veluti Regem datum sibi agnoscerent. Adultæ jam Republicæ vestræ sub Rege Saulo, nonne filios vestros ad servilia anxi officia, patricias virgines aurum & purpuram gestantes, ad Regis coquinam atque pistrinum rapi vidistis? Video vos obstinatissimis animis & velut remis velisque in exitium ferri, dum tanto tamque nefario scelere sacratissimam ædem vestram inflammatis: Quomodo enim incensa non ardeat, si

A a ipsi

ipsi ultro faces subjiatis. Hæc dum vir summus loquitur, loquentem Judæi de muro telis petunt. Ille nihil territus orationem prosequitur, exclamans: O fida urbs Hierosolyma, augusta summi Numinis sedes, Palæstinæ decus, cœlestium Angelorum delictum. O Hierosolyma! non geminum murum tuum eversum querimus, non portas effractas, non mœnia rupta; hoc unum querimus & miseramur, quod bonis viris jamdudum vacuum te videmus. O Hierosolyma, voluptatum & amœnitatum omnium sedes unica, si isti me occiderint; tu innocentis pœnas Deum scelerum vindicem supplex posce, qui me perditum volunt, quos ego salvos volo. Illud verò quibus lacrymis, quo luctu prosequemur? Quod cives tui, ommissis propriis armis, virtute & recti studio, aliena arma, gladios atque hastas sumere. Abrahamus solo pietatis præsidio tutus, ne precibus quidem ullis opus habuit, quo ereptam sibi dormienti ab Ægypti Rege uxorem recuperaret: dum enim Rex tentaret raptæ pudicitiam, percussus Deus obscœna parte Pharaonem & frustra Medicorum opem implorantem, Abrahamo Saram suam remittere coëgit: quam ille mane evigilans, lateri suo accubantem & caput regia corona redimitam invenit. O Hierosolyma, qui tibi
hostes

hostes tuos, nisi cives tui induxêre? Quis Antonium? Quis Solum? Quis Imperatorem Neronem advocavit? Nempe cives tui, dum intestini belli rabie, in mutuam perniciem ruunt, horum tibi malorum auctores fuerunt. Vos vero Hierosolyma, dicite viris istis, qui in mœnibus stant, & vos defendere videri volunt, cum re ipsa evertant; istis, inquam, dicite: Si vestri misereri nolint; at saltem sanctissimæ ædis vestræ a tot nobilissimis viris sacrisque vatibus exstructæ misereantur. Enimvero differre deditionem, differre incolumitatem est. Utinam modo vos dudum hosti permisissetis! quanto enim diutius deditionem profertis, tanto propiores excidio estis.

Talia locutum Judæi de muro ingenti saxo perunt, ille periculum fugâ evitat. Nicolaus subjicit: Vide, o Rex, ut frustra gentem istam certâ ratione quæras regere: neque consilium ullum, aut prudentia obstinatissimæ gentis vecordia mederi potest. Rex inquit: Quem neque consilio, neque prudentia juves, ipsa si cupiat salus, servare eum non possit. Utinam omne incertæ vitæ tempus non Judæorum; sed nostræ ipsorum saluti curandæ impendamus! Cæterum, incredibile dictu est, quam me affecerint epistolæ illius verba, quæ arguunt insignem gentis eloquentiam, & suavissimum orationis

tionis flumen, atque vehementissimum impetum. Tum Nicolaus; hoc mirum videri non debet, cum Judæi insignes eloquentiæ magistri, liberos suos sacras literas, unicum eloquentiæ fontem a teneris docere soleant. Qui cognoscere avert, qua ratione Regis animus conciliari possit, ille Abigaëlis orationem ad Davidem consulat. Qui scire cupit, quomodo laudandus & celebrandus Deus sit, is Hannam disertissima oratione in Dei laudes se effundentem audiat. Si quis commiserationis & querelarum exemplum requirit, ille orationem legat, quâ Judas Josephum accedens compellavit. Rex ait; num etiam ligata oratione & carmine utuntur Judæi? Nicolaus inquit: utuntur; ac potissimum hanc laudem sibi propriam in sacris obscundis olim vindicavere Levitæ. Romæ inter libros, qui Hierosolymis allati erant, videre me librum quendam memini scriptum à Lazaro quodam Levita, qui agit primum de terræ globo, utrum ille moveatur: cur in medio aëre circumfuso pendeat. Quæ ille omnia præclaro carmine est executus, ut Hebraicis literis docti Christiani & Poëtæ Judæi testantur. Deinde scribit de gemmis & plantis, earumque virtutibus; de quibus egregium carmen.

men composuit. Tum de homine, quem in quatuor ordines dividit. I. In eruditos. II. Mercatores. III. Milites. IV. Agricolas; de iisque versus scripsit, quos vel ipse David miretur. Agit de quatuor elementis carmine. Ad cœlestia conversus primum Lunam, ejusque virtutem, qua inferiori huic mundo dominatur, motusque canit. Deinde septem planetas, duodecim cœli signa, ipsorum vires & virtutem, atque magnitudinem; tum decem Angelorum ordines, quos ministrent Omnipotenti Deo, singulos ordines singulis carminibus celebrat. Postremo quatuor summi Numinis formas, æternam & immensam sapientiam, non minus doctè, quam suaviter canit. Rex inquit, satis superque ad ea, quæ rogavi, responsum à te est. Sed cum Judæi sapientiæ famâ adeo celebres sint, mirari subit aniles illas fabulas, quæ Thalmudicorum magistrorum nomine feruntur, quæ vix sanam mentem; nedum inusitatam aliquam sapientiam mihi arguere videntur. Sed nos eam rem in medio relinquimus. At quandoquidem in hunc sermonem de mundo, ejusque ordine atque natura incidimus, habeo nonnulla, quæ ex te quæram; si forte ad ea respondere possis; convenit certe, Reges rerum causas scrutari.

Quære sane, o Rex, Nicolaus inquit; ego, Deo bene juvante, respondebo.

QUESTIO PRIMA:

Quæ naturalis causa est, quamobrem terra in medio universi consistat, nec in alterutrum latus pondere suo feratur?

RESPONSIO:

CUm primum universi hanc machinam condideret omnipotens Deus, cœlum & terram ex eadem materia simul condidit; quare etiam velut cognatæ naturæ conscia, amant inter se, ut germani fratres, & singulæ cœli partes terram, quam amant, certatim attrahere nituntur: & cum æquis viribus, ut nulla pars aliam attrahendi vi superet, eam ad se attrahant, æquali illa undique attractione terra in omnium partium medio relinquitur. Rex inquit: Ego contra sentio, quia terram cœlum oderit ob ignobiliorem naturam, a quaque cœli parte eam æqualiter repelli, & sic in medio destitui. Nicolaus inquit: Aristoteles, cumque secutus Avicenna tradit: Terram centrum, & cœlum circum


cumferentiam ejus esse; & esse centri hanc naturam, ut medium semper occupet. Tum Rex: istas quidem, quas dixisti rationes, contrariis rationibus facile quis refutet. Sed mihi quidem nulla sententia magis, quam Thalmudicorum, probatur, qui sentiunt: Dei numine, ejusque omnipotenti jussu terram stare, cui sententiæ fidem faciunt illa Jobi verba: cap. xxvj: vers 7. Qui extendit aquilonem super vacuum, & appendit terram super nihilum.

SECUNDA QUÆSTIO:

Quomodo in terræ visceribus aurum & gemmæ nascuntur, res splendentes aut pellucidæ, cum terra ipsa per se obscura & crassa facie turbida sit?

RESPONSI O:

VI coruscantium radiorum Solis & cœlestium siderum. Dicit Rex: Quomodo in terræ visceribus illa quidquam agunt? Respondet Nicolaitis: quomodo fingitur in utero matris infans? Hinc David ait: Psalmo cxxxix. v. 15. Contextus sum in imâ terrâ: Ut hisce verbis latentem or-
tus

tus sui modum occultis & prodigiosis naturę viribus, quibus fecundissima rerum mater, terra, corpora sinu suo concepta edere solet, comparasse videatur. Admirabilior etiam est generatio margaritę, quę nascitur in concha, quam Arabes  Zedeph appellant, quod conchę genus in mari vivere solitum, certo anni die, cum pluit, ex imo fundo in summas maris undas emergit, testas suas pandit, quas duarum aurium instar aptę compositas habet, decidentis pluvię guttas excipit, tum clausis testis nascitur margarita; quę cordi atque oculis corroborandis conducit. Rex inquit: Ego vero alium, quo margaritę nascantur, modum audiui; scilicet in Oceano validus ventus suboritur, ingenti mole fluctus excitans, tum concha illa, quam dixisti, aperto ore spumam marinam haurit; aliquot diebus deinde interjectis os suum ad Solis radios pandit, atque sic ex aqua illa, radiorum Solis beneficio, id gemmę genus concha gignit: Quę omnia stupenda naturę miracula sunt. Nicolaus inquit: Quid autem in hoc universo est, quod naturę miraculum non sit? Jam olim David pronunciavit: Psalmo landato v. 14. Admiranda sunt opera tua, & anima mea cognoscit plurimum. Innuic David, se quidem nosse plurima; sed tamen non omnia. Quis enim mag-

netis

gnetis naturam, quæ ferrum trahit, nobis exponat? Cui Rex: At ego illorum verborum hanc sententiam esse intellexi: Admiranda sunt opera tua; sed admirabilius etiam est hoc, animam meam ratione præditam illa intelligere: quod vocem istam, מֵעוֹד Meod, quam tu plurimum significare dixisti, postulare dicunt. Sed si verba illa ex tua mente accipiamus, David jactat eam scientiam, quam fortassis non habuit. Scimus enim, quam pauca admirandæ naturæ opera sciant etiam sapientissimi quique. Sed ut ad Magnetem, de quo modo dixisti, revertamur: scriptum legi, eum ferri naturam habere, ideoque ferrum ad se trahere. Ita enim natura comparatum esse videmus, ut quæque res rem cognatam similisque ingenii atque naturæ amplecti soleat.

TERTIA QUÆSTIO:

Cur crescentes plantæ in altum surgunt? Quamvis enim ex duobus elementis, quæ natura feruntur sursum, igni & aëre constant; constant tamen etiam ex aliis duobus, terra & aqua, quæ gravitate levibus elementis longè præponderantia,

B b

her-

herbescentes plantas infra terram deprimere debere videntur; aut saltem, transversim per terram excrecentes pondere suo humi detinere, ne in altum se subjiciant.

RESPONSIO:

H Abent plantæ animam vegetativam, quæ duo illa gravia elementa sursum in sublime cogit. Memini aliquando, mihi controversiam hac de re fuisse cum Josepho Benvenista, regni tui cive clarissimo; qui diceret: Eandem controversiam, quam tu nunc moves, o Rex, Thalmudicos quoque inter se agitas, & in hunc modum decidisse. Crescendi illam rationem a stellarum virtute proficisci, inquitur enim; Non est germen in solo, quod non habeat stellam in cœlo; quæ illi efficaci voce velut imperet, sursum cresce.

QUARTA QUÆSTIO:

Quæ causa aliis plantis alios colores inducit?

RESPONSIO:

C Um elementum aquæ in planta superat; albicat color. Si terræ elementum vincit; nigricat color. Si ignis elementum regnat; rube-

rubescit: par ratio reliquorum colorum, quæ in
Physicis exponitur.

Q U I N T A Q U Æ S T I O.

Quare arbor in inferiori parte crassa,
superiori tenuis est?

R E S P O N S I O:



Uia gravium elementorum, aquæ & terræ
vis illa non tanta est, ut æque alimenta sua
summæ arbori atque imæ sufficere valeat.

S E X T A Q U Æ S T I O:

Cur bestię sensuum subtilitate vincunt hominem? Dicitur enim leo sagacissimo audiendi sensu voces longissimè percipere: corvus & apes olfactu odores longissimè remotos; aquila acutissima oculorum acie res complurium milliarium intervallo divisas prospicere.

R E S P O N S I O:



Bestię illæ, quas dixisti, unum principem sensum habent; cui ornando & perficiendo reliqui sensus vim suam conferunt; operâ

certe perquam necessariâ; siquidem principis illius sensus egregiâ virtute bestię illæ, vitæ sustentandæ necessariâ pabula quærunt. Cum enim feræ omnes minores leonem metuant, atque adeo metu ejus, se in specubus & saltibus abdant: nisi jam mugientis bovis vocem longè exaudiret leo, a greadmodum prædam, ex qua vivere solet, assequi posset. Quare etiam, si forte ex mugitu, bovem longius abesse sentit, quam ut eodem, quo vocem ejus audivit, die, assequi eum possit; dolorem prædæ frustra tam subtiliter auditæ immani rugitu testatur. Sic literarum monumentis proditum legi.

S E P T I M A Q U Æ S T I O :

Cur Deus homini non dedit

robur leonis?

R E S P O N S I O :



Stud vero perinde est, ac si quæras, cur Deus non fecerit muscam Philosophum: aut culicem sacrum vatem: aut hominem stellam in cælo: quanquam jam olim homines extiterint, leonibus ipsis fortiores; David enim leonem percussit. Rex inquit: Davidem, cum ipse se inter-

interfecisse leonem diceret, nondum illius virtutis instinctu, quam nos Spiritum Sanctum dicimus, locutum fuisse constat: quid ergo illi credamus? Respondit Nicolaus: Haud dispar inusitati roboris exemplum, Romæ aliquando in theatro vidi; adducebatur taurus, unde incertum, adeo præstanti robore, ut centum jam viros interfecisset. Tradunt autem Physici, tauro tantum robur in fronte, quantum leoni in armis atque unguibus, esse. Cui vir quispiam fortissimus congressus; pugno in fronte percussum interfecit, mox assatum totum uno prandio absumpsit. Tum Rex, ista quidem Siculis gerris vaniora sunt; quis tantus hominis ventriculus est, qui totum bovem capiat? Nicolaus contra: monstrum etiam monstrosius multo hisce oculis ipsemet vidi, animal quoddam, inquam, altum cubitis duobus, latum uno; cujus caput sine cute nudam calvariam habebat, auribus carens; sed in occipite unum foramen erat, quod aurium vicem præstare credebatur: manibus singulis digiti bini, pedes equinis pedibus similes erant. Rex inquit; Sapientiæ metâ relictâ stultitiæ spatia ingrederis, qui fabulam fabula, nugas nugis defendas. Adhæc Nicolaus: Nonne traditum memoriæ in illo de Animalibus libro; esse homines in remotioribus

insulis, qui capite carentes oculos in pectore gestent? Rex inquit: Quid ista tam longinqua miraris? Ego tibi in regno meo millenos ostendam, qui caput non habeant; quorum tu mihi vel princeps esse videris.

OCTAVA QUÆSTIO:

Cum flumina influant in mare, cur illud non redundat?

Nicolaus subjicit: Cum capite caream, quomodo respondeam? Inquit Rex: Naturæ ingenium hominis proclive ad iram est; sed illa statim sedatur: Quam si quis perpetuam alat, næ ille stultitiæ manifestus est: quia sapiens Hebraeus ait: Eccles. cap. vij: vers 10. Ira in sinu stultorum requiescit. Tum Nicolaus breviter: Sol redundaturam illam aquæ copiam calore suo exhaurit.

NONA QUÆSTIO;

Ajunt, Regem quendam in septentrione, quo equum tentaret; velato capite ad matrem suam incundam admisisse. Ille ignarus matrem
init

init; velo autem amoto ubi agnovit facinus, consenso monte se præcipitem dedit. Nonne ratione præditus equus videtur, qui intellecti facinoris, tam severas de se pœnas exegerit?

R E S P O N S I O:

DEus equo ingenium hoc dedit, ut exemplo castissimi animalis. dissolutam hominum libidinem damnaret.

D E C I M A Q U Æ S T I O:

Cur nix est alba, quam natam ex aqua, concolorem illi esse oportet?

R E S P O N S I O:

AQua alba est ut nix; sed vicinæ terræ face turbida nativum colorem amittit: sed in nubem e sede sua subducta, aëris & caloris beneficio attenuatur & purgatur, atque ita ad pristinum candorem redit.

U N D E C I M A Q U Æ S T I O:

Cur grando modo parva & rotunda, modo aliussmodi descendit?

R E S P O N S I O:

Quæ parva atque rotunda decedit, per longius aëris interrallum delata & circumacta, paula-

paulatim ab aëre raditur, & rotunditatem accipit. Quæ vero terræ proxima nascitur, breviori & temporis & loci intervallo, dum decedit, nec ab aëre radi, nec rotundari potest.

DUODECIMA QUÆSTIO:

Cur pluvix guttæ æstate grandiores sunt?

RESPONSIO:

Quia calor guttas coactas grandiores facit: Aqua enim natura frigida calorem abhorret; hinc collecta velut agmine facto calori resistere nititur.

DECIMA TERTIA QUÆSTIO:

Cur orbium coelestium alii tardius, alii concitatus moventur? Cur alii terrarum orbem obeunt, alii non item?

RESPONSIO:

Nicolaus: oro atque obtestor te, ô Rex, noli me rogare, quæ in coelis sunt, qui ne ea quidem sciam, quæ supra ædium, mearum.

mearum tectum geruntur. Sapientes dicunt : Quæ de rerum natura traduntur , pleraque vera : quæ de Astronomicis scientiis , pleraque falsa : quæ de cœlestibus & divinis rebus , omnia esse ambigua : quia angusta mens humana tam amplas atque angustas res non capit.

Disputatio incidit inter Christianum atque Judæum coram Rege Alphonso Lusitano. Christianus inquit : Complures Psalmi sunt , qui docent , Jesum nostrum esse verum Messiam , & in iis præcipue Psalmus vigesimus ille secundus , cujus initium hoc est : Deus meus ! Deus meus ! cur me dereliquisti ? quas ille voces cruci jam suffixus edidit : David jam multis ante seculis de eo ita erat vaticinatus ; Diffluo ut aqua , dissolvuntur omnes artus mei : cor mihi mediis in visceribus , quasi cera colliquescit. Porro de eo ait : Tot me tauri circumdant : Infestos Judæorum judices sentiens. Faucibus inhiant mihi : dum populi seductorem atque concitorem dixerunt. Verba illa , circumstunt me canes : Judæos signant exitio ejus inhiantes. Quæ vero sequuntur voces , Me circumvallat improborum caterva , qui mihi manus & pedes perfoderunt ; de Jesu intelligendæ sunt : quem Judæi clavis per manus pedesque actis , cruci suffixerunt. Tum hæc vox : Anima

C c

ejus

ejus non perdurat: Jesum significat, qui Adami peccatis expiandis voluntariam mortem subiit. Denique cum dicit: Venient, qui annuncient justitiam ejus, populo nascituro, quam fecit. Per populum nasciturum, Christianos intelligit; quibus Jesus novam legem condidit. Ad hæc Judæus: Tu cum doctus sis literas Hebræas, ignorare non potes, cuilibet versui interpretem mentem affingere posse ex sua mente; sed eam demum veram & germanam cujusque versus mentem esse, quam reliquorum versuum sententia comprobet. Sed Psalmus iste, qui dicit: Deus meus! Deus meus! cur me dereliquisti? complures versus habet, qui expositioni istius refragantur. Primum respondebo tibi, quod sapiens quidam Judæus, in simili causa Hispaniarum Regi olim respondit; inquit: Hesternodie, ô Rex, gallo meo gallinaceo iratus, quod cantu suo me obtunderet, fuste percussus insecutus sum; donec in obscurum quoddam conclave eum compulerim. Tum quotidie assiduâ ictibus fatigando, cute & carne scdè laceris, omnia illi ossa comminui, deinde in ollam immissum, ut fit, operui; ille mortuus, hem prodigium! continuo reviviscit, & pristino suo more strepere & canere cœpit: Totum hoc, qualecunque est, divinus mihi

mihi vates Jeremias prædixisse videtur in lamentationibus Cap. iij. vers. 1. dum queritur אני הנבר ראה Ego sum vir iste , qui miseriam sensit. Vox Hebræa הנבר vir ; Thalmudicis quoque gallum gallinaceum significat. Ut verba illa etiam hanc sententiam admittant: Ego sum gallus ille gallinaceus, qui miseriam sensit; virgâ sævitæ ejus, quæ verba fustem supra dictum signant. Egredere duxitque me; hic galli gallinacei persecutionem habes; in tenebras & non in lucem: obscurum conclave intellige. Nimirum in me conversus, manum suam vertit assidue. Hæc est illa, assiduis ictibus quotidiana divexatio: aut si mavis, per vocem vertit, circumversionem galli gallinacei in olla; quâ ille probè percoquitur, intelligas, licet. Tabescit carnem cutemque meam, ossa mea perfringens. Nempe carnis & cutis lacerationem & ossium galli comminutionem dicit. Obstruxit me: id est, ollæ immissum conclusit. Me in tenebris collocavit, gravesque compedes adhibuit. His ille verbis operculum illud innuit, quo gallum olla conclusum coöperuit. Ac licet conquerar & clamem: hic galli reviviscentis novo monstro, vocem & cantum agnosce. Nunc tibi, o Rex, judicandum relinquo, num satis dignum pio homine sit, dicere; Sanctissimum vatem rem adeo absur-

dam prædixisse: præsertim cum reliqui versus ab hac sententia abhorreant: Atque hæc quidem olim sapiens ille Judæus ad Hispaniæ Regem. Eadem ego illa de Psalmo illo, quem sententiæ tuæ probandæ laudasti, dicere habeo. Quanquam aliquot versus vaticinium de Christo vestro habere videntur; plerique tamen de eo nequaquam intelligi possunt. Orat enim: Mi Deus! mi Deus! cur me dereliquisti? Voco, mi Deus, interdiu, nec exaudis. Si ille voluntariam mortem subiit; quod verbis illis, Anima ejus non perdurat, arguitur; quare Deum oravit, ut se audiret, & a morte illa servaret? Præterea quomodo dixit: Tibi confisi sunt patres nostri: qui patrem nullum habuerit? Tum etiam: Prædicabo nomen tuum fratribus meis; cui nullus fuerit frater. Quomodo difertis verbis dixisset, Laus Israël: Omnes Jacobi posterii honorate eum; cum tamen omnes cum maximo odio persecuti fuerint? Verba illa: Populo nascituro: de nobis Judæis intelligenda sunt; qui immensis exilii calamitatibus superstitēs, quotidie velut nascimur. Tum Rex, o vasserrime Judæe, ut callide subterfugisti respondere ad illud, quod caput rei est, Perfoderunt manus, pedesque meos. Respondit Judæus: Hoc caput rei est, o Rex, quod interpretis Hieronymi error peperit. Qui perfoderunt

foderunt vertit , quod sicut leo vertendum erat : neque enim כרו perfoderunt ; sed כארי sicut leo contextus habet. Idem fecit Hieronymus Psal. iv : vers 3. בני איש ערמה כבודי לכלמה Filii hominum quousque gloriam meam in infamiam vertitis ? pro כבודי לכלמה gloriam meam in infamiam ; legit לב כברי graves corde , atque dixit , esse hanc Dei orationem contra Judæos institutam , qui in Servatorem suum non crediderunt. Quod vero attinet ad ea verba, sicut leo manus meas : de Judæis in exilio agentibus dicta sunt. Scilicet ab infestis gentibus passuros eos esse, quæ feræ a leonibus patiuntur ; qui sulco caudâ ducto montes circumscribunt , quem inclusæ feræ egredi non audeant ; sed metu humiles , armis pedibusque contractis, sese illis submitunt. Respondit Rex : Si ista, quam dicis, verborum illorum sententia esset ; dicendum certe fuerat : Sicut leo contrahere me fecit manus meas, & pedes meos. Quanquam illud, quod de circulo a leone circum montem ducto narraſti, totum fortasse fabulosum est. Hic Christianus interpellans ait : Si concedamus maximè, ex Psalmo supra memorato, Achilleis argumentis demonstrari non posse, Jesum nostrum verum Messiam esse ; quid

tandem causæ dicetis, quamobrem non credatis, Jesum nostrum verum Messiam esse, qui, mundum ex nihilo creatum, rem certè multo magis incredibilem, credatis? cum tamen argumentis, ut videtur, invictis, mundi æternitatem evicerit Aristoteles. Tum Judæus: Quæstio ista jam pridem coram Johanne, Arragonum Rege ventilata est. Ad quam tum ex nostratibus sapiens quidam in hunc modum respondit: Aristotelis argumenta levia per se atque futile, mundi æternitatem neutiquam probant. Præterea res incredibile, si Dei omnipotentiam arguat; credenda est. Quis vero nescit, creatione universi ex nihilo, Dei omnipotentiam evidentissime demonstrari? At si dicamus, Deum corpus induisse, Deum sua divinitate exuimus; quia ex Deo, non Deum facimus. Præterea quoque, si hominem induerit eo fine, ut infinitis poenis peccata Adami, qui contra infinitum Deum peccaverat, ipse lueret; quis tandem poenas illas luit, Deusne an homo? Si Deum luisse dicamus; ipse tu negas, mori eum posse. Sin hominem; constat finitam hominis naturam, infinitas poenas sustinere non potuisse. Rex inquit: Habeo certe, quæ ad ista respondeam; sed ea nunc in ultimum disputationis nostræ actum differre, consilium mihi est. Unum hoc

nunc

nunc dico: Vos jampridem naturæ quodam vitio
vanos, prodigiosè mentiri solere; hinc merito o-
mnium animis infedit opinio, omnia, quæ dicitis,
quæ scribitis, fictas fabulas esse. Ipse ego, audire
me aliquando memini in disputatione quadam, vos
narrare in Thalmude vestro: Extitisse ranam quan-
dam, sexaginta domorum magnitudine; quam
serpens deglutiverit, mox ipse a corvo deglutien-
dus, qui, quasi nulla ventris sarcina gravis, statim
in arborem subvolaverit: quæ quidem omnia por-
tentosa mendacia esse, quis sanus dubitet? Traditis
quoque: Ferrum in mare delapsum, & perpetuos
septem annos circumactum nondum ad maris fun-
dum pertigisse. Quis vero oculorum acie imum
mare penetravit, qui nobis certo referat; fundum
attigerit, necne? Denique scribitis: Virum quen-
dam Sapientem vidisse mare tam decumanis flucti-
bus tumidum, ut inter singulos fluctus valles tre-
centorum milliarium subsiderent; quod splendidum
mendacium est, cum totius illius maris longitudo
trecenta milliaria non pateat. Respondet Judæus:
Nonnulli ex gentis nostræ eruditæ tradunt, priscos
illos Sapientes, cum populum ad audiendum se con-
vocarent, solitos fuisse Musicis instrumentis canere
quo, ubi cantus suavitate allekti confluxissent, cer-
tius

tiuseos, quæ cum ad privatam, tum ad civilem vitam pertinerent, edocere possent. Postea majores nostri, Musicæ imperiti, aliam viam ingressi sunt: qui festivis narrationibus & ficta rerum imagine, vera vitæ præcepta rudem populum docuerunt: quorum usum emendandæ vitæ humanæ saluberrimum sapientiores facile perviderunt. Duas illas docendi rationes vel ex ipso Psalmista Davide discere est: Psal. XLIX: vers 5. Inclino aurem meam ad parabolam, aperiam cum cithara ænigma meum. Rana illa fabula, rerum naturalium scientiam significat; quæ alta & sonora voce, velut rana, divina opera celebrat. Sexaginta domorum magnitudine, sexaginta naturæ partes, quas in se continet, intelliguntur. Prima pars est terræ elementum in septem climata tributæ, quæ omnia temperie atque natura inter se differunt. Singula autem in quinas partes dividuntur. 1. In Rupes 2. Montes 3. Colles 4. Valles 5. Planitiem. Terræ viscera continent ossa, venas, pulmonem, argentum, aurum, æs, stannum, plumbum, argentum vivum & sulphur; res scilicet in universum numero undecim. Ossa sunt saxa, quæ in magno terræ corpore, humani corporis ossa referunt. Venæ fontes sunt, & perennes puteorum aquæ.

aquæ, quibus terra rigatur: Pulmo lapides pretiosi sunt, qui pulmonem colore mentiuntur. Pars pulmonis alba adamantem, pars rubra pyropum signat; cujus quidem duo genera sunt, alterum saturo colore rubet, alterum vero diluto colore viret, Hyacinthum vocant: qui affectis oculis & hebescenti senum visui medetur. E terra quinque rerum genera nascuntur; herba fructifera & sterilis, arbor fructifera & sterilis, itemque ancipitis naturæ arbor quædam; quæ oriente Sole, e terra oritur, & occidente in terram occidit. Nonne terræ cognatam naturam habere videtur, dum crescit; cœli vero, dum oritur & occidit? In terra degunt, & ex ea alimenta sua habent septem rerum genera; homo, qui animo & corpore constans, neminem sibi similem habet: bestia cicur & fera, serpens & reptile, & biforme illud animal, quod superiori parte hominem, inferiori equum refert, centaurum vocant. Atque sic, quæ in terræ visceribus, ex terra atque super terra nascuntur, & ex ea aluntur, sunt numero triginta quatuor. Secunda pars elementum aquæ est in duo genera divisum, in dulces aquas, quas flumina habent; atque salas, quæ mari continentur: In illis degunt pisces, ranæ atque bellua illa, quæ crocodilus dicitur; quæ cum

Dd

cætera

cætera omnia animalia superiorem maxillam movent, sola eam rigidam & immobilem habet. Præcipuè vero in salis maris aquis degunt etiam quadrupedia, feræ, serpentes & reptilia. Nimirum ita à majoribus acceptum memoriæ prodiderunt Thalmudici, esse bovem marinum, & terrestrem, hujusmodi concessum nobis, illius, quia mundi animalis indicium careat, vetitum esse. Contraria prorsus marini & terrestris asini ratio est; hujusmodi nobis interdictum, illius vero, quia mundi animalis signa habet, liber nobis usus est. Estque præterea in mari monstrum ex homine & pisce conflatum, quod Sirenem dicimus. Tum nivis, grandinis & pluviae materia, Onyx gemma, corallium, & immani corpore pisces ille Leviathan dictus. Quibus si adjeceris spongiam, sexdecim res habebis in mari natas. Tertia pars continet elementum aëris, & quæ in eo vivunt, aves puta; quæ partim ex raptu vivunt, partim non vivunt ex raptu. Chamæleon, qui solo aëre, quem in montium jugis captat, victitare solet; & aquila, quæ ad ignis usque elementum subvolat; quia mixtam ex igni & aëre naturam habet: atque ita aërem cum suis animalibus quinque partes implere vides. Quarta pars elementum ignis est, cum iis, quæ ex igni nascuntur: Salamandra,

mandra, tonitru, fulgure & fulmine, quas postremas quinque partes, si superioribus addas, omnino sexaginta in universum absolveris. Quas Salomon sensit, cum sexaginta reginas esse dixit, totidem naturæ opera innuens: octoginta vero pellices esse, octoginta virtutes significans: quæ ad naturam quoque pertinere videntur. Virgines autem innumeras, occulta naturæ miracula signans. Quas quidem virtutes postea omnes ordine enarrabo, nunc quod orsus eram pertexam. Serpens ranam deglutiens, notat scientiam Astronomicam, quam serpentem vocat, quia circuli cœlestes, ut serpens in spiras suas, in rotundos orbes colliguntur: obscure vero innuit, rana a serpente absorpta, Astronomicam scientiam rerum naturalium scientia sublimiorem esse. Corvus autem divinarum rerum scientiam, quæ Theologia dicitur, indicat; corvo etiam a Salomone assimilata, cum dicit: Cant. v: vers 7. Capilli ejus nigri ut corvus. & Psalm xvij: vers 12. ait: Posuit tenebras latibulum suum. Quibus verbis immane scientiæ illius profundum arguitur. Dicit enim corvum deglutiisse serpentem, immensam ejus majestatem, quâ Astronomiæ antecellit, significans. Quod vero corvus in arborem subvolasse dicatur: ea arbor lex est, Theologiæ munere mortalibus

talibus data : hinc illa quoque in sacris literis , vitæ arbor nominatur ; omnes scientias velut umbra sua in se complexa. Fabula illa de fluctibus , vasto vallium hiatu inter se divisis , immensa humani animi desideria narrat ; quæ immanibus irati maris fluctibus vastiora , nec finem ullum , nec modum habent. Ferrum illud in mare delapsum , & toto septennio nondum ad fundum delatum , mens est humana ; quæ acumine suo ferri aciem simulat : Septem illi anni septem liberales artes sunt : quarum penitissima arcana , ne totâ quidem vitâ humani ingenii acies penetret. Rex Judæo inquit : Equidem agnosco ; fabulas istas , probabilem istum magis , quam necessarium sensum habere. Sed cum nos Christiani simus , religionem , quam veram esse scimus , constanter teneamus : vos vero eam , quam veram esse opinâmini ; præmia olim vitæ & moribus vestris digna a Deo feretis. Credo ego , si cœlesti aliquo prodigio religionis nostræ veritatem & vestræ falsitatem fuissetis edocti , jampridem in nostra sacra transiissetis. Christianus ait : Non idem isti de nobis sentiunt : Quidam enim sapientum illorum nos , ut cœcos , palpare quasi in ipso meridie dicit : regiam viam quidem nobis ante pedes esse : sed à qua aberrantes in æternum corporum

rum atque animorum exitium ruamus. Rex inquit : Hoc mirum videri non debet ; sensit enim sapiens , quemque leges suas præjudicata quadam opinione , optimas existimare : & hinc pertinax cuique suarum legum studium esse : sed tamen , si quid deliquerint , id severiter ab illis animadvertam , modo tu mihi fidem dederis , te in posterum nihil acerbius in eos dicturum. Respondet Christianus : Per tuam , regni que tui salutem , o Rex ! Si universa maris aqua atramentum , cælum charta , arbores omnes calami essent , non sufficerent describendis omnibus iis malis , quæ de iis dicere habeo. Rex ait : Tantum potest præjudicata illa opinio , quam modo dixi tibi , mentis aciem præstringere , ut quisque sibi blandiens , minime verum de rebus judicium pervideat : nunc vero pergamus. Multa hic desunt carie & vetustate exesa.

XXXIII. Infandam cladem acceperunt Hebræi in amplissima urbe Fessa , cum vero cladis ipsius idonea literarum monumenta viderim nulla , neque mihi consilium est , eam hic uberius persequi. Comperi enim eos , qui historiam illam fusissime narrant , multum variare , atque inter se dissentire : adeo , ut facile obrepente tædio fractus , in medio opere deficere posse videatur , qui memoriam ejus literarum monumentis

mentis complecti velit; imprimis cum rei gestæ fides minus ubique certa atque indubitata sit.

XXXIV. Coorti cujusdam urbis in Germania cives, convocatis Hebræis imperant, ut Christiana sacra tridui spatio aut assument, salutis suæ redimendæ: aut imperium recusantibus ferro percundum esse. Quo tristi edicto Hebræi conveniunt trepidi, se saccis obvoluti in cineres abjiciunt, & inediâ sese excruciantes Dei O: M: opem implorant. Exacto triduo, cum se ope divina nihil sublevatos viderent, manu mortem occupare ad unum omnes statuunt.

Tum vero, qui inter Hebræos florenti ætate juvenes erant, ajunt: His dextris nefaria hostium consilia fortiter ultri, has animas Deo & religioni impendamus. Postridie mane omnes Christiani ad curiam conveniunt expectantes, quam mox veniant Hebræi, Christiana sacra amplexuri; singuli etiam singulos Hebræos secum domum suam abducturi erant, uti sacris Christianis iniciandos prima religionis suæ rudimenta edocerent. Hebræorum isti juvenes telis, quæ vestibus tecta gestabant, curiam invadentes, universos Christianos concidunt. Antequam vero id agerent, conjugibus suis præceperant, ut opportunis quatuor regionibus, facibus subditis urbem incenderent. Excitatum igitur incen-

incendium, quod nemo restingeret, cum omnes cives in curia essent, totam urbem una cum ipsis Hebræis absumsit. Rem totam, uti narravi, ita gestam esse accepi a sapientissimo quodam Hebræo, gente Germano, qui Orator missus erat.

XXXV. A viro quodam sapientissimo, Cabalisticæ scientiæ perito, qui ex Galliis recens advenerat, accepi, in urbe Bodon ejusmodi sententiam fuisse latam; Accensa est fax cerea, qua in foro erectâ, proclamatum. In Christianorum numerum cooprandum esse quemcunque Hebræorum, qui, antequam fax ista consumeretur, Christiana sacra amplecti paratus esset. Qui vero post absumtam demum facem adfuerit, igni exurendum. Sed omnes cum liberis suis dirum ignis supplicium subire, quam legem deferere maluerunt, fortiter ad ultimum vitæ spiritum in avitis sacris perstantes. Inter quos Judæus quidam animo & ingenio præstans, præfecto urbis in deliciis fuit, qui ad se vocato Christiana sacra persuadere, eumque invidendis honoribus oblati, ad ea illectare studebat. At Hebræus inquit: Quid honoris in me conferre poteris, quod par censerî possit gloriæ, quâ frui mihi licebit per magnum illum animarum conditorem & conservatorem Deum, si religioni meæ inhærens,
Chri-



Christiana sacra perpetuo averſatus fuero. Quibus verbis præfectus urbis irritatus Hebræum Hebræorumque ſacra, aſperis conviciis proſcindere cœpit. Tum ille ait: Non hercle eo adhuc ſum animo, ut in Chriſtiana ſacra tranſeam, fieri tamen poterit, cum latè graſſantem videro flammam, quæ corpus meum depaſcatur, ut tum terrore quodam percuſſus, animo & corpore cohorreſcens, fixam firmamque hanc ſententiam mutem. Quapropter magnum ignem in foro excitari jube, ad eumque tu una mecum propius accede; fortassis tum fatis mentem impellentibus, conſilium tuum lubens ſequar. Præfectus, recte mones, inquit; magnoque rogo protinus excitari juſſo, ad eum una cum illo propius acceſſit. Hebræus ſe igni proximum eſſe videns, ut erat, ſingulari corporis robore, correptum ſubito præfectum, in ſtridentem flammam præcipientem dat, injecta inſuper tota corporis ſui mole præcipitatum premit, donec ambo pari fato extinguntur.

XXXVI. In Germaniæ quadam urbe, in hanc ſententiam edictum promulgatum fuit; Hebræi intra triduum religionem omnes mutarent, aut exurendos eſſe. Miſeri illi congreſſi religione crudelem ſententiam mitigare ſtudent, itaque inedia

&

& supplicatione sese biduo hac quidem lege mace-
rant; nisi tertio die ope divina edicti severitate alleva-
rentur; se universos in sacellum suum coituros, & ne
vivi in Christianorum potestatem venirent, mutuis
potius vulneribus interituros: si quis forte ad durum
hoc facinus molliori animo fuerit, cui dirum furio-
sumque videatur, alium interimere; is æditui operam
imploret; qui illum suo nomine perimat. Quod fune-
stum cum placeret consilium, alii alios, ut constitue-
rant, interficiunt. Exanguia conjugum liberorumq;
cadavera, quos ipsi mariti atque parentes primum
occiderant, cruenta mox virorum funera excipi-
unt; relicto ædituo, qui fabulam solus finivit. Is enim
cultro per jugulum transacto mortem sibi conscivit.
Quarto die mane Hebræorum ædes adeunt Christia-
ni sciscitaturi; quid animi ipsis esset. Sed cum intus
neminem deprehenderent, ad sacellum properant,
in quo strata Hebræorum cadavera, multoque cru-
ore fœda inveniunt: Visa tam tristi strage, Regem
adeunt narraturi rem dictu horrendam. Qui intel-
lecta tanta Hebræorum rabie, inhumata illorum
cadavera canibus rus dilanianda projici jubet. Ger-
mani quidam Hebræi tradunt, se a majoribus suis ac-
cepisse, quod mons quidam inhumata illorum cada-
vera obruens, ceu sinu gremioque suo ea complexus

E c

fuerit.

fuerit. Faxit Deus immortalis, ut hæc sanctissimorum hominum præclara facta, eorumque omnium, qui horum exemplum usquam fuerint secuti, seræ Israëlitis posteritati felicia atque salutaria esse possint.

XXXVII. Granatensis cladis occasio, dicam, an causa, hæc fuit, ut accepi. Eo tempore Rex ipse medicum quendam habuisse dicitur, cui Isâco Hammoni nomen erat, qui ut regiis medicis mos est, regiam quotidie frequentabat. Hic quodam forte die, duos Muhammedanos in foro rixantes offendens, quo turbas illas evitaret, retrocedere quidem; sed frustra conabatur. Igitur medico recta illac prætereunte, quidam ex Muhammedanis, qui forte adstabant, litem, quæ jam in pugnam exarserat, diremturus, alteri jurgantium per sacrum vatem nostrum, inquit, mitte virum eorundem tecum sacrorum consortem, ac in miserum ne sævi tanto opere. Sed surdo dixerat. Tum furentis hominis rabiem alio sacramento sistere conatur, inquiens: Virum per medicum regium fac missum. Audito solo medici nomine, velut sanatus hominis furor resedit. Confestim Muhammedani confluunt, dictitantes: Insigni contumelia lex nostra affecta, ingenti opprobrio publicè violata est. Hominem per vatem nostrum;

nostrum; sed frustra obsecravit. Obsecravit deinde per hominem Judæum, cujus obsecrationis religione virum missum fecit. Quin ducem nobis legimus, cuius ductu atq; auspiciis usi, pessimam Judæorum gentem exscindimus. Tum armis correptis in Judæos irruunt, atque promiscue universos trucidant, exceptis honoratioribus aliquot, qui in regiam confugientes sævientium manus evaserunt. Ex eo tempore Medici, qui ibidem sunt, institutum hoc religiose observant, equis non vehuntur, bombycinis non vestiuntur, neque ullam incessu per publicum pompam ostentant, quod fit, partim, ne irritata Muhammedanorum invidia furorque in illos denuo exardescat, partim etiam ut occisos suos populares luctu prosequi videantur.

XXXVIII. Ex pio quodam pariter & sapiente viro Abrahamo Harmide didici, editum fuisse prodigium per M: Judam filium Virgæ Hispalensem, quod nunc scribere aggredior. In urbe Schirin della Frontera, quæ vicina Hispali est, monachi quidam ædes ditissimi cujuspiam Judæi adeunt, petitori stipem, quam cum ipse petentibus negasset, orta inter eos contentio est, qua Judæus in furias ruens, unum ex monachis contundere cœpit. Quibus initiis in totum Judæorum conciliabulum versa

est monachorum rabies : qui malis consiliis jampridem velut pręgnantes, jam Judęorum exitium paruriebant. Accidit eodem forte die, ut, cum viderent virum quendam, qui inter mortales esse desiisset, natum parentibus Hebræis, sed Christiana sacra postea amplexum, in Christianorum sepulcreto sepeliri, ipsi abeuntes cadaver sua sede eductum, Judęorum in sepulcris inferrent. Mane sparso per urbem rumore, se inane viri illius sepulcrum deprehendisse, vulgant; cujus quidem rei nulla alia verisimilis causa esset, quam quod Hebræi, cui genti originem ille suam deberet, cujusque sacra olim secutus esset, cadaver ipsius Christianorum sepulcris, invidia quadam impulsus, subduxerint: ne una cum Christianis scilicet, inter quos sepultus jaceret, Tartaro æternum quoque damnaretur. Universi hanc Judęorum fraudem narraturi principem adeunt, qui è vestigio inquit: Judęos nihildum mali suspicantes rogate, numquem aliquot proximis diebus sepeliverint? Rogantibus Judæi respondent, per illa tempora neminem Hebręorum terra conditum esse. Quo Judęorum responso intellecto, princeps ait: Ite nunc ad Judęorum sepulcretum, visite, numquem recentem tumulum reperiatis? Abeunt (versipelles, non tam investi-

investigandi animo, quam retegendi, quod alebant, monstrum.) Novum sepulcrum inveniunt, unde Judæum Christiana sacra amplexum eruunt. Hinc ad principem recurrentes, se novum sepulcrum invenisse nunciant : & cum vir ipsis olim familiaris fuerit, diruto sepulcro cadaver protraxisse, & plane eundem fuisse Hebræum, qui in Christianorum sententiam discessisset, exactè se agnovisse. Invisa rei novitate princeps ira accensus ait: Hæc omnino res Regi perscribenda erit. Interea jussu principis cuncti Hebræi conjecti in carceres, situ & pedore squalentes, trepide expectant; donec regia sententia perferratur. Hebræi hoc novo malo perculsi ad M. Judam filium Virgæ Hispalim mittunt, ut ille confestim advolans, impediret, ne gentem suam magnis veluti irati maris fluctibus jactatam, ingens vorago hauriret. Aliqui Hebræorum delitescabant, publicum cane pejus & angue fugientes, ne in idem malum inciderent. Adventantem M. Judam satellites aditu ad principem, animi quadam rabie efferati prohibere nituntur. Verum enimvero M. Judas per obstantem turbam impetu perrumpens, principem ita affatur: Magne princeps, adsum ego non liberaturus a scelere suo Judæos, dignos certe, qui

vivi exurantur: si modo tam grave crimen admiserint. Sed ostensurus ego sum, qui veri hujus criminis sint autores; ne forte manus tuas innocentium sanguine imprudens polluas. Princeps ait: Te virum sapientia plus quam humana præditum esse novi. Age, præsta quod promissisti modo: mire enim animum meum hunc exhilarabis, & summo mihi semper merito loco eris. Tum M. Judas ait: afferatur una papyri membrana, quam tu, me illam non contingente, manu prehendas. Princeps afferri membranam imperat, latamprehendit, quam M. Judas quadruplicatam capere, & in dextrum sinum recondere jubet. Hic M. Judas, cum Cabalisticæ scientiæ peritissimus esset, nomen divinum invocasse dicitur. Mox princeps membranâ protractâ, expressa quatuor monachorum agmina deprehendit. In uno latere tres erant monachi, cadaver e Christianorum sepulcris eruentes. In altero latere picti erant tres monachi cadaver portantes, & cum forte cadaver gravius esset, unus cingulum suum cadaveri commodius portando subdidit, cujus quidem pars altera extabat, quam qui una portabat, manu sua pressam tenebat: adeo, ut singula rei gestæ vestigia luculenter extarent. Alii tres, virarum angusta obsederant, observaturi, ne forte
quis

quis interveniens novos vespillones conspiceret. Quarta membranæ facies, alios tres monachos exhibebat, effodientes Judæorum sepulcra, ubi cadaver condituri erant: Quilibet vero monachorum nomen capiti suo adscriptum prodebat. Princeps ad rei miraculum diu stupefescens, tandem submisso capite, M. Judæ gratias agit: membranam vero, ut novum aliquod monstrum, postea Regi transmisit. Hinc subito princeps monachos accersit, quos facinus pernegantes, producta membrana criminis convincit. Convictos princeps de cingulo interrogat: ipsi perinde, ut supra dictum est, se remegisse fatentur. Deinde causam rogat, cur erutum cadaver suo loco transportarint? Respondent illi: se ulcisci voluisse Judæum, qui illos diris persecutus etiam pulsasset. Tum dicenti principi: quid hæc ad cæteros Hebræos? Ajunt, se mortem, qua indigne Christum affecerint, ista ratione vindicatuos fuisse. Post hæc princeps cuique monacho ignitum cucullum imponi jubet. Quo viso, populus pietatis officium se facturum existimans, irruit; & eos ob ordinem sacrum, cujus membra ipsi essent, hoc supplicio liberat. Morte enim plectere eos, qui ordinis sacri sunt, nefas ducitur. Verum enimvero duos igniti cuculli sup-
plicio

plicio jam eneetos liberare sero nimis voluerunt. Cateri vero huic supplicio, irruentis populi beneficio subtrahiti, perpetuo exilio mulctati sunt.

XXXIX. Cives Romani, armis subito furore correptis, invadunt Judæorum conciliabulum, quod tum temporis celebre frequensque erat, dictitantes: Si Christiana sacra amplecti velint; se illos, ut germanos fratres, omni honore atque benevolentia prosecuturos. Præterea eos pares vitæ delicias, cum in terris, tum in cœlis æternumque beatis sedibus habituros: Sin minus, omnes ad unum ferro perituros, a nemine instantis fati periculo eripiendos. Judæi humum strati supplices fletu precibusque obtestantur, quin etiam omnes possessiones suas ultro offerunt, modo sua sibi sacrorum libertas relinquatur: sed vanæ atque irritæ miserorum preces atque vota fuerunt. Uno quippe triduo, a lege sua Romæ, & in confinibus locis, quindecim Hebræorum millia desciscere coacti sunt. Neque istud fatum, nisi perpauci evadere potuerunt, qui, cum famam hujusce rei in urbe gestæ per Romanam ditionem volantem exciperent, procul fugerunt. Alii vero aliquandiu occulti in latebris, quas magnis muneribus apud primates redemerant, tandem Neapolim profugere: ubi brevis
tempo.

temporis pace usos, eadem postea fortuna deprehendit.

XL. Exemplum literarum, quas sapientissimus Abunstrochus conciliabulo Geronensi misit anno quinquies millesimo centesimo decimo tertio. Tum temporis Hebræorum primatibus, magnus terror & trepidatio a Pontifice Maximo injecta est; cujus quidem terroris solus autor Josua Lurki fuit; qui postquam a Judaïcis ad Christiana sacra descivisset, mutato nomine, Magister Hieronymus de sancta Fe appellari cœpit. Cujus nominis primæ vocum literæ, quemadmodum Hebræi suo sermone illas scribere solent מאשטרִי גִירוֹנִימוֹ דִּי שְׁאַנְטָה פִּי vocem מנרף efficiunt, quæ vox Hebræis calumniatorem significat. Petiit ille a Pontifice maximo, ut acciret Judæorum sapientissimos quosque, se demonstraturum iis, jampridem Messiam venisse, eumque Christum esse; atque id Judæorum armis ex ipsorum Thalmude depromptis. Literarum exemplum hoc est:

Principes Israelis, Nobiles Judæ, domi atque in patria vestra potentes & celebres, pietatis officiis inclyti: sacræ legis atque Thalmudicæ lectionis studiosi, qui majorum vestigiis laudatissimo exemplo insistitis, semper beati atque felices.

F f

Olim

Olim vos novisse scimus, etiamnum vos nosse speramus, illud sacri vatis oraculum: Non dormitaturum, neque dormiturum Servatorem nostrum, quin ab inimicis nostris nos liberet. Potissimum vero a ramusculo illo, qui a nobis procrevit, & jam nobis perniciem, nostraq; verissimæ legis eversionem molitur, scilicet Josua Lurki, qui mala mente, malisque consiliis prægnans, nobis exitium parturit, quo se vere Christianum probet, acremque novæ religionis assertorem. Petiit ille a Pontifice maximo, ut Judæorum sapientissimos quosque acciret: se illis clarissime ex Thalmude nostro demonstraturum, jampridem Messiam venisse. Hortatus præterea est Pontificem Maximum; ut, si hoc ipse demonstrasset, Judæos ad Christiana sacra vi compellere vellet. Quod ipsum verissimis argumentis, præsentē sanctissimo Pontifice, evicturum se promisit. Mihi itaque visum est, vos hujus consilii instantisque controversiæ certiores facere, ut probe instructi Epicuro isti ad singula exacte respondere queatis. Sed pro certo habetote, nos jam periculosam illam Charybdim feliciter præternavigasse. Nobis enim coram præsulibus, atque primatibus multis jam comparandum fuit, quorum non pauci in nostrum exitium conjurasse videbantur. Viri sapientes

Romam

Romam a conventibus missi, Calendis Januariis pervenerunt, imprimis vero sapientes Arragonensium, quos Josua Lurki potissimum advocari suadebat. Ex urbe Cæsaraugusta Zarachias Levita, primas ille Vidael filius Benvenistæ, M. Mathatias Izahari, Macaltio, summus ille exulum princeps, qui Hebræis Nasi dicitur. Samuel Levita & M. Moses filius Mosis. Ex urbe Osca Todrus Byzantinus. Ex urbe Alcoja Josephus filius Adreti, Meir Galigon. Ex urbe Daroca Astrochus Levita. Ex urbe Monte Regali M. Josephus Albus. Ex urbe Monzonio Josephus Levita & M. Jomtoch Carcosa. Ex Monte Albano Abuganda. Ex urbe Velefa Josephus Abbalegh, & sapiens Bongosa & M. Todrus filius Jechi Gironensis, vir admodum venerandus. Hi Romam pervecti inter se de legendo aliquo Oratore deliberant; qui coram Pontifice Maximo verba faceret. Consentiunt vero omnes, ut Vidael filius Benvenistæ primus diceret, variarum artium & linguæ Latinæ egregia cognitione instructus. Convenit quoque inter ipsos, ne, quod vulgo in academiis literati Judæi agere solent, alter alterum acriter interpellare, & nisi sententiam suam approbet, impotentius criminari audeat: idque adeo, ne effrænes dissolutique Judæorum mores

ludibrio essent Pontifici Maximo. Præterea, ut actiones suas cum Josua Lurki, cæterisque præsulibus, morum modestia & quadam animi gravitate temperarent. Denique ne cui, etiam si maledictis lacescero, splendida bilis moveatur: quin alius alium submissa voce hortetur, ne animum prorsus abjiciat. Tum nos a conventibus, Deo bene juvante, missi, qui oppressum a potentiori vindicat, Pontificem Maximum adimus, qui nos hilari vultu excipit, & cujusque patriam, nomenque literis consignari jubet. Quo ipso nos, veluti malo omine percussi, scribam trepidi rogamus, quænam ista sit machinatio. At ille: non eam machinationem aliquam, sed solennem Pontificis, Regumque omnium morem esse; nobis citra fraudem. Solent enim ii res per sua tempora gestas annalium monumentis fideliter perscribere. Deinde nos Pontifex Maximus his verbis est affatus: Honoratissimi gentis Hebræicæ viri, gentis inquam, quam Deus ipse olim elegerat; licet nunc ob vitæ suæ crimina rejectæ: nolite metuere vobis a disputatione, cum ipse ego Pontifex vos bono animo esse jubeam: nemo vos injuriâ aut molestia afficiet, proinde liberi curis libere & animose pro causa vestra loquimini, nihil quidquam morati aut veriti: jactavit mihi M. Hie-

Hieronimus, se demonstraturum vobis, certo jam venisse Messiam, idque ex Thalmude vestro. Experiamur, utrum verum dixerit, an inanes flaverit glorias. Vos vero inter disputandum Hieronymum nimium formidare nolite, quin libere causam vestram defendite; pari enim dicendi jure, parique loco haberi debent, qui inter se disputant. Nunc itaque abite domum & requiescite, crastino mane redite. Continuo mandat, ut apta nobis assignentur hospitia, & victus suppeditetur, vel ex ipso etiam Pontificis penu, vel quem ipsi pro more legis nostræ expetamus. Tum aliqui nostrum lætabantur, quod Pontifex adeo benigne locutus fuisset. Alii contra Judaïco more tristabantur. Postridie ad Pontificem reversi, majus palatium totum, in quo habenda disputatio esset, pretiosissimis aulæis vestitum invenimus: positæ illic septuaginta ex ordine sellæ purpuratis patribus, antistitibus, præsulibusque sacris erant, qui omnes miro aurearum vestium fulgore cornescabant. Auditores quoque adstabant Procures, & Principes civitatis Romanæ, ut mille facile spectatores esse viderentur, quos omnes toti disputationi assidue interfuisse vidimus: Horum magnifico conspectu
quamvis.

quamvis animus noster deiceretur; nihilominus tamen solennem nobis precatiunculam diximus: Magnas merito gratias Deo Optimo! Maximo agimus atque habemus, cui hominem divini sui honoris consortem facere fuerit visum. Deinde Pontifex Maximus in hunc modum est orsus: Vos Hebræorum sapientissimi scitote, me non hic adesse, neque vos advocasse, ad disputandum, nostrane an vestra vera sit religio. Certo certius mihi est, religionem meam verissimam esse. Vestra quidem lex olim vera fuit, at abrogata ea nunc est. Non alio autore huc accersiti estis, nisi Hieronymo, qui Messiam jam pridem venisse se demonstraturum dixit, ex Thalmude vestro; quem Magistri vestri, vobis longe sapientiores, olim condiderunt: proinde aliud disputare cavete. Tum Pontifex ad M. Hieronymum conversus, ait: Tu disputationem auspicare, respondeant illi. Orsus itaque his verbis Hieronymus est: Esaia cap. 1. Venite nunc & disputabimus, dicit Dominus: si vero renueritis, & rebelles fueritis; gladio conficiemini. Postea Vidael filius Benvenista orationem suam Latine exorsus, adeo eleganter dixit; ut Pontifex Maximus, cum magna animi delectatione, viri sapientiam, & dictionis splendorem miratus fu-

fuerit. Ejus quoque rationibus adeo permotus est, ut in Hieronymum palam stomachari videretur. Agreste equidem est, cum, qui rei veritatem disputando inquit, a minis disputationem auspicari. Asperius certe dixit Hieronymus: Si vero renueritis atque rebelles fueritis; gladio conficiemini. Vix enim disputari est cœptum, quin jam tristem nobis tulerit sententiam. Pontifex Maximus respondit: verum dicitis; sed nolite mirari pravam istum Hieronymi morem, quem gente vestrâ magistrâ didicit, cui originem suam debet. Exordium vero, quo Vidael Orationem suam est auspicatus, hujusce-modi fuit: En Maxime Pontifex, tibi, cui parere nos voluit Deus, prompti paratique sistimur omnes. Tum Samuel Levita verba fecit: Ostende nobis Domine misericordiam tuam, & salutem tuam da nobis. Postremo obtestati sunt Maximum Pontificem, ut sibi istam disputandi rationem remitteret. Judæos enim, quorum pars illi essent, minimè syllogismis & Philosophorum ratiociniis assuetos esse, quibus Hieronymus instructus ad disputandum videretur: sibi idonea firmandæ suæ sententiæ argumenta non deesse; sed ea rudia & nulla arte composita, qualia a majoribus suis accepissent. Respondet Pontifex: Quodsi hoc metu perculsi

perculsi a me petitis, jam dudum vos bono animo esse iussi: neque enim mutabo, quam semel dixi, sententiam. Si vero Logicis ratiocinationibus disputare nescitis; tum Hieronymo vos iis oppugnanti nihil quicquam respondete. Verum enimvero, si argumenta a maioribus vestris tradita vobis objecerit; tum illi eodem modo simpliciter respondete. Tempore prolixis orationibus transacto, Pontifex nos domum cœnatum dimittit, monitos, ut postridie revertamur. Præcepit etiam viris honoratissimis, domum nos deducerent. Tum optare nobiscum cœpimus, utinam parem principio finem disputatio hæc sortiatur! Eodem die sacellum nostrum frequentamus, atque in frequenti conventu Deum ardentibus precibus invocamus, ut mentes nostras illustratas Numine suo ita dirigere dignetur, ne forte leones nobis imminentes aliquâ imprudentia offendamus, & in nostram perniciem concitemus. Deinde multâ frequentîâ, animo humili atque abjecto concionem habuit M. Zarachias Levita, qui hoc sibi thema explicandum delegerat: Similia similibus, contraria contrariis curantur. Quæ quidem verba ille ad miraculum usque argute enarravit: ut nemo facile mentem eorum sit assecutus, nisi qui super ea re autorem ipsum consuluerit, oratio-

tionem precibus finivit. Die tertio disputationis auspicia facta sunt, quo orsus M. Hieronymus dixit: In Thalmude vestro scriptum extat: Sexies mille annos stabit mundus: Bis mille annos erit vacuus, id est sine lege. Bis mille sub lege. Et bis mille anni erunt dies Messiaë. Ex his verbis res luce meridiana clarius est, bis postremis mille annis Messiam venisse. Quis autem ille, nisi Christus Servator noster, fuerit? Hanc materiam Hieronymus fusissima oratione tractavit, & ingenio suo indulgens plenius & uberius est executus; donec ei Pontifex maximus dixerit: Iampridem te magnum Oratorem esse, Hieronymus, novi; verum non orandi sed eam materiam, quam pollicitus, disputandi gratia adsumus; proin nihil circuitione usus, rem ipsam potius dicito. Hinc ad Hebræos conversus, ait: Respondete vos ad dicentis verba. Respondit Clar: Vidael, filius Benvenistæ: Considerabimus primum, o Pontifex Maxime, Messiaë conditionem, deinde elucescet, an Messias iampridem venerit, nec ne Quodsi deprehendatur in eo, qui venit, Messiaë conditio, nos quoque cum Messiam esse fatebimur. Cui Pontifex Maximus: Non respondes ad quæstionem propositam, quia non quæstio est de conditione Messiaë, ve-

Gg

rum

rum de eo, quod verba ista habent: Jampridem scilicet verisſſe Meſſiam. Vos autem pravo Judaico more veſtro, qui in diſputationibus rem aliam rogati ad aliam tranſitis, hic alienum a quaſtione reſpondetis. Reſpondet Clar: Vidael. Pontifex Maxime, Nos ſapientum more ordimur. Decet enim primum rem ipſam, deinde rei circumſtantias conſiderare, quod certe ipſa natura & diſputandi ratio poſtulat. Verum ſi hanc viam inſiſtere diſplicet, aliam ingreſſi ad ipſa verba reſpondeamus. Dico itaque ſapientem Hieronymum verborum captiſſe delectum, atque ea potiſſimum ſelegiſſe, quibus conſiſus magnum ineſſe ſententiæ ſuæ præſidium ſperavit. Omiſiſſe autem de indiſtria, quæ ipſi adverſantur. Ecce in fine verborum hæc leguntur: Sed quotquot ex illis annis præterlapſi ſunt, ii omnes propter plurima & graviffima vitæ noſtræ crimina præterlapſi ſunt. Scilicet quotquot anni ex ultimis bis millenis, quibus Meſſias venire debebat, nec venit, præterlapſi ſunt, propter innumera crimina noſtra præterlapſi ſunt. Quæ clariffime Meſſiam nondum veniſſe demonſtrant. Reſpondit Hieronymus: ſi ex hoc reſponſo veſtro iudicium ferre licet, aut vos verba ipſa non intelligitis; aut certe vos ipſa non intelligere ex alto diſſimulatis.

verba

Verba enim sic habent: Et bis mille anni Messia. Hæc nempe sunt verba sanctissimi vatis Eliæ, quæ ipse discipulis suis dixit, qui ea porro ejus nomine vulgarunt. Quod demonstrant verba ipsa הנה דבי אליהו. Docet Academia Eliæ, quemadmodum id luculentissime constat in Thalmudis lectione versatis. Isti vero scilicet Eliæ discipuli, aut eos secuti Thalmudici viri libris suis vatis sententiam inferentes, addiderunt sequentia ista: Sed propter innumera crimina nostra præterlapse sunt tot anni, quotquot præterlapse sunt ex ultimis bis mille annis, quibus non venit Messias. Quod illi pro sententia sua tuenda fecerunt, quia Christum Messiam esse non crediderunt. Verum sanctissimus vates Elias, ut vates futuri præsciens dixit: Bis mille anni tempus Messia erit: quod vati oraculo patefactum constabat. Respondens M. Zarachias Levita inquit: Pontifex maxime, qui quæstionem aliquam probare aggreditur, num eam probare poterit argumento ambiguo, quod in utramque partem interpretari possis? certe opus est, certissimam aliquam rationem dubiæ rei asserendæ afferat. Ecce Hieronymus dicit: Ultima contextus illius verba Thalmudicos Magistros de suo assuisse: quam interpretationem ad firmandam sententiam suam, pro suo

ingenio ipse cudit. Adversarius quispiam contendat: omnia illa verba a principio usque ad finem ipsius sanctissimi vatis Eliæ esse: idque adeo, ut contra disputantem opinionem suam ipse quoque confirmet: nisi vero jam alteruter interpretationis suæ certam atque indubitatam rationem aliquam, aut divinum oraculum habeat, utique lis ipsa semper in ambiguo erit. Et quomodo inde Hieronymus, quod voluit, certo efficiat? Objiciat enim adversarius: Quosid tu propositam quæstionem sola tua interpretatione certo demonstrare studes; ego aliam interpretationem adferam, & sic nihil demonstraveris. Quod si quæras ex me, unde meam interpretationem adferam; quæram contra ex te, unde tu afferas tuam? Porro autem, cum ille nos nostro Thalmude urgeat, certe novisse eum oportet: Hanc Thalmudis nostri rationem esse, si ad sententiæ alicujus interpretationem, quæ prorsus necessaria non est, adversarius objecerit, fortasse rem aliter, ac ipse interpretatur, sese habere &c. nec interpretationis suæ fidem idoneis argumentis adstruat, rem totam veluti inter dubitationum scopulos impulsam in ambiguo relinqui, donec interpretationis autor, alio multo efficaciori atque indubitato prorsus argumento sententi-

am

am suam adversario approbaverit. Præterea verisimilius est, unam hanc integram sententiam ab uno autore, quam a duobus fuisse profectam. Quod si forte postrema sententiæ verba alterius auctoris sint, ut hic videri vult Hieronymus; consuevit Thalmud disertim addere, ut auctorem prodât: Hoc dixit Magister A sius, aut alius quispiam; quod & in hac sententia fecisset: Propter innumera crimina nostra præterlapsi sunt tot anni, sine adventu Messia, quot ex ultimis bis mille annis præterlapsi fuerunt; si ea alius auctoris fuissent. Diximus etiam initio Pontifici maximo: Eum, qui venit considerandum esse, utrum Messia conditiones habeat; an non. At si in viro illo, qui jam venit, conditiones, quæ Messia propriae sunt, deprehendantur; tum demum supra memorata verba Hieronymi interpretationem admittent. Si vero conditiones Messia in illo non appareant; utique nostra interpretatio vera erit. Pontifex maximus ait: Procul dubio verum dixistis; nam, qui rem aliquam demonstrandam suscepit, necesse est, id agat argumento certissimo, planeque necessario, quod minime anceps aut ambiguum esse videatur. Respondit Hieronymus; Maxime Pontifex, causa mea non solo hoc unius sententiæ præsidio nititur;

sed complures quoque alias sententias habeo. Cui Pontifex maximus ait : Jam a more Christianis in disputando usitato ad Judæorum morem transfugisti ; qui uno latere fessi , mox sese in alterum latus convertunt : at nihil tergiversantem ad verba Judæorum , de proposita hac sententia respondere te decet. Subjicit Hieronymus : Nonne multo tempore ante Judæorum exilia venit Elias ? Proinde necessario consequitur , verba illa , Et propter innumera peccata nostra , & quæ sequuntur : Non ipsum Eliam ; sed alium aliquem dixisse , qui ipse in exilio fuerit. At dicat hic aliquis : Discipulos ejus illa verba adjecisse. An non discipuli ejus illi tempore proximi , multo ante vestra exilia fuerunt ? Unde necessario efficitur : verba illa , Et propter innumera peccata nostra : Thalmudicos magistros pro opinione sua , quemadmodum ostendi , assuisse. Cl. Vidael respondens , ait : Maxime Pontifex , dixerint sane , ut Hieronymus contendit , illa Thalmudici magistri : nos accedamus ad ipsa Eliæ verba , quæ sic habent : Et bis mille anni dies Messias. Si itaque jam pridem venit Messias ; tum dixisse illum oportuisset ; exeuntibus quater millenis annis veniet Messias : aut ineuntibus quinquies millenis : aut alio certo tempore Messias veniet. Verum universim dixit :

dixit: Ultimis bis mille annis. Itaque fieri poterit, ut ille sub finem eorum veniat. Respondit Hieronymus: Imo Eliæ vatis sententia est, totum hoc bis mille annorum spatium Messiae tempus futurum: quo exacto, continuo mundum periturum. Cui contra M. Josephus Albus ait: Objicis tu quidem, quæ objecisti dudum: quibus repetita priori responsione occurrere potest: quod ipsum jam concessit Pontifex Maximus; videlicet alia cum sit quoque interpretatio, tuam istam haud necessariam esse. Præterea Thalmudici Magistri, quorum armis nos evincere conaris, ipsi hanc sententiam Thalmudi inseruerint, non ut menti & opinioni suæ contrariam; sed potius convenientem: quoniam ipsi palam dictitantes, tradiderunt: Duos temporis terminos adventuro Messiae præfinitos esse: aut tempus, quod Deus juravit: aut tempus, quo Judæi ad excipiendum Messiam parati vitæ male actæ rite poenitentiam egerint. Proinde sententia ista non certo temporis articulo adventum Messiae adstrinxit; sed solummodo dixit: Et bis mille anni dies Messiae. Sensus est, bis mille isti anni sunt apti, quibus Messias veniat. Si digni Judæi fuerint, veniet in principio: sin

au-

autem indigni in principio fuerint ; in medio veniet, si digni fuerint. Si vero in medio indigni fuerint ; venturus in fine est , si digni fuerint. Verum bis milleni isti anni non præteribunt, quia Messias veniat. Pontifex Maximus ait: Quidni dicitis : quodsi digni fuerint Christiani , statim venturum : sin minus dilatum iri adventum ejus ad finem bis millenorum annorum? Respondent Hebræi: Non venturum esse liberatorem , nisi ei , qui in exilio agit. Quis enim alta pace quiescit , quid liberatore opus habet ? Liberatore enim eget populus , qui exilium & servitutem fecerunt. Hieronymus inquit: Quidni ad interpretationem meam respondetis? Cui contra Hebræi: Et tu , quidni ad nostram interpretationem respondes? Antea enim diximus: A re, quæ prorsus certa non est, demonstrationem certam peti non posse. Cui sententiæ , cum semel Pontifex maximus suffragatus sit, nequaquam committet, ut illi unquam refragetur. Tute scis, summi viri Salomonis Isacidæ interpretationem , huic nostræ plane geminam esse. Hieronymus inquit: Ego, quod initio hoc ipso in loco, pro religione mea intenderam, nunc etiam pertendo: Messiam scilicet jampridem venisse, quem vos venisse præfractè negatis. Itaque vestrum

strum est; Illum non venisse, idoneis argumentis evincere. Hebræi inquit : Penes antistites, sapientissimos viros, iudicium esto, utrius sit, sententiam suam rationibus adstruere. Imo contra est: Cum enim ego, antiquissimis temporibus legem Mosaicam acceperim; illius erit, qui me illâ abstrahere conatur, argumenta adversus eam adducere. Responderunt Antistites: Ita plane, ut dicitis, res est: nosque Hieronymi rationem miramur, qui non legitimè agat, quemadmodum initio promiserat; rem demonstraturum se esse: nosque Pontificis Maximi jussu ad verum confirmandum huc convenimus. Responderunt Hebræi: jam nobis Pontifex Maximus præstitit, quidquid ab illo petivimus, scilicet; Ostende nobis Domine misericordiam tuam. De vestro vero confesso, Antistites sanctissimi, pronunciatum oraculo est: Et salutem tuam da nobis. Non ut Hieronymus exorsus est, dicens: Gladio conficiemini. Si vero quis existimat; nos pervicaciter in lege nostra immotos persistere, propter speratam felicitatem, regnumque futurum, quod in ea perseverantes adepturi aliquando sumus; næ ille toto errat cœlo. Imperii vestri fulgor atque gloria, quantum hodie ipsi vidimus, atque adeo ex quo huc primum advenimus,

H h

sum.

summa facile , magnificentissimaque nobis visa sunt : neque tamen legem vestram amplectimur , quæ tum vel maximè nobis amplectenda erat ; si res aliis omnibus optandas , honores atque divitias peteremus. Præsens enim ista gloria vestra & magnificentia summa, præstat nostræ quantæcunque futuræ. Sed cum lex nostra nobis lata sit, aspectantibus sexcentis hominum millibus, magnis prodigiis, atque gloriosissima divinæ majestatis revelatione, nos putamus nobis nefas esse, legem illam deserere; nisi veniat ipse legislator, & pronunciet: in ipsum credite. Non autem, ut Hieronymus forsan edicere ausit: deserite legem vestram. Sed aliud ille consilium animo agit; scilicet nobis, ipso autore, ad Christiana sacra desciscitibus, quasi optimè de Christiana republica meritis, ad Episcopalem dignitatem assurgere studet. Sed animorum ille arbiter Deus mentem ejus novit. Respondit Hieronymus: Hæc, quam dixi, mens mea est; scilicet Messiam jam pridem venisse. Nec in memorata hac sola Eliæ sententia omne causæ meæ præsidium posui; sed alia sunt majora, quæ huic sententiæ firmandæ magnum pondus afferre possunt. Pontifex maximus ait: Jam dixi tibi, Hieronyme, argumentum hoc vanum esse: nam quod tu dicis alia esse,

esse, quæ huic sententiæ auxiliari & opitulari possunt; id sane leve est. Miserum illum, cui ad erigendum sese fulcris opus, & propria sua virtute erectus consistere nequit! Vitis quidem ob exilis corporis infirmitatem, adminicula requirit, quo erigat & sustentet se, quibus firmissimi roboris abietes adeo non indigent, ut ipsæ etiam aliis rebus fulcrorum vicem præstent. Tum nos a Pontifice dimissi, læti ad prandium properamus: eo enim die nihil ab Hieronymo actum erat. Postridie, qui disputationis nostræ quartus dies erat, invasit nos Hieronymus ejusdem vatis verbis, supra memoratam sententiam hunc in modum subsequenticibus: Dixit vates Elias magistro Judæ: Mundus non paucioribus Jubilæis stabit, quam octoginta quinque, quorum ultimo Jubilæo venturus est Messias. Roganti eum Judæ: In principione Jubilæi venturus est, an in fine? scire se negat. Respondit sapientissimus Mathatias, hæc verba meo quidem judicio minime probant, Christum esse Messiam: Imo nec illo tempore venit Christus; cujus adventum, initâ temporum ratione, in ultimum Jubilæum non incidisse comperies. Hieronymus ait: Ego initio non dixi, Christum esse Messiam; sed Messiam jampridem venisse dixi: venerit, autem

ingenio ipse cudit. Adversarius quispiam contendat: omnia illa verba a principio usque ad finem ipsius sanctissimi vatis Eliæ esse: idque adeo, ut contra disputantem opinionem suam ipse quoque confirmet: nisi vero jam alteruter interpretationis suæ certam atque indubitatam rationem aliquam, aut divinum oraculum habeat, utique lis ipsa semper in ambiguo erit. Et quomodo inde Hieronymus, quod voluit, certo efficiat? Objiciat enim adversarius: Quosid tu propositam quæstionem sola tua interpretatione certo demonstrare studes; ego aliam interpretationem adferam, & sic nihil demonstraveris. Quod si quæras ex me, unde meam interpretationem adferam; quæram contra ex te, unde tu afferas tuam? Porro autem, cum ille nos nostro Thalmude urgeat, certe novisse eum oportet: Hanc Thalmudis nostri rationem esse, si ad sententiæ alicujus interpretationem, quæ prorsus necessaria non est, adversarius objecerit, fortasse rem aliter, ac ipse interpretatur, sese habere &c. nec interpretationis suæ fidem idoneis argumentis adstruat, rem totam veluti inter dubitationum scopulos impulsam in ambiguo relinqui, donec interpretationis autor, alio multo efficaciori atque indubitato prorsus argumento sententi-

am

am suam adversario approbaverit. Præterea verisimilius est, unam hanc integram sententiam ab uno autore, quam a duobus fuisse profectam. Quod si forte postrema sententiæ verba alterius auctoris sint, ut hic videri vult Hieronymus; consuevit Thalmud disertim addere, ut auctorem prodatur. Hoc dixit Magister A sius, aut alius quispiam; quod & in hac sententia fecisset: Propter innumera crimina nostra præterlapsi sunt tot anni, sine adventu Messia, quot ex ultimis bis mille annis præterlapsi fuerunt; si ea alius auctoris fuissent. Diximus etiam initio Pontifici maximo: Eum, qui venit considerandum esse, utrum Messia conditiones habeat; an non. At si in viro illo, qui jam venit, conditiones, quæ Messia propriae sunt, deprehendantur; tum demum supra memorata verba Hieronymi interpretationem admittent. Si vero conditiones Messia in illo non appareant; utique nostra interpretatio vera erit. Pontifex maximus ait: Procul dubio verum dixistis; nam, qui rem aliquam demonstrandam suscepit, necesse est, id agat argumento certissimo, planeque necessario, quod minime anceps aut ambiguum esse videatur. Respondit Hieronymus; Maxime Pontifex, causa mea non solo hoc unius sententiæ præsidio nititur;

sed complures quoque alias sententias habeo. Cui Pontifex maximus ait : Jam a more Christianis in disputando usitato ad Judæorum morem transfugisti ; qui uno latere fessi , mox sese in alterum latus convertunt : at nihil tergiversantem ad verba Judæorum , de proposita hac sententia respondere te decet. Subjicit Hieronymus : Nonne multo tempore ante Judæorum exilia venit Elias ? Proinde necessario consequitur , verba illa , Et propter innumera peccata nostra , & quæ sequuntur : Non ipsum Eliam ; sed alium aliquem dixisse , qui ipse in exilio fuerit. At dicat hic aliquis : Discipulos ejus illa verba adjecisse. An non discipuli ejus illi tempore proximi , multo ante vestra exilia fuerunt ? Unde necessario efficitur : verba illa , Et propter innumera peccata nostra : Thalmudicos magistros pro opinione sua , quemadmodum ostendi , assuisse. Cl. Vidael respondens , ait : Maxime Pontifex , dixerint sane , ut Hieronymus contendit , illa Thalmudici magistri : nos accedamus ad ipsa Eliæ verba , quæ sic habent : Et bis mille anni dies Messia. Si itaque jam pridem venit Messias ; tum dixisse illum oportuisset ; exeuntibus quater millenis annis veniet Messias : aut incuntibus quinquies millenis : aut alio certo tempore Messias veniet. Verum universim dixit :

dixit: Ultimis bis mille annis. Itaque fieri poterit, ut ille sub finem eorum veniat. Respondit Hieronymus: Imo Eliæ vatis sententia est, totum hoc bis mille annorum spatium Messiae tempus futurum: quo exacto, continuo mundum periturum. Cui contra M. Josephus Albus ait: Objicis tu quidem, quæ objecisti dudum: quibus repetita priori responsione occurrere potest: quod ipsum jam concessit Pontifex Maximus; videlicet alia cum sit quoque interpretatio, tuam istam haud necessariam esse. Præterea Thalmudici Magistri, quorum armis nos evincere conaris, ipsi hanc sententiam Thalmudi inseruerint, non ut menti & opinioni suæ contrariam; sed potius convenientem: quoniam ipsi palam dictitantes, tradiderunt: Duos temporis terminos adventuro Messiae præfinitos esse: aut tempus, quod Deus juravit: aut tempus, quo Judæi ad excipiendum Messiam parati vitæ male actæ rite poenitentiam egerint. Proinde sententia ista non certo temporis articulo adventum Messiae adstrinxit; sed solummodo dixit: Et bis mille anni dies Messiae. Sensus est, bis mille isti anni sunt apti, quibus Messias veniat. Si digni Judæi fuerint, veniet in principio: sin

autem indigni in principio fuerint ; in medio veniet, si digni fuerint. Si vero in medio indigni fuerint ; venturus in fine est, si digni fuerint. Verum bis milleni isti anni non præteribunt, quia Messias veniat. Pontifex Maximus ait: Quidni dicitis: quodsi digni fuerint Christiani, statim venturum: sin minus dilatum iri adventum ejus ad finem bis millenorum annorum? Respondent Hebræi: Non venturum esse liberatorem, nisi ei, qui in exilio agit. Qui enim alta pace quiescit, quid liberatore opus habet? Liberatore enim eget populus, qui exilium & servitutem fecerunt. Hieronymus inquit: Quidni ad interpretationem meam respondetis? Cui contra Hebræi: Et tu, quidni ad nostram interpretationem respondes? Antea enim diximus: A re, quæ prorsus certa non est, demonstrationem certam peti non posse. Cui sententiæ, cum semel Pontifex maximus suffragatus sit, nequaquam committet, ut illi unquam refragetur. Tute scis, summi viri Salomonis Isacidæ interpretationem, huic nostræ plane geminam esse. Hieronymus inquit: Ego, quod initio hoc ipso in loco, pro religione mea intenderam, nunc etiam pertendo: Messiam scilicet jam pridem venisse, quem vos venisse præfractè negatis. Itaque vestrum

strum est; Illum non venisse, idoneis argumentis evincere. Hebræi inquit: Penes antistites, sapientissimos viros, iudicium esto, utrius sit, sententiam suam rationibus adstruere. Imo contra est: Cum enim ego, antiquissimis temporibus legem Mosaicam acceperim; illius erit, qui me illâ abstrahere conatur, argumenta adversus eam adducere. Responderunt Antistites: Ita plane, ut dicitis, res est: nosque Hieronymi rationem miramur, qui non legitime agat, quemadmodum initio promiserat; rem demonstraturum se esse: nosque Pontificis Maximi jussu ad verum confirmandum huc convenimus. Responderunt Hebræi: jam nobis Pontifex Maximus præstitit, quidquid ab illo petivimus, scilicet; Ostende nobis Domine misericordiam tuam. De vestro vero confesso, Antistites sanctissimi, pronunciatum oraculo est: Et salutem tuam da nobis. Non ut Hieronymus exorsus est, dicens: Gladio conficiemini. Si vero quis existimat; nos pervicaciter in lege nostra immotos persistere, propter speratam felicitatem, regnumque futurum, quod in ea perseverantes adepturi aliquando sumus; nã ille toto errat cœlo. Imperii vestri fulgor atque gloria, quantum hodie ipsi vidimus, atque adeo ex quo huc primum advenimus,

H h

sum-

summa facile , magnificentissimaque nobis visa sunt : neque tamen legem vestram amplectimur , quæ tum vel maximè nobis amplectenda erat ; si res aliis omnibus optandas , honores atque divitias peteremus. Præsens enim ista gloria vestra & magnificentia summa, præstat nostræ quantæcunque futuræ. Sed cum lex nostra nobis lata sit, aspectantibus sexcentis hominum millibus, magnis prodigiis, atque gloriosissima divinæ majestatis revelatione, nos putamus nobis nefas esse, legem illam deferere; nisi veniat ipse legislator, & pronunciet: in ipsum credite. Non autem, ut Hieronymus forsân edicere ausit: deserite legem vestram. Sed aliud ille consilium animo agit; scilicet nobis, ipso autore, ad Christiana sacra desciscitentibus, quasi optimè de Christiana republica meritis, ad Episcopalem dignitatem assurgere studet. Sed animorum ille arbiter Deus mentem ejus novit. Respondit Hieronymus: Hæc, quam dixi, mens mea est; scilicet Messiam jam pridem venisse. Nec in memorata hac sola Eliæ sententia omne causæ meæ præsidium posui; sed alia sunt majora, quæ huic sententiæ firmandæ magnum pondus afferre possunt. Pontifex maximus ait: Jam dixi tibi, Hieronyme, argumentum hoc vanum esse: nam quod tu dicis alia esse,

esse, quæ huic sententiæ auxiliari & opitulari possunt; id sane leve est. Miserum illum, cui ad erigendum sese fulcris opus, & propria sua virtute erectus consistere nequit! Vitis quidem ob exilis corporis infirmitatem, adminicula requirit, quo erigat & sustentet se, quibus firmissimi roboris abietes adeo non indigent, ut ipsæ etiam aliis rebus fulcrorum vicem præstent. Tum nos a Pontifice dimissi, læti ad prandium properamus: eo enim die nihil ab Hieronymo actum erat. Postridie, qui disputationis nostræ quartus dies erat, invasit nos Hieronymus ejusdem vatis verbis, supra memoratam sententiam hunc in modum subsequenter: Dixit vates Elias magistro Judæ: Mundus non paucioribus Jubilæis stabit, quam octoginta quinque, quorum ultimo Jubilæo venturus est Messias. Roganti eum Judæ: In principione Jubilæi venturus est, an in fine? scire se negat. Respondit sapientissimus Mathatias, hæc verba meo quidem judicio minime probant, Christum esse Messiam: Imo nec illo tempore venit Christus; cujus adventum, initâ temporum ratione, in ultimum Jubilæum non incidisse comperies. Hieronymus ait: Ego initio non dixi, Christum esse Messiam; sed Messiam jampridem venisse dixi: venerit, autem

ante decem annos, an ante decem dies, non quidem laboro. Tum Hebræi, rem, maxime Pontifex, diligenter cognoscas, atque super ea iudicium feras: nisi enim Christum Messiam fuisse dixeris, in quo aliqua majestatis & sapientiæ signa eluxerunt; quemnam alium esse dicas: stultumne illum Matthæum, an delirum istum Maroisten? Pontifex Maximus inquit: Nonne cernitis, Hieronymum popularem vestrum vos fraude esse aggressum? Quodsi dixeritis, jam pridem Messiam venisse, quemadmodum ex Eliæ sententia apparet; tum vicerit Hieronymus. Si vero dicatis, fieri quidem posse, ut venerit ille; sed eum non esse Christum: tum vos rogabit idem, quod modo illi objecistis; Mattoné est, an Pico? Dixerunt Hebræi, recte Pontifex maximus rem perspexit, nos certe parum sensimus, Hieronymum arte & fraude nos populares suos tentasse. Hinc Mathatias Hieronymo ait: Sapientissime Hieronyme, dum ex Thalmude nostro argumenta petis ad probandum Messiam jam pridem venisse, quid causæ est, quod non etiam ex ipso Thalmude contrarium asseras? scriptum enim in illo est: Male pereant illi, qui temporum articulos supputant; quibus venturus Messias est. Pontifex maximus ait: jamdiu hanc audiivi sententiam,

tiam, cujus interpretationem usque desideravi. Magister Mathathias inquit: Hic cum clarissima sint verba, nullam interpretationem habemus: haud enim obscure liquet, verba illa eum execrari, qui numeris dispositis Messiae adventum inquit, atque in vulgus prodit, quæ res genti nostræ magnæ calamitatis causa est. Nam si definito tempore non veniat Messias; desperant & animum abjiciunt, qui salutem diu per eum sperant: seq; compedibus quasi victos in perpetuo spei carcere detineri credunt. Præterea magnum temeritatis crimen admittunt, qui grande illud arcanum a Deo omnibus gentibus, omnibusque vatibus celatum eruere atque vulgare conantur. Hæc oratio stomachum movit Pontifici, adeo ut in hæc verba erumperet: O gentem Hebræorum stupidam atque abjectam! O insanos magistros Thalmudicos! Num ergo maximum vatem Danielem, qui præfinitum Messiae tempus ad calculos revocavit, diris devovere oportet, ut sacrum & detestabile caput, quod Dii Deæque omnes perduint? Hoc luculento argumento est, vos & Thalmudicos magistros improba capita esse. Cui M. Todrus respondit: Maxime Pontifex, quod si Thalmudici magistri tantum tibi desipuisse videntur, quid attinet ergo ab illis argu-

menta petere ad probandum Messiam jampridem venisse? A stultis argumenta petere, certe stultissimum est. His verbis camino, quodajunt, oleum additum, magisque exacerbatus Pontifex est. Tum Clar: Vidael dicere est orsus: Maxime Pontifex, haud convenit, te virtum sanctissimum gravius commoveri hac disputatione, praesertim cum cuivis libere loquendi data sit potestas. Si quid forte a nobis erratum, aut imprudentius dictum videri potest, id precibus hisce supplices eluimus: Psal. LXXXV: vers 8. Ostende nobis Domine misericordiam tuam. Pontifex ait: Nolite existimare, vos varia orationis ambage me in aliam materiam deducturos; quin respondete ad dictam modo sententiam, quæ hæc erat: Male pereant illi, qui numeris venturi Messiae tempora indagant. Hic Clar: Vidael inquit: Vox Hebraica מנחם proprie numeratorem, & qui rem aliquam ex numeris elicit, significat. Verum vates, aut qui Numine afflatus oracula fundit, non numerator; sed spectator appellari solet, ut sacra pagina docet: 1. Sam. c. ix. v. 17. Ubi est domus videntis sive spectatoris? Quia ipse vates in oraculo rem ipsam, non numerare; sed vere spectare solebat. Hoc responso Pontifex mitigatus, nos recte dixisse affirmat: hanc enim germanam sententiae mentem

mentem videri, atque sic reconciliato Pontifice eodie digressi sumus. Postridie ex more revertimur; sed hic minime prætereundum est, domi nostræ magnam litem ortam fuisse inter nos & inter Magistros Mathatiam & Todrum, quod non cautiore fuissent & linguæ temeritatem prudentia aliqua temperassent. Reversi Hieronymo diximus: sapientissime Hieronyme, quandoquidem hucusque visum est, argumenta ab Æmoræis petere, quibus probares, Messiam jampridem venisse: quidni in medium profers omnium ordine postremi; sed sapientia facile principis hæc illustria M. Asii verba? Usque ad ultimum Jubilæum Messiam ne expectes, post illud deinceps porro eum expecta. Ex eo clare liquet, eopse Asii tempore Messiam nondum venisse. Respondit Hieronymus: Jamdudum discretim inculcavi vobis, non petendum esse argumentum ab eo, qui Messiam venisse negat: ea enim M. Asius pro suo ingenio atque præjudicata opinione dixit. Verum ad priorem sententiam quod attinet; eam sanctissimus vates Elias pronunciavit: atque illent vates veri conscius, & futuri certus, hoc effatus est. Tum Hebræi consurgentes ajunt: sapientissime Hieronyme, dicas nobis M. Asius utrum ingenio subtilis, an crassus? probus, an improbus fuerit?

Respon-

Respondit Hieronymus: anilis sane ista quaestio est: Omnino extra controversiam est, sapientem & probum virum fuisse, quod præclara viri dicta satis superque arguunt. Hebræi inquirunt: Cum igitur, quod tute fateris, vir sapiens atque pius fuerit; quare sanctissimi vatis Eliæ sententiæ refragatur? Certe alterutrum fateare necesse est: aut ipsum Eliam, cuius nomine hæc sententia circumfertur, non fuisse verum illum vatem Eliam; sed alium quempiam vecordem hominem, qui fatuam hanc sententiam suam, sub falso vatis Eliæ nomine incautis mortalibus obtruserit: aut ipsum fuisse germanum illum vatem Eliam, & M. Asium sententiæ mentem vere affectum tradidisse id, quod tradidisse dicitur. Alioqui, si de dicti illius sententia dubitasset; magna religione rem, quam parum intellexisset, amplificatam atque exaggeratam magis in medio reliquisset. Num nos ipso sapienti Asio sapientiores videri volumus? Respondit Hieronymus: Fingamus hanc genuinam verborum illorum sententiam esse; quid vero ad alteram sententiam de numero Jubilæorum respondetis? quæ præter eam, quam dedi, nullam aliam interpretationem admittit. Ad quæ M. Josephus Albus respondens dixit: Hæc illius sententiæ mens est: Mundum non duraturum minus quidem, quam

octoginta

octoginta quinque Jubilæa; sed plura durare posse. Veluti si quis licitanti dicat, minoris, quam viginti assibus hanc rem non addicam, is ex dicti hujus religione minime prohibetur, quo minus quadraginta aut quinquaginta assibus eam rem emtori vendere possit. Sic fieri potest, ut mundus longe pluribus constet Jubilæis, quamvis paucioribus constare non possit, sed in ultimo Jubilæo venturum esse Messiam. Sacri Antistites ajunt: o Josephe, te quidem interprete, incertum erit Messiae tempus. Respondit M. Mathathias: Hoc nobis minime mirum videtur, cum nec vos ipsi habeatis certum Messiae tempus. Elias ipse quippe dixit, quem tu hic potissimum audiendum esse modo tam acriter contende-
bas; Bis mille anni erunt dies Messiae. In medio disputandi ardore dum versamur, animadvertimus forte, omnia verba nostra publicis tabulis consignari, rei novitate perculsi metuebamus, ne ex verbis nostris per scribas studio depravatis, postea occasionem criminandi nos Pontifex arriperet, nostro quasi gladio nos jugulaturus; nec causari ausi fuisset, scribam verba corrupisse, qui quidem publicus Pontificis scriba esset. Hinc conventum inter nos, ut cautè loqueremur, & quantum fieri possit, taceremus; verum non nostro; sed Pon-

tificis animo mos gerendus erat; imperaverat enim ille, ut Hieronymo ad omnia responderemus: Imperium detrectantibus certa mors parata erat. Hinc initum a nobis consilium est, ut non nisi unus de nostro numero loqueretur; & si Pontifici oratio illius placeret, bene esse: sin minus; diceremus, illum suo, non nostro omnium nomine respondisse: si quid erraverit ille, ipsi soli id imputandum; nos ab illo dissentire: Atque sic illo quoque die, finita est disputatio. Postridie nos trepide reversos Hieronymus alia sententia aggreditur, cujus hæc verba sunt: Virum quendam agros colentem, cum unus boum ipsius mugiret, forte Arabs quispiam illac præteriens, rogat: quisnam ille esset? Agricola se Judæum esse respondenti ait Arabs: solve boves tuos aratro. Causam roganti: sacram Judæorum ædem everfam esse ait. Ei unde ipsi hoc constaret instanti, se ex bovis illius mugitu id cognovisse dicit. Hæc dum cum Judæo loquitur Arabs, bos iterum mugit. Quo audito Arabs inquit: Junge boves tuos aratro tuo, quia natus est Judæorum Messias. Judæo Messiae patrisque ipsius nomen interroganti, Messiam Menachem, patrem vero Hizkiam appellari respondet. Cum & urbem patriam ubi habitarent sciscitaretur; eam

eam Berlethemam Judæ vocari dicit. Ex eo Judæus ille boves aratrumque suum vendidit; emtis vero vestibus, quas infantes induere solent, urbes atque regiones mercator percurrit, donec tandem Berlethemam pervenit. Vestes ab illo redimunt cives universæ, excepta sola Messæ matre: Quæ cum eam Judæus rogaret: quidni & ipsa vestes infanti suo emeret? respondet. Infans meus infelicibus auspiciis, infelicique omine natus est. Causam roganti ait: Eo nato sacram ædem subito dirutam esse. Cui inquit ille: Promisit nobis Deus, mundi conditor: Eo quidem nascente sacram ædem dirutum iri; sed tamen eo etiamnum vivente, denuo instauratum iri. Tu vero hinc vestes infanti tuo accipe, ego post dies aliquot domum tuam veniam, pretium accepturus. Illa vestes sumit; Judæus abit. Qui aliquot diebus interjectis, visere infantem quid agat, statuit. Veniens proinde ad matrem pretium accepturus, rogat, quid agat infans: respondet illa: Nonne dixi tibi, infantem meum, infelicibus auspiciis, infaustoque omine natum esse? neque ipsi etiam fata pepercere. Ex eo enim momento, quo tecum locuta, venti atque procellosi turbines suborti cum abstulerunt. Judæus ait: Nonne dixi tibi: Eo nato sacram ædem esse destructam, eo-

que vivo restitutum iri. Ex hoc loco perspicuum est, quod vos negare certe nefas erit, quo die excideretur templum Hierosolymitanum; natum esse Messiam. Respondet sapientissimus Astrocus: Hæc verba jam olim viri facile principes & mundi lumina disputarunt, videlicet M. Girona cum Monacho Paulo. Hoc vero in controversiam veniebat: Utrum Judæi jure vocari possint Cananæi? Paulus probare conatus est, Judæos vocari posse Cananæos, quia Cananæorum facinora atque flagitia imitarentur, ipsorumque terras incolerent. Christianos vero Israelis nomine appellandos esse, quia Israelitico populo successissent. Pontifex maximus ait: Quid ad illa M. Girona? Hæc ipsius responsio fuisse dicitur: Qui fratri suo succedit, ejus rarissima bona hæreditate accipere debet. Si Christiani nobis Judæis successerunt, cur non pretiosissima quæque bona nostra hæreditatis jure consecuti sunt, ut Oracula, ignem cælo descendentem, Urim & Thummim, aliaque? Nos Hebræi enim, ex quo tempore illa amisimus, apud nullam aliam gentem ea esse cognovimus. Unde constat; Deum conservaturum, quæ primum dona dedit, nobis forte resipiscentibus aliquando restituenda. Roganti Pontifici, coram quo habita fuerit illa disputatio?

putatio? Coram optimo Rege Petro seniori habitam
eam esse responsum est. Porro instanti: quid mo-
nachus Paulus Magistro Gironæ responderit; Pau-
lus conticuisse dicitur. Tum Pontifex Maximus ait:
Fuerit sane Rex ille optimus, meo tamen iudicio
sapiens minime fuit. Neque etiam Pauli silentium
magnam sapientiam arguebat: dixisse ille certe po-
tuisset; Nobis Christianis dona illa post Serva-
toris nostri adventum supervacua omnino esse:
qui majus quippiam atque divinius multo,
animarum salutem dico, nobis pollicitus est: in primi
nostrum omnium parentis Adami locum venit, ut
patrum animas liberaret. Ut ut est, adhuc
nihil responsum fuit ad illam sententiam, qua
Messias jam olim natus esse dicitur. Respondet Cl.
Vidael: Magister Girona ita eam exposuit; non actu
sed potentiâ, ut ita dicam, natum esse Mes-
siam. Concedamus sane supra memoratam sen-
tentiam Messiam actu natum dicere: hoc ne-
quaquam causam nostram convellit, aut ever-
tit. Potest enim eo die natus fuisse, & in Pa-
radiso vivere. Meimonides autem negat, na-
tum esse Messiam eo die; quo eversum est
templum; affirmans hanc genuinam esse ver-
borum sententiam: Ex eo die & deinceps
porro

porro in quavis ætate natum esse aliquem virum , qui Messias esse potuisset , si modo Judæi digni fuissent : Addit præterea autorem hac sententia Hebræos ad vitæ emendationem incitantem indicare voluisse : Messiaæ adventum non ut olim Babylonicum exilium , certis temporum terminis circumscriptum esse. Cl. Chasdaus quoque verba illa hoc sensu accepit. Pontifex ira percitus ait : Profecto non adestis , ut nobis vestrorum interpretum placita enarretis : sed ut ipsi respondeatis , quid vos ipsi de Messiaæ adventu sentiat. Quid mihi cum majorum vestrorum interpretationibus , quæ ineptæ atque aniles sunt ? fabulantur enim natum esse Messiam , nec venire tamen. Si adventus Messiaæ pendet ex bonis Judæorum operibus , quorsum itaque natus est ? Differenda potius ipsius nativitas erat , & in illud tempus proferenda , quo digni Judæi paratique fuissent. Responderunt Hebræi : si digni sint hodie Judæi , & nascatur hodie Messias , num infans unius diei Israëlitas ducere poterit ? Nonne Moses licet octogennarius opus tamen habuit auxilio summi Numinis , fratris sui & septuaginta senatorum ? Pontifex ait ; illud mirum videri non debet : cum sexcenta essent hominum millia & amplius. Hebræi respondent ,
ubi

ubi summa adest prudentia, nihil opus est rectore: ipsa enim prudentia homini merito rectoris vicem præstat. Atque seculum illud Mosaicum, quemadmodum in Thalmude discimus, prudentissimorum virorum feracissimum fuit, ut qui nunc prudentiæ famâ inter primos sunt, olim apud illos vix in postremis hære potuissent: nostrum enim unus decem sæpe rectoribus indiget ob prudentiæ egestatem. Pontifex maximus ait: Hoc vobis facile concedo, singulos Judæos singulis Regibus, singulisque iudicibus opus habere. Sed ad propositam quæstionem unde digressi sumus revertamur. Tum Romanus quispiam Judæus ita orditur: Maxime Pontifex, vocabula quædam ambigua esse Christiani affirmant, neque inficiantur Hebræi, inter quæ verbum נולד Nolad referri debet; quemadmodum sacræ literæ demonstrant: Psalmo xc: ver. 2. Priusquam montes nascerentur & formaretur terra & orbis, a seculo usque in seculum tu es Deus. Prover. cap. xxvij: ver. 1. Ne glorieris de die crastino, quia nescis, quid pariturus sit dies. Job. xv: ver. 35. Concepturus est dolorem & iniquitatem pariet; atque uterus ejus dolum præparabit. Hic verbum illud usurpatum ambigue, scilicet כטרם הרם gemino sensu intelligi potest. Antequam nascentur.

ſcentur montes, & antequam nati fuerunt. Verum enimvero intelligenda ea ſunt, quatenus mente atque animo præcepta fuerunt. Pari modo accipienda ſunt verba illa Eſaiæ cap. xi: vers 34. Libanus, (quem ſacram ædem intelligas,) ferro forti cadet. & cap. xij: vers 1. Et egredietur virga de ſemine Iſſai, & ſurculus de radicibus ejus creſcet. Verba iſta non tradunt, neque ex illis evidenti aliquo argumento probari poteſt; quod illud continuo fieri debeat: fieri enim poteſt, ut multo tempore poſt demum virga illa egrediatur. Quin ſacræ literæ filios Iſraëlis propter ſacræ ædis excidium ſolari voluerunt, atque ſimul etiam docere: Eos tandem ad priſtinas ſedes atque falces denuo redituros eſſe. Quodſi verſus iſte hoc modo accipi poteſt, quis ſententiæ illius auctori poteſtatem fecit; ut Meſſiam continuo venturum eſſe pronunciet? Sed apparet potius Meſſiæ adventum, ut rem omnibus optatiſſimam animo ipſius anticipatam fuiſſe; quemadmodum ipſi magiſtri. Thalmudici docuerunt: Septem res mundi ortum anteceſſiſſe: quarum una eſt nomen Meſſiæ: tradiderunt etiam ipſam creationis vocem, antequam in rerum natura quidquam exiſteret, a Deo animo fictam atque conceptam fuiſſe: Quia antequam hæc univerſi machina creari poſſet, creatio-

nem

nem ejus animo concipi necesse erat; ut sic mortales ad Dei cognitionem perducerentur. Pari prorsus ratione dicamus, eo die, quo famosa illa ædes Hierosolymitana everſa fuit, a Deo Messiam animo fictum atque conceptum fuisse: sed non dignos fuisse Hebræos, ad quos continuo ille veniret: quia primis etiam peccatis necessarium adhuc fuit calamitosum illud erroris flagellum, quo assiduis erroribus vitæ suæ crimina prorsus expiare coguntur. Tum eo die disputare cessatum est: Postridie reversi Hieronymum ita affamur: Versio Chaldaica, quam Thargum dicunt, vocem *נולד* usurpat, ubi in textu Hebraico *נולד* legimus; quod nihil significat aliud, quam nascetur: quemadmodum ex hoc loco: Ecce natus est filius filio Issai, clarissime liquet: Natum esse dicit, cum tamen quingentis post annis demum esset nasciturus. Respondit Hieronymus, vox *נולד* nihil quidem certi demonstrat; ea enim aut natum, aut nasciturum significat. Ad hæc nos universi exclamamus: Id ipsum esse, quod nos contendimus. Nos enim posteriorem significatum, scilicet nasciturum esse amplectimur. Atque sic tua illa interpretatio, natum esse; non necessaria erit. Adeoque argumentum, quod finxisti, frivolum est atque inutile. Tum Hiero-

K k

nymus

nymus ante dictorum suorum aciem a nobis destructam atque disturbatam, denuo sed frustra in ordinem redigere conatus est. Hinc incredibili pudore suffusus, rationibus prolixis; sed a foro nostro alienis, acriter certare cœpit. Subolebat autem universis, Hieronymum argumenta sua jam nobis diluta atque confutata, denuo in campum revocare studere. Nos probe confutato jam Hieronymo, ex re nostra esse duximus, hic gloriose disputationis cursum potius sistere, quam postea turpiter forsan desinere. Proinde viros facile principes, præsulesque non paucos atro corrupimus; illos, ut Pontificem maximum de incidenda disputationis tela compellarent; hos, ut idem obnitenti Hieronymo persuaderent; sed pulcherrimum hoc consilium frustra fuit. Pontifex maximus enim responderat: Hieronymum, quod probaturum se promississet, vel invitum evincere debere. Postridie, quo legi atque explicari inter nos solet textus ille Deut. cap. xxv a vers. 17 usque ad caput xxvi Memento eorum, quæ fecit tibi Amalec in via, quando egressi estis ex Ægypto. Pontifex Maximus nos ita affatur: Vos Hebræi anilibus ineptiis nos odiose hic detinuistis, quis enim sanæ mentis dixerit: Cum natus sit Messias, tot annos illum in aliquo Paradisi angulo abditum latitare

latitare atque hærere? Quid, nonne fabulosum esse videtur, Messiam ad mille quadringentos annos vitam producere? Respondimus nos: huic quæstioni jam pridem a monacho Paulo motæ per magistrum Giromam hunc in modum obviam itum fuisse: primum hominem Adamum mille annos circiter vixisse: quod si Adamo tot annos vivere concessum fuit, quid obstat, quo minus quis plures etiam vivere possit? Nec itaque, cum Messiam tot sæculis latentem non viderimus, cum vivere fabulosum esse, temere dicamus. Nonne hodieq; inter nos majorum nostrorum fides famâ celebratur tradentium, in Paradiso etiamnum Enochum atque Eliam superstites esse? Ad hæc Pontifex Maximus ait: Hoc non est sententiam probare; sed dubiis dubia asserere velle, quod ipsum non minus absurdum esse videtur. Tum M. Astrocnus inquit: Maxime Pontifex; cum vos plurima absurda de Messia vestro credatis, liceat etiam nobis unum de Messia nostro absurdum credere. Quibus verbis Pontifex Maximus ita fuit exacerbatus, ut metueremus, ne in nos miseros furiarum ignes & fulmina eructaret. Quo animadverso diximus: Maxime Pontifex, minus prudenter profecto locutus est popularis noster; sed quæcunque dicta sunt, nobis invitis; non serio illi, sed velut joco dicta excedisse

existimes : ipsum minime quidem ita locutum fuisse decuit , siquidem non cum Pontifice, quemadmodum inter nos familiariter solemus, joculari fas est. Sed hic denuo repetimus illud, quo bene ominati disputationis campum ingressi sumus : Ostende nobis Domine misericordiam tuam. Hinc domum abeuntes universi M. Astrocum acriter corripimus, exprobrantes, cum mali, siquod nobis eveniat, autorem esse, ut qui maledictis inimicos in perniciem nostram armaverit: neque in has leges inter nos conventum esse, ut quis tantæ linguæ intemperantiæ indulgeret, quantam ipse imprudens prodidisset. Omnia nobis ex voto, imo supra votum fluebant: cum Pontifex maximus a nobis magis, quam ab Hieronymo stare videretur. Nunc vero illo infenso, quem præter Deum causæ nostræ patronum habituri sumus? nec certe in prodigio aliquo salutis spem collocare licebit; cum adeo sint dubia atque incerta pietatis nostræ merita. Eo itaque die pudore atque dolore confusi diffugimus. Postridie tamen trepidi reversi, Diis propitiis Pontificem Maximum vultu animoque benigniorem offendimus. Hic Hieronymus dicere orsus est: Si vos Hebræi, actu natum esse Messiam creditis; tum vobis,
cum

cum quoque revelatum esse, probabo. Responderunt legati: Non credimus nos actu natum esse Messiam; sed diximus, fortassis sententiæ illius autorem ita sensisse. Pontifex Maximus inquit: Cujus loci autoritate, Hieronyme, natum atque revelatum esse Messiam probabis? Ad hæc Hieronymus: Maxime Pontifex, Magister Samuel in Thalmudico opere in quæstionis modum ita pronunciasse dicitur: Unde probas eo die, quo eversa est sacra ædes, natum esse Messiam? Quia sacrum Oraculum ait: Esaiæ cap. LXVI. versu VII. Antequam parturiet, peperit: Quæ verba Jonathan interpretes hunc in modum reddidit: Antequam veniet angustia, liberabimini: antequam oborietur tempestas illa, qua evertenda est sacra ædes, revelatus est Messias. Quibus verbis Messias & natus, (prout Oraculum habet: Antequam parturiet, sive partus doloribus (mulier) discruciabitur, peperit.) et revelatus esse dicitur, interprete Jonathane, Antequam oborietur tempestas illa, qua evertenda est sacra ædes, revelatus est Messias. Responderunt legati: Thargum Jonathanis non est ipsa sententia, quam dixerunt sapientes Æmoræi. Aliud enim est sententia M. Samuelis, & aliud est Thargum sive versio Chaldaica Jonathanis, cui nihil aliud di-

cere propositum fuit, quam venientem Messiam subito venturum esse, perinde ac mulier subito parit, prout dictum est: Antequam parturiet, sive partus doloribus discrucietur, peperit. Neque vero Jonathan idem, quod M. Samuel dicere studuit: imo indicare voluit, Messiam, cum veniet, subito venturum esse. Quod ipsum jam olim sapientes nostri his verbis clarissime proposuerunt: Tria scilicet mortalibus insperato & inopinato obvenire; Primum serpentem, qui incautis mortalibus clam obrepens inopinato conspicitur. Deinde rem inventam, quam quis forte præter spem reperit: Postremo ipsum Messiam, qui subito venturus est. Pontifex maximus ait: Mihi satis est, vos Messiam natum esse fateri. Nos vero legati respondimus: absit nos hoc dicere; quin e contrario Samuelem ejus sententiæ autorem erroris atque delirii damnamus. Thargum enim, quod Spiritus Sancti dictamine conscriptum est, non dixit idem, quod M. Samuel pronunciavit. Imo potius divinum oraculum declaravit dicens: Messiam, cum veniet, subito venturum esse. Hoc vero illud est, quod nos & universi Judæi concorditer credimus. Nempe si mortalium aliquis veniat, & Judæos per universum orbem dispersos colligens, in patrias

patrias sedes reducat, sacram ædem construat, ad quem etiam omnes gentes unum Deum invocaturæ certatim concurrant; tum eum nostrum esse Messiam palam pronuntiabimus. Omni vero sententiæ, quæ contrarium dicit, peculiaris suus sensus est. Quin illa ipsa etiam sententia, quam Hieronymus supra adduxit, inter alia etiam hæc verba habet: Eo vivente sacra ædes instaurabitur. Mihi certe ædem illam monstrari velim, quæ Christi sive Messiae vestri tempore constructa fuerit. Ad quæ verba, cum Hieronymus, quod respondere posset, non haberet, ad alia dilapsus, uberius expatiatus est. Inde ad aliquot dies disputatio est intermissa, donec nos die decimo quinto Februarii Pontifex maximus denuo accersi juberet. Nobis præsentibus Pontifex Samuelis sententiam, qua Messiam natum esse tradit, denuo reposuit. Orsus enim est dicere Pontifex: Hac nocte demum perpendi; Hebræi; quam nos verborum flexu & significatus incerti vertigine elusos deceperitis, dictitantes vocem נוֹלָד Nolad ambiguum esse, quæ gemino significatu pollens, NATUM & NASCITURUM pariter significet. Ut ut est, cum Servatore nostro ita comparatum est; ut ipse multo ante Hierosolymitanum excidium natus sit: natum enim esse constat a mundo condito anno ter millesimo;

millesimo sexcentesimo septuagesimo primo. Excidium vero sacrae ædis in annum ter millesimum vigesimum octavum incidit: adeo ut Servator noster centum quinquaginta septem annis ante sacrae ædis everisionem natus fuerit. Ad hæc clarissimus Vidael respondit: Maxime Pontifex, familiaris & usitata Thalmudis hæc est ratio, quamvis sapientes plures & diversas ad unum versum scripserint explicationes, nemo tamen unquam negat, verba simpliciter & proprie intelligenda esse. Hinc sapientibus hoc de explicatione sacrarum literarum dicere mos est: Sacras literas nusquam non simplici & proprio verborum sensu accipi posse. Quodsi igitur Æmoræorum magister quispiam eas a propria & germana sententia abductas, in alienæ mentis sententiæque voraginem torquere velit, tum nos illa allegorice & improprie dicta esse pronunciamus, quibus auctor fortasse rem sublimioris & arcani magis sensus signare voluerit. Neque nos simili orationis generi, quod cum simplici sensu ex diametro pugnat, ullam fidem habemus, quod ipsum ex universo opere Thalmudico satis liquet; quemadmodum illud Hieronymo abunde constat, unde nec illud negaturum arbitramur. Proinde Pontifex Maximus, sacras veteris foederis literas consulat, comperiet certe,

certe, versus istos nihil quicquam de Messia vestro tradere; ille enim versus: Antequam parturiet sive partus doloribus discrucietur, peperit. Non hercle de Messia vestro; sed de Hierosolymis proprie intelligendus est: quemadmodum evidentius ex his, quæ sequuntur, verbis patet. Quis unquam audivit simile? Quis unquam vidit simile? An terra uno die parturiet? An gens una vice nascetur? Mox subicitur: Lætamini cum Hierosolymis &c. Si hæc verba de Messia vestro dicta essent, quamnam admirationem excitabunt, aut quodnam novitatis monstrum inducere possunt hæc jam supra dicta? Quis unquam audivit simile? Quis unquam vidit simile? Quisnam sanæ mentis dixerit, novum, aut monstruosum esse; unum hominem uno die nasci, præcipue, qui ex parte Deus, aut Dei filius esse, dicitur? Imprimis cum verba illa continuo subsequantur. An una vice nascetur gens, quia parturivit & peperit Zion filios suos? Quidnam verba illa: An una vice nascetur gens, ad Messia vestri negotium conferunt, quibus futura errantium Hebræorum congregatio innuitur? qua scilicet universi divina virtute, uno quasi momento subito congregabuntur, tum enim dicturi sumus: Quis simile unquam audivit? Quis simile unquam vidit?

L I

Et

Et quonam sensu eodem cap: versu 13. diceretur: Et Hierosolymis consolationem accipietis? Quæ sanctissima urbs nato quidem Messia sive Christo vestro, nullam plane accepit consolationem; imo contra funestissimo fato afflictæ a fundamentis diruta, soloque æquata fuit. Tum Hieronymus ait: Vobis Thalmudis sententias inficiantibus sacrarum literarum Oracula producam, quæ negare certe vobis religio erit. Ecce in sacra lege vestra in hunc modum Gen: XLIX versu 10 scriptum est: Non recedet sceptrum a Juda, neque legislator a pedibus ejus, donec veniat Silo, & ei aggregatio populorum. Quæ verba, donec veniat Silo, à Jonathane interprete ita sunt reddita: donec veniat Messias. Ecce neque sceptrum, neque legislatorem habetis; quomodo itaque constabit Oraculi fides; si, cum recesserit jam sceptrum, nondum etiam venerit Messias? Respondet M. Astrocus: Principio diximus, sacrarum literarum versus atque majorum sententias, quæ variis explicationibus obnoxie quoquo versum flecti possunt, stabilizandæ religioni parum certa atque firmâ argumenta suppeditare. Tu verò, Doctissime Hieronyme, varias hujus ancipitis Oraculi explicationes Aben Esræ, atque aliorum sapientum, tam veterum, quam recentiorum, ignorare non potes. Quibus
& nos

& nos, modo audire libeat, alias etiam adjiciemus: Prima vero, quam Oraculum ferre potest, explicatio hæc est. Non recedet sceptrum a Juda: nempe recessione perpetua, modo enim sceptrum, hoc est, Regem ex Juda habituri sunt, modo nullum habituri sunt Regem: & rursus tamen rerum potiti regnabunt, qui regni status usque ad Messiae tempora durabit: Veniente enim, quem nos expectamus, Messia, regnum nostrum Judaicum stabilietur in perpetuum, neque amplius temporum iniquitati & vicissitudini rerum obnoxium erit. Altera hujus Oraculi explicatio hæc sit: Non recedet sceptrum a Juda, neque legislator a pedibus ejus in æternum, quia veniet Silo, qui est Messias, & ei aggregatio populorum. Fundatur autem explicatio hæc in accentu, qui Hebræis Jatib appellatur, qui voculaו AD subjectus, sententiam sistit, adeo, ut illa per se gemino significato pollens, D O N E C ut supra: & I N Æ T E R N U M, uti modo diximus, reddi possit. Proinde explicatio hujus loci talis emergit: Non recedet sceptrum a Juda in æternum; quia veniens Silo, qui Messias est, imperium Judæ ablatum est redditurus. Ad hæc Hieronymus respondet; quænam rerum necessitas nos cogit, ut accentibus fidem habeamus, cum lex ipsa sine accentibus data primum

fuerit? Tum clarissimus Vidaeſ ait: o ſapientiſſime Hieronyme, quam facile credis ea, quæ tuæ ſententiæ ſuffragantur: quam difficulter vero ea, quæ illi refragantur! Sed & tertiam huius loci explicationem addamus, ubi vox illa עַד AD eundem habet ſignificatum, quem in verſu 15 Cap. xxviij. Gen. tenet: כִּי לֹא אֶעֱזֹבְךָ עַד אֲשֶׁר אֶעֱשֶׂה אֲשֶׁר דִּבַּרְתִּי לָךְ Quia non deſeram te, niſi fecero, quod tibi locutus ſum. Num putas germanam atq; veram huius loci hanc eſſe ſententiam, Deum præſtitis ei, quæ locutus erat, beneficiis, Jacobum poſtea velle deſerere? Haudquaquam: Hic enim locus benignius eſt accipiendus: perinde ac ſi Rex, aut alius quiſpiam ſervo ſuo dixerit: Non te deſeram, niſi magnum aliquem ducem te fecero. Mens equidem haud eſt, ſe poſtquam ſervum ſuum virum magnum, aut ducem effecerit, inde illum proſus deſerturum eſſe. Ita etiam hæc verba accipi poſſunt, ſcilicet: Non recedet magiſtratus, aut imperium Hebræorum, niſi nobis felicia illa ſurgant tempora, quibus venturus eſt Meſſias, cui aggregatio populorum. Neque tum etiam, veniente ſcilicet Meſſia, imperium noſtrum auferetur, quemadmodum nec DEUS, præſtitis Jacobo, quæ promiſerat beneficiis, continuo eum deſeruit. Ad hæc Hieronymus inquit: Quid veſtræ credam explicationi,

tionem, nonne satius est, me fidem habere explicationi illi, quam Moses Orator, cui vestra lingua Hadarschan cognomen est, scriptam reliquit: & M: Salomo Isacides in interpretatione sua adduxit, quam interpretum ille primus Salomo Isacides ab ipso haustam, ejus nomine posteris ingenue transmisit. Non recedet sceptrum a Juda: per verba a Juda, Senatorum Curia, Hebræis לשכת הגזית *Liscat Hagasit* appellata intelligitur: ut quæ in Judæ territorio erat. Per sceptrum ipse senatus, id est, septuaginta Patres, sive Synedrium intelliguntur. Remoto itaque senatu, remotum Judæ sceptrum esse creditur: Quo nihil aliud, quam Hebræorum synedrium signatur. Responderunt legati: ingenio certe parum assequi possumus, quale ex hac explicatione argumentum proeundere velis. Deinde Moses hujus explicationis autor; non Thalmudicus aliquis magister; sed orator quispiam fuit. Præterea neque talis, quam pro tuo ingenio profers, ipsius est sententia; quin ita Jacobum filiis suis dixisse legimus. (Hic abrupta est Oratio.) Huc usque disputationem illam literarum monumentis perscriptam inveni. Fama est, legatos illos inde discessisse non sine glôria, cum tamen, cum conventibus salutem anxie anhelantibus, non paucas calamitates tum temporis sustinuerint.

· · · · · XLI. Pontifici maximo Marco Florentino monachus quidam ejusmodi quæstionem hunc in modum proposuit. Maxime Pontifex, decetne virum sanâ mente præditum, quid te sanctissimum Pontificem dicam, amare exosos DEO, Deumque perosos? Respondet Pontifex: Ex istis vitiis alterutrum certe satis magnam vim habere videtur, ad concitandum mortalium contemptum atque odium, quid igitur dicam, si hæc duo gravissima crimina, Deo scilicet exosum esse, Deumque odisse, in uno homine concurrant. Tum Petrus, quid causæ ergo est, quod amas gentem Hebræorum, Deo hominibusque invisam? Respondet Pontifex: quibus tibi indiciis liquet Petre, me Hebræos amare? Tum ille: quia terras tuas incolunt, earumque fructibus, ut cives tui victitant, hic quæstum exercent, hic rem faciunt. Pontifex maximus ait: Quo argumento probaveris Petre, Hebræos Deum odisse? Num tibi verisimile esse videtur Hebræos odisse Deum, qui adeo longis, asperis atque difficilibus erroribus huc atque illuc jactentur, nullo certe alio, quam servandæ legis sibi a DEO præscriptæ studio? Num vidisti unquam gentem Dei amantem, quæ pari errorum tædio per mille annos, aut plus eo vexata, tandem malorum pertæsa,

pertæsa, non legem suam fastidierit, eamque abjecerit? Quod autem Judæos Deo invisos esse dicas, id vero probare non possum: vagantur illi quidem incertis sedibus, dicendum enim quod res est, nulli tamen a summo Numine concessum, ut errones istos opprimat, aut malis artibus circumventos pro lubricine sua extirpet. Neque unquam illis læta aut prospera domi res fuit, qui gentem Hebræam simili, ac tu nunc machinatione es usus, evertere conati sunt, scio tamen tuî similes fuisse complures, qui Hebræorum exitio imminentes, id unum agerent: ut apud principes, Reges, eorumque consiliarios in odium adducti, publici furoris victimæ fierent. Monachus Petrus responder: Infelices certe fuerunt, in hoc conatu, neglecto Servatoris præcepto, quo eos tangi vetat. Quæ verba mentem suam quidem habent; sed certe non eam, quam vulgus existimat. Pontifex ait: arbitrarisne Christianos ideo infelices fuisse, quia Christi præceptum, ne illos attingerent, fulque deque habuerunt? An vero putas, eos qui ante, aut etiam post Christi tempora in variis locis, in quæ Christi notitia nondum pervenerat, Hebræis injuriam fecerunt, feliciores & impunitos fuisse? Incredibile dictu est; quam late gens Hebræa dispersa fuerit. Legimus enim in antiquis

tiquis Annalibus, diffusam fuisse per Germaniam, Mauritaniam, Mysiam, Hispaniam, Galliam, Africam minorem, Æthiopiam, quasdam Asiæ partes, uti Persidem, aliasque oras. In dictis locis omnibus gentem Hebræam adorti, una cum lege & nomen gentis ex hominum memoria delere voluerunt; sed omnia ista consilia irrita & vana fuisse. In ipsa Media quidam ex primatibus, alioquin satis astutus, genti Hebrææ exitium est molitus; sed hoc infelicis sui moliminis tulit præmium, ipse una cum filiis in crucem actus est. Monachus Petrus respondet: Haman, quem dixisti, non actus in crucem est Judæorum causa; sed propter libidinem, qua Regina concubitum appetiverat. Pontifex ait: Miror equidem, te nondum nugas istas dediscere posse, quibus Judæus olim es innutritus: quid videtur tibi? Estne verisimile virum, cui Rex & Regina succensent, luce palam, præsentibus regiis ministris, simili luxuria, ingentibusque libidinis undis circumfluere potuisse? Quod si tibi mecum colloqui placet, ejusmodi nugis atque anilibus fabulis abstinendum erit. Ad hæc monachus Petrus: Verum est Maxime Pontifex, nostrarum virium haud esse, ut Judæos prorsus evertamus, præsertim cum hoc divino confirmentur privilegio

Levit.

Levit. cap. xxvi. versu 44. Non reprobavi eos, neque abominatus sum eos, ut illos consumerem. Non quidem ita Judæos reprobavit, ut eos ad unum perdat; sed ut illos variis miseriis atque calamitatibus exercitos, ad vitæ frugem reducat: Eatenus enim eos rejecit, quod ipsum testantur miseriæ, quibus semper acriter divexantur. Pontifex ait: Miseriæ equidem Judæos Deo invisos atque rejectos esse haud arguunt: Constat enim nos ex quatuor elementis compositos esse, quæ elementa in ipsa etiam compositione pugnantem ubique naturam retinent, experientia certe docemur, quod si alterum altero superius est elementum, tum certamine orto, illud quod potentius est, infirmius depasci atque in suam naturam convertere studet. Nobis exemplo esse poterit ignis, qui nisi obstiteris, late exuret atque vastabit omnia. Aqua terram superans eam diluit, atque dissolvit. Aer aquam haurit, atque in suam naturam convertit. Eodem modo sese res habet in feris, avibus atque piscibus, quicunque altero potentior est, inferiorem hiatu absorbet. Neque aliter res comparata est cum gentibus, superior enim inferiorem aut delere, aut sibi subicere studet. Ita enim humanum ingenium esse solet, ut semper regna atque imperia meditetur. Ipse ego, si

M m

aliis

aliis obſtare poſſem, quo minus in hoc terrarum orbe regnarent & dominarentur, præter me certe regnantem videres neminem: omnes enim animi & ingenii nervos huc intenderem, ut ſolus rerum dominus eſſem. Sic etiam Hebræi mala, quæ patiuntur, non irato Deo; ſed nobis, qui illis ſuperiores ſumus, adſcribere debent. Monachus Petrus ait: Quid obſtat, Maxime Pontifex, quo minus vere dicere poſſis: Judæos his aſperſimis erroribus ſcelera ſua olim commiſſa luere? Reſpondet Pontifex: Luunt illi quidem iſtis erroribus ſcelera ſua; ſed non minus & hoc quoque accedit, quod nos illis ſuperiores, multarum calamitatum iſtis autores ſumus. Verum ut tibi, quod res eſt, verbo expediam: noli mortalibus, qui nullis malis exercentur, invidere felicitatem ſuam, neque illos eo nomine Deo chariſſimos eſſe arbitrator; quod enim ſecundo vento navigant, indicio eſt, eos nondum vitæ ſuæ crimina expiaſſe: periculum eſt, ne ultima eorum tempora magnis calamitatibus ſint infeſta. Quin e contrario infelicibus triſtia ſua fata invidetas potius, qui olim lætiora tempora viſuri ſunt; ut ſacræ literæ Pſalmo xxxviii: verſu 37. pronunciant: Obſerva hominem perfectum & vide rectum, quia noviffima illius tempora pax ſunt. De
impiis

impiis vero versu 35 ait: Vidi impium fortem & virentem lauri instar viridis, & transivit & ecce non fuit; & quæsiui eum & non est inventus. Ad hæc monachus Petrus ait: Quomodo, sanctissime Pontifex, perferre potes istam gentem, quæ nos acerbissimis conviciis proscindere & lacerare, quinetiam diris devovere non desinit? Ajunt enim, nos Christianos jure interficiendos esse. Deinde & mortem nostram tristi infamia notant: nos interfici debere, quod sentiant, disertis hisce in Thalmude verbis palam ostendunt טוב שבגויים הרוג Optimum inter gentes interfice. Quod vero mortem nostram tristi infamia notant, hinc parer, cum dicunt: Pudore affecta est mater vestra, valde erubuit genitrix vestra. Ecce novissima gentium erunt desertum, siccitas & solitudo: Quibus certe verbis, nobis acrior contumeliæ nota inuri non potest. Respondet Pontifex: memini me olim hujus sententiæ mentem: Optimum inter gentes interfice, ab ipsis Judæis accipere. Horum vero verborum: Pudore affecta est mater vestra, erubuit genitrix vestra: Ecce novissima & quæ sequuntur, veram explicationem nunquam audiui. Cum igitur sese jam forte ultro obtulerint, operæ pretium mihi esse videtur, illa amore veritatis paulo altius

indagare, quo veram germanamque sententiæ mentem certius cognoscamus. Accersimus itaque duos legatos illos, qui me adituri heri huc pervenerunt: & audiamus, quæ illorum de his verbis sit sententia. Accersiti itaque sunt legati, qui erant viri clarissimi Samuel Abrabalia & Salomo Levita. Quos præsentem Pontifex Maximus his verbis est affatus. Verumne est, in Thalmude vestro scriptum extare טוב שבגויים הרוג? Optimum inter gentes interfice? Responderunt illi: Extat verò, Maxime Pontifex; sed a majoribus nostris accepimus, omnia illa, quæ ad jus pertinent, aut sacras literas exponunt a Rabina & magistro Asio scripta esse; qui ipsi Thalmud composuerunt: Cætera vero a commentatoribus scripta, qui firmandis illorum sententiis, ea Thalmudico operi interfuerunt. Nos vero cum Thalmud conditum primum accepimus, parum certe ad verba illa attendimus. Pontifex inquit: Ut ut est, ita tamen in Thalmude vestro scriptum extat, & certe qui contendere velit, quod vos contenditis: Commentatores ea Thalmudico operi inservisse, ille, aut oculos hujus rei testes, qui viderint, afferat; aut alio evidenti argumento evincat, necesse est. Proinde vos mihi veram hujus sententiæ mentem decla-

declarabitis, nam si verba spectes, sententia mihi crudelis & sanguinaria esse videtur: adeo ut Judæi, qui regnum meum incolunt, mereri videantur, qui improbæ hujus sententiæ dignas pœnas luant. Tum clarissimus Salomo Levita inquit: Maxime Pontifex, veteres hanc sententiam ita sunt interpretati, ut eam de severa justitiæ administratione, qua cæteræ gentes homicidas præcipientes ad supplicium rapiunt, intelligi voluerint, eamque oppositam esse dixerunt remissa nostræ Hebræorum justitiæ, qua plerumque homicidæ grassantur impune: Rapiendis enim inter nos ad supplicium homicidis, adducendi primum sunt testes, qui nisi furibundum homicidam, ne cædem admitteret, minis increpitum deterruerint, vestes, arma, cæterasque circumstantias, imo singulas minutias diligenter observaverint, homicida nullo affici poterit supplicio. Præcipue vero contrariam eam esse dixerunt illi sententiæ, quam nonnulli præclari nominis viri his verbis prodiderunt: Quodsi nos judicium nostrorum tempore vixissemus, nullus unquam mortalium ob admissam cædem capitis damnatus fuisset: metuentes scilicet, ne forte, qui interfectus fuit, lethali aliquo morbo jam ante vulnus acceptum laboraverit: qui, cum

illi morbo certò occumbendum fuisset, mortuo similis esse censetur, adeo ut homicida non sanum atque valentem, id est adhuc vere hominem; sed moribundum interemerit. Atque inter nos, qui moribundum occidit, legibus nostris ad supplicium rapi nequit. Cæteræ vero gentes præviderunt fore, uti homicidæ temporum lapsu peccandi licentia atque impunitate paulatim invalescerent: nam si hæc manifesta scelera & homicidarum rabies ad curiosissimi examinis trutinam semper revocanda esset, impune fere grassarentur, & subinde tristes mortalibus strages ederent. Hinc illæ suspicionibus & conjecturis ductæ, homicidas capitis pœna coercent, ut cæteris tremendum exemplum statuant: adeo ut nihil aliud inter gentes optimum esse dicatur, quam severa justitiæ administratio, & supplicium capitis, quo homicidæ commissas cædes luunt. Neque etiam verba illa, ut imperantis, quemadmodum Petrus ea accepit; sed ut infinité loquentis, accipienda erunt. Scilicet optimum inter gentes sive Christianos est interficere: Non vero quasi imperent: Interfice eum, qui optimus est inter Christianos; intelligenda hæc sunt. Sed infinita est illa loquendi formula, quasi dicas, Optimum inter gentes est interficere. Adeo
ut.

ut si quis rem paulo diligentius perpenderit , hæc sententia cum Christianos interficiendos esse nequaquam pronunciet , haud sane dura & truculenta illis videri possit , sed e contrario gloriosa & honorifica , ut quæ laudes ipsorum deprædicet. Optimum enim & præclarissimum hoc inter gentes esse dicit , quod virtutis & justitiæ studio dediti , ita severi scelerum sunt vindices , ut latâ sententia facinorosos continuo ad supplicium rapiant & dicant , hunc ob hæc sua scelera supplicio afficite. Ad hæc Pontifex ait : si Magistri Thalmudici in eadem , qua hi , fuerunt sententia , scilicet homicidam Job factam eadem nullo supplicio afficiendum esse , quia interfectus funesto aliquo morbo laboraverit , quo illi nihilominus obeundum fuisset ; sine dubio omnes errarunt , atque sapientum nomine indigni sunt. Quis enim mortaliū non perspicit , hanc ineptam & plane perniciosam esse opinionem , ut qui manifestus cædis est , tam futili argumento supplicium capitis evadere possit. Sed his magister Salomo Levita ita respondet : Maxime Pontifex , jam pridem sacrum Oraculum in hunc modum pronunciavit Amos cap. III : vers 2. Tantum vos cognovi ex omnibus gentibus terræ , idcirco visitabo super vos omnes ini-

iniquitates vestras. Quicumque enim terreſtre tribunal effugit, neque hic ſclerum ſuorum pœnas dat, certe cœleſte illud tribunal non effugit. Nobis equidem hæc a majoribus noſtris tradita fuerunt: Eos, qui propter commiſſa ſclera a tribunali terreſtri ſupplicio afficiuntur, crimina ſua prorsus diluere & expiare. Neque eos, qui terreſtris tribunalis ſententiam ſubterfugiunt, cœleſtis ſubterfugere poſſe: quin hoc ſubterfugium illos in triſtiora fata præcipitat, tum enim cœleſtis illa cenſura omnino eſt ſubeunda, atque ipſo ſupplicio triſtiora longe mala perferenda erunt. Pontifex ait: hoc quod adduxiſtis, argumentum ſuum pondus atque momentum habet, nihilominus tamen hoc poſtulat neceſſitas, ut in hac vita humana etiam juſticia ſancte adminiſtretur, quo metu pœnæ ſclerati homines a peccando retineantur. Tum monachus Petrus inſit: o Maxime Pontifex, quam aſtute & vaſte tibi verba dant Hebræi, falſa pro veris obtrudentes! cum tamen ſequentia verba: Optimus inter lanjos, eſt Amaleci ſocius, ſatis clare demonſtrent, hæc non in gloriam; ſed noſtram infamiam improbe dicta eſſe. Uti enim hæc verba intelliguntur, ſic etiam ea, quæ ſupra laudavi: Optimum inter gentes ſive Chriſtianos interfice; intelligenda ſunt. Ad hæc Salomo

Iomo Levita ita respondet: Quod attinet ad verba
 illa: Optimus inter lanios Amaleci est socius; ea
 hanc mentem habent: Lanius crudelis esse debet,
 ut Amalecus fuit contra Hebræos, alioquin nul-
 lum unquam mactabitur animal. Dicitur & in eo-
 dem loco: Optimus medicorum ad Tartara. Mens
 est, optimus medicorum sibi semper hiantia Tartara
 ob oculos ponere debet, ne dum servare studet,
 mortales interimat. Proinde in præscribendis medi-
 camentis omne studium ponat, & pro salute ægro-
 tantium sollicitè excubet. Quid vero præstantius
 esse potest, quam quod medicus, Tartarorum metu
 atque horrore, in quæ alioqui se præcipitatum iri ex-
 istimet, omne studium omnesque animi nervos in
 curandis ægrotantium morbis intendat. Deinde Pon-
 tificex Maximus ait: Quid vero ad illa verba respon-
 debitis, cum Jeremiæ capite I: vers 12. ita dicitis:
 Pudore affecta est mater vestra valde, erubuit geni-
 trix vestra: ecce novissima gentium erunt desertum,
 siccitas & solitudo? Cui clarissimus Salomo Levita
 respondet: Mirari equidem satis non possumus, Pe-
 trum ex gente nostra ortum, sibi, quæ notissima sunt,
 quærere: sed nihil est aliud, quam quod malis ma-
 chinationibus exitio nostro imminens, tibi Pontifici
 probare velit, se vere Christianum esse: hinc o-

N n

mnis

mnis generis machinis & malis artibus contra nos Hebræos utitur. Sed ad verba ipsa accedamus, quæ universim omnes homines, tum Christianos, tum Hebræos complectuntur, & infelicissimam matrem eorum perstringunt. Adeo ut horum verborum: Pudore affecta est mater vestra, talis emergat sententia. Confusæ sunt matres vestræ, quarum proles sepulta est; incredibiles enim labores & multa tædia in educandis liberis suis devorarunt: ultimum vero laboris, tædiorumque suorum fructum & finem, desertum, siccitatem & solitudinem habent. Vera autem sententiæ mens hæc est: respectu corporis in hoc mundo nihil stabile atq; æternum esse; sed omnia vana, fluxa, & in pulverem abire. Anima vero, si ad veræ virtutis normam actiones suas direxerit, quin ad æternas beatorum sedes feratur, nemo est, qui inficias ire possit. Atq; hoc illud ipsum est, quod nobis posteris Moses Ægyptius scriptū reliquit חסדי אומות העולם חסד ישראליהם חלק לעולם הבא Pios ex quacunque gente fuerint, vitæ æternæ participes fore. In hac ipsa etiam fuit sententia sapiens quidam cum Rege Cosroe controversiam habens, cujus verba hæc sunt: Nos nulli mortalium, nulli genti, sive nationi bonorum suorum operum præmia negamus atq; subtrahimus. Quomodo igitur præceptum nobis erit, ut vobis Christianis illu-

illudamus dicentes: Pudore affecta est mater vestra valde, erubuit genitrix vestra, ecce novissima gentium erunt desertum, siccitas, & solitudo. Ad hæc Pontifex Maximus ait: Nonne dixistis: Ecce novissima gentium erunt desertum, siccitas & solitudo? Quid enim gentium voce, nisi nos Christianos signatis? Tum Clar: Samuel respondet: Haudquaquam Maxime Pontifex, nonne divinus ille vates Esaias de nobis ipsis Hebræis ita etiam pronunciavit cap. 1: vers 3. Cognovit bos possessorem suum, & asinus præsepe Domini sui, Israël non cognovit, populus meus non intellexit: Væ GENTI peccatrici, populo gravi iniquitate, semini malorum, filiis corruptoribus & quæ sequuntur. Hinc monachus Petrus denuo Judæos acriter urgere cœpit, donec tandem Pontifex Maximus in hæc verba erumperet: Ex eo quidem certum argumentum peti nequit, Judæos DEO esse invisos, quia multis malis obnoxii incertis sedibus passim vagantur & errant. Imo e contrario charos acceptosque DEO esse existimandum est. Nonne sibi DEUS victimas legit animalia illa, quæ rapacium ferarum injuriæ & crudelitati obnoxia sunt: velut agnos, turtures, columbas? Non vero leonem, accipitrem, aquilam & corvum, quæ uti feræ rapaces cæteris insidiantur,

tur, & innoxia dilaniant. Tum monachus Petrus, DEUS ea victimas elegit animalia, quorum in promptu semper copia erat, quemadmodum Judæis in festo tabernaculorum quatuor illa germina præscripsit, quia in Palæstina vulgo nascerentur. Ad hæc Pontifex: Quod si res est, ut dicis, oportuit Deum victimas eligere gallinas, quæ cum domestica sit avis, parata semper adest: sed fortassis objici possit, gallinas omnis generis infecta rapacium more devorare, atq; sic aliorum etiam vitæ insidiari. Tum monachus Petrus inquit: Omissis hisce levibus ad ea, quæ graviora majorisque momenti sunt, transeamus. Quare non exuri jubes, Maxime Pontifex, libros illos, in quibus hæc verba: Pudore affecta est mater vestra, & quæ sequuntur, scripta extant? Pontifex servis suis præcepit, ut aulae fenestras clauderent, quibus diligenter clausis, Pontifex monacho ait: Prospiciat mihi nunc aliquis, utrum Sol foris sit ortus. Prospicientes servi narrant, universum terrarum orbem Solis splendore collucere. Tum Pontifex Petro: uti cum Solis splendore, ita etiam cum Judæorum libris res comparata est, quid enim prodest, me Judæorum libros, quos in regno meo habeo, exurere; cum totus terrarum orbis scriptis illorum scateat atq; abundet? His dictis monachus abiit. Tum Pontifex Maximus
ad

ad legatos conversus ait: O amentem Hebræorum gentem! quare non cæterarum gentium gratiam captantes obsequio mitigatis imperia? nonne luculentum vobis in arundine videtis exemplum? quæ vehementissimis venti flatibus sese submittit, quæ ipsâ submissione salva infraque statim resurgit. Quod etiam illi, qui mare navigant, imitantur, si enim irruentibus fluctibus cedant; salvi evadunt: si vero fluctuum montibus obniti contendant, aquarum mole obruti misere pereunt. Præsertim cum illud ipsum idem sit, quod vobis magistri vestri Thalmudici adeo sedulo inculcant, præcipientes: semper homo mollis & facilis sit, ut arundo: non vero durus & difficilis, ut cedrus. Cujus sententiæ hæc mens est: Arundo submissione sua semper infra & salva consistit: rigida vero cedrus ob suam duritiem ventis cedere nescia, fracta dejicitur, & horribili fragore prostermitur. Ad vos itaque Judæos hæc sententia pertinet, quos imprimis submissos esse decet, si quid credimus Thalmudicis vestris magistris, qui solos Judæos, non vero cæteras orbis terrarum gentes, homines vocari tradunt: sed mihi dicite obsecro, quæ in re vos nobis ipsa humanitate sitis præstantiores, quod vos Hebræi soli, non vero nos Christiani etiam homines dici mereamini?

Nn 3

Ad

Ad hæc verba Clariss. Salomo Levita respondebat: Hæc Thalmudicorum verba, maxime Pontifex, non ita intelligenda sunt, ac si nos Hebræi vobis Christianis ipsa humanitate præstemus; sed ea accipienda sunt de erroribus nostris, quibus incertis sedibus infelices passim vagamur & aliorum imperio obnoxii, ut ventis undæ fluctuantes, ita miseriis impellimur, ut merito homines dici debeamus, primo hominum parenti Adamo similes, qui uti propter admissa crimina ex Paradiso fuit ejectus, sic etiam nos, patriis sedibus quasi altero Paradiso, Palæstina inquam, pulsî sumus: & Hierosolyma, sanctissimamque ædem, decus nostrum amissum infelices homines deploramus. Pontifex maximus ait: Arabes tradunt: Nullum montem aut clivum adeo esse excelsum, quin humanis vestigiis conscendi possit: neque mare adeo esse profundum, quin quis ipsius abyssum emissâ bolide metiri queat: perspicere vero & convertere cor hominis, nullius est, nisi solius Dei, qui omnia corda novit. Illa enim verba superius allegata fastum atque superbiam Thalmudicorum magistrorum sapiunt, qui uti auribus vestris blandirentur, hæc vobis ita pronunciarunt: Vos quidem Hebræos, non autem cæteras orbis terrarum gentes, homines esse. Tum legatorum

gatorum quidam respondet : Hæc non , maxime Pontifex , Thalmudicorum blanditiæ ; sed diserta divini vatis oracula sunt Ezech. cap. xxxiii : vers 31. Vos autem oves meæ , oves pascui mei , homines estis : Ad hæc Pontifex maximus ait : O factuum te & delirum hominem ! Non tibi hercle hic cum fungo , sed cum viro sapiente res est , quem nec arte , nec fraude decipere possis. Vatis enim verba. Vos oves meæ , oves pascui mei , homines estis : in hanc mentem accipienda sunt. Nolite existimare me , quamvis vos oves meas vocaverim , crimina vestra , ut ovium æstimaturum esse : quia non oves veræ , sed homines sana mente & ratione præditi estis. Vos autem oves meas voco , quia non aliter vos , ac pastor aliquis oves suas pascit & curo. Sed quis mortalium contumacissimos vos pascere , & in officio continere potest ? Audivi enim Regem quendam edixisse vobis , ne in ædibus vestris Solis simulacrum fingeretis : quid vero versipelles egistis Hebræi ? Solis imaginem in portarum valvis intus delineastis , dimidiam ejus partem in unis , alteram in alteris valvis describentes : adeo ut clausis valvis , integra Solis imago existeret , cui flexis genibus venerabundi thura atque odores adlevistis. Si quis vero simulacrorum censor interveniret,

niret, qui foribus apertis dimidiatam Solis imaginem forte deprehenderet, ille propter truncatum & mutilum simulacrum, haud operæ pretium esse arbitrabatur, quenquam ad supplicium rapere. Deinde nonne impia & scelerata Judæorum pervicacia ex hoc exemplo clarissime cognoscitur, quo divinissimum illum vatem Zachariam, crimina & scelera vestra acrius perstringentem, in ipsa æde sanctissima, præter jus & fas foede obtruncastis? Cum e contrario inter nos illi, quicquidem forte commiserint, in sacram ædem ceu in asylum confugiant: unde illos abstrahere quidem, grande & morte piamdum nefas censetur. Audivi etiam vos Hebræos publice in precibus vestris orare solere. Perstet bona fama, & magnificentia nostra! Sed quam bene rebus vestris consulturi essetis, si supplices exclamaretis, perstent Hebræi exules, omnibus gentibus spreti contemtique! Quibus sane verbis animi vestri fastum egregie comprimeretis, & non nihil humanius de vobismet ipsis sentiretis. Ego quidem, si mihi Hebræi vere describendi essetis, vos hoc colore ad vivum depingerem: Similes vos esse dicerem seni decrepito, qui cæcutientes & caligantes habet oculos, manus invalidas, pedes tremulos atque os edentulum, quem ipsum etiam sepulcrum, si illi
concessa

loquendi facultas esset, appellans altâ voce, ad inferos abeundum esse, hortaretur. Quânam mente dicitis: Perstet bona fama nostra: Cum eam male partis divitiis, fœnore & mille fraudibus identidem profligeris? Cavete vobis, ne quas paulatim corraditis divitias, uno impetu gentes per rabiem vobis ereptum eant. Cavete inquam, ego enim unus Pontifex; sed si decem hominum millia, ex numerosa plebe coërta, armis subito correptis, vos furibundi invadant, jam decem millia Pontificum existunt; furens enim concitatæ plebis rabies neminem agnoscit Pontificem. Quibus serio & apte dictis legatis lacrymas excussit. Tum Pontifex maximus ait: Nolite flere, quia vos habitâ jam oratione forte levius perstrinxi; sed flete potius admissa scelera vestra, & artes ubique terrarum nimium notas. Responderunt legati: Nos quidem maxime Pontifex flemus, quia miseris hominibus fletus quædam voluptas est, lachrymis expletur dolor atq; egeritur. Ecce monachus iste Petrus, ex gente nostra ortus, famam nostram lacerat, & nos ita turpiter traducit; neque quisquam est, qui causam nostram suscipiat. Similes certe sumus avi, quam fera rapax, morsu laceratam pedibus ferociter proterit, & unguibus dilaniat. His ita loquentibus revertitur monachus, qui legatis ait: Transite ad sacra nostra,

O o

tum

tum non amplius proteremini; sed ipsi alios prote-
retis. Responderunt legati: Certumne es Petre, te
olim beatis coelorum sedibus inferendum, æterna-
que piorum felicitate potiturum esse? Petrus inquit:
Ita vero omnino arbitror. Ad hæc legati ajunt:
quod si ita omnino arbitraris, tum nos læti luben-
tesque potius in Tartara ruamus; quam in æternis
beatorum sedibus tecum una degamus. Quibus ver-
bis monachus vehementer est irritatus. Tum Pon-
tifex Maximus inquit: Hoc est præmium illis, qui
inconsulti consilium aliis dare volunt. Tu ipsis non
rogatus ultro consilium dedisti, ut Christianis sa-
cris accederent, jam vero tibi pro consilio isto hanc
gratiam referunt. Sed his missis quæro ex te, quid
sibi velint verba illa, quæ antea adducta fuerunt.
Vos homines vocamini, non autem gentes cæteræ.
Num Judæi nobis forma corporis aut fortitudine
animi præstant? Monachus responder: Noli, Maxi-
me Pontifex, hæc sola Magistris Thalmudicis
inepte & maligne dicta esse arbitrari, omnes expli-
cationes illorum similibus ineptiis & anilibus nugis
scatent. Ecce per hosce legi dies, Thalmudicos
magistros scribere: Candelam ponendam esse in
pavimento ædium, quæ cadavere funestæ sunt.
Cujus rei hanc rationem esse tradunt: ut candelæ
lumine

lumine viam monstrante, vaga anima, si forte velit, domum invenire & in relictum cadaver reverti possit. Num anima, quæ lux & flammula ipsa est, aspectabili illa candela & face indiget? Præterea etiam anima, postquam membra semel reliquit, nunquam ad gelidum cadaver remeare solet. Deinde vidi etiam Judæos, quando funere deducto ex sepulchreto revertuntur, gramen terramque avulsam capitibus suis inspergere, dictitantes: Gramen illud & pulverem Angelum mortis profligare & propellere. Si vero quis naturam altius scrutari velit, quid Angelo mortis cum ipso gramine rei est? Narrant tertio, mortuum omnia audire, quæ de eo sermonibus feruntur, quamdiu nondum terra conditus fuerit. Sed clarum atque manifestum est, cadaver sensibus ademptis nec audire, nec videre. Quartum, quod tradunt, hoc est: Jonathanem sapientem, quando legi divinæ invigilabat, igneâ quadam virtute omnes supervolantes aves exussisse: Et si ipsum ignis elementum nihil exurere potest, nisi res exurenda proxime admoveatur, quomodo igitur sonantia ipsius verba in ignem & flammam verti, atque longo intervallo distantia avium corpora exurere potuerunt? Hinc Pontifex Maximus ad legatos conversus, eos ad interrogata respondere jubet.

Respondit itaque clarissimus legatus in hunc modum: Quod ad primam illam sententiam attinet, quam in Thalmude scriptam monachus adduxit: Statuendam esse lucernam in ædium pavimento, ubi quis diem suum obiit, quæ oberranti animæ, domum forte reverti & gelidum cadaver repetere volenti, viam ipsa monstrare posset. Certe hic mihi somnium vidisse videtur monachus, hoc enim minime eo fit fine; sed antiquus mos & inveterata consuetudo genti huic est, quæ ad refutandas artes magicas & vanas superstitiones introducta & usu postmodum confirmata fuit. Vulgata enim inter veteres superstitiosa fuit sententia, scilicet, si quis inimicus defuncti manes discruciare velit, candelam in pavimento ædium ipsius collocaret. Quæ causa erat, quare nullam candelam in pavimento ædium statuerent. Huic tam superstitiosæ & frivolæ opinioni, quæ genti Æmoreæ propria fuit, majores obniti & posita in pavimento candela, reipsâ frivolam & inanem esse probare cœperunt. Quod vero ad alteram sententiam attinet, Judæos gramina evellere, in nonnullis etiam locis pulverem tollere & capiti inspergere solere: Hoc fit, primum ut lugentes solentur; eo enim factò signatur gloriosum resurrectionis tempus, quo nti gramen & pulvis capiti asper-

aspergendo in sublime tolluntur, ita olim defunctorum corpora sunt resurrectura: quemadmodum sacrum loquitur oraculum Esaiæ cap. xxvi: vers 19. Expergiscimini & cantate habitatores pulveris. Psalmo lxxii: vers 16. Florescent de civitate sicut herba terræ. Deinde hoc facto mortalium animi ad attentionem excitantur; & fastus retunditur; dum enim pulverem istum tollunt, sibi subicere & ad animum revocare videntur illud, quod Gen. iii: 19. sacræ literæ pronunciant: Pulvis es & in pulverem reverteris. Qui vero herbam evellunt, recordantur sententiæ illius, quam veteres dixerunt: Mortales sunt uti herbæ in agro, quarum aliæ florescunt, aliæ marcescunt & cadunt. Sequitur nunc tertia sententia, qua defuncti audire dicuntur, quamdiu cadavera illorum non terrâ obruta fuerint. Nos ita a majoribus nostris accepimus: Animam non meare ad sedes sibi in cœlis assignatas, quamdiu corpus insepultum jacet. Ita enim Salomo loquitur: Eccl. xi: 7. Et revertatur pulvis in terram, unde erat: & Spiritus revertatur ad Deum, qui dedit illum. Quæ verba Salomonis majores nostri ex ordine, quo scripta sunt, intellexerunt. Nam si Spiritus prius, quam corpus sepeliretur, ad æternas beatorum sedes migraret; Salomo verba illa ordine inverso pronunciaturus fuisset hoc modo:

Spiritus revertatur ad Deum, qui dedit illum, & revertatur pulvis in terram, unde erat. Sed Salomo hoc loco innuere voluit: Spiritum non redire ad locum, sibi in cœlis destinatum, quamdiu pulvis non reversus fuerit in terram, unde erat. Per quæ verba corpus sepeliendum esse intelligitur. Proinde ipsa anima res, quæ in hoc mundo geruntur, adhuc novit; perinde ac si quis dormiens somnium videat. Quapropter nos de viris justis, non ut de mortuis, sed dormientibus loqui solemus, dicentes: postquam obdormivit ille N. N. significantes, justorum mortem, nihil aliud, quam somnum esse. Quarta vero sententia: Omnes aves supervolantes, Jonathane divinæ legi invigilante, exustas esse, significat: Omnes ineptias & vanas opiniones in animum ipsius subvolantes, evanuisse; quando sapiens ille ad tractandam legem divinam accederet: veram enim sacræ legis mentem assecutus, quæcunque falsa erant, sapienter rejiciebat. Tum Pontifex legatos bene respondisse confessus, tu monachæ inquit, jamdiu sacra nostra amplexus hæc oblivioni tradidisse videris. Monachus inquit: Quomodo vero ista oblitus videri possim, qui ista ipsa ante triduum in Judaïco quodam libro legerim? Pontifex maximus ait: Nempe hoc erat illud, quod expi-

expiscarer, quid malum tuâ interest Judæorum scripta scrutari? Ex eo certe nihil conjici potest, nisi quod religionem Judaicam in animo tuo adhuc constanter foveas: & nisi ipse sacri ordinis pars esses, te exurendum darem; sed cave posthac in conspectum meum venias. Hinc Pontifici ad legatos converso, & quid peterent interroganti, respondent illi. Celare te non possumus Maxime Pontifex, judices edixisse nobis, ut scœnora jam a multis retro annis accepta reddamus; quod quidem fieri nequit, nisi liberos nostros in servitutem vendamus. Pontifex Maximus ait: jamdudum dixi vobis, quod sentio, ne tamen, cum ad petendum huc veneritis, plane frustra petivisse videamini, altera vobis scœnoris pars remissa esto, alteram partem restituite; ut si decem annorum scœnus a vobis exigant, quinque annorum scœnore reddito, satisfactum esse existimetis. Respondent legati: bene se res habet, Maxime Pontifex, modo res nostro stet juramento. Pontifex inquit: Euge, vos sine dubio, si quadraginta annorum scœnus fuerit, viginti fuisse dejerabitis: ut sic decem annorum scœnora reddatis. Quod si ea, quæ Deo vestro juravistis, non præstiteritis, quomodo ea, quæ Christiano jurabitis, præstituritis? Legati videntes, se parum in hac causa promoveri,

movere, aliam petitionem hoc modo proferunt: Habemus nos sacellum sacra Christianorum ædi proximum; jam vero Christiani terminos nostros transgrediuntur, quod tamen sine injuria fieri non potest. Cum sacellum nostrum sacra Christianorum æde longe sit vetustius. Atque nuper Regina nostrum sacellum & sacra Christianorum ædem præteriens admirabilem illam vicinitatem risit; cui ridenti consiliarius aliquis dixit: Serenissima Regina, hoc Judæorum sacellum & sacra Christianorum ædes jam per plurimos annos veluti geminae sorores concorditer perstant, neutra alteri injuriam facit. Respondit Regina, siquidem neutra alteram injuria laceffit, porro ita perstant, donec consenescant & corruant. Jam vero Maxime Pontifex, prætor sacellum illud dirui jussit. Pontifex ait: Prætoris est sententiam illam dicere & judicare, non vero Regina: quomodo enim portæ ædis Servatoris nostri proximi esse potestis, qui calumnias vestras in illum evomitis? Proinde sacellum vestrum e vestigio diruite. Responderunt legati: si Regina sacellum nostrum destrui jusserit, destruemus. Quibus verbis Pontifex maximus vehementer est irritatus, adeo ut præsulibus sub execrationis fulmine, Judæorum illud sacellum evertendum edixerit. Quibus etiam

am injunxit, ut Christianis scœnora ex judicum sententia restituerent. Salomo inquit: Hinc merito petant exemplum Judæi ad Reges legati mittendi, ut ea, quæ dicturi sint, diligenter perpendant, & omnia etiam verba ad æquitatis & modestiæ trutinam primum appendant, ne quid intempestivius effuriant. Neque existiment; sibi cum magistro suo in scholis rem esse, quem cum discendæ legis gratia ære suo alant, eoque nomine obnoxium sibi habeant, importunius appellare non verentur, etsi divino munere ali revera videantur, cum tamen humano labore partis sustententur, ab ipsis hominibus etiam ali quodammodo dici possunt. Celebratissima enim majorum nostrorum vox est: Sapientes laboris mercedem vitæ sustentandæ a plebe incondita accipiendo obnoxios plane reddi, exitiali bonis moribus exemplo. Deinde etiam Judæorum importunitas, ex prava cum rectoribus suis conversandi ratione nascitur: quæ ut abjectior est, ita omnem modestiam, reverentiam atque virtutem profligat, adeo ut vero rectore nostro remoto, nos vera disciplina &, quod majus est, omni virtute destituti simus. His accedunt turbæ & errores nostri, qui nullam quasi virtutis scintillam nobis reliquerunt, quod Jeremias in Lament. cap III: vers 2: deplorat inquam: Me Deus duxit, &

P p

traxit

traxit in tenebras, & non in lucem. His verbis: Me duxit: significat, Deum, ut ducem aliquem primis illis temporibus duxisse, eoque tum omni virtutum genere ornatissimos fuisse. Ultimo vero, cum tamen postrema mortalium tempora felicissima esse merito deberent: Me traxit in tenebras & non in lucem. Perinde ut aliquis equum aut mulum trahere solet. Proinde hæc præsentia tempora nostra, non lumen; sed tenebræ sunt: quibus omnis virtus & sapientia sepultæ jacent. His verbis: Me traxit in tenebras & non in lucem: Ostendit primis quidem temporibus nobis lucem fuisse; sed cum ea non in ultima tempora nostra perduraverit, quasi nunquam fuisse putatur. Certe si nos Deus primum in tenebras traxerit, mox ut dux aliquis in lucem eduxisset, aliquam nobis lucem fuisse dicendum foret. Nostros vero calamitates sequentibus hisce verbis expressit dicens: Profecto contra me; non contra mundi gentes conversus est Deus, ut me percutiat & verbera ingeminet. Verit in animum suam contra me tota die, senilem reddidit carnem meam & cutem meam. Hic quidem Jeremias a parte externa ordini & cutem carni præmittere hoc modo debuisset: Senilem reddidit cutem meam: & deinde ad partes internas progrediendum erat. Aut factò ab ipsis ossibus,

ut

ut parte interna initio, ad externa procedendum fuerat. Verum indicare voluit, malum in medio, in ipsis scilicet visceribus hærere, quod nonnunquam ulcere quodam enato foras prorumpit, adeoque dixit: Senilem reddidit carnem meam, & pellem meam. Nonnunquam vero malum altius penetrans, ipsa etiam ossa rumpit; hinc ita loquitur: Et confregit ossa mea. Sed ad propositum, unde digressus eram, redeo, pronuncians: Importunam illam conversandi rationem, quam Hebræi cum iudicibus sive rectoribus, & magistris suis exercent, hosce legatos nostros in profundos miseriarum gurgites præcipitasse. Neque ad proterviæ culpam deprecandam, aut salutem vindicandam, Clarissimo Salomoni sua sapientia, neque collegæ ipsius singularis prudentia quidquam profuere. Diligenter igitur notandum, & ad vitæ usum traducendum illud est; quod sapiens quidam elegantissime dixit: Quisque iis domi privatim assuescat, quæ foris publice usui sunt futura. Qui enim domi suæ nugis atque ineptiis assuevit, consuetudo illa, quæ paulatim in naturam abit, eum etiam publice nugari & ineptire facit. Huc si ne dubio illud pertinet, quod argute quidam dixit: In loco, ubi nulli homines sunt; virum te præsta. Scilicet ubi nulli homines sunt, qui te videre possint,

sint, ibi etiam vir omni virtute insignis esse stude, ibique probe tecum dispice & meditare, quid publice dicendum agendumque sit. Præcipue vero hoc, quod dicitur, notate; Quandoque parca pietatis nostræ officia legatos nostros in errorem & culpam impellere. Quemadmodum vates divinus Esaias cap. xliiii. versu 25. pronunciat: Convertens sapientes retrorsum, scientiam eorum stultam faciet. Si enim illi, qui legatos mittunt, omni virtute & pietate essent insignes, tum Deus legatis ipsorum ea certo inspiraret, quæ dicenda convenienter essent. Nec temere est, quod expiationis die orare solemus: Deus noster, Deus patrum nostrorum, regito ora legatorum populi tui domus Israel, instrue eos, quæ loqui debeant, doce eos: & quæ sequuntur.

XLII. Consilium est mihi Salomoni, hic principum, quos Babylone atque in Persarum regno sibi gens Hebræa elegit, seriem pertexere, causâ additâ, quare principes isti nostris temporibus esse desierint. Hoc ipsum enim merito reliquis fatalibus gentis Hebrææ malis accensendum erit: unde quilibet facile æstimare poterit, gentis nostræ majestatem, quæ nobis sub servitutis iugo anhelantibus, in his imperii nostri reliquiis clare eluxit.

Histo-

Historiam vero scriptam legi in veterum quondam sapientum responsis. Quando sibi olim Principem lecturi erant Hebræi, quem sua lingua ראשה גולה & נשיא Nafi & rosch hagola, id est, exulum caput appellant; Babylonem conveniebant Academiarum rectores, doctores, civitatis principes, senatores & iudices, quotquot in regno essent. Hic paratæ erant ædes magnificæ, aulæ splendide obductæ, sedibus, in quibus Academicarum rectores, doctores, & seniores considerent, instructæ: præcipue vero splendidâ quadam sellâ, in qua futurus Princeps collocandus erat: huic aliæ duæ adstabant, altera a dextris, altera a sinistris, quibus Academicæ Syriacæ & Pompeditæ rectores infidebant. Tum in frequenti procerum sapientumque consessu Syriacæ Academicæ rector assurgens, Principem his verborum auspiciis prudenter admonebat: Noli fastu quodam & animo elato fratribus tuis superbe dominari: Nos enim tibi servitutem, non imperium conferimus: quemadmodum sacræ monent literæ 1. Reg. c. xii: v. 7. Si hodie fueris servus populo huic, servierisq; eis, & responderis eis, locutusque eis fueris verba bona, erunt tibi servi omnibus diebus. Die Jovis in sacram ædem frequentes conveniebant; ubi dum Academicarum rectores Principi manus suas imponerent, alii interea tubis, alii vero cornibus accinebant, cuncti autem

autem bene ominantes festa voce acclamabant : No-
 ster vivat Princeps vigeatque æternum. Ille Prin-
 cept noster; ille exulum caput est , exulum caput
 est Israëlitarum. Deinde ipsum domum rite dedu-
 cebant, ubi tubis denuo canentes ipsi potestatem fa-
 ciebant regendi gentem Hebræam , integritate ,
 justitia , prudentia , moderatione ; & longanimi-
 tate , hisce legibus : quoniam aspera & iracunda
 Hebræorum gens est , hanc imperandi servitutem ,
 non sine Numine susciperet : memor imperium
 bono principi , qui officium faciat , nomine tantum
 imperium , re ipsa ob maximas curas , fatalem ser-
 vitutem esse. Nam si duces nostri longanimes sint ,
 qui offensas tolerare sciant , nullæ inter nos simulta-
 tes , nullæ factiones regnent. Hinc universi a Principe
 digressi illi eodem die aurea argenteaque munera
 pro suis quisque opibus domum mittebant. Tum
 Princeps magnifico in diem sabbathi instructo epulo
 Academiæ rectoribus , senatoribus & regni proceres ,
 quotquot ibi erant , domi suæ excipiebat. Die Ve-
 neris Principi in sacra æde cathedram erigebant ,
 undique aulæis bombycinis auro argentoque distin-
 ctis vestitam. Die Sabbathi vero omnes Academia-
 rum rectoribus & proceres Principis ædes mane adi-
 bant , quem ex ædibus suis ad sacram ædem euntem
 pro-

prosequebantur frequentes : præibat populo suo Princeps : mos enim apud Babylonios Reges & principes est, ut ipsi subditos suos præcedant. Præuntis Principis facies bombycino panno tecta, nemini conspicua erat. Ad sacram ædem pervenientibus præcentor festum hoc carmen auspicabatur: Benedictus sit, qui dixit; & quæ sequuntur. Cui Academiæ rectores aliud carmen succinebant, cujus initium hoc est: Benedictus sit, qui dicit & facit. Deinde præcentor rursus subiciebat: Benedictus sit, qui decernit aliquid & præstat. Cui Academiæ rectores his verbis respondebant: Benedictus sit, qui hæc admiranda creationis opera fecit. Atque sic usque ad illa benedictionis verba, Anima omnium viventium: carmen suum prosequebantur. His actis omnes cantores & alii peritissimi Musici, circa Principis cathedram convenientes, preces suas instrumentis Musicis cantabant; donec sacer divinæ legis codex ritu nostro ex arca depromeretur. Deinde Principem facie velatum in cathedram deducebant, quem secuti Syriacæ atque Pompeditæ Academiæ rectores in sede illic posita collocabant. Hinc divinæ legis liber ex arca sua in cathedram ferebatur, ex quo primum recitabat Princeps, deinde Academiæ rectores.

Lecti-

Lectiōne finita Princeps, clausis ob legis divinæ reverentiam oculis, orationem ad populum habebat: Quam si ille forte non haberet, Academiæ Syriacæ rectori habendam committebat. Illa autem Oratione Princeps populum ob admissa vitæ crimina acriter perstringens, ad pietatis officia hortabatur, imprimis vero auditorum animos excitabat ad stipem egregia liberalitate præstandam, sustentandis Academiarum studiosis: ipse vero Princeps ad liberalitatem exercendam ceteris omnibus exemplo suo præibat, & pro divitiis suis studiosis beneficium conferebat: cuius exemplum universi secuti, incredibilia liberalitatis officia præstabant, solo honorandæ legis atque Principis etiam studio. Præstitis his pietatis officiis, universi consurgentes Principi bene ominabantur his verbis: Magnum & sanctum sit Dei Optimi Maximi nomen, qui est in mundo, &c: quando vero ad hæc verba: Viventibus vobis, perventum esset, dicebant: Vivente Domino nostro, Principe nostro, oriatur liberatio Israël, & adveniat Messias. His peractis Princeps assurgens gratiam divinam precibus supplex singulis orabat. Primo omnium & quidem honoris causa gratiam divinam Academiarum rectoribus ardentè implorabat, scilicet ut illâ divinitus collustrati in sacra

cra

cra lege & in Thalmudico opere felicius proficerent. Deinde preces fundebat pro piis, qui in populo magna pietatis officia exercebant. Hinc Deum propitium orabat iis, qui publicis gentis Hebraicæ distinebantur negotiis. Mox Deo singulas his verbis provincias commendabat: Deus hanc provinciam prosperet, eamque a bello, pestilentia, & cæteris fatalibus malis propitius defendat; atque in diebus hisce liberetur Juda, & in alta pace agat Israël, & quæ sequuntur: Ultimo omnium tacite voce submissa precabatur, ne externus quispiam audita forte ipsius verba vulgaret, nos invocato summo Numine aliis regnis jugum & servitutem imprecari, quia ipsi non, nisi per aliorum ruinas emergere possumus. His omnibus peractis, læti atque ovantes cum Principe domum rediebant, ubi positis mensis accumbentes epulabantur. Cum mensæ solenni ritu consecrarentur peculiariibus precibus Principi fausta precabantur. Ex hoc die Princeps in publicum prodire desinit, domi suæ cum certis viris, quibus id negotii datum esset, diebus festis atque profestis precibus rite fundendis vacans. Cum Princeps Regem esset conventurus, præmissa, qui ipsum de instante Principis adventu admoneret, simul accedendi ad eum veniam petebat. Rex facta accedendi copia, advehendo

Hebræorum principi, proregis sui pilentum mittebat, quo ipso familiam Davidicam decorabat, ex qua Hebræorum principes oriundi erant, Princeps vero curru propter regni honorem insidere recusans, præcedentem vestibibus auro distinctis inditus sequebatur. Præibant quinquaginta satellites, alii vero omnes Hebræi, quotquot Principem ad Regem tendentem in publico forte conspiciebant, sese illi continuo adungere, eumque ad Regem usque prosequi religione quadam tenebantur. Quando vero ad aulam pervenisset, Regis eunuchi ei occurrentes præcedebant, donec proxime ad Regem deduceretur. In quo hoc maxime memorabile, quod servus Principis ante ambulo aureos nummos in publicum spargere solebat. Princeps proxime accedens Regem humi procumbens venerabatur, deinde in alterum pedem se erigens, ex regni more ostendebat submisso hoc gestu; se subiectum & Regis servum esse: qui eunuchis suis innuebat, ut Principem in sella proxima a sinistris collocarent. Tum Rex maiestatis ostentandæ causa paulisper conticescit, mox ad Principem conversus rogat. Ut vales, o Princeps? qui Regi respondet: Ego quidem, te Rege bene valente, valeo, quem utinam diu nobis salvum atque incolumem pro-

propitius servet **D E U S!** Tum interrogat Rex : ut valet populus tuus? Assurgens hic Princeps ea, quæ referenda ad Regem videbantur, referebat. Abiturus vero ornata & sapienti oratione Regi felicissima quæque apprecabatur. Hanc gentis Hebraicæ majestatem, Regni Babylonici proceres & plebs ipsa, Principi nostro invidentes has invidiosas voces vulgo jactabant. En gens Hebræa nimis quam feliciter agit, incredibili quodam studio emergere connitens, periculum certe est, ne duce aliquo ex regia quondam Davidis familia, correptis regni fascibus, imperium invadant', & qui adhuc nobis servierunt, imperare nobis incipiant. Proinde quid agendum sit, serio deliberemus. Constituerunt itaq; prætereuntem illac Principem una cum Academiæ rectoribus interimere. Mox facinus, ut constitutum erat aggressis, rumor in regiam perfertur, quo exciti satellites ad opem ferendam laboranti Hebræorum Principi accurrunt; sed interfecto jam Principe, fera illa auxilia erant, reliquos tamen periculo ereptos servaverunt. Hebræi hoc malo docti principatum istum protinus abrogandum esse censuerunt: Sarius arbitrati, sine duce secure agere, quam ducem habentes insanæ plebis furori obnoxios esse. Habebat autem Princeps ille tabulas, qui-

bus genus suum ad Regem Davidem usque referebat; sed nullos in posterum sibi sumant imperii fascēs, nisi DEUS ipse Hebræorum gentem ex alto miseratus, ipsis ducem aliquem præfecerit.

XLIII. Anno quinquies millesimo octogesimo primo, mense Junio, funestum Mesurense excidium fuit, tum temporis per totum illud regnum dira grassabatur pestilentia, quam Christiani nemini, nisi Hebræis civibus suis imputabant. Eos enim fama erat, consilia iniisse cum Mesurenſibus rusticis, qui Vatiniano in cives odio flagrabant, quod ipsis necessarium ex urbe victum non suppeditassent. Et quandoquidem Judæos cum rusticis scelerata consilia agitalſe, Christianis constabat; dixerant enim Judæi, se venenum allaturos rusticis Mesurenſibus, qui id ipsum se in flumen injecturos promiserant: Rex fama accepta, sine ullo rem accuratius cognoscendi studio, Judæos, qui in urbe erant, comprehendendi & in carcerem conjici jubet. Cum jam novem menses in carcere squalidi exegissent, Rex in innoxios Judæos conjuratum esse tandem cognovit: quapropter pudore suffusus, quod insontes consilio adeo præcipiti in carcerem dedisset, dictitare cœpit: se illos non odio, ut illius sceleris reos; sed amore quodam, tanquam ad Christiana sacra perducendos

dos in vincula rapuisse. Hinc Judæi quidem tormentis; sed frustra subiecti fuerunt: cum constanter in sacris suis perseverassent, quindecim Judæorum millia exusta sunt, quorum nemo diris supplicii cruciatibus, ad alieni Dei cultum compelli potuit.

XLIV. In Hispania monachus quidam fuit Judæis semper acriter infensus, scilicet ut vetus habet verbum: Quicumque Judæos affligunt, magni evadunt, nempe is erat, cui Regina expianda vitæ suæ crimina confiteri solebat. Hic consiliis suis Reginam concitavit, uti Judæos ad Christiana sacra compelleret, aut si pervicaces ea amplecti negent, illos ferro trucidari juberet. Regina monachi consilio obsecuta, idem a Rege efflagitavit. Rex Reginae petitioni protinus annuens Judæis aut in Christiana sacra transeundum, aut regno exeundum esse, edixit. Hinc scriptæ sunt tabulæ, quibus hæc Regis sententia contra Judæos promulgabatur. Qua intellecta Judæi adeunt quendam ex proceribus, Judæorum studiosissimum: Judæi enim in Hispania, Regibus, Proceribus, sapientibus atque prudentibus viris semper chari acceptique fuere: neq; aliunde enata fuerunt odii & exiliorum nostrorum semina, nisi ex incondita plebe, quæ semper obstrepere solebat Judæis in Regnum advenientibus rerum necessariarum pretia in

immensum crevisse, annonamque inclementissime flagellatam esse. Illud etiam culpabant, quod Judæi falcem in opificiorum suorum messem immiserint. Altera vero malorum nostrorum tempestas oriebatur ex monachis, qui, ut sanctimoniam suam populo probarent, acerrimi scilicet Christianæ religionis promotores, quotidie asperas atque tribunicias contra Judæos ad populum orationes habebant; quibus hoc unum agebant, ut plebis per se satis ferocis animos magis exasperarent. Quod vero ad cæteros Christianos attinebat, illi Judæos æstimabant, & ut cives indigenas impense amabant, ut admodum senes Hispani, qui olim pueri istis rebus oculati testes interfuere, testari solent. Vir ille unus de numero procerum, Judæis consilium petentibus, ita respondet: Regina sacra auri fame laborat, proinde subito quinquaginta aureorum millia conficite, eaque in ædes regiæ proximas, quas monstrabo vobis, deferre: ego vero curabo, ut Regina illas ædes prætereat, cui tum rebus vestris optime consulturus, quæ tollendis malis vestris saluberrima videbuntur consilia, libens subjiciam. Judæi, quod summus vir illis consilium dederat, sequuntur. Postridie vir ille Reginam illac prætereuntem comitatus, ita compellat: Illustrissima Regina, numquid
fas

fas est, vineam, quæ hujuscemodi fructus profert, excindere? Eopse die vir quidam doctissimus ex nostra gente oriundus, cui magistro Martino di Lusina nomen erat; forte præteriens, Judæos, his verbis est affatus: Nolite indictum per Reginam vobis exilium metuere: Ipsa enim mutato in melius consilio quietum in Hebræos accepit animum, mentemque benignam: ipse ille dudum vobis exitium molitus monachus, cras in crucem agitur. Iste enim Regum mos est, ut si cujus consilio decreta quædam fecerint, interfici eum jubeant, mox decreta etiam illa rescindant. Hac nocte testati sunt Regis ministri, se deprehendisse monachum illum obscænos jocos amantium more Reginæ locutum: accersita Regina rem ita se habere confirmavit. Quo cognito, Rex monachum extemplo cruci suffigi jussit. Allatæ etiam literæ, quibus exilia Judæis decernebantur, discissæ sunt. Subolebat enim Regi, monachum vaferrimum Reginæ opera usum, ut certius Judæis exitium cuderet: quandoquidem Rex se invitum Reginæ obsecutum esse fatebatur. Sium quoque aurum Judæis redditum fuit. Hanc historiam alii aliter narrant; sed hæc, quæ tradidi, ea sunt, quæ literis consignata accepimus.

XLV. Anno

XLV. Anno quinquies millesimo quinquagesimo tertio Barcinonius cœtus periit, atque magna etiam ex parte Gironensis: mox & plerique per Cataloniam habitantes Judæi misere interierunt; incerta atque incognita mali causa.

XLVI. Anno quinquies millesimo centesimo septuagesimo secundo, crudeliter divexati, & tantum non oppressi fuerunt Hebræi. Extitit enim Romæ Pontifex quidam, qui manibus pedibusque Judæos à sacris suis avellere n̄sus, eos asperrimis edictis premebat, donec tandem Hispaniarum Regina, quæ tum temporis regnum administrabat, in idem consilium cum Pontifice maximo cōiverit. Hinc Judæi domo ad supplicium abrepti, variis suppliciorum cruciatibus crudelissime exagitati fuerunt, adeo ut sedecim hominum millia a Mosaicis sacris desciverint, multis aliis ob fidei constantiam vel exustis, vel inter alia cruciatuum genera fœde extinctis. Qui vero supplicium fuga evitare voluerunt, per agros confecti passim ceciderunt, quorum inhumata cadavera feris prædæ fuerunt. Pauci agre hanc tempestatem evaserunt, illi scilicet, qui fugientes omnes facultates suas obviis viatoribus atque agricolis concesserunt.

XLVII. Anno quinquies millesimo centesimo quin-

quinquagesimo primo Christiani contra Judæorum cœtus conjurarunt, Turensem, Lugritensem, Carionensem atque contra reliquos, qui in finitimis locis essent, præcipue vero contra Burgosensem cœtum, qui sapientia atque divitiis erat illustris, hos tantis angustiis eo redegerunt, ut a Mosæicis sacris desciverint. Qui vero in cæteris locis fuerunt Judæi, ob sacra sua exusti sunt. Ex eo tempore cœtus, qui in Hispania erant, miseriis conflictari cœperunt, quæ indies augescebant: Omnes enim Christiani, aut saltem plurimi id agebant, ut Hebræorum reliquias extinguerent.

XLVIII. Virorum sapientissimus & virtute celeberrimus M: Schem Tob gentis nostræ cladem quandam hunc in modum narrat: Anno quinquies millesimo centesimo quinquagesimo, Rege Henrico etiamnum puero, multi Christianorum in Hispania coërti, ut Hebræos a sacris suis abstraherent, eos diris infandisque cruciatibus divexarunt; adeo certe, ut Hebræi, ex quo aris focusque suis caruerunt, nunquam acerbiora fata sint experti. Tandem itaque assiduis cruciatibus fessi, plurimi a Mosæicis sacris defecerunt, imprimis vero cœtus Hispalensis longe omnium fre-

R r

quen-

quentissimus, maximam partem descendit, uti & Cordubensis & Æsigenfis: nec non cæteri per Andalusiam, aliasque urbès dispersi, qui nempe Magritæ, Liescesæ, Oconix, Goitæ, Castellæ, Magdinæ, Moniosæ, Turigosæ fuerunt, ex quorum numero nemo evasit. Qui vero alibi coetus erant, immanissima quæque etiam perpeffi sunt, nec ea literis prodere fas est, ne, cum dictu atque factu horrenda sint, mortalium animos gravissime vulnerent. Illud vero hic minime prætereundum, ex eo tempore Judæorum mala, quibus jactati fuerunt, immensum invaluisse.

XLIX. Sub Rege Johanne Regis Henrici filio rursus Judæos invaserunt Christiani, subtractis enim vitæ necessariis, dura quædam edicta promulgarunt contra illos, qui fuga aut latebris tuti, Christiana sacra nondum susceperant: publicè negotiari, atque Christianis vitæ necessaria vendere severiter interdictum. Incusabantur enim a Christianis Judæi, quod aromata cibosque veneno inficerent, neque porro Chirurgicam & Medicam artem cuiquam, præter Regium medicum, gente Judæum, exercere licuit: tum agros domosque emere prohi-

hibiti Præterea jussi sunt, ut rubra nota insignes per publicum incederent; qui vero contra facere auderet, e vestigio interficiendum esse. Innumera quoque alia edicta contra nos vulgata fuerunt, quibus nos ita agitarunt Judæos, ut facile omnes assiduæ vexationis pertæfos, a verissima lege Mosæica abstraxissent, nisi nobis DEUS jampridem contrarium promississet: Esai. cap. lix: vers. 21. Verba mea, quæ posui in ore tuo, non recedent de ore tuo, & de ore seminis tui, & de ore seminis seminis tui, ex hoc tempore & usque in seculum. Satis sit nobis unum illud testimonium à DEO ipso perhibitum; qui nos in sacris nostris Mosæicis in seculum conservabit. Hæc illa sunt, quæ sapiens ille supra memoratus literarum monumentis persecutus est.

Passi præterea sunt Hebræi multas clades alias, atque funesta exilia, quæ nemo literarum monumentis perscripta prodidit, neque unius hominis esse censeo, omnium regnorum urbiumque nomina, quæ Hebræi per totum terrarum orbem disjecti colunt, memoria tenere. Quædam vero ita tristitia atque horrida sunt, ut ea silentio præterire, quam commemorare satius esse videatur; fidem profecto in nobis invenit divinum illud oraculum

R t 2

Le-

Levit. capit. xxvi: versu 38. Et peribitis inter gentes, & absument vos terra inimicorum vestrorum. Hebræorum certe, qui Hierosolymis atque ex reliquis Palæstinæ locis in Hispaniam transportati fuerunt, nec millesimus quisque superfuit: qui vero in Gallias atque Germaniam venerunt, cum in sacris suis constantius perseverarent, plerique deleti sunt. Trucidabantur enim infinita hominum millia, de quorum immenso numero, qui olim Ægyptum duce Mo- se egressos facile æquarent, vix quinque mil- lia superfuerunt. Nobiliores vero Germani ca- lamitates suas in annales retulerunt, ingenti opere mala, quæ ibidem perpeffi sunt, com- plexi; supervacuum igitur esse arbitror, hic illis diligenter conscripta denuo conscribere: præcipue cum tanto locorum intervallo divi- sus, res, ut gestæ fuerunt, vere expiscari ne- queam: sed iustus est Dominus, cujus di- cto rebelles fuimus. Quando pœnas crimine nostro dederimus dignas, DEUS nos pro- pitius respiciet, atque in pristinas sedes de ex- ilio nostro postliminio reducet: faxit hoc DEUS Optimus Maximus.

Ipse ego Salomo alios clades alias, his cladi-
bus

• bus similes narrantes audivi , alias hisce oculis vidi , eas dico , quas accepisse eos constat , cum ex Castella & Lusitania exterminarentur , tum enim edicto quodam per monachum Vincentium quempiam fabricato , misere exagitati fuerunt. Ea hic commemorare consilium mihi initio fuerat ; sed cum viderem clarissimum virum Judam Abrabanielem ad eum Levitici locum capit. xxvi : versu 14. Usque ad cap. xxvii : qui gentis Hebraicæ supplicia continet , omnia illa , exceptis paucis , fideliter esse executum , parcendum supervacuæ operæ existimavi. Pauca tamen illa , quæ vir summus scribere aut noluit , aut neglexit , addere hic est visum. Infanda mala , quæ passi Hebræi sunt , cum Castella pulsi cederent , haud quisquam mortalium nec cogitatione , nec oratione assequi possit , præsertim , si quis consideraverit Saguntinam illam famem , quam in maritimo itinere sustinuerunt : prædonum rabiem , qui illis quotidie bona sua ferocissime creptum ibant : nautarum sævitiam , qui illos in longinquas insulas devectos publice vendebant , fama vulgantes , ipsos acie victos , belli jure captos esse. An non filios habet Israël , si non habet hæredem : & quæ sequuntur ? ut precari solent Hebræi. Complures in mare præcipites

præcipientes dederunt, eos ægrotare causati, ut vacuas miserorum possessiones involarent. In aliis vero, qui ex Castella, ad declinandam illam tempestatem, terrestri itinere, eo confugiebant, divinum hoc oraculum Deut. cap. xxv 11: vers 61. fidem invenit: Omnem etiam infirmitatem & plagam, quæ non est scripta in libro legis hujus, inducet Dominus super te, donec perdaris. Toleti in urbe maxima ingentem calamitatem Hebræi quoque passi sunt, tempore Clar: viri Samuelis filii Susin, qui Academicis in Ægypto & Hierosolymis magna pietatis officia quotannis præstare solebat. Verum enimvero paulo post durum illud edictum, quo ex Castella ejecti erant Hebræi, mitigatum est opera Clar: Samuelis, exilii nostri Principis, qui eo nomine in Castellam venit. Erat autem Clar: Samuel, supra memoratus, mihi sanguine junctus, ex Davidica familia oriundus, quemadmodum antiquissima generis illius monumenta, quæ habebat, abunde fidem faciebant. Res ut gesta est, in meo opere, quod Virga Furoris inscribitur, fusius mihi est perscripta: unde illi, qui antiquitatis vestigia diligenter indagant, memoriam illius petere possunt.

L.I. Libri hujus autor Salomo in hunc modum

ora-

orationem prosequitur: Causam exilii, quo ejecti Castellæ regno Hebræi sunt, totamque adeo rei gestæ rationem, ipsamque historiam uberius persecutus est summus & incomparabilis ille vir Isacus Abrabaniel, in ipso statim limine commentariorum, quos ad enarrandos Regum libros scripsit; visum mihi totam illam historiam, eleganti & diserta ipsius oratione perscriptam, hic inferere: Verba ejus ita habent: Anno quinquies millesimo ducentesimo quinquagesimo secundo, Rex Hispaniarum Regnum Granatense occupavit, cum ipsa urbe Granata, quæ regni caput est, magnitudine atque splendore nulli urbium secunda. Rebus feliciter gestis, impius Regis animus, ipso Esavo sceleratior, insolescens continuo hæc secum: Quas dignas gratias agam atque habebo D E O, qui mihi vires in bello suffecit? quas D E O illi, qui mihi urbem hanc subjecit? Nempe sic illi gratum animum probavero; si gentem, quæ per devia errorum fertur, palantesque Israëlites oves, tutelæ ipsius repositas, ad debitum obsequium revocem. Effera illa filia, mihi aut ad Christiana sacra cogenda, aut regno meo ejicienda erit. Non ultra in regno meo habitabit, neque posthac grata acceptaque mihi erit. Proinde promulgatum est Regis edictum, nihilo mitius eo, quod Medorum, Persarumque Rex olim

olim vulgari iussit. Edictum, quod præco promulgavit, hoc erat: Vobis universis Hebræorum familiis edictum esto, si sacra lotionē abluti, Christianorum DEUM adoraveritis, terræ fructibus mecum gaudebitis, hic versantibus quæstum facere licebit: Quod si imperio parere, Deumque meum adorare & colere recusatis, exilio vos parate, regni mei finibus excedite, Hispaniam relinquitte, Hispalim, Balearides insulas, loca imperio meo subiecta, ingredi vobis capitale esto. Intra tres menses cedite, nec quisquam Hebræorum in regnis meis remaneto. Ego, cum hæc agerentur, ipse in regia forte versabar, me ad ravim usque, omnium opem implorando, fatigavi: Regem ter supplex, flebili voce compellavi: respice nos, o Rex, noli subditos tuos tam inclementer habere, quin posce potius, o Rex, aurea argenteaque vasa, quamplurima munera, imo quicquid Hebræus habet, libenter patriâ permutabit. Rogavi etiam amicos meos Regi gratissimos ministros, ut Regem infestum genti meæ placarent: nec non & consiliarios fatigavi, qui Regi serio suaderent, ut edictum illud, quo se Hebræos perditurum promulgaverat, rescinderet. Sed ut aspīs ad incantantis vocem aurem, pulvere opplens obturat; sic Rex, ad
sup-

opplens obturat ; sic Rex , ad supplicum preces , animum obduravit , pernegans consilium mutaturum se , etsi cunctis Judæorum bonis potiri liceret. Adstitit quoque a dextris Regina , Judæis inimicissima , quæ Regem acri oratione sua identidem hortabatur : quod feliciter cœpisset ; fortiter exequeretur. Nos quidem , mitigandæ Regis sententiæ , omnem operam frustra navavimus : neque auxilii , neque consilii copia ulla fuit , feris regnantibus furiis. Gens nostra per omnia loca , in quibus aut regium edictum erat promulgatum ; aut tristis edicti fama vagabatur , ingenti planctu fatum suum deplorabant. Certe longe maxima erat ista calamitas , cui parem nunquam senserunt Hebræi , ex quo aris focisque suis carentes , incertis sedibus vagantur. In his furiarum undis fluctuantes Judæi , alii alios , quojacentes animos erigerent , his verbis hortantur : Quicquid erit , fortunam omnem pro gentis & legis nostræ gloria fortiter ferendo superemus : utramque animose ab infestissimis calumniatoribus defendamus. Si vitam nobis relinquant , vivamus ; sin eripere placet , moriamur. Ne sanctissimam legem nostram violemus , affectuum impetum , non consilii rationem secuti. Quin , quod bene vertat DEUS , hinc migremus omnes , &

S s

alias

alias alibi quæramus sedes. Excîta itaque sedibus suis uno die trecenta peditum millia, sine armis ex omnibus regni locis confluxere, juvenes, senes, infantes atque mulieres, ituri omnes, quocunque viam fata monstrarent: in horum numero ipse ego quoque fui, duce atque auspice Deo, inde migravimus. Alii in Lusitaniam, alii in Navarram, vicina regna concedentes. Sed illic quoque multis malis conflictati, alii prædæ atque ludibrio fuere, alii fame aut peste perierunt: alii mari se credunt, ut hunc malorum nimbum certius evaderent, & tutiores sibi sedes quærerent; sed nec in medio mari fatales calamitates defuere: Multi, ut vilia mancipiorum capita, per Christianorum terras, pretio venditi: multi maris profundo hausti, plumbi instar submersi sunt; multi, navibus, fatali quodam incendio conflagentibus, igni extincti sunt. Denique sævissima Dei vindicis supplicia omnes tulerunt, neque cuiquam tantorum malorum immuni esse licuit; nimirum convenit miseris, quæ oraculi fide edita sors est: Qui in ferrum incidit, ferro perit & quæ sequuntur. Immissa quoque ab irato infestoque Numine pestis invisos eos, odiososque omnibus mortalibus reddidit: adeo, ut universi tot tantisque malis confecti, tandem misere perierint, præ-

præter oppido paucos, qui in tutum salutis portum vix enavigarunt, ut majores nostri oraculum hoc de nobis pronunciaſſe videantur: Ecce deſeſſi ſumus, uniuerſi periimus. Magnus ille Deus laudatus ſit.

LII. A ſenioribus, qui ex Hiſpania diſceſſerunt, hanc accepi hiſtoriam, nautam quendam, cum in navi ejus Hebræi peſtilentia correpti laborarent, eos in locum incultum expoſuiſſe, ubi inedia plurimi perierunt. Alii animos confirman-tes, perrexerunt pedites, terram habitatam quaerſituri: inter quos quidam uxorem duosque liberos admodum infantes habens, iter etiam eſt ingreſſus. Uxor vero cum non aſſueta eſſet itineris moleſtiis, feſſa expiravit. Maritus portans ſuos infantes tandem etiam fame cum infantibus ſuis languidis deſecit. Pater vero reſectis aliquanto poſt per ſomnum viribus, ab animi deliquio, ad ſe redit: Experrectus duos infantes ſuos inedia videt extinctos, ipſe tamen inter omnes iſtas anguſtiarum undas fluctuans, in hæc verba cum ſtomacho erumpit: Magne Deus, uniuerſi Dominus, multum tu quidem me exerces, ut legem tuam deſeram; certo tamen ſcias, velim; me vel invitis cœlitibus omnibus Judæum eſſe, ſemperque manuſum: fruſtra igitur adhuc illa omnia ſunt, quibus me miſerum

tam inclementer exercuisti, atque posthac es exerciturus. His dictis congesta arena atque gramine filios suos obruit; quæsiturus terram humanis vestigiis cunctam, atque suos socios Judæos; qui nihil illi præstolati, omnes processerant, metuentes, ne & ipsi forte inedia fracti, in itinere deficerent. Quilibet enim in lubrico & infelici Parcarum limine positus, sui tantum, non etiam alterius curam habebat.

LIII. Judæi in Fessense regnum delati, fatis quoque nimium iniquis illud ingressi fuere, asperimam statim famem perferre coacti. Regni enim Fessensis cives eos urbibus suis prohibuere: metuentes, ne, tanta Judæorum accessione, luxurians populi frequentia, annonam flagellaret. Huc igitur perlati Judæi fixis ruri tentoriis, latrantem stomachum herbarum esu placabant: quas utinam uberi copia agri suppeditassent! (cœli enim æstus & siccitas plerasque exusserat, hinc raras, quas forte investigaverant, herbarum radices eruebant. Plurimi famis asperitate extincti fuerunt, quorum cadavera passim per agros sparsa & inhumata jacebant, sepeliente eos nemine; cum cæteri viribus inedia exhaustis, ita emaciati essent, ut vix cutis ossa tegeret. Diebus Sabbathi, dentibus bestiarum.

rum.

rum more proni herbas depascebantur. Et sane difficillimis hisce rebus, multum præstitisse gratulabantur sibi, quod non manibus radices evullas comedisent; manuum enim opera adhibita violata sabbathi religio fuisset. Hoc misero rerum statu, accidit res dictu & auditu horrenda. Afer quispiam visam formosam virginem inter Hebræos, coram aspectantibus parentibus, vitiavit, & tanquam re bene gesta abiit. Semihora post perditissimus ille reversus, vitiatam sibi virginem lancea confodit. Aliis, qui hoc forte viderent, interrogantibus, quid crudelissime mortalium innoxiam transfodisti puellam? Respondet ille: verebar, ne ex vitio hoc gravida virgo pareret, & natum infantem Hebræorum sacris innutritet. Nunc mihi dicataliquis, an post homines natos, Sol unquam tantum scelus aspexerit? Illud etiam minime prætereundum videtur: inopem quandam mulierem, cum ipsa videret, filium suum languidum, ac propemodum exanimem, tristi dolorum certamine conflictantem, cui jam mors ipsa ante oculos erat: quo tristi hoc spectaculo defunctura, filium immanibus dolorum cruciatibus eriperet, arrepto lapide, filii caput percutiendo, mortem illi accelerasse: tum se ipsam quoque laborum tædio crebris.

crebris ictibus interfecisse.

LIV. Judæis ruri circa Fessam versantibus, fames ita invaluit, ut nonnulli filios suos, in servitutem ad levandam famem civibus pane vendiderint; Rex vero Fessensis benignissimi ingenii princeps, cum jam fame pulsâ felicior temporum facies reluxisset, edicto promulgavit; ut qui pueros Judaïcos panis pretio comparassent, illos gratis parentibus suis restituerent.

L V. Haud procul Fessâ ad maritimam urbem Saleam, cum magna quædam navis staret, & Hebræorum pueri quotidie frequentes circa maris litus versarentur rimantes; si quid forte in eo explendæ fami invenirent. Visos eos nauta ad se in littus vocavit, & singulis panis frustum dedit. Qui pane accepto, gestientes, hoc veluti novum aliquod prodigium, cæteris pueris significabant. Qui desideratæ rei famâ permoti, postridie numero centum quinquaginta ad navim alacres properant. Nauta blandis verbis incautos & famelicos pueros in navim pellexit, pollicitus: se omnibus panis abunde daturum esse, modo navim ingrederentur. Pueris navim ingressis, sublatis anchoris, vela ventis dedit, & universos abduxit. Quo tristi nuncio Hebræi perculsi, imprimis vero mulieres ad maris
littus

littus concurrunt, & miserabili planctu frustra opem conclamant; nemo enim aderat, qui miseris opem præstare posset. Puerorum igitur matres infando atque inaudito planctu & ejulatu maris littora complent: Improbus vero plagiarius ille, formosiores reliquis segregavit; illos regni proceribus dono dedit; reliquos in servitutem vendidit.

LVI. Hebræorum, qui ex Hispania ejecti fuerunt, nonnulli ad Italiam sunt perlati, ubi cum gravi fame affligerentur, & dira etiam pestilentia in navibus laborarent, primum in terram exscendunt: cum vero cives eos urbibus suis non reciperent, Genuam petunt, quæ quamvis ipsa quoque fame laboraret, cives tamen miseros in urbem admiserunt. Pueri in urbe cum famis asperitatem tolerare non possent; mutatis sacris, simulacra colere cœperunt, ut scilicet in ampliorem vitæ statum transcriptis famem saltem explere liceret. Tum multi Christianorum per publicum incedebant, una manu crucem, altera vero frustum panis ostentantes; qui Hebræorum pueris identidem ingerebant: hem panem vobis, si crucem hanc venerati fueritis. Hoc quidem modo multi famelici a Mosais sacris desciscentes Christianis commixti fuerunt.

LVII.

L VII. Aliqui eorum, qui Genuam pervenerunt, fame tandem fatigati Romam petunt, horum adventu exciti Judæi, qui Romæ habitabant, concurrunt, atque inito consilio impediendum esse statuunt, ne sibi admisceantur externi: frequentioribus enim Hebræis, vitæ rationem sibi arctiorem fore metuebant. Proinde subito confectos mille aureos donant Pontifici, acriter instantes: ne advenientes Judæos in ditionem suam reciperet. Pontifex Maximus, re audita, ait: hoc novum atque Hebræis inusitatum facinus mihi esse videtur, semper enim audiui: Judæum misereri Judæi. Quomodo igitur, improbis istis postulatis tantam suam crudelitatem produnt? comminatus itaque Pontifex Maximus, se quoque edicto illos Roma ejecturum esse. Coacti igitur fuerunt Hebræi, cives Romani, alteros bis mille aureos conficere, quibus, ne Româ pellerentur, Pontificis iram placarent: deinde ut & alii isti advenæ simul intra mœnia reciperentur, qui misere ex Hispania ejecti, hic tandem recepti, errorum suorum finem, vitæque quæstum fecerunt.

L VIII. Nauta quispiam, qui Hebræos ex Hispania ejectos vehebat, consilium eos interimendi cepit, ut facultatibus illorum potiretur; sed forte in navi una vehebatur mercator quispiam,
vir

vir insigni pietate, qui ferocem nautam opportune identidem admonere non desinebat: Magnum nefas esse, innoxium sanguinem fundere. Cui respondebat improbus ille: Meditari se, quo pacto sanguinem Christi ab ipsis fustum ulcisceretur.

Tum contra mercator: Christus ipse sanguinem suum fundi passus est, quo genus humanum ab exitio liberaret; & tu adeo iniquus es, ut fustum eum, teque liberatum nolis: imo salutare mortalibus beneficium, tanquam insignem aliquam injuriam Christo factam vindicare studeas? Ego sic censeo, eos in insulam aliquam deportandos esse: quod si ibi moriantur, quid refert? levis est jactura tam parabilis annonæ. Tu saltem manus tuas sanguine illorum non contaminaveris. Tum crudelissimus nauta Hebræos vestibus exutos juxta rupem, quæ in littore erat, in locum desertum incultumque, nec hominum vestigiis unquam calcatum exposuit. Hic nemo miserorum loco suo ob pudorem se movere audebat, cum omnes Liberide nudiores essent, nisi forte nocturno tempore, quo pudori consulentes per tenebras ambulabant. Invento forte in littore

T t

dulcis

dulcis aquæ fonte corpora malis fessa reficiebant. Triduo illico in tantis miseriis exacto, alius alii ait: Conscensa rupe circumspicemus, si quam urbem, aut pagum prospicere possimus, unde salutis aliqua spes affulgeat. Hinc magno tædio atque labore in rupem evadunt, & dum hominum vestigia atque salutem quærunt, in leonum antra atque exitium incidunt. Leones in Judæos irruentes hominem unum ex iis comprehensum discerperunt. Quo viso reliqui Judæi trepidi se ex rupe præcipites dantes, ruina elisi sunt. Alii, qui ad imam rupem salutem expectabant, ad evitandam irruentium leonum rabiem, in mare insiliebant: regressis in antra leonibus terram, quam deseruerant, repetentes. Cum autem in tanta trepidatione & rerum omnium egestate miseram vitam per quinque dies traxissent, ecce annavigantem ex alto navim prospiciunt, nautæ quoque conspectos eminus in deserto littore nudos homines, ut nova quædam maris monstra admirabantur: sciebant scilicet locorum gnari, eam terram nec habitatam, nec habitabilem esse. Naucleus igitur ex numero nautarum unum misit ad cognoscendum, quid tandem rei esset? Cui Hebræi rem totam, ut gesta est, enarrant ordine. Hinc naucleus miserorum calamitate permotus, Judæos
in

in navim recepit, & ex discisso veteri velo, cuique fragmentum ad velanda pudenda dedit: mulieribus vero indusia, verecundiæ ipsarum consulens, suppe-
ditat, omnibus cibum potumque largiter submi-
nistrans. Donec tandem ad locum, quem Judæi
incolerent, delatus, omnes exponeret, metuentes;
ne post tot casus & tot rerum discrimina, quibus
jactati usque essent, miseros quoque pretio diven-
deret. Terra potiti continuo ad Judæos illius loci
incolas mittunt, fidem eorum implorant, quorum
proceres navim ingressos nauclerus in hunc modum
affatus est: Non miseros jure belli captos possideo,
ut parem eos divendere, quod fallo suspicantur:
Hoc mihi satis erit, si mihi impensas meas restitue-
ritis. Judæorum proceres, sumtibus statim reddi-
tis, etiam munus addunt. Defuncti igitur tantis er-
rorum periculis Hebræi, cum proceribus popula-
ribus suis in urbem eunt, qui iis alimenta Israëlítico
more subministrarunt. Grande hoc beneficium a
nauclero acceptum grata semper memoria prosecuti
sunt, pia assidue vota pro incolumitate ejus fa-
cientes, quo bonorum dator & munerator De-
us vitam illi in seram usque senectutem felici-
ter proroget, & præmia reddat tantis meritis de-
bita.

LIX. Quid de fœvissimis Olyssipponensium edictis dicam? omnium certè miseriarum longe miserrima fuit comprehensio puerorum, quos in insulas non habitatas, perditas illi vocant, relegarunt: cum Judæorum liberi regio jussu comprehensi in naves abriperentur, mulieres, incredibile dictu est, quam miserabili planctu atque ejulatu omnia late compleverint: hanc calamitatem, qui fama non accepit; nã ille nullam unquam calamitatem fando audivit. Nemo Judæorum miseria permotus vel solari miseros; vel oppressos ab injuria vindicare sustinebat. Ea tempestate forte mulier erat, quæ post ereptos sibi sex filios, se ad pedes equi, quo Rex sacram ædem ingressurus vehebatur, supplicem abjecit orans atque obtestans: Sibi minimum natu filium saltem redderet, quo unius incolumitate cæterorum jacturam solari posset; sed durum Regis animum flectere non potuit, per satellites Regis jussu repulsa; qui precibus lacrymisque acrius instantem asperrime increpuerunt. Rex tamen missam eam facerent jussit, cani, quæ ereptos catulos ploraret, similem esse, dicens. Aspi-
ciat justis oculis hæc improba mortalium facta ex alto DEUS, & miserorum causam, justissimus vin-
dex

dex potenti manu asserat. Sunt qui tradant ; hujus crudelissimi edicti hunc fontem fuisse : Hebræos ex Hispania ejectos , Lusitanix Regi certam auri summam pollicitos esse , ea lege , ut se in regnum reciperet. Sed cum multi datam fidem non exolvissent, hoc perfidiæ præmium tulisse. Multi puerorum ob mutatam rationem victus & cœli temperiem in navibus misere extincti sunt. Multi in insulas deportati, a serpentibus icti, qui ibidem in paludibus atque littore maris frequentissimi stabulantur, intererant sunt. His malis accedere nova stuprorum atque incestuum genera; cum alii familiam suam agnoscerent ; alii vero originis suæ incerti essent. Labentibus enim annis juvenis quidam sororem suam sibi matrimonio junxit ; alius etiam inde in patriam reversus matrem uxorem duxit.

LX. Cum forte ab urbe abessem, Hebræi Olyssipone incredibili strage gravissime concussi fuerunt: quam mihi paulo post in urbem reverso exposuerunt populares: rei gestæ seriem alii aliter narrabant; in hoc tamen uno ore consentiebant omnes, rem nimis, quam crudeliter gestam fuisse. Quæ nos hic tradimus, ea ab idoneo antore, venerandæ ætatis viro ipsi hunc in modum accepimus. Celebri illa Paschatis nocte Christianiprehenderunt aliquos

a Judaicis ad Christiana sacra compulsos, panem non fermentatum atque herbas amaras comedere, quas lex divina ipso Paschatis festo comedendas olim præscripsit Hebræis. Hinc ad Regem abrepti in carcerem compinguntur, donec dignas scelere suo poenas luerent. Magna tum forte fames Lusitaniam premebat, ex pluviae penuria & flagrantissimo coeli æstu orta, Christiani congressi frémentes inter se dicebant: Quamobrem fatalia hæc mala, nisi ob impiæ hujus gentis scelera nobis & terris nostris immisit DEUS. Quod cum monachi, quos prædicatores vulgo appellant, audirent; omnes vires suas & nervos in illud intendebant, ut hanc Christianorum opinionem suffragio suo in animis hominum confirmarent: Aliqui igitur ex eorum numero acerrimas contra Judæos in sacra æde invectivas ad populum habuerunt: mira quoque arte simulacrum finxerunt concavum, a tergo ostiolum, pectus vero ex vitro affabre factum habens, cui cum accensam lucernam immisissent, novum ignis prodigium a simulacro editum famâ vulgant. Quo viso vulgus humi procidens, conclamat: Grandi hoc portento haud obscure significare DEUM immortalem; omnes Judæos flammis exurendos esse. Interea temporis Judæus quispiam in Christiana sacra coactus in-

ingreditur, qui cum supra dicta non audivisset, nihil dum mali cogitans, dicit: Utinam vero aquâ aliquod monstium editum fuisset, cujus penuria sicco & æstuante hoc cœlo potissimum laboramus: ignis enim parum solatii afflictissimis rebus nostris afferat. His concitati verbis Christiani, qui jamdudum causam quærebant, quamobrem in Judæos insigne aliquid facerent: in hominem, ut miraculi sui illusorem, feroces irruunt, eumque templo exturbatum interficiunt. Quo interfecto frater ipsius advolat, exclamans: heu! heu! frater mi, quis te interfecit? Adstans illic quispiam miles ei caput decussit, fratremque fratri junxit. His actis monachi sublati in altum crucibus, in forum properantes, proclamant: Quicumque Judæum aliquem obtruncaverit, centum diebus admissa vitæ crimina purgatorio igni expiaturum. Populus tanta spe impulsus, armis correptis, longe lateque grassari cœpit, & triduo tria Judæorum millia concidit, quorum cadavera in forum protracta exusta sunt. Regnantibus hisce iratæ plebis furiis, multæ gravidæ feminae de fenestris præcipitatæ fuerunt, quas alii subeuntes hastis ita exceperunt, ut foetus ex utero excussus, ad aliquot cubitos prosiluerit. Alia præterea crudelissima facinora & flagitia patra-

runt,

runt, quæ consulto prætermittenda duxi. Narrant nonnulli hujusce mali caput & causam fuisse Judæum quendam, Mascarino nomen erat; qui cum esset publicanus, omnibus Christianis pariter exclusus, non modo se illis stolide præferre; sed multa etiam nova cum Christianorum fraude introducere est ausus; eventus ipse famam hanc confirmasse videtur: Invento enim Mascarino, & frustillatim conciso, cunctus sævientis plebis furor in Judæos repente repressus resedit. Olyssipponis iudicibus atque cæteris proceribus hujus nulla tempestatis culpa imputari potest, hæc enim ignaris atque invitis ipsis gesta fuerunt: quæ ipsi eripiendis Judæis gnaviter; sed incassum laborarunt: immani enim rabie concitata multitudo in ipsos quoque involasset; nisi præcipiti fuga vitæ periculum vitassent. Lusitaniæ Rex, vir pius, tum forte absens, re audita valde animo turbatus fuit: qui mox Olyssipponem reversus in facinoris auctores inquit, & monachos scelerati consilii auctores, & hujus facinoris duces fuisse deprehendit. Quapropter sacram illorum ædem, ut omnis incendii causam dirui statuit: quod purpurati prohibuerunt. Deinde omnes illos, qui Judæos interfecerant, securi percuti jussit. Tum consiliarii

liarii veterem imperii legem Regi ostendunt, cujus sententia hæc est: Si quinquaginta, aut plures etiam homines scelus, aut eadem aliquam admittunt: non quinquaginta illi homines; sed soli consilii autores morte plecti possunt. Rex igitur comprehensos monachos exuri, atque urbem Olyssipponem, quæ olim fidelitatis semper titulo gloriabatur; per triennium rebellem appellari iussit.

LXI. Fando accepimus, improbos aliquos in Hispania vulgasse: se deprehendisse in ædibus cuiusdam Judæi puerum Christianum occisum, cujus de cadavere cor excussissent Judæi, quo Pascha suum celebrarent. Ex hac machinatione grave malum imminebat Judæis, quod Salomo Levita vir sapientissimus, & arcanæ Cabalisticæ artis peritus feliciter est amolitus; hic posito sub pueri lingua divino nomine puerum resuscitavit: qui necis suæ atque exempti cordis autores indicio prodidit; scilicet improbos aliquot Christianos, qui Judæis exitium moliti infontibus sua crimina affingebant. Hæc non quidem scripta; sed ut diximus, fando accepimus.

LXII. In amplissima urbe Hispali fuit M: Judas quondam Virgæ filius. Cum Hispali sacra primum censura induceretur, quidam ex civibus dixerunt:

si cognoscere velint eos, qui a Judaïcis ad Christiana sacra compulsi, ritibus atque Judaicæ religioni pertinaces inhærent; comprehendendum esse M. Judam filium Virgæ: eo enim dūce atque autore, cæteros Judæos in religione sua permanere. M. Judas præfagiens animo, quæ mala ex hoc sacræ censure fonte in gentem suam essent derivanda; tria turture paria in fenestra sua collocavit: unum deplumatum atque mactatum, quorum collis hæc verba inscripserat: **Hi sunt illi**, qui a Judaïcis ad Christiana sacra compulsi, omnium postremi deprehenduntur. Alterum par deplumatum; sed non mactatum erat, cui hæc verba addiderat: **Hi sunt medii**. Tertium par plumas cum vita habebat; quod hæc verba legenda prodebat: **Hi omnium erunt primi**. Judæi vero ad Christiana sacra coacti, saluberrima hæc ipsius monita negligentes, in eam calamitatem, quam postea miserrimam perpeSSI sunt, imprudentes inciderunt. Complures Judæi, qui coacti in Christiana sacra iverant, igni exusti fuerunt; ut internecione fati leges impleSSe videantur. Ipse vero Judas tempestatem istam enavigaturus Olyssipponem aufugit: ubi comprehensus, variis tormentis miserrime distorquetur, ut proderet eos, qui ad Christiana sacra coacti, animo & sensu Judæi, cul-

cultu vultuque, quo' maxime simulatio sustinetur, Christiani essent. Sed vir ille, quantumvis aspere tortus, extorqueri tamen sibi nihil est passus, quo populares suos, de quibus interrogabatur, proderet: sed inter lævissima tormenta forti atq; infracto animo perstans, exspiravit. Hujusce viri aliorumq; sanctissimorum hominum merita, uti nobis atq; toti posteritati, fausta atq; felicia esse possint, faxit DEUS immortalis.

LXIII. Salomo inquit: Si quis mortalium animo & cogitatione percurrat magnas illas calamitates, quas patiuntur Hebræi; incredibili certe admiratione ductus, ita quærere posse videtur. Quænam tantarum irarum causa est, quas DEUS in Judæos evomit? Nulla certe usquam sub cœlo gens tantis malis unquam est conflictata: cum tamen alias gentes, Hebræâ longe gravius Summi Numinis majestatem violasse constet. Hujuscemodi quæstionibus hoc divinum Oraculum apte occurrit. Amos cap. 111: versu 2: Tantum vos cognovi ex omnibus gentibus terræ, idcirco visitabo super vos omnes iniquitates vestras. Huic vero septem alias adjiciamus causas, quæ miseriam hanc nostram nobis pepererunt. Prima majorum nostrorum crimina sunt: quemadmodum sapientes nostri per hæc demonstrarunt verba Exod. xxx11: versu 34. In die

visitationis meæ visitabo in eis, & hoc peccatum eorum. dicentes: Nulla tibi Israël pœna infligitur, quin partem criminis per impiam aurei illius vituli venerationem, majoribus nostris olim commissi, malo tuo etiam nunc luas. Quod ipsum vates Jeremias in Lament: suis. cap. v: versu 7. conqueritur: Patres nostri peccarunt & non sunt: Nos vero pœnas iniquitatum eorum portavimus. Altera causa est; meritum nostrorum tenuitas: levibus enim meritis nostris longi errores nostri per se finire nequeunt. Hoc omnium gentium ingenium est, ut propter legis nostræ odium & profundam imperii cupidinem universos mortales ad sacra sua pertrahere studeant. Rationem sapientes nostri allegarunt, quare mons ille, in quo data est lex nostra, Sinai; quæ vox & odium significat, appelletur? quia inde scilicet propter legem primum odium est primum: quia lex nostra cum cæteris gentibus cibum potumque sociare vetat: quæ duo mortalium animos potissimum jungunt, atque mutuo amoris vinculo devinciunt. Hinc doctores nos nostri ab eo sunt dehortati dictitantes: Convictum cum gentibus viam esse expeditissimam, qua dissidentes facile concilientur. Quemadmodum fu-

fius

sius ad hæc Jer. cap. xiv. v. 22. verba. Tu enim fecisti omnia hæc : rem ipsam explicuerunt. Tertia est cædes Jesu Nazareni , neque frustra Moses Exod. cap. viii. v. 24. dixit. Quod si mactaverimus seu immolaverimus abominabiles Ægyptiorum Deos in conspectu eorum ; nonne nos lapidibus obruent ? Quarta causa sunt gravissima hæc tria amoris genera ; 1. Amor legis. 2. Feminarum. 3. Divitiarum : de quibus Hebræi cum cæteris gentibus pari libidine certant. Iam enim in Hispania Hebræi Christianas puellas amare cœperunt : ex nimiâ , quam cum Christianis habent, consuetudine. Aliqui etiam libere pronunciare audent : Leve illud crimen esse, Christianas amare puellas ; cum levi luatur supplicio, fustuario inquam : minime videntes , se multis æmulorum insidiis obnoxios esse ; qui ipsis subinde vitam eripiunt : atque adeo Cabalistas ipsos æternis suppliciis vivos mortuosque mactandos pronunciare. Hoc vero omnium gravissimum & maxime miserandum est crimen ; si enim scortum ex Hebræo fiat gravidum ; simulacrorum aliquando cultorem ipsum gennisse , certo certius erit. Divitiarum cupido impulit Judæos , ut falcem suam in mercaturæ & opificiorum Christianorum

messem non tantum immiserint; sed quod omnium pessimum est, furtis atque rapinis intenti sint. Si enim quis Hebræorum in furto, aut rapina aliqua deprehendatur; Christiani more suo, unius scelus omnium Judæorum culpam faciunt; neque hercle sine insigni summi Numinis contumelia; ut verum fateamur, illi ex corruptissimis moribus nostris, objiciant nobis, nulla nos religione, aut lege teneri; quemadmodum tristi quidem; sed vero ore vir summus Moses Mecozî pronuntiavit. Hoc unum scelus ad prorogandos errores nostros satis momenti habere videtur: Enimvero quis nescit, oraculum contrarias vitiis nostris virtutes à nobis exigere? Zephan. cap. 3 vers 13. Reliquiæ Israëlîs iniquitatem non admittent, nec loquentur mendacium; nec invenietur in ore eorum lingua dolosa. Sexta causa est, quod genti nostræ pejerare nulla religio est, scriptq; Aben Esra, hoc causæ satis esse, ob quam exilia nostra proferantur. Septima est superba ambitio, quâ aliqui ex gente nostra laborare cœperunt: adeo, ut in Christianos loci indigenas, rerumque dominos, superbe imperium affectaverint. Causa etiam fuit prava ambitio, quod eodem anno, quo ex Hispania pulsi fuerunt, ipsa expiationis nocte in conciliabulo suo quidam de loco inter se certantes, correptis

reptis facibus, quæ ante sacræ legis repositorium rite accensæ ardebant, alii alios petiverint: atque hujus generis crimina per gentem nostram regnant plurima. Hinc justissimus scelerum vindex DEUS, quem flagitiis nostris irritare non desinimus, fatalia hæc mala in tot nobis secula producit. Cum vero tristissima hæc gravissimorum casuum series, mortalium animos merito turbare posse videatur, discutiendo tædio mihi hic inferere visum fuit, quod auditu jucundum, usu fructuosum est; Sacræ Ædis fabricam, ejusque, supra quam dici potest, incredibilem magnificentiam, qualem eam a summo viro Versorio descriptam accepimus, quam per literas quidem descriptionem ab illo petiit & impetravit Rex optimus Alphonsus; quam ego de Hebræo in Latinum verti.

LXIV. Exemplum literarum Regis Alphonsi ad Versorium infra scriptum est:

Versori sapientia summe, prudentia celeberrime, atque consilio admirabilis: in regia nostra versantem te Patrem appellavimus: nostrosque cives tuis unius auspiciis semper reximus; insciis nobis hinc digressum, si reverti huc lubeat, majori etiam benevolentia & studio te amplectar, cæteris omnibus prælaturus. Novimus te in Hebræorum lege,
riti-

ritibusque versatissimum: de qua gente multa nefanda audivi, adeo, ut eam regni mei finibus exterminare decreverim: (cognoscere aveo, verane illa sint, quæ vulgo jactantur.) Ajunt enim: Hebræos solennibus precibus suis ita quotidie orare solere: Perdat DEUS superbum regnum quamprimum. Quibus hercle verbis isti regni nostri interitum efflagitant. Deinde Paschatis sui festo cornu quoddam inflant, quo, ut olim ad tubæ cantum Hiericho cecidit, regni nostri excidium canunt. Aliud præterea, idque magis necessarium, a te peto, scilicet Titi Imperatoris literas, quas ad manus tuas pervenisse audivimus, quibus sacram Ædem Hierosolymitanam, ejusque impensas uberrima oratione descripsit. Consilium enim mihi est, sacram ædem Servatori nostro Christo extruere. Unde vero consilium petam, aut exemplum sumam, nisi ex rerum olim gestarum penu atque memoria? & unde justius, quam ab Hebræis, qui inter antiquas gentes sapientia antecelluisse creduntur? Præsertim si ea sit illius fabricæ descriptio, quam Salomo condidit; qui uti sacræ literæ tradunt, omnium mortalium sapientissimus fuit: At tuis rem omnem nos literis & perspicua & facili oratione edoceas. Tum quicquid petiveris, a nobis feres. Ad has literas

Ver-

Verfarius in hunc modum rescripsit:

Sanctissime & potentissime Regum Alphonse, qui aliorum regna evertis, superbos debellas; tibi se Reges subjiciunt, atque hostes tui dejecti humum mordent. Causa discessus mei ex regia tua hæc est: Videbam scilicet homines quosdam, ordine & loco me multo inferiores ad imperii fasces adspirare: quod cum Rex videres, dissimulabas tamen. Quod ad quæstionem illam de Judæorum precibus attinet, o Rex, hic ea describimus, quæ in explicationibus eorum observare nos meminimus. Per verba illa; superbum regnum quamprimum evertatur; Amalecitarum regnum intelligitur: quod ipsum Hebræi quondam rerum potiti divino præcepto funditus delere jubentur. Si vero Hebræi aliorum imperio subjecti vivant, quod unum in tali re possunt, votis saltem Amalecitas delere studeant; quod ipsum sacrae literæ præscribunt: Deut. cap. xxv: vers 19. Delebis memoriam Amaleci sub cœlo, cave ne obliviscaris. Vocatur autem superbum hoc imperium, quia Hebræis ex Ægypto egressis se superbe opposuit: portenta enim, quæ ediderat DEUS, agnoscere noluit, quibus tamen pervicacissimus Pharaon victus se submitit, in-quiens: Justissimus Deus est. Amalecus vero contra

X x

mani-

manifestissima DEI prodigia insurrexit, quibus omnibus DEUS vehementer irritatus fuit, ut sacræ testantur literæ Exod. cap. xvi 11: vers 16. Bellum Domini cum Amaleco a generatione in generationem. Præterea ipsa etiam ratio hæc verba non aliter intelligenda esse docet. Num verisimile esse videtur, o Rex, Judæos precibus suis tui regni eversionem efflagitare, cum singulis hebdomadibus, quando sacræ legis codicem in conciliabulo suo circumferunt; DEUM tibi orare soleant: ut ipse tibi vitam diu feliciter proroget, & regni tui fines propitius proferat? Deinde famosissima illa expiationis nocte, quando omnes sacræ legis codices, quotquot in arca inclusos servant, promere solent, pro regni pace & incolumitate supplices orant. Sic etiam in precibus, quas per quadraginta noctes publice fundunt, his verbis: Da nobis pacem in regno, pacem ardentem orant. Num igitur credibile, o Rex, eos hisce dictis, non diversa modo; sed etiam adversa in precibus dicere? & suo se, quod ajunt, gladio jugulare? Rem per se manifestam cordatis judicandam relinquimus. Quod ad ipsius cornu tantum attinet: de eo Hebræorum scriptores ita loquuntur: Eo ipso innui ultimi aliquando judicii diem futurum, quapropter cornu inflantes succlamant.

mant. Expergiscimini o dormientes! Deinde & Ifaci memoriam hoc cantu celebrant, qui Abrahamo copse die immolandus erat. Præcipue vero hujus cantus ratio hæc est, quod eodem die finem suum Ægyptia servitus habuit, quo post tot laborum fastidia in libertatem vindicati sunt Hebræi: Mos enim olim fuit Hebræorum genti, cum manumitteretur servus, ut cornu canerent. Utinam vero hisce paria atque similia semper faciant Hebræi! Cave autem, o Rex, premere Judæos, adhuc enim vidi neminem, qui genti huic exitium molitus, non sibi suisque exitium attulerit. Non quod vera sinceraque sacra colant; sed quia Deus miseros atque inopes respiciat atque vindicet. Psal. L X I X: vers 34. Audivi præterea, o Rex, quod Hebræos ad Christiana sacra perducere studeas: quæ sane res votis etiam expetenda esset, modo spes aliqua affulgeret, rem ex sententia successuram. Qui enim vi ad Christiana sacra compelluntur, religiosius, quam antea, clam secum legem Mosaicam observare solent. Ego accepi, Hebræum quendam, qui ad religionem Christianam coactus erat, sacram ædem frequentantem, Servatoris nostri mystico corpore, dum res divina perageretur, in altum sublato, pectore manu percusso, dixisse: Væ hæc videnti!

denti ! Væ hæc credenti ! Fertur etiam Hispanensis sacræ censuræ præfectus, duci dixisse : quod si cognoscere velit , qui ex coactis Hebræis diem Sabbathi more Judaico observarent, turrim conscendendam esse, atque ex alto Judæos a Christianis discernendos esse. Turri protinus conscensa , censor duci ait : Hinc ex alto has Hebræorum ad Christiana sacra compulsorum ædes despice : ex quibus nullum fumum emergere videris , illic Hebræos latere suspicator. Dux latis circumquaque oculis plurimas domos observavit , ex quibus nullus fumus provolvebatur : cum tamen ratio temporis, asperrima scilicet bruma, ignem vel maxime suscitari postularet : sed in causa erat, quod Mosæicis sacris pertinacius inhærentes die Sabbathi focum accendere volebant. Me etiam in Hispania virum quendam novisse memini , qui ad Christiana sacra vi adactus toto anno panem non fermentatum comedebat , ut die Paschatis eundem nihil mali suspicantibus Christianis comedere impune posset , causatus stomachum suum fastidire fermentum. Die vero festivo, quando Hebræi cornu canere solent ; tum hujuscemodi Christiani rus prodeunt , solitudinem nacti inter montium antra & speluncas cornu canunt. Ne quis mortalium, cor-

nu

nu sonitum audiat. Lanionem quoque habent, qui maectatis animalibus femoris nervum, pinguedinemque lege prohibitam adimit, & bene purgata animalia ad latentes Judæos occulte defert. Habent præterea magistrum, qui clam præputium præcidit. Alii sibi ipsis præputia demunt, metuentes; ne consciis aliis, ad supplicium rapiantur. Alii legis Mosæicæ codicem in aromatario sacco occulunt. Pari etiam astu cætera suæ legis præcepta observare student. Quid ergo refert, o Rex, sacras baptismi aquas in Judæos perdere: eosque Christiano nomine Petrum, aut Paulum appellare, cum severissimi legis Mosæicæ cultores esse non desinant, eamque ad ultimum vitæ spiritum, ut Aciba & Tariphon, defendere contendunt? Nihil quicquam certe juvat, o Rex, Judæos invitos facere Christianos, quo ipso illis dabis occasionem, ut simulate Christiani vere Christianis superbe insultent. Tum enim se vultu cultuque Christianos fingent; quales etiam omnibus haberi debent: & induto Christianorum nomine, majorem quoque licentiam induent. Deinde etiam vestigalia, quæ Judæi antea pendere solebant; solo Christiano nomine armati excutient. Denique hoc a me discas velim, o Rex, Judaïsmum morbum esse insanabilem. Quod ad secundam quæstionem

attinet; hoc consilium meum est: Pulchrum & gloriosum Christiano nomini futurum, ne unquam tibi in mentem veniat vel cogitare, templi struendi aliquod exemplum petere, ab eo templo, quod condidit Salomo; aut ab æde secunda, quæ post exilium Babylonicum instaurata fuit. Ipse enim Salomo, licet sapientia & divitiis omnes, qui Orientem colebant, vinceret; templum tamen hoc sine singulari DEI auxilio excitare non valuit. Et ne videar, o Rex, excusationum latebras petere, quo minus imperata faciam; ecce me promptum paratumque ad omnia, quæ possum, pro te tentanda. Quod Titi Imperatoris literas nactum me esse dicis, ego quidem illas, antiquitatis amore mire flagrans, Romæ diligenter quæsi, sed nullas Titi literas inveni: Inveni hoc exemplum literarum Marci, consulis Romani, quas ille, dum Judææ præturam Hierosolymis gereret, rogatu Romanorum, simile templum molientium exaravit, literarum hæc sententia est: O populus ab omni ævo longe felicissime; populus totius orbis domine, prudentissimi Senatores magnæ & augustæ urbis Romæ. Petitis a me maximi procures, quod præstare non opis est nostræ; nemo enim, nisi quod ipse oculis suis usurpaverit, ex vero depingere potest,

est, atque Judæi neminem in sacram ædem suam admittunt; hoc enim grande nefas credunt. Unica tantum est aula, quam externis ingredi fas est, præter illam nullam aliam novi; nisi quantum sacerdotes sacris ministrantes mihi retulerint, aut ipsi mihi hisce oculis foris perspicere licuerit, nempe quo oculorum acies pertingere valuit. Qualis quantaque ea ædes fuerit, ut clarius cognoscatis, in suas eam partes, quibus constat, breviter & dilucide dividam, 1 in ædis materiam. 2 Locum, 3 Fabros, 4 Impensas, 5 Mensuram, 6 Conclavia. 7 Fores, 8 Sacram supellectilem, 9 ædis ministros, 10 & cultus religiosissimas ceremonias.

I. *Materiæ ædis* decem genera erant: 1 lapides 2 cedri 3 abietes 4 corallia 5 aurum, 6 argentum, 7 gemmæ, 8 ferrum, 9 æs, 10 stannum. Corallia, ut Romæ fama cognovi, arbores rubræ sunt, more corallii; ut narrant, licet nunquam iis arbor ea visa sit, nisi tantum exigua quædam ejus fragmenta, unius digiti, aut ad summum totius manus instat. Sed Sacerdotes mihi confirmarunt; corallia integras arbores esse: percunctanti, quid ex iis confecerint, respondent: Trabes templi atque adyti ejus: & miranti, unde tanta corallia habuissent, narrant: sapientissimi Salomonis beneficio; qui
rerum

rerum omnium, quæ universo hoc continentur, ut naturam, ita sedem atque locum sciverit. Ille, quæ divina sapientia erat, mare, quod Libanum alluit sinu suo illas coralliorum arbores, ut Libanum vertice suo cedros, alere sciebat. Inde illas educi iussit, arte novâ, quam summâ sapientia ipse invenisset: Educendi modum hunc narrabant: Adhibebant vastam navem arena plenam, quæ suo pondere illam deprimeret. Tum viro natandi & urinandi perito, maris undas subeunte, qui crassum & validum funem à malo navis religatum, imo corallio alligaret, arenam egresserunt, atque ita navem, deposito arenæ onere, emergentem atque allevantem se, ipsa corallii arbor radicibus suis evulsa sequebatur. Roganti mihi: Quamobrem etiam hodie tantæ coralliorum arbores non invenirentur? Respondent: Mare illud à continente remotius ab accolis non frequentari, atque ita inde non afferri, nisi ramorum particulas quasdam a mari ejectas, quæ sunt fragmenta illa, quæ nunc habere solemus. Præterea narrabant: Se ex illis coralliis instrumenta Musica fecisse, multoque pluris, quam aurum ipsum æstimatum, quia color ejus floridior multo esset, quam ejus, quod nunc habemus: colorem enim pro cœli atque aëris ratione variare solet; ut & lapides

lapides pretiosi omnes. Memorabant quoque quibus usibus æs atque stannum servierit, scilicet vasis quibusdam, quæ levioribus ministeriis sacrata essent: ferrum clavorum materiam præstabat: lapides longi erant, in fabrica Salomonis, octonas, partim etiam denas ulnas. Ajunt quoque: Eam, quam nunc habent ædem, Herodis opus esse: quam enim ædem Cyri Regis beneficio, libertate recuperata, reduces a Babylo-nico exilio pauperes extruxerant Judæi, ea minus magnifica atque opulenta fuit: donec magnus ille Rex Herodes Judææ regnum adeptus, veteri illa æde diruta, novam hanc extrui jussit, aliquot sui partibus ipsa Salomonica æde ampliorem & splendidiorem. Ille enim immensis divitiarum thesauris abundans, dimisit in insulas, qui quærent, & inventos asportarent, purissimi marmoris lapides, nive ipsa candidiores, stupenda magnitudine, inventi enim lapides sunt longi viginti quinque ulnas, lati duodecim, alti octo, atque omnes lapides ab imis ædis fundamentis, usque ad summa ejus fastigia magnitudine pares erant; in quo hoc maxime mirabile; qua arte, aut quibus viribus, tantæ molis saxa, in centum amplius ulnarum altitudinem subducere

Y y

potu-

potuerint. Adhibuit quoque lapides ex mari petitos, coloribus varios, maris undas referentes, quibus similes nulla unquam vidit ætas.

II. Templi sedes in edito & prærupto monte, non vero in planitie fuit; quia mons ille antiqua patrum memoria sanctus habebatur. Narrant Judæi: In montis vertice, saxum esse, in quo fundata est universi hujus machina, illudque totius mundi medium sive centrum censerì. Eum quoque locum esse ajunt: de cujus terra primus conditus homo est, qui excitatâ illîc arâ, DEO victimas cecidit. Hic quoque filius ejus Abelus sacra fecit. Hic Noachus arca egressus immensæ DEI benignitati gratias professus est: quod se a vastis diluvii aquis, & immanibus, quas una secum in arca collectas habuerat, belluis propitius liberasset. In hunc montem magnus ille Judææ gentis autor Abrahamus ascendit, ut filium suum Isaacum victimam DEO cæderet. Hebræi hunc montem Moriam appellant, quæ vox demonstratum illis significat, quia DEUS locum illum ipse mortalibus demonstravit, eumque ore suo consecravìt. Præterea a Sacerdotibus accepi: Istum montem fragrantibus herbis abundasse, ut thure & myrrha, quam montis nomen Moria Arabibus signat. Hinc Judæi con-

convenientes ut in templum properent; non dicunt: in templum eamus; sed in montem Moriam. Hic Jacobus tertius Patriarcha Angelos de caelo descendentes & ascendentes vidit. De loco hoc, sacri interpretes, qui sunt Romæ, tradunt: Quod viderit progeniem Esavi patris nostri, ascendentem, non vero descendentem, neque descensuram esse. Hic vaticinia & oracula coelitus ad sacros vates delata fuerunt. Per hunc montem piorum mortalium animæ, scelerum puræ, ad æternum beatas sedes in cœlum ascendunt. Hic quorumlibet preces exaudit DEUS: Sic enim a majoribus accepere Judæi: Si externus quispiam ex longinquis locis adveniat, licet ab omni religione alienus, hoc loco DEUM adoret, exauditum iri, neque irritas preces futuras. Nos quoque Christiani ex oraculo sanctissimi vatis Davidis accepimus, hic Servatorem nostrum natum esse, prout oraculum habet. Ps. cx: vers 2. scipionem roboris tui emissurus est Dominus Zione. Hic eum pater ipsius ad dextram suam collocavit quemadmodum David inquit: Psalm cx: vers 1. Ait Dominus Domino meo, sede ad dextram meam. Et quoniam ille venit ad expianda peccata primi hominis, qui ex hoc loco creatus erat; ideo etiam ibidem expiator natus fuit.

III. Quod ad ædis Salomonicæ structores attinet: Narrarunt mihi Sacerdotes, ad extruendam Salomonicam ædem, quinque populos convenisse; Tyrios, Sidonios, Gabalenses, adventitios, & Judæos. Tyrii atque Sidonii, peritissimi lapidæ & materiarii fabri erant; singulari peritia ingentia marmora excidendi. Gabalenses egregii artifices incidendi saxi atque lignis subtilissimas rerum imagines, itidem ut aurifices & argentarii auro atque argento incidere solent: atque etiamnum in Palæstina, Perside & Media sunt, qui lapidibus & lignis, quæ Regum fenestris destinata sunt, subtilissima arte minutissimas rerum imagines, insculpant; adeo, ut subtilitate imagines auro & argento incisas provocare videantur. Adventitii lapides & materiam ad loca, quo jubebantur, portabant, servilibus tantum operibus, & oneribus bajulandis destinati: etiam arbores ex Libani montis sylva, quæ urbi imminebat, cædebant. Erant autem adventitii, numero centies & quinquagies mille, peculiari quadam nota, qua agnosci a Judæis possent, insignes. Sed illi suspecti, ne quid adhuc avitæ religionis animis eorum clanculum inhæreret, a templi structura arcebantur; ne vel contactu illud pollucere viderentur. Fabri ex Judæis

tri-

trices mille erant, quibus, quo opus perpetuo urgerent magis, ter mille trecenti architecti præerant. Adeo, ut in universum angustissimæ fabricæ excitandæ centum octoginta millia & trecenti homines sint operati; ut post hominum memoriam nullum ædificium tanto apparatu sit extructum, quemadmodum ex Romanorum annalibus & historiarum monumentis constat.

III. Quarta pars impensæ erant; toto structuræ tempore Salomo victum atque amictum suppeditavit omnibus operariis atque ædis structoribus. Aluit quoque, dum templum extruebatur, quæ sane immanes impensæ erant, familiam Regis Tyriorum, atque omnes illius servos, ligna enim cædebant, quæ mari ad Judææ fines deferebantur. Præterea retulere mihi viri fide digni, atque monumentis suis consignatum ostenderunt: Regem Davidem, cum sacram ædem struere pararet, coëgisse auri centum millia talentorum, argenti mille millia, æris atque ferri immensam vim: Auri quoque Ophiriani ter mille talenta, & argenti puri septies mille, Iudæorum etiam principes & nobiles liberaliter obtulerunt auri quindecies mille talenta, & argenti decies mille talenta. Pontifices mihi narrarunt:

Omne illud aurum , ædi sacræ infusum , in fictilibus vasis liquefactum , tamdiu excoctum fuisse , ut de centum talentis unum modo purum fuerit eliquatum ; nullum enim corpus est , quod non quatuor elementis sit compositum , illi vero voluerunt auro omnem , quam habet , terrestrem materiam adimere , ut solo jam igne atque aqua constans instar Solis atque Lunæ resplenderet. Mihi sacerdotes retulerunt, fuisse templo exornando millies millenos flores ex auro affabre factos, & lapidibus pretiosis interstinctos : quia paries inter locum, quem Sanctum & eum, quem Sanctum Sanctorum appellabant, ad viginti ulnas totus solido auro infra fuit obductus, atque supra ad decem ulnas auro retis in modum diducto vestitus fuit , unoquoque reticulati operis foramine clarissima aliqua gemma, uti Sapphiro & Pyropo refulgente ; adeo , ut illud decem ulnarum opus nullo pretio potnerit æstimari , quia omne excessit. Reticulatum autem illud opus esse oportuit , uti suffitus ad sanctæ arcæ sedem penetrare posset. Atque literis præterea consignatum ostenderunt: Salomonem nihil ex donariis patris sui Davidis extruendo templo impendisse , sciebat enim, oraculo DEUM monnisse Davidem ; ne sibi ædem conderet. Proinde Salomo inquit: Si ego

ego ex patris opibus ædem extruxero, id vero perinde erit, ac si ipse eam extruxisset: igitur omnia patris donaria in templi ærario condidit, atque ædem ipse de suo ædificavit: Nec quenquam mirari oportet, unde tanta divitiarum vis suppeditaverit Salomoni, qui quotannis sexagena auri talenta ex solis tributis & vectigalibus coëgerit.

V. Quinta pars ædis mensura est: Mons ille, quem diximus, Moria, quadratus fuit: longus ulnas quingentas, & totidem latus, vasto muro circumdatus, qui hodieque perstat: solum totum subter concavum & fornicibus substructum est: ne si forte ante structam ædem ibidem cadaver aliquod positum fuisset, ædem atque superstantes omnes pollueret: Judæi enim, contaminari a supposito cadavere superstantes, a majoribus suis acceperunt; si vero fornix superstruatur cadaveri, superstantes non polui credunt; scrupulosa religione. Interius a muro surgit parvus paries, decem palmorum altitudine, ex lignis fissilibus decussatim in retis modum contextus. Introrsum a pariete illo in aulam mulierum, duodecim gradibus ascenditur. Hæc mulierum aula in longitudinem atque latitudinem patet centum triginta quinque ulnas. Ex hac aula aditus in Israëlitici populi & sacerdotum aulam majorem patebat, longam

gam centum octoginta septem, latam centum triginta quinque ulnas. Deinde ingredi volentibus quatuor parietes circundabant Adytum templi, quod Sanctum Sanctorum vocant. Parietes isti sua intervalla habebant, Adytum a tribus mundi plagis, Septentrione, Meridie, & Occidente complexa; quæ Orientem versus in angustum coeuntia in unum parietem desinebant. Hæc intervalla atria appellabantur; quæ omnia sacris templi ministeriis sacrata fuere. Sanctissimi Adyti forma quadrata erat, cujus longitudo in quadrum viginti ulnas implebat. Fanum sanctissimo Adyto ab Oriente objectum, viginti latum, & quadraginta ulnas longum erat. Vestibuli longitudo viginti ulnas, latitudo totidem patebat. Fuit itaque longitudo sanctissimi Adyti, Fani & vestibuli octoginta ulnarum. Accepi ego, vestibuli, Fani, & sanctissimi adyti, quod Salomo & Herodes construxere, altitudinem centum viginti ulnas implevisse. Illam vero fabricam, quam Hebræi a Babylonico exilio reversi moliti sunt, centum tantum ulnas altam fuisse. Fanum atque sanctissimum Adytum triginta ulnas æquabat: quorum tectis superstructa erant duo cœnacula, quorum alterum orbium cœlestium; alterum supremi cœli speciem præbebat, quæ reliquum altitudinis locum exple-

explebant. Volebant enim prisca Hebræi: terreni huius templi fabricam, superi & cœlestis illius mundi aspectabilem quandam imaginem esse. Ex Israël's aula in Sacerdotum aulam per quindecim gradus ascensus erat: hic theatrum occurrebat, in quo Levitæ inter cædendum victimas vel voce, vel instrumentis Musicis sacra canebant. In ultima sacerdotum aula ante vestibulum ara erat, qua conscensa, in Fanum porro per duodecim gradus ascendebatur. Fanum vero & sanctissimum Adytum, ejusq; vestibulum in editiori quidem montis loco; sed tamen in plano sita fuere.

VI. Sexta sacrae Ædis pars domos illius complectitur: Mulierum aula quatuor domos habebat, rei divinæ consecratas: hujus aulae latus magna quoq; domus occupabat; magistris Thalmudicis accensoria dicta, quæ nomen a re sortita, magnum perpetuumq; ignem alebat; cujus usus geminus esse dicebatur. Primo hinc petebatur ignis, quo in ara victimæ incensæ adolebantur. Quo audito, sacerdotibus objeci: si ut dicitis res est, certe ficta fabula fuerit, quod ignem illū incendendis victimis de cœlo delapsum prædicatis. Respondebant illi: Quamvis quidem ignis ille cœlo delaberetur, nos tamen divina lege obstrictos vulgarem quoque ignem adhibere oportuit: nulla enim pars est, ad quam non nostram quoque operam con-

Z z

ferâ-

feramus. Quibus ita respondentibus ego sic inſto: Has fictas Judæorum fabulas videri: quibus habere fidem mihi quidem religio ſit. Tum illi indignati, inquit: Quodſi nunc hæc credere negas, poſt-hac æternum ne credas. Urgere eos porro animus erat: Sed ne rem vobis facerem ingratam, veſtri me reverentia retinuit. Alter hujus ignis uſus reſciendis ſacerdotibus erat, qui nudis ſemper veſtigiiſ marmoreum pavementum calcabant. Quæ res multis eorum immani frigore tabeſactis interitum ſæpe attulit. Occupabant domus hujus angulos quatuor conclavia, ſacræ Ædis uſibus dicata. Hæc ipſa præterea domus in pavimento lacunam habebat, cui marmorea tabula catenis revincta incumbebat: in hac lacuna Sacræ Ædis claves aſſervabantur: Sacerdos vero ad cuſtodien- das fidelius claves, tabulæ foſſam tegenti noctu indormiebat: mane aperien- diſ oſtiis præfecto illuc venienti claves tradebantur. In aula Iſraëliſ octo erant domus, omnes Sacræ Ædis cultui, innumeris- que miniſteriis deſtinatæ. Hic etiam famoſiſſima, & toto terrarum orbe celebra- tiſſima fuit illa Senatorum Curia, quam Hebræi ſua lingua לשכת הגזית appellare conſueverunt: cujus ædificii tantus ſplendor, tantaque magnificentia fuit, ut totuſ terrarum orbis nihil illi ſimile, aut ſecun-

secundum habere videatur. Causam, quamobrem hoc ipso loco constructa curia erat, hanc esse memorabant; Quia in ea sacerdotibus potissimum jus diceretur. Addebant & illud: si quis sacerdotum forte a sacro senatu ad sacra peragenda, aut moribus impurus, aut aliqua corporis parte inutilis deprehenderetur, cum nigris vestibus indutum a sacerdotum consortio remotum fuisse; qui in patriam familiam reversus, luctum agitabat. Si vero postea vel ad frugem rediens, vel pristinam valetudinem recuperans, animo probus, vel corpore integer judicaretur, festa coena amicis suis apparata lata voce exclamabat: Magnæ merito gratiæ habeantur, atque agantur DEO Optimo, Maximo, qui posteros Aronis delegerit, ut sacra ejus in sanctissimo Fano obeant. In hac etiam aula Pontificis Maximi erat sedes, ubi commorari solebat perpetuos septem dies, qui magnum illum EXPIATIONIS DIEM antecederent, cujus dici sacra Pontifex Maximus ipse peragebat. In hac etiam domo Pontifex Maximus sacra ipso expiationis die peragendi ordinem & modum discere solebat ex Pontificibus antecessoribus suis. Id vero in æde secunda locum habuit, ubi Pontificatus non virtutis, sed largitionis præmium erat. Hæc quoque domus hujus re-

ligio erat atque majestas, ut Pontifex per illos dies, quos in ea versaretur, in casto esset, reque uxoria abstineret. Erat & alia domus perenni puteo instructa, ex qua aqua aulis, aliisque locis ad mundiciarum usus petebatur: Hic quoque domicilium suum habebat sacerdos ille, qui reliquos sacerdotes sacris operaturos, religiosis vestibus induebat: singulis quaterna vestium genera, a lege ipsa præscripta inducebat. Hæc quatuor vestium genera per totidem diversas fenestras porrigebantur; quarum singulæ earum vestium nomina, quibus erant destinata, inscripta habebant: ne forte per errorem, vel festinationem vestes conturbarentur. Aræ quoque & vacua loca complures domos habebant, sacris usibus consecratas. Sub ipsis etiam gradibus loca fuerunt gazis recondendis parata, quæ humi depressa thesauri divinæ Ædis appellabantur. Supra dictis locis vacuis, quæ parietum intervalla faciebant, triginta octo domus in orbem constructæ continebantur: domus tristegæ quindecim Septentrionem spectabant: aliæ quindecim Meridiem: totidem & similes Occidentē. Domus hæc ex buxina materia affabre structæ, miro nitore & elegantia spectabiles erant: has ipsas domos templi parietibus minime contiguas esse voluere majores nostri: ne forte harum incolæ, dum se templo

templo proximos esse meminissent, domi per ignavi-
am sacris operarentur, aut importuno suo in templum
prospectu religionem sacrorū turbarent. Hinc etiam
templi fenestræ, quæ lumē admitterent, arctis cancel-
lis decussatim cōpositis constabant: quamvis ipsæ per
se altitudine longe supra domos istas eminent: adeo
ut domos illas habitantibus facile prospectus omnis
in sacram Ædem adimeretur. Deinde in exteriori pa-
rietum parte, una & viginti stationes erant: in quibus
excubias nocturnas agebant Levitæ; non quidem
quod excubiis opus esset; sed ut honos suus atq; ma-
jestas religionibus constaret. Tres stationes intra pa-
rietes erant, in quibus sacerdotes excubabāt. Hæ vero
excubiæ eo consilio institutæ fuerunt, ne sacerdotes
in templo aliquod scelus admitterent, ejusque religi-
onem scelerata & detestanda vita polluerent. Quo sa-
luberrimo exemplo nos monemur Christiani, ut
templa nostra majori religione colamus, ut apud
quos celeberrima & religiosissima illa nocte, qua
Servator noster mortem obiit, juvenus sui impo-
tens in templis plurima scelera atque flagitia admit-
tere soleat. Rex Herodes, cujus supra meminimus,
spendidissima accessione sacram Ædem ornavit. Qua-
tuor illi vestibula a quatuor mundi plagis adstruxit:
Cujusq; vestibuli longitudo ducentorum quinquag-

ginta, latitudo centum, altitudo centum viginti cubitorum erat; quæ sacræ Ædis mensuram implebant. Præterea rivo Cedroni arcum imposuit, in quo aquilas atque leones statuit, quibus molem reliquam sustentaturis vestibula superstruxit. Illud autem vestibulum, quod usque ad rivum Cedronem produxerat, in tria tabulata attollebatur: adeo, ut, qui in summo tecto consisteret, profundissimum rivum despicere non posset. Hæc vero vestibula sacram Ædem a quatuor mundi partibus ambientia Rex Herodes construxit; in gratiam illorum, qui ad celebranda tria Hebraicæ gentis festa quo tannis Hierosolyma commeabant, ut illic diversarentur, & præteriti itineris tædia, hospitii dulcedine solarentur. Aularum domus parietes ex lapidibus constructos habebant, quos tabulis vestiverant, argenteis laminis obductis: in hanc rem argenti septies mille talenta infumta fuerunt. Quibus illi argenti laminis quamplurima omnis generis arborum, florum, ferarum mundarum, aviumque simulacra inculpsent. In Fanum & sanctissimum Adytum ter mille auri talenta impensa fuere. Supra memoratum Fanum, & sanctissimum Adytum primo murum lapideum, deinde parietem cedrinum habebant: pavimenta vero atque laquearia

aria ex buxina materia facta erant, quæ firmior durabiliorque habebatur: tota denique fabrica intus auro obducta fulgebat: cui omnes generis imagines incisæ spectabantur, velut Angelorum, palmarum, alternato scilicet ordine: auro incisæ, inquam, imagines istæ erant: cum Hebræis per legem suam simulacra, quæ extantia corporis membra habeant, fingere non liceat, exceptis solis Cherubim. Circa Angelorum palmarumque figuras, florum & herbarum ruri nascentium imagines incisæ erant, quorum tam viva & florida facies fuit; ut non simulacra; sed medio vere flores ipsos nativa pulchritudine vernare dixisses.

VII. Septima pars nobis sacræ Ædis portas exhibet. Per quinque portas ad montem, cui templum inædificatum erat, aditus patebat. Aularum muri septem portas habebant; tres a Septentrione usque in Occidentem: totidem ab Occidente in Meridiem pertinebant. Septima Orientem spectabat, sanctissimo Adyto adversa. Quælibet porta latitudine dena, altitudine vicens cubita implebat. Portarum valvæ ligno constabant buxino, quibus auro obductis figuræ subtilissimâ cælaturâ affabre incisæ erant: cuius rei ipse locuples testimonium dare possum. Sola vero Orientis porta non auro, sed politissimo orichalco vestita fuit, quod

quod ipso etiam auro ob refulgentissimum splendorem longe pretiosius habebatur. Tradunt Hebræi: Portam istam ea de causa Nicanoris portam esse appellatam, quia Judæus quispiam nomine Nicanor valvas ejus Alexandriae in urbe Ægypti fabricaverat. Ille igitur cum patriam repeteret, & coorta subito spurca tempestate, immanibus irati maris fluctibus navi quassata & convulsa, de naufragio periclitaretur, levando navis oneri, alteram valvarum in mare præcipitarunt nautæ. Mari commotis fluctibus nihilo mitius sæviente; alteram quoque in mare projicere nitebantur. Id vero sentiens Nicanor, cui valvæ istæ immenso laboris temporisque constiterant pretio; seipsum valvæ alligans, ita instantes nautas affatur: Si vobis stat sententia, hanc etiam valvam infesto nobis Neptuno tradere, me hic, ut videtis, alligatum una cum valva in mare præcipitem date. Hæc ubi dicta, repente præter omnem opinionem compositis fluctibus, velut placata maris ira resedit; & novis sereni cœli indiciis, meliora tempora promissit. Tum Judæus ad mœstum animum revocare cœpit, acerbissimam pretiosissimæ valvæ jacturam; sed portum feliciter contingens, eam in littus ejectam inusitato prodigio invenit. Ira casus

sus iste portæ huic autoris sui Nicanoris nomen
 dedit. Hæc tradita Judæis autoribus sunt, pe-
 nes quos novi hujus prodigii fides. Vestibuli
 porta quadraginta cubitos alta erat : Fanum par-
 vum quoddam ostiolum, quod semper clausum
 servaretur, habebat. Narrabant Hebræi: Universi
 conditorem & rectorem Deum illac sacram Ædem
 ingressum, majestate sua illud sacrasse. Quibus
 ego respondebam: O hominum homines stultissi-
 mi! Qui Servatorem nostrum ideo abominamini,
 quod corpus habere dicatur: Nonne vos ipsi Deo
 vestro corpus affingitis, sacræ Ædis limitibus cir-
 cumscripto? Ad quæ illi: Deum eo modo sacram
 Ædem ingressum esse, quæ Sol domos ingreditur.
 More quidem recepto dicitur Sol ædes ingre-
 di; cum tamen non ipsum Solis corpus; sed
 ipsius lumen & radii in ædes irrumpant. Con-
 firmabant præterea: multas alias; sed exiguas
 portas fuisse, quas eo fine fecerint, uti cuius
 cultui honos suus constaret; & per eam cul-
 tus istius ministeria rite obiri possent. Alia erat
 porta, per quam victimæ: alia, per quam libami-
 na inferebantur: adeo, ut singuli cultus singulas
 portas haberent. Alia porta assignata erat relega-
 tis: alia lugentibus: ad quam plurimi sacerdotes

A a a.

con-

confidebant ; ut lugentium luctum solatio levent, dicentes : Soletur te Magnus ille DEUS, qui amplam sanctamque hanc Ædem incolit : hujus portæ valvæ ex nigra jaspide factæ erant. Alia erat porta, per quam sponsis aditus patebat ; cujus valvæ candido Crytallo constabant. Hic sacerdotes ingredienti sponso apprecabantur ; ut DEUS illum prole bearet ; quæ insigni pietate DEUM aliquando coleret. Orientalis porta, quæ Susiana appellabatur ; imaginem Susorum, quæ regionis caput erant, insculptam habebat. Jusserat enim Cyrus Judæos, Susi Hierosolyma ad sacram Ædem instaurandam revertentes, regiæ suæ imaginem alicui portæ insculpere. Quo monumento exilii & calamitatum suarum memoriam retinerent, & in optimi Regis cultu & obsequio constantius perseverarent.

VIII. Octava pars templi vasa continet : In mulierum aula nulla erant vasa, præterquam quod illic in festis diebus, & solennibus celebritatibus Judæorum, magnæ aureæ lampades suspensæ accenderentur. Imam cujusque lampadis partem ingens ex auro labrum constituebat, in quod vetera & detrita sacerdotum cingula conjecta ellychniorum præstabant vicem, quibus accensis, vasti adeo ignes

ignes excitabantur ; ut tota Hierosolyma iis late col-
lucerent. In sacerdotum aula ara posita erat, quæ de-
cem mensis ex marmore cingebatur, has, quo minus
auro quoque, quod alioqui facile & familiare iis fuit,
confecerint , hanc causam afferebant : quod
aurum natura calidum , ingenito sibi calore ,
putredinem facile inducat ; marmor vero con-
trariam naturam sortitum , nativo suo frigore a
putredine defendat. His mensis victimæ impone-
bantur & adipēs , purius conservandæ. In hac ipsa
etiam aula, vastum illud aquæ conceptaculum e-
rat, quod a Rege Salomone constructum, mare
appellabatur : cujus altitudo quinque , circuitus
vero triginta cubitos continebat. Mare illud duo-
decim bobus insistebat , quorum tres Septentri-
oni , tres Meridiei , tres Orienti , tres Occidenti
obversi erant. Tota hæc moles floribus, herbosis-
que germinibus affabre cælatis resplendebat. A-
qua sub boum pedibus ex perenni fonte scaturi-
ens , per tubum influebat in mare ; quæ re-
dundanti mari per boum ora rursus effluens a-
quam lavandis sacerdotum manibus , aliisque ad
sacra obeunda necessariis, largiter sufficiebat. Po-
situm & hic erat malluvium a Mose quondam
factum ; quod decem aurea malluvia a Salomo-

ne conflata majestatis causa complectebantur. In vestibulo proxime Fani portam Rex Herodes rem admirando opere & arte visendam fieri jussit: vitæ scilicet columnis Jaspideis insistentem, quarum bases ex argento conflatae erant: vitæ mille auri talenta pendebat: acini & vinacea Sapphiris atque pyropis constabant. Quæ omnia ad ostentandam gentis Hebraicæ opulentiam & majestatem comparata fuerunt: interna enim externis pretiosiora erant. Contra atque cæteris gentibus mos est: quæ externo aliquo splendore internas sordes incrustare solent. Si quis Judæorum acinum, aut uvam auream dono ferret, illic eam suspendebat. In Fani porta aureus pendebat gladius, qui externos Deastros colentes, si Fanum ingredi pararent, funesta hac inscriptione terribat יומת הור הקרב Externus, qui appropinquaverit, moritur. Num. cap. 1. v. 51. Prope memoratam Fani portam duæ excitatae erant columnæ, quas ex ære conflari Salomo jussit. Alteram sacrae memoriae Bohesi, primi familiae suæ auctoris, quæ ob id ipsum Bohesi nomen erat sortita. Alteram memoriae parentis sui Regis Davidis, qui sacrae Aedi struendæ immensum apparatus conduxerat. Cum vero in ipso apparatu moriens eam struere nequiverit: hæc
columna

columna facti hujus memoriam retinens, Hebræo nomine כִּי־quasi tu, APPARABIT, dicas, vocata est. Sacerdotes narrabant mihi, Salomonem eas conflasse ex ære subrubri coloris, quod vulgari nostro longe præstantius habetur, cujus illi copiam præstabat inventa æris fodina pulcherrima, ut iidem autores erant: utraque columna triginta cubitos altitudine æquabat, quarum in capitibus duo diademata tres cubitos alta surgebant: quorum utrumlibet stupenda plane arte, subtilissimo opere reticulato elaboratum fuit, cuius centum mala Punica appensa erant; ex coronis apices quidam elegantissime palmarum vertici similes eminebant. Hæc mihi non visa; sed ex sacerdotibus audita fuerunt. Addebant & illud: coronas illas perquam subtili & stupenda plane sculptura fuisse insignes: nec non causam, quare duæ fuissent, hanc esse dicebant: Signari scilicet duo hominum genera, quorum alterum honestis vitæ actionibus: alterum vero uberrima rerum cognitione perfectum esset. Neque mihi silentio prætereundum erit, quod sacerdotibus magna cum religione dicebatur: Duas coronas illas accepisse Hebræos majores suos, qui in monte Sinai constiterint, verum illas videre mihi nunquam contigit. In Fani porta duæ mensæ quoque erant collocatæ; altera

marmorea; altera vero aurea. Ex marmore illa erat, ut in ea refrigeraretur panis recens allatus, Mosaïcæ mensæ in Fano imponendus. Ita mensa illa, usibus panis in sacram Ædem inferendi serviebat. Aurea vero e contrario usum efferendo pani præstabat. Panis enim mensæ Mosaïcæ, quæ auro constabat, impositus, religione venerabilis habebatur; quem si elatum e Fano, marmoreæ imposuissent, indignius eum tractando veneratione & sanctitate sua privassent. Paulo interius sita erat ara suffitûs & mensa ab ipso Mose magistro nostro fabricata, quam decem aliæ a Salomone factæ venerationis & majestatis causa cinxerant. Deinde decem lampades dextrum sinistrumque latus Mosaïcæ lampadis honoris causa claudabant: quas tamen unquam accendere mos prohibebat. In sanctissimo Adyto posita erat arca fœderis: Virga Aronis perpetuo florens: Oleum unctionis: Vas Mannæ: Arcæ fœderis duo insistebant Cherubim, quorum simulacra extantibus corporis membris ita collocata erant, ut Fanum conspicerent. Alæ ipsorum Cherubim ex una radice ortæ, sanctissimi Adyti parietes utrimque contingebant. Salomo alios etiam fecit Cherubim, Mosaïcis sublimiori loco collocatos. Idem ille tredecim fecit aulaa portis obtendenda, quorum quodlibet viginti

ginti cubitos altitudine, decem vero latitudine continebat, pro ostii modo & magnitudine. In sacræ Ædis coenaculis etiam fuerunt aulae ex lino contexta, acupicta & hyacinthino colore distincta. In æde secunda sanctissimum Adytum, atque Panum, nullo quidem pariete divisa fuerunt; Sed gemino aulao, inter quæ unius cubiti spatium intererat. Hæc autem aula a puellis menstrua nondum passis, octoginta jugis contexti solebant: quæ majestatis & pompæ causa non ultra annum usui fuere: quo exacto in sacræ Ædis thesauros reponi, quotannis bina nova texi mos erat. Festis atque solennibus diebus aulae ex gazis ad usum revocare consueverant; tum enim aularum muris obtendebantur, quo amœno suo aspectu, pulchrâque facie miseros Hebræos recrearent.

IX. Nona pars sacræ Ædis ministros in scenam producit. Symphonicorum & eorum, qui instrumentis canebant, viginti quatuor millia fuisse dicuntur. Cujus rei fidem mihi sacerdotes ex Paralipomenon libris fecerunt. Janitorum quatuor fuerunt millia, in stationes suas distincta; quibus centum viginti tubicines accedebant.

X. Decima pars sanctissimæ Ædis sacra & religiones complectitur: Verum enimvero pessimi isti Hebræi
mihi

mihi ea aperire noluerunt; dicentes: Nefas esse, externis, sive a sacris suis alienis sacra sua patefacere. Duo tamen mihi narrarunt, quorum partem mihi ipsi hisce oculis meis & magna cum animi voluptate videre licuit. Primum est victima; quæ in maximo Hebræorum Paschatis festo immolabatur. Alterum est ingressus Maximi Pontificis in sanctissimum Adytum, eo die, qui illis omnium toto anno habetur celeberrimus propter sanctitatem, expiationem, mundiciem & gloriosissimum salutis fructum. Quod ad paschalem victimam attinet, quam ego partim ipse vidi, partim ab aliis plenius accepi; ea se hunc in modum habet: Ineunte mense Martio, ipsis Calendis Martiis prodeunt cursores & legati regio senatorumque jussu in loca Hierosolymis vicina, proclamantes, ut, quisquis oves habet & boves, eos confestim Hierosolyma deducat: ne illi, qui Pascha celebratum veniunt, victimis & victu destituantur: populus enim quotannis frequentissime eo confluere solebat. Quicunque non aderat præstituto tempore, omnia illius bona illi crepta in sacros usus convertebantur. Tum qui oves bovesque habebant, maturantes eos per flumen Hierosolymis proximum transigebant, ut contractas in itinere sordes hoc transitu eluerent; quod ipsum Salomonem:

nem:

nem his verbis innuisse volunt: Dentes tui sunt sicut greges tonsarum de lavacro ascendentium. Cant. cap. iv: vers 2. Ad montes vero, qui sunt circa Hierosolyma venientes, pecoris tantam vim offendeabant, ut ne soli gramen quidem usquam appareret: Omnia enim ex lanis inter agendum oves defluentibus albicabant. Pridie Idus Martias victima illa immolanda erat. Hinc sexto Idus universi prodibant ad comparandam victimam illam, quam Hebræi sua lingua PESACH appellant. Erat autem instituti Judaici, ut quando ad religiosum hoc officium prodirent, nemini mortalium alteri dicere fas esset: huc ades, aut da viam istac transiture. Obtemperare etiam nefas ista momenti, licet etiam summi Regum, David atque Salomo in ultimo agmine incedentes, cedi sibi de via imperassent; tantum tamque vehemens religionis studium erat. Quod cum audirem, ita sacerdotibus inqueiebam: istud mea quidem sententia parum civile videtur, nec bonis moribus dignum. At respondebant illi: Hoc eo institutum esse, quo testatum facerent omnibus, ambitioni in religionis negotio locum nullum esse, pietatem virtutemque omnibus æquas, eximium neminem mortalium habere; sed humiles pariter ac

magnos, quos sua virtus pares fecit, pari quoque honore dignari. Nec in ipso cultus divini apparatu alium alii præferri oportere; quid dicam inter ipsa sacra & religiones? Pridie Idus Martias ascendebant altissimam sacræ Ædis turrim, Hebræis *LUL* appellatam, simili graduum ductu structam; ac nostræ turres, in quibus æramenta campana pendent, hinc tribus argenteis tubis clangebant, statim a finito clangore ita proclamantes: Audi *DEI* populus, adest illud momentum, quo Paschalis victima cadenda atque immolanda est ejus gloriæ, qui majestatem suam in sanctissima hujus templi sede collocavit. Populus audita præconum voce festas vestes induebat, exinde ipso statim meridie hoc festum universi auspicabantur, hoc enim tempus cadendæ victimæ erat. Foris ad majoris aulæ portam duodecim Levitæ consistebant, argentea sceptrâ manibus tenentes: totidem intus stabant, qui aurea sceptrâ haberent: illi morabantur & sistebant ingressuros, ne scilicet nimio festinandi studio & fervore alius alii noxæ esset, & promiscue irruentes turbas darent: Jam olim enim senem quendam cum victima sua præ nimis angustis irruentium turbâ elisum ferunt. Hi vero, qui intus consistebant, egressuros, ne alii alios impetu obtererent, sufflaminabant.

rum

rum quoque munus erat, ipsius aulæ fores occludere, quando arbitrabantur, satis hominum ingressum esse; qui simul victimam immolarent: & quando ad locum, ubi victima illa mactanda erat, perveniebatur, illic sacerdotes in ordines suos descripti rite adstabant, aureis argenteisque pateris instructi: cujus ordinis primus argenteam pateram habebat, talibus ejusdem ordinis reliqui sacra munia obibant. Cujus vero primus auream tenebat, hujus exemplum ceteri, secuti itidem aureas habebant, quæ omnia ad pompam & ostentationem ita comparata fuerunt. Princeps ordinis sui sacerdos, pateram mactatæ victimæ sanguine impletam secundo tradebat, qui eam mox tertio, atque ita deinceps alius alii committebat; donec hac prompta opera ad aram usque perferretur. Qui contra ordine primus ab ara consisteret, inanem pateram sibi proxime adstanti reddebat, qui eam deinde proximo, atque ita porro alius alii, donec ad ultimum usque recurreret: adeo, ut quilibet sacerdotum pateram sanguine plenam ad aram properantem, alteram inanem inde redeuntem, una eademque opera acceperit & reddiderit: neque enim pateræ acceptio redditionem; nec redditio acceptionem morabatur: cum plena alterâ manu porrigeretur, inanis redderetur alterâ.

Atque id opus tanta dexteritate exercebant sacerdotes, ut incredibili manuum agilitate, qua valebant omnes plurimum, pateræ volare verius; quam ferri viderentur: perinde ut tela a fortissimo milite excussa. Triginta perpetuis ante Pascha diebus, privatis exercitationibus sacro huic labori præludebant, impense caventes, ne quid peccarent, per nimiam festinationem paterâ manibus elapsâ; aut alio aliquo casu sacri hujus operis celeritatem interpellantē. Cæterum prope aram duæ crassæ & altæ columnæ erant positæ: quibus duo sacerdotes insistentes argenteis tubis canebant; quando dispositi sacerdotum ordines victimarum immolationem auspicabantur: quo tubarum clangore signum dabant sacerdotibus, qui in suggestu starent, ut illi Laudate dominum. a Psal. cxiii: usque ad cxix. suavi & festa voce, omnibusque instrumentis Musicis canerent. Illo enim die omnia instrumenta Musica in lucem proferebantur. Ipse etiam, qui victimam credebatur, ipsum illud Laudare Dominum usque ad hæc verba: quoniam in seculum misericordia ejus, recitabat. Et si nondum mactata esset victima: laudes recitandò ingeminabant. Mactatione finita, in aulas egre-

grediebantur , quarum parietes suspendendis excoriandisque victimis , clavis uncisque frequentibus horrebant. Neque deerant fustium fascēs , occupatis enim omnibus uncis , victimam ex fuste trajecto suspensam duo humeris sustinebant , tertius excoriabat , relicta aræ iuxta victimæ portione latus abibat ; veluti si quis in militiam profectus ab hoste domum victor rediret. Perpetuo enim ludibrio atque ignominia dignus habebatur : si quis Paschalem victimam præstituto tempore DEO cedere neglexisset. Sacerdotes omnes cum hæc sacra peragerent rubris vestibus erant induti , ut si quis sanguis eas forte fœdaret , ejus vestigia in concolori veste minus conspicerentur , vestibus utebantur brevibus & succinctis , quæ vix ad tibias pertingerent ; nudis pedibus insistebant , lacertos manicis ad cubitos usque tecti , cætera nudi , quo sacris faciendis aptiores essent. Caput tegebant parvo pileo , trium cubitorum fascia circumvoluto : maximi vero Pontificis pileus quadragies fascia obvolutus erat , albam eam fuisse accepimus. Furni assandis victimarum carnibus deputati , in publico ante ædium fores erant ; quod eo consilio factum volunt , ut religionem suam publice o-

mnibus testarentur & festi gaudia auferrent. Assatam epulabantur victimam, jam supra dictas laudes denuo cantantes, adeo, ut cantantium voce late omnia implerentur. Urbis portæ per Paschatis festum etiam nocte patebant; quo populus, qui frequentissimus convenerat, liberius commearet. Confirmabant Hebræi, Paschatis quodam festo aliquando, gentem Hebræorum, numero altero tanto majorem convenisse, quam quanta olim ex Ægypto egressa esse dicitur: adeo, ut tantam gentis multitudinem admirati Regni proceres, numerosissimæ gentis numerum initum Regi suo olim exhibuerint

II. Alterum cultus divini genus, maximi Pontificis expiationis die in sanctissimum sacellum ingressus est: Sacrorum rationem, quæ ibi facere solebat, mihi non exposuerunt Hebræi: describere tamen mihi pompam atque apparatus, quo sanctissimum Adytum Pontifex maximus est ingressus, atque egressus: quem partim ipse hisce oculis tanta cum admiratione vidi, ut obstupescens in hæc verba erumperem: Magnas DEO gratias merito habeo atque ago, qui hosce sui honoris voluerit esse participes. Septem diebus ante supra dictum illum EXPIATIONIS diem, non sine summo honore
no-

nominandum; cæterisque totius anni diebus præferendum, in maximi Pontificis domo sellæ apparari solebant. Prima Senatus, sive Synedrii præfidi; altera Principi; Pontifici maximo tertia; quarta Propontifici; quinta Regi. Seorsim vero ponebantur septuaginta argenteæ sellæ, septuaginta senatoribus, qui Synedrium constituebant. Tum sacerdotum ætate gravissimus assurgens, Pontificem maximum seria & severa oratione ita admonebat: Etiam atque etiam vide, o Pontifex, ad quem sis ingressurus; equidem, nisi mentem atque animum DEO & Religioni intentissimum habueris, subito velut fulmine percussus, exanimis corrues, & expiationem gentis tuæ Hebræicæ prodes. Ecce totius gentis Israëliticæ oculos in te unum coniectos, omnes vitæ tuæ actiones ad unguem explora, & animi tui latebras occultosque recessus scrutans, dispice; ne forte aliqujus etiam levissimi criminis sis reus. Sunt enim crimina quædam, quæ suo scelere multorum merita superant: hoc diligenter considera, & ad veri examinis trutinam appende: nescis, rem tibi esse cum magno illo DEO, rerum omnium arbitro? Fratrum tuorum, sacerdotum inquam, vitam & mores cognosce, eorumque crimina expiare memento. Nec non ob oculos tibi ponas, velim;

te

te aditurum ad Regum Regem pro tribunali sedentem, qui res humanas divino Numine invisit, quemque latere nullum scelus potest. Sed quomodo ingrediaris, cum hostem tuum tecum in pectore circumferas? Tum contra Maximus Pontifex: Se jam vitæ suæ actiones apud animum suum excussisse, & serio pœnituisse eorum criminum, quorum conscius sibi esset. Se etiam fratres suos, sacerdotes dico, in sacræ ædis aulam convocatos per DEUM immortalem, qui majestatem suam augusto hoc loco collocasset, adjurasse, ut quilibet quorum ipse meminisset, aut alterius, aut etiam sua crimina ingenuâ professione expiaret. Confessis eam antea vitæ emendationem injunxisse, quam criminum ratio postulare. Deinde Rex mitiori oratione Pontificis maximi animum demulcebat, promittens: se, postquam incolumis ex sanctissimo Adyto reversus fuerit, magno honore ipsum mactaturum esse. Hinc publice proclamabatur; Pontificem ex Senatu egressum, conclave suum, quod in sacra Æde esset, jam petere. Quo promulgato, universus populus ad deducendum Pontificem alacer concurrir; qui hoc ordine, quem ipse hisce oculis vidi, Pontificem præcedebat. Ductabant hanc pompam, regio Israëlitarum sanguine oriundi;

undi; quo quis enim Pontifici maximo propior
 ibat, eo honoratior esse censebatur. Post hos
 ibant regia Davidis stirpe prognati, qui decen-
 tissimo ordine singuli sequebantur, præcedente
 illos præcone, qui hac voce populum monebat:
 Honorate progeniem Davidis.. Deinde incedebat
 familia Levi, cui alius præco eadem præcinebat: Ve-
 neramini familiam Levi. Constabat autem dicta
 Levi familia tricies sexies mille Levitis, quorum
 primores hoc tempore extimas vestes bombycinas
 hyacinthino colore tinctas gestabant, sacerdotes
 vero candidis bombycinis vestibus induti, viginti
 quatuor millia implebant. Hos ordine sequebantur
 cantores, quos excipiebant illi, qui instrumenta
 Musica pulsabant. Hinc tubicines; postea janitores:
 inde suffituum apparatores: aulæorum textores: ædi-
 tui; pharmacopæi: inde sequebatur certus hominum
 ordo, qui bibliothecis præfectus earum curam gere-
 bat. Tum artifices, qui sacræ ædi reficiendæ & fartæ te-
 ctæ servandæ præerant, alius aliû ordinem sequebatur.
 Post hos incedebant septuaginta Senatores, Synedri-
 um vocant, postea centum sacerdotes argenteis sce-
 ptris armati, qui irruentem turbam summovebant,
 quo Pontifici maximo viam facerent subsequenti.
 Pontificem maximum sacerdotes ætate graviores bini

C c c longo

longo ordine excipiebant. In primis plateis Academicarum principes doctores stabant, dicentes: **DEO** hominibusque faventibus abi sane, o Pontifex; sed memor nostri, conditorem & conservatorem nostri omnium, **DEUM** optimum maximum precibus tu ora, ut nobis vitam feliciter prorogare dignetur, quo divinæ illius legi diu invigilare possimus. Progressi ad portam montis, in quo condita erat sacra *Ædes*, ardentissimis precibus **DEO** Davidis familiam, sacerdotes, sacramque *Ædem* conservandam commendabant. Erat autem vox frequentissimæ gentis, qua subinde Amen ingeminabant, ita valida, ut vasto vocis fremitu aves superne volantes consternatæ deciderent. Precibus rite peractis, Pontifex maximus universo populo benigne salutato, obortis lacrymis flens & cura instantis sacri anxius, in conclave suum secedebat, deducentibus duobus sacerdotum principibus. Atque ita ille fratrum, sacerdotum inquam, consortium reliquit. Hæc quidem ante Pontificis in sanctissimum *Adytum* ingressum gesta fuere, cuius egressus multo etiam majori pompa celebrabatur: universus enim populus, qui Hierosolymis esset, candidis vestibus indutus egresso præibat, maximam partem tædas ex alba cera confectas præferens; Omnium fenestræ
aulæis

aulæis auro argentoque intertextis, undique ornatae plurimis facibus relucebant. Narrabant mihi sacerdotes: Maximum Pontificem raro ante mediam noctem domum rediisse, ob densissimas frequentissimi populi turbas. Quamvis vero universus populus eo die, religionis causa cibo abstineret, nemo tamen domum properare solebat, quin primum maximi Pontificis manus deosculari contigisset. Diem proximum Pontifex magno epulo amicis suis festum celebrabat; latus scilicet, quod salvus & incolumis ex sanctissimo Adyto rediisset. Hinc aurificem accersebat, qui auream tabulam conficeret, hæc verba incisurus: Ego N. N. Pontifex maximus hujus N. N. Pontificis maximi filius, pontificatu functus sum in magnifica sanctaque hac Æde ad colendum magnum illum DEUM, qui gloriosam suam majestatem hac sede collocatam voluit, anno a mundo condito tali. Faxit DEUS immortalis, qui me dignum censuit, quem sacris suis obeundis præficeret, ut digni etiam videri possint filii mei, qui mihi defuncto aliquando in hoc augusto munere succedant. Hæc illa sunt, quæ vir ille literis consignata Romam, Versorius vero Regi Alphonso transmisit. Qui his lectis, ita acclamavit: Judæi quidem ob sceleratæ vitæ crimina supplicium;

cium ; sed ob hujuscemodi antiquitatis monumenta honorem & amorem merentur. Accepi ego miser & abjectus Salomo filius Virgæ , a cœtibus Hispanis ad corrogandam stipem , redimendis in urbe Malaca captivis, missus , Christianos ibidem Hebræorum exemplum secutos , in regia victimam Paschalem immolare studuisse. Arâ excitatâ , sacerdotes argenteis vasis instructos ordine omnes adstitisse , atque cantores celeberrimum illum hymnum : Laudate Dominum accinuisse. Quo veluti inusitato sacrorum genere , populo atque primatibus summâ admiratione perculsis, Regem ipsum ita dixisse ferunt : generosæ mortis gloria , quam contemptæ vitæ infamia optatior Judæis esse debet ; ut qui olim angusta hæc sacra coluerint , & turpi jactura per ignaviam & improbitatem postea amiserint. Modum omnemque rationem , quæ ad immolandam Paschalem victimam pertinerent , admiranda rerum copia descripsit Cl: Manuel Brundo in libro , quem de præceptorum ratione composuit : quam ego rationem laudavi in eo libro , quem Virgam Furoris inscripsi. Faxit DEUS . optimus maximus , ut mihi videre aliquando contingat fabricam sanctissimæ & gloriosissimæ Ædis, Deique nostri cultum , qualis ille olim florente imperio

perio nostro viguisse dicitur, hoc opto, hoc voveo, tu maxime DEUS; fac me hujus voti compotem.

Incidit disputatio inter Alphonsum Lusitaniæ Regem, & Josephum filium Jechiæ. Rex inquit: Sapientissime Hebræe, habeo, quæ objiciam legi vestræ, quæ mihi certe haud leve pondus habere videntur: de quibus post festum tecum agere consilium mihi est. Nunc ea, quæ leviora sunt, in medium adferam. Primum quæro ex te, quid causæ sit, quod gentem tuam Hebræam a latrociniis, pravoque vitæ genere sano & pio consilio tuo revocare non studeas: Intelligo enim, vos Hebræos cæterarum gentium esse prædones; id quod arguit splendidus vester vestitus, & superbus mulierum vestrarum ornatus: quod quidem satis mirari nequeo, cum nemo nesciat, rapinas vestris legibus, quam nostris, multo severius vindicari. DEUM præcepisse accepi: ut si quis vestrum domesticum aliquod animal immolare paret, illud primum laver, deinde immolet: cuius certe in volucris dispar ratio est. Hæc enim verba sacrum oraculum edicit: Levit. cap. 1. vers 17. Vesiculam gutturis & plumas projicito. Cujus rei hanc causam esse non negabis: Domesticum enim animal non

Ccc 3

raptō;

rapto; sed domini sui pabulo vivit. Volucres e contrario ex rapto vivunt: hinc sacrae literae earum ingluviem projiciendam esse sanciunt. Quam causam, cum olim ex doctoribus vestris cognoscerem; rem paulo accuratius indagandam esse existimavi; quibus ego tum sic institi: Quod si raptus causa projicienda est volucris ingluvies, ipsa etiam volucris merito projicienda erit. At respondebant illi: Prædam istam in carnem volucris mutatam jam in alicujus membri partem esse conversam; sacrae vero literae prædam restituendam esse docent: Levit. cap. vi: vers 4. Reddet raptum, quod rapuit. Ipsam prædam adhuc immutatam, & in nullam aliam rem conversam intelligas. Sed ego hæc omitto. At quam longe recessistis ab Augusti Romanorum Imperatoris edicto, quo sanxerat ille: Ne quis uxorem postquam habere cœpisset, bombycinas unquam vestes gestaret. Ne mulier biennium viro nupta, muliebri mundo culta incederet: Et si quis alteri rem aliquam vi eripuisset, ad triennium Romam prohibitus exularet. Sed nolo, ut ad ea, quæ jam objeci, quicquam respondeas. Præfagit mihi animus fore, uti propediem cæteras gentes in rapinis & cædibus vestris bacchantes videatis: tum serio quidem; sed sero scelera vestra deplorabitis. Nunc venio ad quaestiones

stiones nostras, quæ sic habent:

I. Prima igitur est. Cum in Servatore nostro divinas virtutes esse videamus; merito dicendum videri, illum aut DEUM, aut DEI partem esse. Propria autem DEO virtus est; Mortuos ad vitam revocare. Accedit huc, quod mihi quidam ex gente vestra ad sacra nostra transiens certius confirmavit: Esse vobis Hebræis inter solennes precum vestrarum formulas etiam aliquam; quæ Servatoris nostri laudes disertis his verbis clarissime exprimit: Tu semper potens es Domine, mortuis vitam reddens. Tu magnus es ad servandum. Verbis istis: Tu potens es; patrem signavit. Mortuis vitam reddens & quæ sequuntur: hæc oratio filii laudes celebrat: quem magnum esse ad servandum dicit: quo nomine sanctissimus vates Esaias divino ore eum appellat cap. LXIII: vers 1. Ego loquor in justitia, magnus est ad servandum. Ait præterea: Rorem ipsum cælo demittere, vivos nutrire & mortuos suscitare. Atqui Servator noster, ut notissimum nobis est, & scriptum legimus, mortuum quendam suscitavit: cum in vasta solitudine cum centum hominibus aquæ penuria laboraret, cælo pluviam evocavit: & cum panis deficeret; centum hominibus singulis singulos panes

nes cœlo deductos dedit. Quæ cum ita sint, vos equidem jure in Servatorem nostrum credere tenemini. Hic sapiens ille: Esto, clementissime Rex, servatorem vestrum mortuum suscitavisse: hinc tamen DEUM esse minime efficitur: nisi & divinissimum vatem Eliam atque Elisæum, qui mortuos etiam suscitaverint, DEOS esse fateamur. Christiani certe, qui tres DEOS credunt, quartum & quintum etiam credere debent: Hoc enim Christianorum argumento, si qua fides habenda est, vates Eliam atque Elisæum DEOS fuisse oportet. Quod ad pluviam cœlo evocatam attinet: Extant in Thalmude nostro plurima justorum exempla, qui idem fecisse dicuntur. Addam & rem a Toletanis Hebræis gestam, cujus loci cives Christiani cum aqua egerent, ab Hebræis petierunt, ut pluviam cœlo evocarent, quam Christianis obsecuti precibus suis obtinuerunt. Illud vero memorabile alterius viri exemplum, neque prætermittendum, neque relinquendum est: qui, cum operariis suis victum suppeditaturus esset, neque quod suppeditare posset, quidquam haberet, ficui suæ dicebat: o ficus, ficus, fructus tuos profer. Ad quam vocem subito fructus edente ficu, famem iis operarii expleverunt. Ad hæc contra Rex ait: Esto, Servator noster non fuerit DEUS, saltem

saltem divinum vatem fuisse credatis necesse est. Idque prodigiorum, quæ plurima & maxima edidit, indubitata fide. Respondit sapiens: Moyses olim quamvis complura miranda patraret Hebræis, nullam tamen prius apud suos fidem invenit, quam divisus maris undis siccos vado traduceret, & instantis Pharaonis hostis faucibus ereptos servaret. Adsit servator vester, nos ab hostibus nostris scisso mari vindicet, fidem illi lubentes certe habebimus. Rex inquit: Servator noster, quem vos Judæi tam aspero supplicio mactastis, quodsi in hunc mundum reversus fuerit; vobis certe non liberandis; sed suffocandis mare scindet. Superest, ut nunc expedias, o sapiens, quid ad ea, quæ de precibus tibi objeci, respondere habeas. Ad quæ sapiens: Equidem supervacaneum esse videtur; hic aliquid de precibus addere: quæ certe nisi de D E O, de alio loquuntur nemine. Quod vero attinet ad interpretationem perditæ illius Hebræi, qui ad Christiana sacra transfugit, illa quidem, quam patris virtutem, filii majorem esse dicit: filium enim rorem cælo demittere, vivos alere, patrem vero solum mortuos suscitare tradit. Deinde nos certe non adeo ineptimus, ut preces religioni nostræ contrarias dicamus. Laudatas enim modo preces: Tu potenses sem-

D d d

per

per Domine, suscitans mortuos: magnus es ad servandum: rorem cœlo demittis: vivos nutris, & mortuos suscitans, & quæ sequuntur: Has preces, inquam, effudit Isâcus, cum jamjam in ara immolandus, divino quodam prodigio instantis mortis periculo ereptus esset. Superiores preces: Benedictus sit Dominus DEUS noster: ascribuntur Abrahamo. Tertiæ: Tu sanctus es, Jacobo attribuuntur. Pro ut ex Esaïæ cap. xxix: vers 23. liquet. Et sanctificabunt sanctum Jacobi. Superfunt denique preces mediæ, quæ Isâco arrogantur.

II. Altera sequitur quæstio: Quo certo argumento probabis, legem tuam esse perpetuam, neque illâ semel latâ, aliam novam unquam ferendam esse?

Respondet sapiens: Hoc quidem, quod tu interrogas, o Rex; hac de causa fieri nequit. Dicendum enim est: Ad animæ salutem & perfectionem plus conferre, & proinde perfectiorem esse, aut legem primam; aut secundam: aut parem esse utramque. Quod si primam perfectiorem esse dicamus, quæri porro hoc potest: Quid causæ est, quod DEUS reliquis gentibus inutile onus mutilæ atque imperfectæ legis injunxerit? Si vero secundam primâ perfectiorem esse contendamus; certe gentes
sub

sub prima lege viventes sub inutili iugo vixisse fateamur, necesse est. Si autem utramque parem, perfectam & veram esse statuamus; alterutram supervacuum esse oportet. Quibus sapientis verbis Rex ita occurrit: Dicamus nos utramque legem esse parem; sed DEUM pro temporis hominumque ratione in ea nonnulla immutare debuisse. Verbi gratia: Si DEUS in nostra lege frontalia & tabernaculum nobis præscripsisset: utique inutilia nobis præcepta dedisset: quia in Ægyptum nunquam venimus. Hinc nobis pro iis alia mandata dedit. Sapiens contra dixit: Quod si rem ita esse existimas, o Rex; certe cætera præcepta, quæ cum iis, quæ Hebræis in Ægypto evenerunt, nihil commune habent, vobis observanda erunt; atque illorum loco, quæ pro ratione eorum, quæ passi in Ægypto Judæi sunt, lata fuerunt; alia sunt vobis injungenda. Atqui vos contra dicitis: Universam scilicet legem nostram, ut inutilem abrogatam esse. Præterea medicina animæ, quæ sunt bonæ leges, perinde se habet, ut medicina corporis. Jam vero quemadmodum corporis remedia non mutantur; sic neque animæ remedia mutanda erunt. Rex inquit: si priorem tuam sententiam veram esse concessero; altera certe falsa erit. Quod vero corporis remedia

non mutantur, ex eo est; quia in iis varia salutiferarum herbarum genera misceantur, quæ ingenua quadam virtute eandem vim in similibus morbis sanandis exerere soleant. Unde in iisdem morbis perpetuus & constans earum est usus: quam interdum & contra fit, velut cum calidum, quod obstructa aperit; & frigidum, quod aperta obstruit, contrarias quandoque virtutes exercent. Sed legum, quas animæ medicinas esse diximus, planè dispar ratio est, ut quæ in iis versentur, quæ ex voluntate dependent: hæc cum mutabilis sit, pro ratione mutatae voluntatis, mutanda quoque legum conditio est.

III. Tertia quæstio est: Utrum hominis Christiani preces, æque ac Judæi a Deo audiantur, nec ne?

Audiuntur vero, inquit sapiens; Oraculo enim edita sententia est: Tu audis preces omnis oris
1. Reg. cap. viii: vers 41: Quinetiam alienigenæ, qui non est Hebræus. Rex inquit: Non sentis equidem miser; quam tuo te ipsum jugules gladio. Vestrum enim Thalmud jubet vos maxima cœli siccitate ad sepulchra prodire, & preces fundere. In quo loco disertim additur: Non ad sepulchra Christianorum prodeundum esse. Illos enim, cum se ipsos servare non potuerint, alios servare quoque non posse.

posse. Sapiens ait: Absit hoc, o Rex; Vera enim ratio hæc est: Christiani male nos oderunt, quomodo igitur hostes nobis Dei fidem implorent? Tum Rex Thalmude afferri iussu, verba illa, quæ recitaverat, in commentariis magistri Salomonis Isacidæ invenit; quibus non parum est irritatus. Sapiens eorum asperitatem non nihil facundia & verborum lenociniis mitigare studens, dicebat: Ista de pluviis intelligenda esse, in quibus Hebræi peculiare aliquid viderentur habere, testibus sacris literis. Levit. cap. xxvi. versu 4 Dabo pluvias vestras suo tempore. Ad quæ Rex Hebræo hunc in modum respondebat: Ubi semel mentiri occæperis, strenuè deinceps mentiendum est; & mendacium mendacio tegendum, ne perpluat.

IV. Quarta quæstio: Sacræ literæ, o sapiens, contrariis sententiis sibi ipsis interdum adversari videntur. Ecce uno loco dicitur: Job. cap. xxv. versu. 3. Num est numerus exercituum ejus? Alibi vero Dan: cap. vii: versu. 10. Millies mille ministrabant ei. Ex quo sane liquet, quem illic numerum esse negaverat, hic numerum esse dicere. Tradunt enim magistri vestri, Angelos, postquam Hebræi patriis sedibus ejecti fuerunt, numero diminutos fuisse.

D d d 3

O in-

O insipientes sapientes! qui æternos illos spiritus, incorruptibiles, immutabiles, & undiquaque perfectos mutari, corrumpi & numero imminui posse credunt. Num verisimile esse videatur, spiritus illos æthereos imminui posse? Imprimis si quis consideraverit, universum terrarum orbem perinde se habere ad sanctissimos Angelos, uti sinapis granum ad vastissimum mare, quo igitur nomine conferri illis Hebræi poterunt? Dicere enim Angelorum numerum imminutum esse, propter abreptos in servitutem Hebræos, id vero non minus insanum, quam ridiculum esse videtur: & perinde est profecto, ac si tu dicas: Regis alicujus duces militiae dolore animi contabuisse, quia forte pulex aliquis captus, abductusque in servitutem est. Respondet Judæus: cum Angeli numero suo defecisse dicuntur, illud nequaquam ita accipiendum est, ac si Angeli veré & reapse numero decreverint: sed nobis Hebræis ob imminuti intellectus nostri vitium defecisse videntur: Nos enim olim antequam aris focusque nostris careremus, magna & incredibilium rerum scientia & prudentia pollebamus: sed longis atq; perpetuis errorum malis sapientum nostrorum sapientia, & prudentum prudentia fatigata defecit. Neque mentis nostræ angustia res augustissimas capimus,

pimus , & exiguis ingenii terminis circumscripti levia tantum animi ratione comprehendimus. Ad hæc Rex : Tu equidem o sapiens, erudita & cordata tua responsione insignem mihi laudem meruisse videris.

V. Quinta quæstio : Cum hariolari & incantare res sint vanæ & aniles , quibus nihil certi, aut solidi subest , quare lex vestra Mosaica ad supplicium rapi jubet eos , qui hisce anilibus nugis dediti , nihil solidi unquam consequuntur , nec certi quidquam in vano hoc studio cognoscunt ?

R. Illi , qui se hariolationi & incantationi sacrant , res vanas asserere & defendere student. Atque his frivolis & inanibus mali genii artibus irreti DEUM suum deferunt , & infelicibus næniis bona tempora male perdunt : quamobrem merito ac jure dignum gravissimo crimine merentur supplicium.

Ex literis Fessæ Africæ urbe missis intellexi : Multos Hebræorum , qui ex Hispania ejecti fuere , cum mala ingentia ultra ferre non possent , quibus in itinere , dum in exilium properant , jactabantur , partim in Hispaniam reversos , partim vero in obviis pagis consedissee. Inter illos , qui in Fessæ regnum evaserunt , repertæ sunt ducentæ viduæ , partim

tim ex numero illarum , quarum maritos , nulla prole relicta , certo obuisse constabat ; quorum fratribus nubere lege tenebantur : qui cum nusquam invenirentur , ipsæ novis nuptiis miserè frustratæ fuerunt . Partim vero ex illis , quarum mariti desiderabantur ; sed an certo periissent , parum compertum erat : atque sic per legem aliis nubere prohibebantur . Hæ omnes animis opibusque concordēs ad urbem Saleam contenderunt ; ubi magnis ædibus constructis una habitarunt , sedula manuum opera quæstum facientes : quem omnem , excepto pauxillo , quod vitæ parcè sustentandæ satis esset , alendis studiosis suppeditabant . Illustre raræ pietatis exemplum in justissimis viduis , omnis æternitatis tabulis merito inscribendum . Haud alienum mihi videbatur Josepho , memorare hic res novissimè memoriâ nostrâ Cairi in maxima Ægypti urbe & Masix gestas : Sed invidiosum nimis credidi , rem totam , ut gesta est , à principio ad finem uberius exponere , imprimis rem Masix gestam , periculum enim est , ne & aliæ gentes , præter Hebræos , hæc ita nobis perscripta aliquando legant , & nos fortè aliorum exitio gaudere temere & credant & dicant . Proinde rem omnibus notam succinctè & obiter modo

modo perstringamus. Conjurati contra Hebræos Armenii ajebant, Christianum aliquem cujusdam Hebræi ædes ingredi visum, nec visum egredi postea fuisse: haud dubie ab illo, dolo interceptum. Hæc non absimilis illis est fraus, quas in hoc opere venerandus meus Pater Salomo filius Virgæ supra memoravit. Hinc innoxii & immerentes Hebræi quæstione habita exquisitissimis tormentorum cruciatibus victi, Christiani hominis eadem fecisse fatentur: fassi in crucem aguntur. Celeberrimus vero medicus Jacobus Abiob, sapientissimi & integerrimi viri Josephi Abiob filius, rogo vivus exurit. Diebus aliquot interjectis, in urbem redit Christianus ille, quem ab Hebræo occisum ficto crimine falsi testes probaverant. Qui agnitus universis, & continuo ad judicem deductus salute sua sceleratissimam malignæ gentis fraudem retexit. Quo cognito, edixit Rex Solimannus, ut Armenios tanti facinoris reos comprehenderent, & scelere dignas pœnas ab iis exigerent. Tum temporis solus virorum clarissimus Moses Hamon pro gente sua Hebræa capitis periculum subire non detrectavit. In regia universis gentis Hebræicæ inimicis animosè solus restitit, eamque

Ecc suo

suo beneficio insignibus privilegiis ornavit: adeo, ut in posterum provinciarum præfecti & iudices similes conjurationes, quibus nos Christianorum sanguinem azymis miscere fingunt, neque audire, neque suo more decidere possint: Sed hujusmodi controversias ad regiam deferre jubeantur. Similis Masianæ conjunctio Toketi facta est; sed palam deprehensa atque patefacta fuit, quæ etiam unica spes nobis miseris Judæis est; ut detecta fraude, improba inimicorum consilia fœde eveniant: quemadmodum Esaias cap. LIV. v. 17. ait: Omnem linguam, quæ surget contra te, in iudicium condemnabis. Ægyptii de gentis Hebræicæ malis librum composuerunt, unde hæc pauca breviter excerptimus, neque enim universa typis vulgare, res & opes meæ sinant. Inviçitissimus Turcarum Imperator Solimannus, qui imperium suum per Asiam minorem, Thraciam, Græciam, Scythiam, Russiam, Palæstinam, Edomæam, Arabum Reges in deserto Sinai agentes, Ægyptios, Libyes, Æthiopes, usque ad Austri fines protulit: anno regni sui primo, magnū pietatis officium præstitit, dum mercatoribus infinitam auri argentiq̃ vim, qua ipsos pater ipsius Selimus mulctaverat, restituit. Anno secundo exercitum Tauruno (nunc Belgradum vocant,)

cant,) admovit; illudque expugnavit. Sub hujus anni finem Rhodum petiit & obsessam cepit. Hic summa virtus proregis Achmedis enituit: cujus spectatissimæ fortitudini Rex præmia redditurus, cum toti Ægypto præfecit. Achmedes anno Regis Solimanni tertio, regiis insignibus ornatus in Ægyptum venit, quam auri sacra fame stimularus immanibus tributis & vectigalibus attrivit. Tandem a Rege suo deficiens, tres Regis sui primates interfecit, cæteris in urbis arcem confugientibus, quam mercede conducta improborum manu triduo expugnavit, centum ex iis, qui in arcem evaserant, interfectis. Hoc tumultu rabie accensus miles, Judæorum domos atque fortunas diripit; quò viso, Achmedes per consiliarium quendam, cui Mani nomen erat, admonitus, Judæos divitiis abundare: justiusque videri, ipsum, quam prædonem militem, tam opima ex iis præda frui; continuo prædones crucifiggi jubet. Circa vesperam quinque Hebræi Cairo egressi, cum in milites Circassos incidissent, ab illis trucidantur. Cujus cædis fama Cairum perlata magnam Judæis trepidationem attulit. Tertio die Achmedes, collecto Circassorum exercitu, provinciæque judicibus convocatis, postulat; ut se Regem crearent. Qui Rex renunciatus novi Regni

sui imperium confirmare cœpit. Constituit itaq; alium Achmedem sibi proregem, qui quicquid auri in Ægypto esset, cogendum, graviusq; vectigal mercatoribus imponendum suadebat. Anno 5284, mense Februario, accersi jubet duodecim Hebræos, gentis suæ facile principes, quos prorex hunc in modum affatur: Ite & nunciate genti vestræ, si illi salus sua cordi est; huic edicto meo obtemperet: ducenta argenti talenta in regium ærarium conferat. Quo tristi edicto vehementer conturbati fuerunt Hebræi: atq; celebre ipsorum festum, quod ipsi Purim appellant, quo celebrare solent felicitatem majorum, qui hoc tempore sceleratis impii Hamonis insidiis erepti sunt, in tristissimum luctum versum fuit. Hebræorum enim principes in vincula coniecti, in squalore & situ miserissime agebant. Judæi decimo quinto Calendas Martias, magno tumultu regem rebellem adeunt; petaturi, ut constitutus exolvendæ mulctæ dies sibi proferretur: quo imperatum argentum certius conficere possent. Quibus Rex ferociter respondit: Hem segnitiam! etiam cessatis miseri & moras necitis? quos ita me DEUS bene amet; ad unum frustillatim concidere mihi certum est Hebræi hoc malo responso perculsi, supplicationem decernunt. Conductis itaq; liberis & infantibus inauditum atq; miserabilem ululatū atq; plan-

planctum edunt: quorum quidem planctus, DEO auditus fuisse videtur. Cum enim Judæi, qui solvendæ mulctæ non erant, quindecim tantum argenti talenta in regiam ferrent, illos, quod imperium detrectasse viderentur, scriba Sadus comprehensos, & in carcerem raptos, regi Achmedi a balneis redituro necandos servabat. Sed ecce, quam mutabiles sunt rerum humanarum vices! nuncius affertur Sado; conjurasse contra regem principem Muhammedem, qui cum servis suis, rege Achmede in balneis versante, fores effringere tentaverit: quodcum Rex sentiret, posticâ elapsus in arcem aufugit. Suis vero rebus diffusus, cum decem viris & paucis ex Circassorum exercitu militibus, inde profugiens ad montis radices totam noctem confedit. Princeps Muhammedes, postquam Judæos vinculis exemisset, assumpta trium Circassorum millium manu, Regem Achmedem persequitur, quem trium dierum itinere assecutus capit: pridie Calendas Martias capite truncat, illud stipiti præfixum omnibus spectandum proponit: & rebus ita feliciter gestis, magna cum gloria Cairum revertitur. Hic Judæi denuo quasi reviviscere, & novam seriò triumphandi materiem habere videbantur. Proinde sibi, & posteris suis hanc legem indixere: ut pridie Calendas Martias epulum instituant: & gaudium

atque lætitiā agitādo, trīstīssimā quondam hujus diei memoriā feliciter solentur: quem ipsum etiā diē, diē Nessim appellānt; quæ vox gemīno significatū pollens miraculū, quod sibi hoc die feliciter factū interpretantur, & palū, cui Achmedis caput affixū est, significat. Faxit DEUS, ut omnes hostes ipsius simili infortunio mactentur.

Ita Josephus graves quoque afflictionum calamitates expertus, inquit: Postquam hoc opusculum typis jam excusum erat, incidi forte in historiam rerum a Christianorum Regibus gestarum; quam sapientissimus atque optimus vir Schem Tob conscripsit: qui autor est, nonnulla etiā per ea tempora majores nostros passos esse, quæ inde petita paucis huc transcripsi; præsertim ea, quæ posteritatis memoria haud indigna videbantur. Aliam etiā historiam in quodam Christianorum libro inventam in Hebræum verti. Equidem ego sic existimo, ea, quæ bonos mores, & vitæ civilis disciplinam spectant, immortalibus tabulis merito consignanda esse.

Anno ter millesimo sexcentesimo quadragésimo septimo occuparunt Muhammedani Prolemaidem, Tiberiadem & bonam Palæstinæ partem, semestri
tem-

temporis spatio. Quo tempore Christiani undique ex omnibus mundi partibus exciti, ad urbem Ptolemaidem contenderunt, longâ & arduâ obfidione cingendam. Verum enimvero Saladinus Muhammedanorum Rex, innumerabili exercitu contracto, Christianorum castra per plurimos dies circumfedit: tandem vero Muhammedani totam Palæstinam armis perdomitam sibi subjecerunt.

Anno quinquies millesimo septingentesimo quadragesimo octavo expugnavit Almanfor filius Saladini Hierosolyma, ubi quatrimum moratus, numerosam gentem in captivitatem abducit.

Anno centesimo vigesimo octavo, proditæ fuerunt Patræ, quarum præfecto obruncato, Judæorum conciliabulum in servitutem abripitur.

Anno centesimo tricesimo, eo tempore, quo textus hic: Et hæc sunt Judicia &c. Inter nos recitari ex more solet. Patrarum proditores omnes cruci suffixi sunt. Eodem anno fatis concesserunt vir doctissimus Mesullamus, & Jacobus Propheta insigni liberalitate extra ordinem dicendus.

Anno centesimo trigesimo secundo comprehendit plagarius ille Eliezer M: Abrahamum Davidis filium. Eodem quoque anno hic princeps comprehensus est, qui Carcasonam ad eundem illum magiltrum,

gistrum, vindice DEO, in servitutem abductus est.

Anno centesimo trigesimo nono convocavit Pontifex maximus universos præfules & monachos suos ex Galliis atque Hispaniis: quo ipso omnes Judæorum conventus apprime conturbati, ad triduum indicta supplicatione, DEI fidem implorant, qui sane fidem implorantibus præstitit. Comperit enim est, Pontificem cum suis contra Hebræos nihil mali molitum esse.

Anno centesimo quadragesimo sexto inter mortales esse desiit vir summus M:Zarachias.

Anno centesimo quinquagesimo secundo, submersa fuit magna quædam navis cum plurimis sapientibus Hebræis: faxit DEUS, ut resurrectionis die beati resurgant.

Anno centesimo quinquagesimo quinto, diem suum obiit Granatensis præfectus; tum, mutato rerum statu, plurimi ex Lakirensi conciliabulo interfecti sunt.

Anno centesimo quinquagesimo septimo, venit in Hispaniam Muhammedanorum Rex Almanfor, qui Castellam deprædatus, Caltibam atque alias magnas urbes sibi subjecit. Toletanum tractum evertit, cui Hebræi occurrentes prælio commissio

misso plurimos ex hoste concidunt : quo ipso prælio quidam ex præcipuis , Eli scilicet filius , cecidit.

Anno centesimo quinquagesimo octavo , urbis Tolontanæ præfectus Hebræorum cœtum diripit , qui domibus granariisque excussis , opima præda potitur.

Anno centesimo quinquagesimo nono , reversus est Angliæ Rex in patriam suam , postquam maritimam Palæstinæ urbem , Ptolemaidem expugnasset. Tum temporis Arabum Rex Almanzor diem suum obiit. Eodem quoque anno magnum illud ævi nostri lumen , Abrahamus filius Davidis die Veneris fato extinctus est ; cuius cadaver ipsi sacerdotes honoris causa terrâ condiderunt.

Anno centesimo sexagesimo quinto ; Ecronenses contra Sastronenses insurgentes octoginta Judæos interficiunt.

Anno centesimo sexagesimo quinto : Illo Sabbathi die , quem Christi natalis excipit , Roma rediit Arragoniæ Rex ; Hebræi metuentes , ne Regis reditus mali sibi aliquid afferret , prolato sacræ legis libro , supplicationem institunt. Mox meliora tempora videre cœperunt,

F ff

peria-

perinde ac si cuipiam post nubila Phœbus appareat.

Eodem anno vir honoratissimus Moses Meimnides Cairi mortalitatem explevit, cujus ædes vigesimo quinto, ultimo mensis die, ingressi Judæi Cairi cives; perpetuum triduum mortem ejus planxerunt. Memorabilis hic tanti viri funere annus voce נהיה; quæ Hebrais planctum sonat, congesto, quem literæ signant, numero notatur. Septimo demum die obitus illius fama Alexandriam perlata; postridie, quæ Jovis dies erat, ingenti luctu atque inedia impotentissimo mortui desiderio sese macerant; prælector etiam locum illum Levit. cap. xxvi. a commate secundo: Si in statutis meis ambulaveritis: usque ad caput xxvii, recitabat. Lector alius, qui precibus finitis, orationeque habita, omnium postremus legere, Judæosque ex conciliabulo dimittere solet, recitabat a primo lib: Sam. cap. iv. vers 1. Et fuit verbum Samuelis; usque ad hujus sententiæ finem: Translata est gloria ex Israël, quia capta est arca Dei. Biduo post cadaver ipsius in Palæstinam deferri coepit: in itinere latrones Judæos, qui funus deducebant, ferociter invadunt, qui correptum cadaver in mare projecturi, dum illud, supra quam dici potest, immani pondere grave, licet triginta nu-

numero viri totis viribus connixi, loco movere non possunt, scelerato consilio supersedere coguntur. Obstupentes igitur latrones novo immoti cadaveris portento, virum aliquem divinum esse rati, metu profugos Judæos revocant, & cadaver ipsius in Palæstinam deportandum illis adjutant, illudque non procul a majorum nostrorum sepulchris terræ mandant: hæc idoneis autoribus accepimus.

Anno centesimo sexagesimo nono, gravi bello pessimorum civium scelere per Gallias concitato, die decimo nono mensis Julij adeo cruento prælio dimicatum est, ut viginti Christianorum millia in acie ceciderint, quo tempore ducenti Judæi quoque interfecti, complures in servitutem abrepti fuere.

Anno centesimo septuagesimo e vita discessit M: Aron filius Mesullemi.

Anno centesimo septuagesimo primo DEUS doctoribus nostris, qui in Gallia & adversa illi Anglia habitabant, hanc mentem immisit, ut Hierosolyma peterent; trecenti numero, aut plus eo erant, quos Rex Hierosolymitanus magno honore advenientes excepit. lidem illi Hierosolymis conciliabula & Gymnasia construxerunt; quorum exemplum secutus maximus noster Pontifex M: Jonathan Hierosolyma

quoque proficiscitur. Per hosce viros ibidem editum prodigium est, magna cœli siccitate, cum ingens aquarum penuria esset, improbis precibus pluviam a DEO optimo maximo flagitarunt, & impetrarunt. Quo sane portento omnipotens summi Numinis majestas omnium ore jure ac merito celebrata est.

Anno centesimo septuagesimo secundo mense Septembri, Saraceni Salvaterram occuparunt, unde, qui illic de gente nostra fuerunt, fuga dilapsi, pridie magnum expiationis diem Tolitellam perveniunt: Eodem anno copiæ Emiri Saraceni in Christianorum terras irruptionem faciunt: Christianorum vero Reges, junctis viribus, acri prælio Saracenicum exercitum fundunt. Qua tempestate maximis sane malis nostra Hebræorum gens jactata fuit.

Anno centesimo septuagesimo quinto mense Februarii, omnes Præfules numero quasi ducenti, regnique proceres in monte Gaas ad purpuratum Patrem Archiepiscopum Tolitanum conveniunt: Interfuit illis princeps noster Clariss. Isacus Benvenista cum multis aliis Judæis, binis scilicet ex singulis conciliabulis delectis.

Hoc ipso anno mense Majo Gallix Rex Ludovicus Burdigalam veniens, muros ejus dirui jubet: qua

qua tempestate conciliabulum nostrum in magno versabatur periculo, quô illos liberavit Comitîs Monfortii, illiusque fratris fides, qua se servaturos Judæos pollicebantur.

Eodem anno jussu Principis Isaci Benvenistæ, omnes Judæorum procures a Gallia Narbonensi usque ad urbem Massiliam convocantur in suburbium Gaulæ ad Principem Levi, ut inter se de viris Romam mittendis deliberent, qui in præsulum conventu Maximi Pontificis consiliis obsistant.

Anno centesimo septuagesimo sexto, improba illius regni gens genti nostræ imperat Hebrææ, ut quicumque duodecimum ætatis annum exceßerint, aliqua nota per publicum insignes incedant. Viri tesseram in pileo, feminae vero in peplis gestare jubentur. Aliud præterea onus miseris imponit; siinguli cives quotannis Paschatis festo urbis suæ curioni monacho septenos solidos pendere coguntur. Sed maximus Pontifex eodem anno, quo gentem nostram iniqua hac sententia vexare cœpit, repentina morte extinguitur.

Anno centesimo septuagesimo septimo, uxor Comitîs Monfortii Judæos, quotquot Tolosæ erant, una cum uxoribus liberisque comprehensis necessitatem suscipiendi Christiana sacra imponit, id est,

Fff 3

vel

vel legem Mosaïcam deferere, vel animam relinquere jubet. Hinc viros ab uxoribus abstractos, carceri seorsim includit, infantes vero, quotquot sextum ætatis annum nondum impleverant, sacralotione Christianæ religioni initiandos sacerdotibus invitos tradit. Incredibile dictu est, quis infantium clamor ploratusque extiterit, miserabili voce parentum fidem nequidquam implorantium, nihilominus tamen illicitis eorum cibus constanter abstinebant. Quinquaginta septem viri à Mosaïcis sacris desciverunt, cæteris pro religione sua fortiter occumbentibus. Calendis Augustis affertur Comitæ Monfortii mandatum, quo, qui adhuc in vinculis erant, liberantur Judæi; quibus præterea crepta omnia restitui jubentur, præter solos infantes, jam Christianorum sacris initiatos; quemadmodum præscripserat Antistes, cujus quidem sententia sancta & rata habebatur. Eodem anno Antistes ille præcipit, ut Judæi nota aliqua insignes incedant, orbem in summa veste gestantes; sed ista ipsa Antistitis lex haud multo post abrogatur.

Anno centesimo septuagesimo nono, mala quædam consilia contra gentem nostram moliti sunt Andegavensis regionis, item Pictaviæ & Britanniæ

niæ incolæ, gentique nostræ pulcherrimum suum decus, Mosaïca sacra inquam; sed frustra eripere studuerunt: in lege enim divina constantissimè perseverando universi conditorem & rectorem DEUM religiosissimè celebrarunt. Hac tanta Judæorum constantia irritati Christiani, tria amplius Judæorum millia obtruncant. Quâ clade, veluti fulmine percussi, alii liberos suos interficiunt; alii sibi ipsis mortem consciscunt: dum suo, quam alieno arbitrio, mori malunt. His tamen rerum angustiis plures quingentis ad Christianos defecerunt. Sed hac merito patimur mala, qui quotidianis vitæ criminibus DEUM gravissimè offendimus. Horum nobis caput & causa malorum fuit Judæus quispiam gente Palaëstinus, qui cum ad Christianos defecisset, ceteros quoque perdere conabatur Judæos. Ingressus igitur conciliabula alta imperiosaque voce proclamat: Legem suam vel inviti mutarent. Sed cum ista oratione nihil moverentur Judæi, aliam eos divexandi viam ingreditur: Pontificem Maximum concitat, ut novas contra Judæos condar leges: quæ vix scriptæ etiam promulgantur. Jubentur Judæi, rubro aut croceo pileo incedere notabiles, qui contra faxit morte mulctandum esse. Hujusce rei novitate Judæorum

dæorum procures impulsæ , ut de mittendis ad Rē-
 gem legatis inter se deliberarent. Mittunt igitur
 præclarissimum virum Mordochajum filium Jose-
 phi Avenionensem , & Salomonem Dasilum Ta-
 rasconensem, qui ad Regem profecti, de abroganda
 illa lege apud eum fortiter verba faciunt, pileos re-
 jiciendos esse feliciter obtinent. Quâ victoriâ lati in
 patriam redeunt. Haud ita multo post sacri censors
 gentem nostram exagitant, malis enim artibus
 dolisque instructi, totam in Galliis Provinciâ
 sacræ suæ censuræ subjiciunt : & cujusque re-
 ligionis & conscientiæ arcana , sensusque latentes
 curiosissime rimantes, immensam auri vim miseris
 extorquent. Tum plerique Judæorum princi-
 pes , qui Massiliæ , Aquis Sextiis & Aveni-
 one degebant , legi , quæ denuo ferebatur , se
 submittere : & notâ quâdam insigniti , ut lex
 jubebat , incedunt : nusquam tamen magis,
 quam Avenione sacra censura favitum est : ubi
 duos præclarissimos viros Mordochajum filium
 Josephi & Israëllem, censoriæ isti legi adversantes, ædi-
 bus suis includunt, illi domestici carceris tædio fra-
 cti, eam quoque tandem admittunt, & nota incedunt
 insignes : qui tamen aliquanto post grandi mulcta
 persoluta liberantur, cum multi alii notam istam ser-
 vare

vare cogerentur. Nota ista ex coactili panno crocei coloris spithamæ latitudine constabat, in qua circulus erat latus palmum, cujus orbem Lunæ imago nigro panno obscurata implebat; perinde ac Luna intercepto Solis lumine deficiens obscurari solet. Grande etiam crimen genti nostræ affinxerunt in hac lacrymarum valle Christiani, in funesta & exitiali nobis urbe Loiros. Mulier quædam Christiana palude suffocata perierat, cum vero calamitas ista clam sine testibus evenisset; in Judæos necis illius culpam contulerunt: hinc plerosque per Provinciam Judæos in vincula conjectos gravissimis malis affligant; mox ad supplicium rapiunt, jubente ita, scelerum nostrorum vindice, Deo. Anno, quo Galliarum Rex ex Turcica captivitate in patriam est reversus, omnes Judæos regno suo expulit.

Anno quinquies millesimo, Hispani insano quodam consilio concitantur: Insurgunt enim aliquot pastorum millia, qui pernicioso sibi ipsis consilio rem viribus majorem ausi, totius gentis nostræ exitium machinabantur; præcipuo duce Roario, qui tumultum autor omnes in Judæorum perniciem acriter concitabat: Hinc grassante pastorum rabie, plurimos ex gente nostra fœde trucidant. Crudelem quoq; legem

G g g

contra

contra Judæos in urbe Bonialis ferunt. Eodem anno diris fatis concutitur sacrum illud conciliabulum, quod in urbe Lasmaria fuit. Hujusenim loci cives, collectâ improborum manu, Judæos aggressi, una cum mulieribus liberisque die festo fœde obruncant. In Provincia Christiani omnes Judæorum ædes eadem tempestate excutiunt, creptisque scriniorum clavibus, maximam auri vim pro animi libidine iis extorquent.

Alphonfus Hispaniarum Rex, anno tertio, ex quo regnare cœperat, somnium forte visum purpuratis, proregi suo Petro, atque sapientissimo viro Thomæ enarraturus, eos ad se accersi jubet. Qui cum convenissent, Rex hunc in modum infit: Mihi visus sum in somnis ruri consistere & pascere oves, ex adverso vero luporum caterva coërta ita me compellat: Heus pastor, hæ tuæ oves maximam longe nobis fecêre injuriam, quam tu si ultus fueris, & dignas ipsarum scelere pœnas exegeris, ipsi quidem lubentes bello abstinebimus. Quod si facere neges; hoc tibi pro certo habe, nos oves illas penitus perdituros esse. Quibus ego contra dixi: Vos in latebras vestras & lustra redite, o lupi, ipse ego ovium mearum severissimus censor, ita eas tractabo, ut ne vestigium quidem illarum superfit. Tum convoca-

tis

tis pastoribus, quid fieri placeret, rogare mihi videbar. Consentiebant universi, gregem jure evertendum esse. Hæc dum aguntur, ecce catulus leoninus ex leonum antris progressus, gregem argumentis acriter propugnat, quæ quidem argumenta mihi in somnis audita, penitus exciderunt: Leunculus gregem illo beneficio ab imminente periculo liberavit. Interjectis aliquot diebus vidi denuo lupos istos, animalia quædam ovibus haud dissimilia discerpere, & in præcellsum montem refugere. Agite vero, o purpurati mei, vosque fidissimi aulæ meæ ministri, indicate mihi somnii hujus mentem. Tum purpurati universi paucis defungentes, ita respondent: Somnia interpretari, o Rex, non est nostrum, nec quisquam ex nobis similis unquam somnii exemplo edoctus, veram hujus somnii mentem indicare poterit, nisi serus quidem; sed rerum tamen certissimus magister tempus: Ad hæc vero Thomas inquit: Non certè hæc sapientia est, quæ somnia temporis stultorum magistro remittenda dicit; sed ea demum vera & exquisita rerum est scientia, quæ rationibus certis divinâ quâdam mentis perspicaciâ id, quod futurum est, prospicere atque præfagire potest. Hinc purpurati ad Thomam conversi, ajunt: Tuum est, o Thomas, hoc somnium interpretari. Respondet Tho-

Ggg 2

mas:

mas : Non equidem spondeam , me in hujus somnii interpretatione singula minutatim explicaturum ; sed ipsa capita & veluti momenta rerum breviter indicasse , labor erit. Tute , o Rex , es pastor ille , qui , ut opilio oves , populum tuum pascis. Te regnante lupi aliqui , id est , primates contra cives tuos , qui ovium nomine signantur , insurgentes litem illis movebunt. Quâ aliquandiu inter se tractâ , te sententiam rogabunt. Tu vero judicans Primates causâ esse superiores , litem secundum ipsos dabis , populum sententia tua damnabis. Leoninus ille catulus ex antro suo prorumpens , filius tuus est , qui populi tui causam defendendam suscipiet. Quod lupi in somnis reverti tibi sunt visi , scilicet id sit , quod fortassis primates filii tui sententiâ parum acquiescentes , datâ primum populo tuo clade , in montes profugient. Tum Rex : Quanquam interpretatio tua , o Thoma , mihi animum reddidisse potest videri ; nondum hic tamen prorsus ad pristinam rediit tranquillitatem ; quare relaxandi animi causâ , in hortos nostros majores concedamus , ut sic inter hortorum gaudia & voluptates anxias mentis agitationes & turbulenti somnii reliquias feliciter discutiamus. Continuo

tinuo purpurati omnes una cum Rege in hortos prodituri se parant. Cum jam in hortos venissent, Rex Thomæ ait: Equidem mirari satis non possum, o Thoma, quid causæ sit, quare temporum lapsu ipsæ etiam artes atque scientiæ labantur atque deficient? fidem sanè huic rei ipsa experientia facit. Nullus enim posterioribus seculis Aristoteli se parem scientia esse probavit. Nec in arte Medica ullum cum peritissimo Avicenna certantem vidit posteritas. Præterea etiam cur Nabuchodonosoris & Pharaonis tempora eo fuerint nostris beatiora, quod illi somniorum interpretes habuerint; nos vero scientia illa careamus. Respondit Thomas: Gemina hujus rei ratio afferri potest, o Rex; prima est, quia somniorum interpretatio vaticinii rivulus & vena est. Atque gens ea, quæ vaticinandi illud munus sibi proprium vindicavit, ipsa quoque somniorum veros interpretes habuit. Hoc ipsum vero vaticinandi munus nulli, nisi soli Judaicæ genti concessum a summo Numine est, quod dux & princeps ejus Moses precibus suis a D E O, ut prærogativam, genti suæ obtinuit, atque reliquit. Altera est, quia Salomo, qui fulgore sapientiæ suæ inter mortales solus appellari sapiens meruit, naturæ huma-

næ conditionem optime perspectam habens, genti
 suæ quædam signa tradidit, quorum beneficio so-
 mnia interpretari possunt. Tum Rex: Cum igitur, ut
 dicis, res ita sese habeat, sapientem aliquem Ju-
 dæum quærendum censeo, qui fortassis somnium
 illud nobis explicet. Jubet igitur Rex ministros suos,
 senem Benvenistam sapientem Hebræum adducere.
 Quem adductum Rex ita affatur: sapientissime senex,
 somniane interpretari scis? quam scientiam majores
 vestri olim absolutissimam tenuerunt. Respondit il-
 le: Postquam miseri nos focus arisque caremus, o
 Rex, universa sapientia nostra evanuit. Quis igitur
 nostrum nunc somnia exponere sciat? Cui contra
 Rex: Istud quidem, quod tu dicis, sapientiam vestram
 periisse, o sapiens, falsum est; memini enim mo-
 nachum Paulum, qui Salmanticâ huc advene-
 rat, mihi narrare: se hausisse cum condiscipulis
 suis sapientiam Thalmudicam clanculum a viro
 quodam sapiente, quondam Judæo, sed tum forte vi
 ad Christiana sacra compulso. Tandem vero aliquot
 annis post, re ipsa comperisse se, scientiam illam
 reliquis omnibus scientiis esse sublimiorem. Quod si
 exilium, ut dicis, sapientiam perdat: undenam
 majores vestri, cum in Babylonico exilio agerent, sa-
 pientiam illam habuerunt? Judæus inquit: Illi qui-
 dem

dem in exilio egerunt; sed tamen qualemcunque sapientiae venam retinuerant: Proximi enim fuerunt sapientissimis illis viris, qui omnia sibi a maioribus tradita possidebant: Nobis vero a vivo illo sapientiae fonte remotissimis, illa sapientiae vena omnino exaruit: hinc lux & fax legis nostrae hodie prorsus extincta est: & nos ut caeci palpamus in meridie. Tum Rex: O crassam ignorantiam! quae exilium sapientiam perdere dicit: numquid sapientia a patria vestra, aut ab humano pendet ingenio? Respondet sapiens Judaeus: sapientia equidem, o Rex, non à patrio solo pendet, quo miseri caremus; sed vere ab ingenio nostro, quod proh dolor! in servitutem atque exilii miserias abreptum, in dulcissimis studiis parum occupari potest; quin in quaerendo victu, praestandis regiis mandatis, solvendisque tributis, miserè distinetur: undenam otia petamus, ut suavissimis sapientiae literis Hebraei vacare possimus? Jam olim enim divinus ille vates Jeremias ita pronuntiavit: Cap. XLVI 11. Quietus fuit Moab ab adolescentia sua, & requievit ipse in facibus suis, neque fuit transfusus de vase in vas, & in transmigrationem non ivit, ideo permansit sapor ejus in eo, & odor ejus non immutatus est. Hic Rex ad Thomam conversus ait: Non dubito, quin perspicias, o Thoma,

haec

hæc Judæi argumenta quam sint frivola, quam anxie quidem conquisita. Contra Thomas: Hæc meo quidem judicio non frivola; sed certissima esse videntur: ipse equidem rerum usu edoctus satis pervidi admirandam gentis illius sapientiam, quâ eminebat olim, cum adhuc in otio ageret libera. Ipsi enim Hebræi tradunt: quod multis in rebus sapientissimum virum Platonem præclare confutaverint: Hoc vero tempore sapientia illorum plane fere attrita atq; imminuta est. Ego rem ita putare soleo: majores ipsorum mihi similes esse videntur iis, qui facem accenderunt de igni longè latèq; circumfulgente, per quem vaticinandi illud beneficium, atque majorum instituta sive traditiones acceptas intelligas. Qui nostro vero seculo vivunt Hebræi, haud dissimiles sunt iis, qui ex colifis acriter filicibus ignem ægre eliciunt: multum quidem laborant; sed parum promovent: & illud ipsum parum propemodum nihil est. Judæorum sane studia nunc perinde se habent, ac si quispiam ex colifis acriter filicibus scintillas excutiat; quæ partim in sublime feruntur; atque eo ipso, quod sublimia petunt, pereunt: partim vero in terram decidunt, atque subito extinguuntur: & hoc quidem re ipsa expertus pronuncio, Judæorum studia nunc ita sese habere, ut dixi. Fui in Judæorum Academia, illos rogavi de
qua

quarundam rerum sententia; sed ne unus quidem ad rogata respondere potuit. Rex ait: Ego audiui Judæos inter disputandum alios cum aliis ferociter congressos colluctari, ut boves, quando commissis cornibus mutuos sibi ictus acriter infligunt. Thomas respondet: Fortassis ovium morbo laborantes adeo colluctantur: tradunt enim naturæ consulti: Oves vermiculum quendam in cerebro habere, quem ut occidant, frontibus commissis mutuis ictibus acriter colliduntur. Sed si verum fateri volumus, hæc atque hujuscemodi alia ficta falsaque sunt crimina, quæ inimicus inimico impingere solet. Rex inquit: Ipsi Judæi nullum inimicum, nisi se ipsos habent, ut qui salutis suæ obstantes sacris nostris accedere nolint. Contra Thomas: Judæos similes esse vere dixeris faci ardenti, quæ dum aliis allucet, luendo ipsa consumitur. Ipsi enim nata nobis sacrarum literarum dubia perspicuis aperinnt: locisque obscuris magnam lucem affundunt, cum linguæ Hebrææ exquisitiorem, quam nos, habeant notitiam; dum vero aliorum salubria consilia non admittunt; ipsi misere pereunt. Deniq; ut paucis expediam; exilii calamitas sapientiam illorum enervat, quam ne tandem prorsus amittant, periculum est. Constat enim ex Arabum monumentis: Arabum quendam Regem,

H h h

cum

cum a sapiente quodam accepisset, exilio cor hominibus attenuari: id ipsum experimento discere voluisse. Duos igitur catulos leoninos adduci iubet, leo enim cor valentissimum habet, utrumque mox recenti partu editum, ut pari corporis mole & robore essent, in circumseptum undique campum deferri curavit. Alter vinculis adstrictus continebatur: alter liber per campum errabat: uterque vero pari alebatur pabulo. Aliquot annis post, compertum est mactatis leonibus, illius cor, qui vinculis alligatus fuerat, vix decimam partem cordis alterius leonis æquavisse. Eo audito, Rex inquit: Nunc equidem haud miror, quare in sacris literis ita pronunciatum de Judæis sit: Levit. cap. xxvi: Fugabit eos sonus folii impulsus. Ex tua equidem sententia, cor nullum plane habeant: sed illud mirari subit; unde Judæis illud animi robur, quod infracto animo exuri, quam legem suam deferere, malint. Thomas inquit: Omnia in hac universa rerum natura generis atque originis suæ ingenium referre solent. Sapientis alicujus mihi filium vide, o Rex, quamprimum blandâ balbutie patrem matremque appellare potest, tractandorum librorum quædam indicia edentem: gladium vero si quis ei ostenderit, protinus fugientem; quia militaris ille

ille & tractandi arma cupidus animus patri illius nunquam ingenuus fuit. E contrario militis filius, quamprimum ille per ætatem incedere potest, gladio cinctus, atque armis instructus prodit; liberos vero cane pejus & angue fugit. Pistoris filius fingit sibi furnos; fabri materiarii, instrumenta fabrilis quaerit. Sic etiam Judæi referunt indolem auctoris gentis suæ Abrahami, qui in religione constans & immotus, variis afflictionibus in urbe Cuta per quadraginta annos exercitus, tandem in flagrantissimum caminum conjicitur. Ab hoc cum genus suum atque religionem ducant, tantam quoque animi fortitudinem accepere. Tum Rex: Hoc ipsis non fraudi equidem, sed laudi esse debet; perinde ac ramo & fructui gloriæ esse solet, si neutiquam degeneres stirpis bonitatem ita referant, ut ei prorsus simillimi esse videantur: parvi sane refert, illos in exilio consenescere; quo ipso, quod multo gloriosissimum est, stirpi suæ similiores fiunt. Nam ut videmus annosas arbores, vetustate emorientes radices suas prodere, ita latentem originis suæ nobilitatem explicat exilii malis pressa virtus. Post hæc Rex ad Benvenistam conversus, ait: Satis mirari non possum vos Judæos, cum exilium sapientiam vestram perdiderit,

H h h 2

quod

quod non etiam comminuat animi vestri fastum atque ambitionem, quâ vos ad rerum fastigia eniti studetis. Neque hoc prætereundum est, quod cum mancipia sitis, ita splendide vestiti incedatis, perinde ac ingenuis parentibus nati. Cum tamen vos non nescire sciam, fungos atque mortalium ineptissimos quosq; superbire solere, non vero bonæ mentis viros. Respondet sapiens: Hæc, o Rex, ratio est, quod vilissimus splendidioribus vestibus aliquam rerum domesticarum amplitudinem mentitur; ne prorsus inops deprimatur. Præterea etiam, o Rex, non videbis pretiosis vestibus ornari quenquam, præter juvenes atque mulieres, in quorum numero tot sapientes sunt, quot in mari vulpes, aut pisces in terra degunt. Num observasti, o Rex, me, cujus arbitrio imperium totius Castellæ permissum fuit; unquam bombycinas vestes gestasse? Rex inquit: Scilicet peculatus suspicionem fugiens tenuisti; ne publicas opes in privatæ vitæ luxum convertisse dicereris. Hic Thomas interpellat: Quod Judæi cives tui pretiosis utantur vestibus, tibi, o Rex, gloriosam esse censeo. Deinde Judæi Castellæ incolæ, si qua fides dubiis, genus suum ad Davidem Regem referunt. Et leo quamvis quartanâ laboret, leonem tamen se esse meminit; nec rugi-

re.

re desinit ; quemadmodum sacrum habet oraculum : Genesi cap. XLIX. Incurvavit se , accubuit , (sed) sicut leo. Atque adeo illi , quanquam in exilio agunt , avitæ majestatis memores , regiones spiritus amant , & quos animos gerant , regali vestium luxu ostentant. Adhuc dum Thoma loquente , frequens turba ad hortorum fores adest , clamitans : fidem tuam imploramus , o Rex ; Rex foribus apertis clamitantem turbam intromitti jubet. Quæ frequens ingressa ait : Clementissime Rex , internecione deleri meruerunt Hebræi , qui nefarium & inauditum scelus commiserunt ; nos ecce , ob siccam aeris temperiem , supplices sacrâ pompâ per publicum incedimus , ductante Antistite nostro , qui sacrum calicem præferebat. Judæi autem de fenestra prospicientes , urinam in ipsum sacrum calicem profundunt. Rex inquit : Rem absurdam & incredibilem omnino dicitis , urinam in sacrum calicem profudisse Judæos. Populus contra : Quid juvat , o Rex , vanitatis nos arguere velle : cum mille adsint oculati testes ? Tum Rex : Rem ad consiliarios meos referam , sententiam eorum exquiram : utrum Judæos funditus delendos , an regno meo ejciendos esse censeant. Sub vesperam cum Consiliariis

H h h 3

Rex

Rex deliberat; qui protinus in hanc sententiam consentiebant, Judæos regni finibus omnino exterminandos esse, ut concitata plebis furori salubri hoc consilio eriperentur: dubium enim non erat, quin populus in arma & furias concitatus Judæos invaderet, impulsus religione Numinis sui, cujus gloriam vindicare studebant. Et si quis populo in furias ignesque ruenti se objiceret, pium populi studium impedire velle videretur: adeo, ut sectarius, aut impius audiat. Tum Prorex ait: Quanquam parum verisimile esse videtur, hujuscemodi quippiam Judæos patrasse; quis tamen nobis vaticinabitur, annon DEUS populi animos commoveat, ut eâ ratione injuriam filio suo illatam vindicet? Quæ mihi quidem omnis mali origo esse videtur. Ad hæc Rex: diplomata conscribantur, & subsignentur, ut trimèstri spatio Judæi ex regnis meis excedant; quæ protinus scripta & subsignata fuerunt. Hinc Rex ad Thomam: Quid tu ita altum files, o Thoma? Ille inquit: Post subscripta quidem diplomata de miserrum innocentia aliquid subjecisse serum, aut frustra est. Sed hoc, quod nunc agis, o Rex, mihi somnium tuum significasse videtur. Ad quæ Rex: Ita me DEUS amet, hoc, ut dicis, somnium meum est. Quare edictum ne prius promulgator, quam

rem

rem certius cognoverim. Interea Regis filius jam forte octodecim annos natus, prudens, sapiens, fortis atque formosissimus prodit, dicens. Benignissime Pater, si dicendi potestatem mihi feceris, pauca dicam. Pater inquit: loquitor fili mi, & diu mihi patri vive superstes. Regis itaque filius dicere orsus ait: Quis tale quid fando unquam audivit, quod propter ineptorum hominum turbas, innoxiam gentem exilio damnare constituas, & quidem re non perquisita? Fieri etenim potest, improbum aliquem Christianum Judæis infestum id fecisse, qui criminis sui culpam in Judæos conferat: Quin & fieri potest, miserum illum Judæum, quem istius sceleris accusant, parvos habere liberos, qui patre plane infcio, id imprudentes fecerint. Cujus rei exemplum tempore Regis Petri evenisse legimus: scilicet Christianum quendam scelestum Judæorum exitio imminentem, mysticum Salvatoris nostri corpus in cuiusdam Judæi latrinam abjecisse. Præterea fingamus etiam, illud fecisse Judæum: Nulla tamen majorum ætas posteritati tradidit, unquam fuisse pastorem, qui aliquot propter oviculas e caulis elapas, totum gregem perdiderit. Quin e contrario tanto intentiori cura gregem custodit, oves fugitivas ad ovile reducit, lana eam frinitur, lac bibit, hæ-

hædulis atque agnellis vescitur, grege nunquam deficiente. Tum Rex Judæum flagitii illius reum accersit, accersito inquit: Parumne vobis Judæis est, subditis meis superbe insultare, nisi etiam DEO meo nefariè illudatis? Respondet Judæus: utinam vero morte mulctetur, o Rex; qui DEUM tuum ludibrio habere sit ausus! Num verisimile est, Judæum tam infandum crimen in se esse admissurum, spectantibus vel mille etiam hominibus, quo ipso sanè promeruisset, ut corpus ejus innumeris vulneribus confossum atque concisum; formicæ frustillatim differant. Tum Regis filius rogat, liberosne habes Judæe? Qui cum se habere negaret. Quos habeat vicinos ex eo sciscitatur. Judæus ab altera parte se Christianum habere vicinum respondet. Protinus Christianus ætate gravis cum filio suo accersitus, adest; jurans se nullius rei conscium esse. Tum Regis filius Christiani filium sevocatum hisce verbis alloquitur: Si mihi, o puer, quod de hoc negotio certo scis, indicium feceris, te equestris ordinis insignibus a me ornatum iri, sanctè tibi juro. Puer contra inquit: Vereor ego, ne meo indicio peream., ut forex; ut tamen latifaciam tibi, ingenue fateor, me mali illius autorem fuisse; sed plane invitum. Certè nullo consulto consilio,

filio, nec prava peccandi consuetudine id feci, nec malo sum animo, Christianus enim sum. Nos domi nostræ parvam habemus fenestram, unde in subjectam Judæi aream patet prospectus: ego vero cum solennis supplicationis pompa procederet, illic forte spectandi causâ me confero, locus enim ille ad spectandum aptissimus erat. Ergo videndi aviditate festinus in cantharum aqua plenum incurro; cuius aqua lymphida sane, offensione istâ per me quidem; sed certe invitum profunditur: rem totam, ut gesta est, o Rex, narravi ordine, si quis forte dissentiat, nâ ille prudens & sciens à recto & vero abit. Rex hoc audito assurgens solio suo, exclamat: Merito te celeberrime venerorque, Magne DEUS, qui mihi filium dederis, regno post me administrando, me etiam aptiorem. Objiciunt Christiani: Judæos fortassis puerum auro corruptum ad hæc dicenda subornasse. Quibus Rex ait: Magnus ille DEUS rem totam me somnio præmonuit, visus enim venire est leunculus quidam, qui meas oves ab imminente exitio liberavit: jam vero hic nullæ sunt oves, quæ luporum laniatu perire possint, nisi miseri isti Hebræi. Extemplo itaq; vos hinc excedite, ne forte sceleribus vestris irascens universos interfici jubeam: Omnes enim purpurati mei testes adsunt, rem totâ me somnio

ante fuisse edoctum. Tum Rex ad purpuratos conversus, ait: Quæ causa est aspernari hujus odii, quo impulsæ Christiani Judæorum exitio tantopere inhiant? Si quis responderit: Judæos sustulisse Salvatorem nostrum, rogari causam poterit; Cur Muhammedani acriori & infestiori longè odio prosequantur Hebræos, cum tamen vatem illorum non occiderint? Famâ enim accepi, non permittere ipsos Judæis, ut semitis, quæ in viarum oris altiusculæ esse solent, reliquorum hominum more incedant; sed eos veluti pecora rejiciunt in medias vias: quajumenta incedere solent: additâ voce hæc; qua eos prosequuntur, infami Serbul, quæ ipsorum linguâ spurcum & vile pedum tegumentum; id est, calceum significat. Thomas inquit: Meo quidem judicio hæc mihi occulto quodam fato fieri videntur; ne scilicet amicitiam ullam cum aliis gentibus contrahant, & arctiori consuetudine in unum quasi coalescant: maximis enim longe malis dum exagitantur, Christianos fugiunt; & nihil magis student, quam ut tantis malis agitati legem suam serio servant. Exemplo quidem nobis sit carbonarii ignis, quem si quis inflammare studet, subito aquam infundit, quâ latens ille ignis irritatus in strepentes flammæ & fulgura erumpit. Cujus ratio hæc est; ignis contrarium elementum

mentum aquam sentiens, vires suas undique contrahens explicans, superandum illud ingenti flammarum strepitu & fulgure invadit, atque adeo superat. Triduo post duo Judæorum legati ex urbe Carione veniunt, nunciantes: Christianos coörtos invasisse Judæos, mystici calicis violationem scelerato consilio prætexentes: Duos etiam ex Judæis esse occisos, reliquis ad principis ædes, qui tum forte aberat, confugientibus: quæ quidem ædes amplissimum atrium habebant, quod cum amplas fores, & alibi occultum haberet ostiolum, cujus soli conscii essent Hebræi. Illuc fugientes Hebræos persequuntur Christiani, quibus per fores irrudentibus, Judæi, ostiolo sese proripientes, illud diligenter obstruunt: deinde ad fores properantes, eas itidem firmissime claudunt; adeo ut Christianos atrio inclusos captosq; tenerent. Rex ait: o præclaram fortitudinem & virtutem vestram, egregiam certe laudem isto facto meruistis: Tum Rex misso, qui rem cognosceret, decem Christianos conjurationis principes in crucem agit; reliquis novem mensibus carcere damnatis. Rex continuo subjicit: Gratas tibi habeo atque ago, o magne DEUS, siquidem eventus somnio meo fidem fecisse videtur. Isti enim seditiosi & turbulenti homines sunt lupi illi, qui mihi in somnis apparuerunt; qui

denuo reversi oves invadebant. His peractis Rex annalibus allatis hanc Judæorum historiam inseri jubet: in quorum annalium fronte hæc scripta deprehendit. Famæ nobilitate memorabiles 1. Jacobus inter patres. 2. David inter reges 3. Josua inter militiæ duces, propter occupatas plurimas regiones. 4. Arabia ob insignem subtilissimi aëris temperiem. 5. Hierosolyma ob sanctimoniam. 6. Judæi propter astutiam atque insignem animi pervicaciam. 7. Chaldæa propter divitias. 8. Ægyptus ob mercaturam. 9. Græcia propter artes atque scientias. 10. Roma propter bella. 11. Neapolis ob ornatum. 12. Tuscia propter dicendi suavitatem & elegantiam. 13. Hispania propter morum gravitatem. 14. Lusitania propter nauticæ artis peritiam. 15. Ventiæ ob reipublicæ regimen & prudentissima consilia. 16. Galliæ propter religionem & pietatis studium. 17. Germania propter insignem splendorem atque raram fortitudinem. 18. Servator noster ob immensam clementiam. 19. Inter mulieres Abigail propter ingenii acumen. 20. Esther propter venustatem & formæ gratiam. 21. Hanna propter preces. 22. Maria virgo mater ob verecundiam. Rex inquit: Quare autor ait: Judæos ob insignem animi pervicaciam clarissimos esse? Nemo equidem nescit, pervicaciam abjectif-

abjectissimum esse vitium: neque etiam pervicaces amari, nisi ab aliis perviciaciæ deditis ob similitudinem morum, ex quo amor nascitur. Respondet prorex: Pervicacia legum causa necessaria est: hac enim unâ, quasi fundamento quodam, stat & nititur lex Hebræorum: hoc fortassis nomine eos autor clarissimos esse dicit. Præterea etiam cum in lege accipienda pervicaces & obstinatissimi fuerint; non mirum videri debet, si eam pertinaciter defendant atque retineant. Sapientes Hispani enim dicere solent: Qui cito amat; cito odit. Thomas inquit: Hæc sunt, quæ Philosophus tradit: Amicum, qui facilè recipit; amicum facilè perdit. Ad hæc Rex: Ego sententiam istam verbis ab his nonnihil accepi diversis; scilicet: Qui amicum prius, quam ejus ingenii periculum fecerit, recipit; antequam ingenium ejus perspexerit, etiam odit. Rex porro ait: Autor idem Judæis adscribit astutiam, quis vero dixerit mihi, unde illam hauserint? Prorex dicit: Astutia, quam habent Judæi, mera fallacia est, quam & Jacobo autori patri suo debent. Rex contra inquit: Sacra tamen literæ hunc in modum de Jacobo pronunciant Gen. xxv: 27. Jacobus erat vir simplex. Respondet Thomas: Primo quidem Jacobus fuit vir simplex, deinde vero in mille astutias degeneravit, qui exemplo suo nobis comprobavit; quod naturæ

consultus tradit: Puerum simplicem temporis lapsu astutum fieri; & contra astutum stupidiorem. Debent & astutiam suam Hebræi innumeris malis, quibus præ cæteris gentibus obnoxii sunt: multis igitur malis jactati, ut quæstum etiam aliquem faciant, novas omnino artes cudere, & dolis atque falaciis contendere debent. Sed ut rem scrutemur penitius; quæri posse videtur, quomodo Hebræos astutos esse perspici possit; Respondit Thomas: Rem exemplo discas, o Rex, accersantur tres Hebræi, qui gentis suæ stupidissimi habentur; comperies equidem, illos ad interrogata aptissimè responsuros. Tum Rex tres ex foro primum obvios vocari jubet, præsentibus rogat, quâ arte victum quærant. Primus sartorem, alter textorem, tertius sutorem se esse ajunt. Tum inquit Rex; accersiti eo consilio estis, ut ad interrogata mihi respondeatis; nolite itaque vano fortassis metu perculsi, aliquod vobis monstrum animo fingere. Certe meum non aliud est studium, quam ut Judaici ingenii aciem penitius perspiciam: proin si forte non aptè ad rem responderitis, culpam istam in opificia vestra rejicite, quibus, non vero sapientiæ nutricibus literis, ætatem vestram trivistis. Responderunt Judæi: Res ipsa loquitur, nos bonis literis non esse innutritos, quomo-

quomodo itaque ad interrogata tua respondeamus? Rex inquit: Hoc ipsum est, quod volo: proin ad interrogata mihi, ut captus est vester, respondete. Primo omnium, cum nos universi, imprimis vero vos lege vestrâ teneamini nosse eum, quem colitis: prout sacræ literæ vobis præscribunt. Jerem. cap. xxxi. v. 34. Cognoscite Dominum. Indicate mihi, quid sit Dominus ille? Respondet primus Judæus: Quid Dominus ille sit, dicam, o Rex? primum igitur quæro ex te: Quando sedes in solio tuo, quæ te causa movet, ut surgas. Et cum stas, quid causæ sit, quare confideas? Deinde quare venæ sanguinem attrahant? Tum quænam omnia illa sint membra, quæ homo habere dicitur, digerentia, distribuentia & excernentia. Respondet Rex, o hominum homo stultissime, si ego dentes meos, qui maximam partem nudi sunt, parum novi: quomodo corporis mei viscera cute & carne operta pernoverim? Ad hæc Judæus: Audi, o Rex, quam bene locutus fueris: ipse olim David his similia quasi rogatus fuisse videtur; sed harum rerum scientiam non sibi, sed DEO attribuit dicens: Psal. cxxxix. v. 2. Tu cognoscis sessionem meam, & surrectionem meam. Et hanc naturæ tuæ conditionem cum ignores, o Rex, quomodo scire & comprehendere ejus naturam possis, qui de-

cem

cena coelis nobis est superior, cujus Numen nubibus atque crassa caligine cingitur, quemadmodum sacrum habet oraculum Psalmo xvi. 1: versu 2. Nubes & caligo circa eum est. Deinde alter Judæus ait: Magnus ille DEUS universi conditor & rector est Rex excelsus, cujus pedes in terram usque pertinent. Ad cujus verba Rex ita dicebat: Quantum vecors ille a recta ratione delirat, & quantum DEUS putido isti cerebro corpus habere videatur, æterna & perfectissima illa mens? si illius ineptias audiamus, fateri oportet, DEUM nudis pedibus incedere, lana equidem cunctorum animalium non sufficiat texendis illius tibialibus, neque universorum animalium coria calceos ipsius præstare possint. Hæc dum loquuntur, adest forte Clarissimus Josephus exul princeps, cui Rex inquit: Vidistine vecordem hunc hominem, qui dicit, DEUM habere pedes, terram usque pertinentes. Princeps ille respondet: Ne mireris, o Rex, miserum hunc atque indoctum hominem, qui sacra scripturæ verba, quæ sic habent: Esa. cap. lxvi. versu 1. Cælum est folium meum, & terra scabellum pedum meorum: simplici sensu accipit. Tum Judæus inquit: Multum aut parum sapere, hanc aut illam religionem

nem sequi fati munus est, quod potenti manu humanæ vitæ habenas temperat. Quid, nonne Christiani DEUM suum corpus habere credunt? Rex contra: O insanum & dementem hominem! Nos hoc credimus, quia cum DEUS humanæ vitæ crimina expiaturus esset, humanam quoque naturam induere necesse erat. Verum ille universi conditor, corporis expers, omnium, quæ sunt, simplicissimus est. Judæus ait: DEUS universi conditor vivit quidem; sed non uti nos: Sapiens & potens est; sed modo a nobis diverso. Rex inquit: Hujus rei antea nihil quidquam dixisti, imo ne innuisti quidem. Respondet Judæus: Quomodo ego cæcus dicam, quæ nec ipsi vates a DEO illustrati dixerunt? Ipse Moses divinissimus gentis Hebræicæ rector Deut. cap. 111: vers 24. ita loquitur: Quisnam est DEUS in cælo vel in terra, qui possit facere opera tua, & comparari fortitudini tuæ? Et Jerem. cap. x: vers 7. Inter omnes sapientes gentium, & inter omnia regna earum, non est tui similis. Hinc vates universi, quidquid de DEO locuti, negativè, scilicet illum similem non habere, dixerunt; nulla certa formâ clarius descripserunt. Si vero me de DEO tuo rogasses, respondissem tibi, qualem ejus effigiem

K k k

vidi

vidi expressam, oculis acutis, qui ingenii aciem arguunt; tenui vultu sapientiam probante; barbâ dividuâ, quæ varias cogitationes & astutiam indicat: hanc scilicet illius, qualem eam vidi depictam, faciem esse declarassem. Mei vero DEI, quem nullus vatum depinxit, faciem fingere, vanum est. Prorex ait: Hic meruit, o Rex, rogo vivus exuri, qui DEUM nostrum astutiæ atque fallaciæ insimulare audeat. Respondet Rex: Imo præmium meruit, quandoquidem verum dixisse est visus. Nemo equidem inficias it, Servatoris nostri matrem Judæam fuisse, à qua calliditatem suam hausit. Verum enimvero natura ipsius divina longe exsuperavit humanam: hinc fuit quantuscunque fuit. Secunda quæstio est. Tradunt sapientes vestri à terra usque ad cælum patere iter quingentorum annorum, unde hoc illis constat? Respondet Judæus: Memini me Thomam vestrum audire dicentem, esse signa duodecim, & unumquodque sui corporis mole orbem terrarum centies septuagies superare. Atque idem ille, qui signi illius magnitudinem palmo est dimensus, passibus quoque intervallum inter cælum & terram interjectum observavit. Deinde Rex alterum Judæum respondere jubet, qui sic infit: Sapientia mea immensum illud ad
astra

astra iter nunquam est emensa; sed viam textoriam & lanceas telas sæpissimè percurrit. Postremò tertium respondere jubet, qui ita ait: Ego equidem respondere non possum, qui primum errorem commisi, dum hoc saluberrimum Davidis consilium Psalmo xxxix: vers 2. Ponam ori meo custodiam; imprudenter neglexi. Ad quæ prorex inquit: Hæc responsio priori etiam est deterior. Tertia quæstio: Quomodo æstuans ille calor provenit a Sole, qui nullum calorem in se habet; num quis autem alteri, quod ipse non habet, dare potest? Responsio: Ego accepi, calorem istum non proficisci a Sole; sed Solem circumire spheram ignis, atque inde nasci calorem istum creaturis omnibus aptissimum, qui & vita nostra est. Cui Rex: Quæ ratione probas, calorem istum vitam tuam esse? Respondet Judæus: Video enim eos, qui cum morbo aliquo conflictantur, mane Sole oriente melius habere; sub vesperam vero Sole occidente morbum ingravescere: quia tum mortalibus calor ille subducitur. Rex inquit: Quantum ex oratione tua colligere possum: tu mihi medicus esse videris. Prorex respondet: Audivi eum esse Galeni discipulum. Judæus inquit: Nequaquam, o Rex, verum mater mea senio decrepita subinde ad Lunæ lumina

K k k 2

lumina pensa trahens, talia mihi narrare solebat. Ego vero sedulo auscultans, res majoris momenti, & admiratione dignas literis consignabam; cujus quidem rei uxor mea locuples testis esse possit: Adhæc Rex: Quantum, bone DEUS, sapere potest ille, qui matris sinu relicto se in uxoris sinum devolvit! Quarta quaestio: Quodsi pinguedinis & sanguinis esu interdictum vobis fuit, quia DEO vestro hæc sacra erant, quare nunc iis vesci negatis, cum nulla sacrificia immoletis? Respondet primus Judæus: Quodsi instauretur brevi Fanum nostrum, tum pravâ peccandi consuetudine corrupti, esum eorum dediscere non possimus: quo futurum est, ut, si semel vesci iis assueverimus, semper pravo peccandi studio laboremus: & rei malæ consuetudinem, postquam in naturam vertit, frustra vincere studebimus. Rex inquit: utinam sacra ædes vestra sub hujus anni finem instauretur! sed mirum profecto est; animos vestros vanæ huic spei tam alte esse immer-
 sos, cum tamen contra divinus vates Amos cap:
 v: versu 2. pronunciet: Cecidit, non denno
 surget Virgo Israël, derelicta est super terram;
 non est, qui eam attollat. Ad quæ Judæus ita re-
 spondet: Vatis illius hæc est sententia: non futu-
 ram

ram esse amplius illibatam virginem, quæ nulli viro obnoxia fuerit: Nos enim Judæos subjecere Reges, atque id ipsum est, quod vates ait Esaias cap: xxvi: vers 13. Domine DEUS noster, dominati sunt nobis domini præter te. Hinc Rex ita loquitur: Vos certe, Hebræi, in Hierosolymitanis portis vestris pingere oportebat, quod olim pinxere cives Neapolitani in suis: Ipsi enim in summa libertatē suo jure & more viventes, in portis suis pictam monstrabant virginem; amissa vero libertate, subacti pro virgine substituere clitellas asino imponendas: quibus, tristi sane & vili servitutis spectaculo, se ut asinos subjectos esse signabant; atque ita aurea amissæ libertatis privilegia sero ad animum revocabant. Ad quæ Judæus responderet: Neapolitani jam pridem imperii sui fasces feliciter recuperarunt.

Quinta quæstio: Cur noctu somnus profundior est, quam interdiu?

Respondet Judæus: Quia noctu frigus acrius est, quod sentiens calor qualitas frigori contraria ad cor concurrit, atque sic reliquis corporis membris frigore occupatis, sopor mortalibus inducitur. Thomas inquit: Ita sane, ut dicis, sese res habet, contra externus ille calor æstivo tempore internum cordis calorem ad exteriora corporis

membra provocat; quæ causa est, quare cor hominis calore insito calsum, æstivo tempore parum somnii mortalibus præstet. Notandum hic etiam esse videtur, illud Lusitanorum statutum, quo hominem rebellionis reum hoc supplicii genere damnare solent, ut igni, quo eum insomniâ excrucient; quam proxime admoveant, qui eum dormire non patitur.

Sexta quæstio: Moritur anima, an non?

Respondet Judæus: Non moritur, quia non constat quatuor elementis, quorum aliud ab alio superatum corpus extinguit: elementis itaque cum non constet, per innatam iisdem pugnam, corporis more interire nequit: Sed nullum est dubium, quin aliquando dirissimos olim patiatur cruciatus. Rex ait: o vecordem Judæum! qui animam æternam esse credit, cum omnes gentes in eo consentiant, neminem præter solum DEUM æternum esse. Tuâ quidem sententiâ & anima æterna erit. Respondet Judæus: Quod ad animæ principium attinet, ea æterna dici nequit: quia ab omni ævo non fuit, quippe creata a DEO, cui originis suæ principia debet. Rex contra ait: Ipsi vero sapientes vestri tradunt: Quicquid nascitur, ut moriatur, nasci. Respondet Judæus: Hæc sapientum verba sapient-

sapienter intelligenda sunt, scilicet; Quicquid nascitur, mori posse, si DEO fuerit visum. Non vero dixerunt: qui nascitur, certo morietur. Rex inquit: Nunc quidem Judaici ingenii acumen satis mihi explorasse videor: omnium ore celebretur magnus ille DEUS, qui hos sibi charissimos voluit. Mirari vero satis non possum, quam distincte & perspicue responderint Hebraei; equidem sapientiam aliquam habent, quam tamen nunquam didicerunt. Thomas inquit: Hebraei ad auscultandum promptissimi, aviditate discendi pueros imitantur. Hæc quoque ratio est: quod pueri feliciorem, quam senes, habeant memoriam, & rerum præteritarum facilius reminiscantur: Quia res quælibet majori cum admiratione atque stupore vident & audiunt. Deinde res ante invisæ & inauditæ ipsis, ut nova naturæ monstra, apparent, hinc ea fidelius & firmitus memoriæ suæ imprimunt. Inde Rex rogat: Quid rei est, quod DEUS Davidem, ejusque posteros ad regni fastigium delegerit, non vero Saulum, qui tamen singulari & admiranda pietate vir fuit, utpote cui religio fuerit, Amalecitarum infantes occidere? Fuit præterea eximiae sanctitatis: Samuel enim quanquam illi dixerit, 1. Sam. xxviii: vers 19. Cras tu & filii tui mecum eritis, id est, morie-

moriemini. Hoc tamen tam triste & funestum Samuelis vaticinium Saulo non obstitit, quo minus ad bellum sibi exitiale futurum, tanquam ad nuptiale aliquod epulum lætus properaret. Respondet Thomas: Si Saulus supplex DEI fidem atque misericordiam implorasset, DEUS preces illius audivisset. David vero statim ad DEI minas in lachrymas atque luctum profusus, crimina sua precibus expiavit. Ad hæc Rex ait: Jam demum scio, quæ sit ratio; quod Hebræi, cum maxima cœli siccitate penuria aquarum est, pluviam supplices petentes præ cæteris gentibus audiantur. Prorex inquit: Ego haud dixerim, Judæorum luctum & lacrymas pluviam provocare, imo hanc veram esse causam arbitror, scilicet DEUM Judæos exosum, precibus ipsorum annuere, ne identidem improbis suis flagitationibus eum obtundant.

Oratio, quæ continet præcepta, quibus Rex præceptorem filio suo erudiendo præfectum his verbis instruxit: Te præceptorem scire omnino velim, hunc parvulum novellæ arbori similem esse, cujus ramum prehensum in quamcunque voles partem, facile flectas. Arbor vero cum jam adoleverit, & ætate induruerit, ramum prius rumpas, quam ex animi tui sententia flectas, aut corrigas. Tum quis-

piam,

piam, cui Nicolao nomen erat, inquit: Ista oraculi mens est monentis Proverb. cap. xix: vers 18. Castiga filium tuum, cum adhuc spes est. Scilicet adhuc dum puero spes est, fore, ut bonis moribus imbui se sinat, & meliora monentem sequatur. Primo omnium vero filium meum a mendaciis deterreas: quia ex vitiis nullum turpius est mendacio, quod & ipsa paupertate, quæ omnium vitiorum mater merito & jure vocetur, deterius est, quemadmodum sapientissimus Salomo Prov. cap. xix: vers 22. testatur. Præstantior est pauper, quam vir mendax. Secundo filium meum a jocis & salibus retineas, qui similes sunt rabidi canis morsibus, qui primum quidem non sentiuntur; sed postea funesti esse solent. Tertio illum vini usu prohibe, meo quidem judicio præstare mihi videtur, occidere ebrium, quam adulterum. Mortales enim, quo naturæ necessitatibus melius succurrant, alere atque augere mentes suas debebant, nunc vero in contrarium nitentes, concessas sibi divinitus mentes mala ebrietate corrumpunt atque profligant. Quarto cum vastorum animalium carnibus & pinguedine vesci ne sinas. Oportet enim me te probe instruere, & monere, quia ex Judæorum sanguine ortus, parum Christianos mores noveris. Miror ego equidem homines illos, qui boum carnibus ve-

LII

scuntur,

scuntur, quare natura eorum illos non in agros compellat, ut ibidem cum bobus arent, quorum germani ob cognatam succi & sanguinis naturam esse videntur. Præterea eum ab alii esu arceas, hoc enim proprium genti vestræ Hebrææ cacoëthes esse solet, ut comesto alio hircorum more incredibilem fœtorem exhalent. De crassis quoque vastorum animalium carnibus naturæ consultus ait: Quod succum suo temperamento similem efficere, & putridas febres gignere soleant. De pinguedine ipse quoque Pœta ita canit: Quis medicorum senectutis mala profligabit? Quis medicorum obesorum pinguiumque morbos sanabit? Quinto mone eum, ut multo manè surgat, & fundendis precibus sacram ædem adeat; valde equidem mihi probatur hoc Judæorum institutum laudabile, quo summo mane non tantum adulti; sed ipsi etiam infantes alacriter surgunt, & preces suas recitant. Inter Christianos vero, non nisi solæ vetulæ & claudi ad matutinas preces reptare & claudicare solent. Cum tamen verissimè dicat sapiens quispiam: Omnium cupiditatum frenum esse preces: Præceptor respondet: Vereor, o Rex, ne, si illum castigavero, easdem mihi olim referat gratias, quas Nero præceptori suo Senecæ olim retulisse dicitur, cum illum corripuisset. Rex contra: Ego quidem
spon-

spondeo, a filio meo nihil tibi periculi fore. Præceptor respondet; **D E U S** te nobis, o Rex, diu servet superstitem : sed, si tu tandem fatis concedens in cœlestes beatorum sedes commigraveris, quo ego vadam, illucne, & sponforem meum quæram ? Tum Rex: si filium meum castigare volueris, ne te iratum esse ostendas, quod faciunt acres acceptæ injuriæ vindices, quin benigno & placido semper animo eum castiga, quemadmodum ipsi, qui fideliter monent, & optimè consultum volunt, facere debent. Hinc Rex ad **Thomam** conversus ait: Quanquam ad informandos filii mei mores, satis præceptorem monui pro sapientia mea : existimo tamen, cujusque hominis ingenium & mores ex conditione & concursu siderum, quæ ipsum primum nascentem aspexerunt, fingi & formari. Cui **Thomas** : Pythagorici aliud sentiunt, quorum sententiam, quæ sic habet, referam. Si quis sciat momentum illud, quo quis in utero materno concipitur : posse sciri ea, quæ infanti in utero accidant. Et si sciat momentum, quo quis nascitur: sciri posse omnia illa, quæ homini in vita humana, donec denascatur, sint eventura. Mores vero a consuetudine fingi tradiderunt. Quamvis quidem sidera magnam vim in humano corpore habeant, mores tamen ab educantium disciplina & eorum, quibuscum versan-

tur, consuetudine formari & pendere solent. Rex rogat: Quidnam Phythagorici sentiunt de cœlis, vocem habeant an non? Respondet Thomas: Phythagorici, cœlos vocem habere, sentiunt, & quidem longe dulcissimam. At obijciunt alii: Quodsi calor de cœlis ad nos usque pertingit, quidni & cœlorum vox ad aures nostras pervenit? quod subtile sane argumentum est.

Anno Secundo postquam regnare cœperat Rex Henricus, adducitur ad Regem homo quidam sylvester: cujus hæc facies erat. Capilli ad tibias usque pertingebant; barba ad ventrem promissa, supercilia palmum longa, hic sex perpetuos dies ferarum ritu herbis pascebatnr: quibus elapsis pauxillum panis comedebat. Deinde planè & articulate eloqui cœpit. Quem cum Rex rogaret, quodnam illi nomen esset? Respondit: mihi o Rex, Don Henrico Mendozæ nomen est, qui vixi cum patre tuo, cui cum consilium dedissem, ut regno suo ejiceret Judæos, me ipsum in locum, unde jam adductus sum, ejecit. Cui Rex: Recordor equidem patrem meum te in scientiis atque sapientiæ exemplis consulere solere. Ita sanè res est, inquit ille: librum quoque scripsi de mundi ortu. Rex inquit: Miror ego, quod Christiani, Judæi, & Muhammedani concordii sententia

tentia illud arcté tenere, atq; operose defendere solent. Mundum esse creatum: cum tamen res ea nullo certo argumento demonstrari possit: quemadmodum Aristoteles autor est. Respondet sylvester ille: Nec Aristoteles ipse argumentis probat, mundum æternum esse. Verba ejus hæc sunt: Omnes Philosophi, qui ante me fuerunt, mundum non creatum esse consentiunt, excepto uno Platone, & quæ sequuntur. Et si Aristoteles firmissimum aliquod argumentum habuisset, quid opus erat ad faciendam fidem aliorum testimonia advocare, & quid illi senserint, anxie recensere? Neque propterea minus verum erit illud: Mundum ortum suum aliquando habuisse, etiam si Aristoteles illud non crediderit. Rex inquit: Quid sentis de D E I cura rerum creatarum, quam providentiam appellamus? Respondet sylvester: De ea re, jam olim Melchior de la Torre uberius scripsit, cujus verba hic adscribere est visum. Ex admirando illo creationis opere intelligitur D E I providentia; dedit enim D E U S magnos dentes atque ungues feris illis, quæ ad vitam sustentandam carniū esu indigent. Avibus aquaticis pedes quadratos, ut nant: rostrum oblongum, ut vermes capiant. Avibus terrestribus pedes longos, ut lutum transiliant: quas præterea caudâ longâ ornavit, quæ volatui servit,

eundem enim usum præstat avibus cauda, quem navibus gubernaculum præstare solet. Ingenitus est femellis major, quam maribus ad enutriendos pullos amor, quæ facilius ploratum eorum sedare possunt; excepta tamen ursa atque leæna, quæ nullo in catulos amore tanguntur. Leo & felis aliis animalibus insidias struunt: quemadmodum Reges in bello hostibus suis insidari solent. Rex rogat: Num etiam, postquam tam graviter peccarunt Judæi, ulla DEUM eorum cura tenet? Respondet sylvester: Imo tanto intentiori curâ eos tuetur DEUS, quanto reliquis mortalibus abjectiores sunt. Ad quæ Rex: Improbi isti Judæi minus benè sentiunt & loquuntur de nobis, quam nos de illis & sentimus & loquimur. Audivi enim Judæos cultrum de mensa dejicere, cum preces dicunt, quia culter Esavi, quo nomine Christianos signant, fors illa est, quam ultimis votis pater moriturus filio est precatus. Nolunt enim sibi, dum DEO pro cibo laudes dicunt, cultrum jungere: adeo illi pejus nos, quam nos ipsos odimus: cum tamen ipsi nostro, nos non ipsorum imperio subsumus. Respondet sylvester ille: Cum legatus in Arragoniæ regnum profiscerer, offendi sapientem quendam virum, obscure dictorum intelligentissimum, cui Ben Dinæ nomen erat: qui eò id a Judæis fieri affirmabat, quo

quo Esavi vota implere, atque dicta comprobare viderentur. Esavum enim Jacobo fratri suo munera sibi ferenti dixisse Gen. cap. xxxiii. v. 9. Sit tibi, quod tuum est, frumentum & vinum inquam. Mihi vero sortem meam, quam moriens mihi pater est precatus, gladium dico, relinque: Quare Hebræi, cum laudes pro cibo Deo optimo maximo agunt, suum cuique tribuentes, gladium Esavo adjudicant. Rex inquit: Apud me habita, te omni honore, quo dignus es, prosequar. Cui sylvester respondet: Haut apud te vivam, o Rex, licet regiam tuam argento plenam mihi contuleris. Ubinam sunt voluptates & omnium deliciarum illecebræ, nisi hic? Si quis expectat ciborum delicias, in quibus digerendis ipsa etiam natura laborat & deficit, ubinam illas, nisi in Regum mensis inveniat? Si quis quærat pretiosas vestes ex omnibus orbis terrarum partibus comportatas, ferarumque pelles, nusquam, nisi apud vos, meliores inveniat? Ubinam major est mulierum lascivia, quæ vestibus auro distinctis indutæ coram vobis in conspectu vestro tripudiant atque choreas ducunt? Interea cacodæmon in animis vestris tripudiat atque triumphat. Ubinam purpurati Musicis instrumentis non DEUM; sed mulierum papillas laudant, & Pescennina carmina cantillant, nisi hic? Quid autem
rei

rei vobis cum istis, quæ equo & asino jucunda, homini autem merito turpissima esse debebant. Rex contra inquit: Nonne disertim in Judæorum monumentis scriptum extat? Dignas regibus delicias esse omnis generis cupedias & scitamenta, aromata, vina, triticum, palatia, hortos, pomaria, tapeta auro argentoque distincta, psaltrias, ministros, saltatores, cantores, exploratores, speculatores, arma, equos, argentum atque aurum. Sylvester inquit: Propter omnes istas deliciarum illecebras universi isti Reges paucis annis regnarunt, & acerba morte ante diem perierunt, quod & tibi eventurum præfagio, nisi quamprimum resipiscas. Procaci hac oratione irritatus Rex, satellitibus suis imperat, ut ipsum securi percutiant, ille, cum mortem instare cerneret, ita locutus esse dicitur: Nunc mea me scelera petunt, eodem supplicii genere me duos Judæos in Valentina via quondam sustulisse memini: Justissimam summi Numinis severitatem agnosco, & toto animo veneror.

Exemplum literarum, quas vir prudentissimus atque optimus M. Mesullamus civis Romanus misit ad Hebræorum cœtus, per Maximi Pontificis & Neapolitanorum imperium dispersos. Scitote Clarissimi cœtus, qui pietatis officiis legiq; divinæ operam datis: Magnum illum & fidissimum vindicem DE-

UM,

UM, qui olim vobis laborantibus propitius
 adfuit, etiamnū vobis imminenti periculo eri-
 piendis adesse præsentem. Primo natalitii fe-
 sti die duo purpurati Regis Hispaniarum ad
 Pontificem maximum veniunt petentes, ut il-
 le Iudæos finibus suis exterminaret: Dignum
 enim esse Pontifice maximo, qui Christi vicem
 sustineret in terris, tanquam ducem omnibus
 Regibus exemplo suo præire, eos ad simile stu-
 dium inflammare, & pessimam Iudæorum gen-
 tem, in DEUM, ejusque filium contumelio-
 sissimam, quem summo scelere fœdissimè oc-
 ciderint, regno suo quamprimum expellere,
 cujus autoritatem cæteri Reges alacriter secuti,
 ad simile pietatis studium inflammarentur.
 Pontifex maximus vero vir equi & boni aman-
 tissimus, iis hunc in modum respondet: Re-
 gum, qui hoc tempore vivunt, ingenium satis
 mirari nequeo: male habet ipsos; quod Iudæi
 maligni sunt & DEO peccant: Cum tamen
 Reges, populi curatores, qui DEI vicem in ter-
 ris gerunt, merito Iudæorum supplicium
 DEO remittere oporteat; qui illos creavit,
 & propter commissa quondam crimina satis
 castigavit etiam antequam Reges isti nasceren-
 tur.

M m m

tur.

tur. Quodsi illi se macerant & cruciant, quod inter Iudæos sint impii: ego me macero, quod in eorum numero viri pii reperiantur. Legi enim in omnium Imperatorum Romanorum annalibus: Iudæos, quando DEI sui legem servare neglexerint, continuò cecidisse. Quando vero diligenter eam servarent, ipsis etiam Romanis superiores fuisse. Tum Antistes à Pontifice maximo secundus ait: Si Hispaniarum Rex Iudæos ejicere studet, non quidē ejiciet illos, quia mali sint, aut gravius delinquant; sed ne cives suos corrumpant, & omnibus malitiæ exemplis editis, illis facem ad scelera præferāt. Nec est, quod longè abeamus, ipsi Iudæi nobis exemplo sunt, qui cum in Ægypto essent, Ægyptia gens pravissimis moribus corrupta, ipsos quoq; consuetudine sua corruptit; quod sacrę literę testantur Deut: c. xxvi. v. 6. Malum nobis dederunt Ægyptii: quorū verborū sententia est: prava vitę mores Iudæos ab Ægyptiis fuisse doctos: alioquin enim si verba illa. Malum nobis dederūt. de injuria Iudæis facta intelligēda essent, super vacuum certe fuisset, addere illa, quę sequuntur Deut. eodē versu: Et afflixerunt, imposueruntque nobis servitutem duram. Sed per vocem illam,

illam, *Et affligerunt nos* : omnes injuriæ & vexationes capiendæ sunt. Deinde huic tam pio Regis Hispaniarum studio sacræ etiam literæ suffragantur Exod. c. xxiii. v. 33. Ne habitent in terra tua, ne forte peccare te faciant. Adhæc Pontifex maximus ait: Dum res Ægyptiorum velut in transitu attingitis, venit in mentem scrupulus quidam & dubitatio, quam mihi sacrarum literarum locus quidam injecit narrans: Num. cap. xxxi. vers 4. In Diis eorum fecerat DEUS judicia. Ex quo clare liquet, DEUM simulacra averfari : quod si DEUS simulacra abominari videtur, quomodo nos igitur illis supplices positus genibus honores deferimus? Antistes respondet : Ne mirum tibi hoc videatur, ô Pontifex, longe enim alia res est, nemo existimare debet, imagines nostras, quas veneramur, Ægyptiacis similes esse. Nos enim ad exemplum ipsorum Cherubim, qui in intimo Fani adyto positi fuerant, sanctorum virorum, qui Christum imitati sunt, imagines fingere solemus. Ægyptii vero astrorum simulacra habebant, quæ cum magnâ virtutem in inferiorem hunc mundum exercent; mortales facile in superstitionum errores impellebant; cum ipsa DEOS esse existimare

M m m 2 possent.

possent. Quapropter sacræ literæ simulacra fingi prohibuerunt. Si quis vero flexis genibus Pauli simulacro cultum aliquem exhibeat, certè non exhibet ut DEO, quia illum quoque hominem fuisse novit. Præterea aliud divini cultus genus habebant Ægyptii, quo primogenitos filios suos persecuti fuere. Tradunt enim Ægyptiorum historiæ: In Ægypto patres cum liberis filii primogeniti manus supplices osculari solitos fuisse. Illum enim, qui primogenitus erat, Deo similem esse censebant. Extincti fortè faciem in cubiculorum suorum parietibus depictam, post mortem quoq; flexis genibus submisisse venerabantur. Pontifex inquit: Istis argumentis abundè satisfactum mihi est: nunc ad propositum unde digressi sumus, revertamur. Equidem non video, quod tantum crimen in nos commiserint Iudæi, quamobrem exilii pœnâ digni esse videantur. Qui enim hoc unum student, ut mali esse possint: inter Christianos meliores malarum artium scelerumque magistros, quam inter Iudæos inveniant. Omnes tamen primates & nonnulli præsulum quoque, Pontifici maximo Iudæos in exilium ejcendos esse, serio suadent; sed non persuadent.

Donec

Donec tandem præsulum quispiam suos ministros dolis atque artibus instructos callide subornaret; ut Iudæum quendam surreptę ex Christianorum Æde imaginis argenteę accusent, quo infontibus exilii causa esse possint. Hi mox artem aggressi, fraudi firmandę testes pro animi sententia inventos adducunt, per quos insons ille Iudæus falso crimine convictus, in crucem sublatus est. Præsules rem modo gestam ad Pontificem maximum deferunt; qui ait: Hoc nefarium sacrilegium arguit extremam Iudaicę gentis malitiam. Non enim arbitror, Iudæum alia de causa vitam tanto discrimini exposuisse, nisi religione suorum, nostrorum vero sacrorum contemptu. Istam enim imaginem, sine dubio, igni liquefacturus erat: ut occulto hoc ignis supplicio graviolem sacris nostris injuriam non sine quęstu inussisse conscius, tacito impietatis gaudio exultaret. Proinde, non eos jam exilio; sed alia graviore pœnâ mulctabo: liberi eorum infantes sacra lotionē abluti Christianis sacris extemplo initiantor. Adulti vero, si sponte sua religionem nostram amplexi fuerint, salvi sunt. Quod si facere negent, ferro pereunto; Facultates tamen

M m m 3

eorum

eorum liberis atque hæredibus relinquuntor. Ne hic ingenium meum Regum ingeniis, qui una cum vita simul etiam bona eripiunt, simile esse videatur. Mox Pontifex maximus diplomata conscribi jubet: quibus Iudæos ad Christiana sacra compellendos esse edicebatur. Eadem forte nocte Præsul ille, qui omnis mali dolos machinasque fabricaverat, apud Pontificem maximum cœnans, exclamare cœpit. Heu! Heu! capiti meo! Vix hæc verba ediderat, quin de sella, cui insidebat, exanimis humi delaberetur. Quod Pontifex maximus cernens, consiliariis suis ait: Vereor certè, ne præsul mali sui consilii, quod contra Iudæos dedit, pœnas luerit. Vetuit itaque ministros suos, edictum hoc ad tubæ vocem promulgare, alii tempori, similique rerum articulo reservandum. Nocte autem proximâ alter præsul, qui in locum ita subito & inopinato extincti suffectus erat, ad cœnam vocat omnes primates, præsules atq; legatos, qui Romam venerant, Iudæorum exilia flagitantes. Eadem nocte maximo terræ motu, cui parem nulla unquam vidit ætas, Roma conquassata fuit: cujus quidem incredibilis tremor nullum plane damnum dedit, neque aliquas

quas ædes evertit, nisi solas illas, in quibus magnificum illud apparatus erat epulum, æ enim ædes collapsæ omnes primates, præsules atque legatos ad unum ruinâ oppresserunt. Rumore hujus cladis ad Pontificem perlato, prorsus existimabat ille, fatalem istam calamitatem divinitus immissam esse, quod, conjuratione contra Iudæos factâ, falsis criminibus circumventos insontes evertere conati essent. Comprehendi igitur illum hominem jubet, qui Iudæum surreptæ sacræ imaginis accusaverat; habita quæstione de sacrilegio, fassus est, artem fraudemque fuisse à Præsule repentinâ morte extincto conflata. Pontifex maximus inquit: Cum pertinax istud in miserorum exitium, conjurandi studium video; ignoscite fasso, propemodum adducar, ut credam, Christum etiam à Iudæis occisum, odio gentis per calumniam confectum fuisse. Ut ut est, video ego, hoc malum nobis fato quodam propter Iudæos immissum, nec sine causa herclè. **D E U S** enim ipsa justitia, qui nunquam sine gravi causa tam misera calamitate præsules omnes oppressos extinxisset, proinde non possum non amare eos, quos non desinit amare **D E U S**: qui uti-
nam

nam nos divinâ suâ luce collustrare dignetur, & det mihi morte jungi iis, qui inter ipsos vera pietate excellunt! Mox diplomata illa contra Iudæos promulgata rescindi & falsum illum accusatorem rōgo exuri jubet. Ex eo tempore Pontifex maximus Iudæos æstimare, eosque tam effusâ benignitate prosequi cœpit, ut eorum votis atque desideriis nunquam deesset. Adeo ut sub illo deinceps in alta & invidenda pace agitarent Hebræi, cum nemo usquam existeret, à quo illis injuria ulla oreretur. Iure igitur veneremur magnum illum scelerum vindicem DEUM, qui invalidum à potentiorum injuria propitius defendit.

F I N I S.



